

2884

100

1/2

MED. 8887

3-2-19

R. 202.355^M 616-0

ALEXANDRI

P.31 a

PASCOLI PERUSINI

IN ALMO URBIS ARCHIGYMNASIO

*Medicinæ Professoris Primarii, totiusque
Status Ecclesiastici*

PROTHOMEDICI GENERALIS

De Homine, sive de Corpore humano vitam
habente, ratione tum prosperæ, tum
afflictæ valetudinis

LIBRI TRES.

*In quibus ad Mentem tum Veterum, tum Recentiorum Theoria, ac
Praxis Medica novâ, clarâ, ac brevi methodo exponitur.*

TOMUS TERTIUS.



ROMÆ MDCCXXVIII.

Ex Typographiâ Hieronymi Mainardi apud theatrum Capranicense :
SUPERIORUM PERMISSU.

INDEX CAPITUM

LIBER TERTIUS.

Sectio Prima.

CAPUT I. D E Oculis.	pag. 1
CAP. II. De Ophthalmid.	10
CAP. III. De Auribus.	17
CAP. IV. De Naso.	23
CAP. V. De Lingua, ejusque partibus adne- xis.	26
CAP. VI. De Glandulis salivalibus, & de Uvula.	30

Sectio Secunda.

CAPUT I. D E Testibus.	34
CAP. II. De Pene, & Scroto.	39
CAP. III. De Gonorrhœa.	43
CAP. IV. De Gonorrhœa nothâ, tum benignâ, tum malignâ.	47
CAP. V. De organis Mulierum generationi inser- ventibus. Ac primò de Utero.	56
CAP. VI. De Testibus Mulierum, sive ovariis.	62
CAP. VII. De Mensum defectu, imminutione, & suppressione.	64
CAP. VIII. De Affectione Hysterica.	72
CAP. IX. De Chlora.	76
CAP. X. Quicquid de Fœtu observamus mensibus gesta-	



<i>gestationis posterioribus .</i>	84
CAP. XI. <i>De Visâ fœtus in Utero , ac nutritione , necnon etiam de Partu .</i>	88
CAP. XII. <i>De Symptomatibus prægnantis , & Abortu .</i>	97
CAP. XIII. <i>De Conceptu falso , sive Mola .</i>	101
CAP. XIV. <i>De Partu difficili , sive cum labo- re .</i>	104
CAP. XV. <i>Quid sit Meconium , & quo pacto ejus causâ , extra uterum ledi possit recens natus Infans .</i>	119
CAP. XVI. <i>Quo pacto lactis vitio quandoque leda- tur Infans .</i>	124
CAP. XVII. <i>De Vermingione .</i>	127
CAP. XVIII. <i>De Dentitione difficili .</i>	134
CAP. XIX. <i>De Rachitide .</i>	146
CAP. XX. <i>De Variolis , & Morbillis .</i>	151

Sectio Tertia.

CAPUT I. D <i>E Hydrope .</i>	167
CAP. II. <i>De Podagrâ .</i>	180
CAP. III. <i>De Lue Venereâ .</i>	186
CAP. IV. <i>De Scorbuto .</i>	196
CAP. V. <i>De Rheumatismo .</i>	213

INDEX HISTORIARUM

Sectio Secunda.

Historia I.	D E <i>Gonorrhœa</i> .	50
Historia . II.	De <i>Chlorosi</i> .	77
Historia . III.	De <i>Partu difficili</i> .	106
Historia . IV.	De <i>Verminatione</i> .	131
Historia . V.	De <i>Epilepsiâ Infantili</i> .	139
Historia . VI.	De <i>Rachitide</i> .	149
Historia . VII.	De <i>Variolis</i> .	157

Sectio Tertia.

Historia I.	D E <i>Hydrope</i> .	172
Historia . II.	De <i>Lue celticâ</i> .	188
Historia . III.	De <i>Scorbuto</i> .	199
Historia . IV.	De <i>Rheumatismo</i> .	216
Historia . V.	De <i>Stranguriâ</i> .	226

IMPRIMATUR.

**Si videbitur Reverendissimo Patri Sacri Palatii
Apost. Magistro.**

N. Baccarius Episc. Bojanen. Vicefg.

IMPRIMATUR.

**Frater Gregorius Selleri Ordinis Prædicatorum
Sacri Palatii Apostolici Magister.**

LIBER TERTIUS

De iis, quæ tum secundum, tum præter naturam, ratione sensuum, & generationis præsertim, in corpore humano vitam habente exoriuntur; necnon etiam de nonnullis aliis affectionibus, quæ humores universos inficere solent.

SECTIO PRIMA:

De Sensuum organis, deque iis, quæ, ratione eorum in corpore humano vitam habente, tum secundum, tum præter naturam contingere solent.



C A P U T I.

De Oculis.



Eluti viscera corporis humani viventis respicere possumus sensuum organa: ea nimirum, quæ ter Opt. Max. Opifex in ventre superiori, in capite videlicet, graphicè compegit; quippe quæ, vel cranio maximâ ex parte condantur, vel cra-

Enumerantur
oculorum par-
tes.

nii cavis, sinibusque exterioribus excipiantur. *Sunt enim e terrâ homines non ut Incola, atque habi-*

Tom. III.

A

ta-

tatores, sed quasi spectatores superarum rerum, atque celestium: quarum spectaculum ad nullum aliud genus animantium pertinet. Sensus autem interpretes, ac nuntii rerum, in capite tanquam in arce mirifice ad usus necessarios, & facti, & collocati sunt. Nam oculi tanquam speculatores altissimum locum obtinent, ex quo plurima conspicientes fungantur suo munere. Et Aures, quum sonum recipere debeant, qui natura in sublime fertur, recte in altis corporum partibus collocatae sunt. Itemque nares, eoquod omnis odor ad superiora fertur, recte sursum sunt. Et quoddam cibi, & potionis iudicium magnum earum est, non sine causâ vicinitatem oris sequuntur sunt. Tam gustatus, qui sentire eorum, quibus vescimur, genera debet, habitat in eâ parte oris, quâ esculentis, & poculentis iter natura patefecit. Tactus autem toto corpore æquabiliter fusus est, ut omnes ictus, omnesque nimios, & frigoris, & caloris appulsus sentire possimus: Pereleganter Tullius (a). Ab oculis exordiri inclinatur animus; quorum tamen partes, aliæ exteriores sunt, uti palpebræ, supercilia; interiores aliæ, ut globus, muscoli, ac tunica vestientes.

Superciliorum
structura, & u-
sus.

Supercilia in arcus pilis ubique refertos, ad frontis confinia, non procul a palpebris superioribus, incurvantur. Extrema ad nasi radicem dicuntur *principium*, sive *superciliorum caput*. Ad tempora nuncupantur *finis*, sive *cauda*. Præter pilos extrinsecus ubique dispositos, in superciliis occurrunt cuticula, cutis, & plurima pinguedo, quâ intercedente, in vultus venustatem non indecorè extuberat frons inferior. Occurrit insuper membrana carnea, pluribus contexta fibris, quæ a musculo frontis lato membranaceo superiori explicatur; cuius ope, mo-
veri,

(a) De Natura Deorum lib. 2.

veri, & in rugas contrahi queunt supercilia. Superciliorum usus est, ut suis, quas habent prominentias, & pilos, radios nimios obtundant, eosque infringant, ne ictu, ut ita dicam, pleno, oculorum feriant aciem. Hinc in luce nimiam deprimere cogimur supercilia, atque adea manus admove, quibus radorum vim quodammodo infirmemus.

Palpebræ binæ in utroque sunt oculo. Altera superior. Inferior altera. Pertenui utraque compaginatur tunicâ, membranâ carneâ, nullâ penitus intercedente pinguedine, musculis, ac periosteo, sive pericranio, quod a partibus producit proximis. Quâ mutuo sese contingunt palpebræ, angulos oculorum efficiunt, sive *cantbos*, exteriorem, atque interiorem. Exteriorem, qui *minor* dicitur, versùs tempora. Interiorem, qui *major* vocatur, ad nasi radicem construunt. Palpebra inferior in corpore humano vitam habente vix movetur. Superior contra, eoquodd fursum, atque deorsum ascendendo, & descendendo, celerrimè moveatur, binos iccirco musculos habet, qui sub membranâ carneâ, inter carneam videlicet, atque membranam illam palpebrarum interiorem perquam exilem, quam sobolem esse diximus pericranii, statim obversantur. Alter musculus proprius est. Alter communis vel palpebræ inferiori. Proprius provenit ab imâ orbitâ ad foramen nervi optici. Exoritur tendine perquam exili, coque oblongo. Rectâ inde supercilium conscendit, ubi in substantiam membranaceam explicatur. Mox per palpebram superiorem desinit in palpebram extremam, in ejus videlicet circumferentiam inferiorem reclinatus. Musculus præfatus a munere, *elevatoris* nomen sibi vindicavit; palpebram siquidem superiorem attollit. At in eundem quoque finem musculus

Quid sint palpebræ, earum, que musculus, qui dicitur elevator.

frontis latus agit, qui a munere, situque suo, musculus item dicitur supercilii. Quapropter cuicunque, qui oculos latè prolatet, & frons corrugari debet.

Quid sit musculus palpebrarum orbicularis.

Orbicularis, sive palpebrarum clausor, vel communis, fibrarum ductu quodam ovali palpebram, utranque undequaque circumdat; atque angulis oculorum firmiter inhærens, palpebram superiorem, fibris contractis, deprimit, æquè ac inferiorem nonnihil attollit. Hinc oculos claudit.

Quid sint puncta oculorum lacrymalia.

Palpebris extremis cartilaginee quædam apponuntur molliusculæ, semilunares, palpebris explicandis potissimum inservientes, ut æqualibus ubique factis palpebrarum confiniis, adamussim claudantur. Cartilaginee istæ palpebrarum efficiunt *tarsum* penes Græcos, *cilium* penes Latinos. Quamobrem ciliorum dicuntur pili, qui bulbis tarso inserti producuntur ex palpebrarum margine; ubi eundem ferè præstant usum, quem in superciliis. Punctis ubique perviæ obversantur lacrymalibus, quorum plurima osculis propatulis ad narium proficiscuntur recessus. Quocirca tenui lymphâ jugiter irroratur oculus, quæ ex glandulis minimis exudat lacrymalibus, quorum tubuli excretorii in puncta desinunt lacrymalia.

Describuntur glandulæ oculorum lacrymales.

Glandulæ lacrymales valde conspicuæ ex angulis oculorum insurgunt. Ea, quæ angulo insidet exteriori, nomine caret. Quæ ab interiori nonnihil extuberat, propriè dicitur *lacrymalis*. Hæc substantiâ suâ foramen operit cranii lacrymale, quod communicat cum ossè cribriforme ad nasi radicem. Glandulæ præfatæ per utranque palpebram ad puncta lacrymalia pro lacrymis edendis minima emittunt excretoria.

Palpebrarum vasa.

Arteriolas habent palpebræ a carotidibus exterioribus. Venulas a jugularibus exterioribus. Nervos a pari quinto, ac septimo medullæ oblongatæ intra cranium.

Ocu-

Oculorum globos, tanquam velamina, tegunt palpebræ, eosque arcant ab incommodis exterioribus. Eorum ambitum intrinsecus humectant, & detergunt, ut limpidi semper, & clari servantur: ut videlicet lucis radiis excipiendis, immittendisque, non impares unquam fiant.

Palpebrarum
usus.

Oculorum globus, nonnullis gemma, vel bulbus, orbitæ cranii, sive potius calvariæ, statim sub palpebris infunditur. Figuram perhibet globosam, anteriùs tamen nonnihil expositam. Tunicis vestitur. Humores continet, tum fluidos, tum concretos. Vasis irrigatur. Triplici tunicâ vestitur globus. Exterior dicitur *cornea*, sive *sclerotes*. Media *uvea*. *Retina* interior. Cornea valida est, crassior, pellucida. Undequaque circumducitur per gemmam anteriorem. Huic extrinsecus alia perquam tenuis adnascitur membrana, opaca, colore albo prædita, quæ provenit a pericranio. Dicitur *albuginea* a colore, necnon etiam *conjunctiva* a munere; quum per hanc, veluti per ligamentum membranaceum, alligetur globus circumferentiæ, ac partibus orbitæ interioribus. Albuginea foramen habet rotundum in facie anticâ, per quod sese profert substantia corneæ pellucida, necnon etiam pupillæ foramen, cujus ambitus versicolor est.

Describitur
gemma, sive
bulbus oculi,
& præ-
section corneæ.

Sub corneâ occurrit uvea, cui, in facie præsertim anticâ, adnectitur per fibrillas. Tenuior est, atque opaca. Ejus namque substantia atrâ quasi inficitur fuligine. Pervia est anteriùs ob foramen illud rotundum in oculis admodum conspicuum, quod nuncupatur *pupilla*. Pupillæ ambitus versicolor extremus nuncupatur *iris*. Non videtur iris, nisi plexus fibrarum, quæ ab iride, sub retinâ rectâ ferè producuntur ad nervum usque opticum. In parte bulbi posteriori ligamenta, sive vincula producuntur ciliaria; quæ mi-

Describuntur uvea, pupilla, iris, & reliqua.

minimi tamquam musculi oblongi radiatim in iridem pergunt, quam identidem explicant : pupillam videlicet explicant, quæ propterea in lumine nimio, iridis ope, per minimum tamquam sphincterem peculiarem, contrahitur.

Describitur
retina.

Intra uveam expanditur retina, ad faciem tamen posteriorem. Mollis est retina, perquam tenuis, albicans. Nequaquam ambit bulbi circumferentiam, universam interiorem; quinimmo desinit undequaque ad confinia humoris crystallini, circumcirca bulbi sectionem anteriorem.

Quo pacto oculorum membrana a nervo optico explicatur.

Tunicæ præfatæ explicantur omnes a nervo optico. Atque adeo dici potest, nervo optico intercedente, eas a meningibus, atque a cerebro exortas esse; siquidem nervi optici, qui crassissimi sunt, aliquibus saltem fibris, a medullâ oblongatâ ad basin cerebri, ex communi ferè principio, exoriri videntur. Exinde abinvicem recedunt. Mox rursus coeunt, ac mutuo plerumque sese contingunt. Postmodum iterum divaricati, ad gemmas utrinque tendunt; quas in facie posticâ per foramen, quod in orbitâ mediâ intus occurrit, attingunt. Simul ut in gemmam pervenerint, sese explicantes in membranarum formam, ex utroque latere gemmarum construunt tunicas. Tunica exterior nervi optici, videlicet dura mater, producit corneam. Media, nimirum pia, producit uveam. Substantia demum nervi optici medullaris interior, in retinam extenuatur. Quocirca inferre non injuriâ debemus, lucis radios, qui retinam afficiunt, ex retinâ quodammodo, sive per substantiam interiorem nervi optici, sive per motum repercussum spirituum animalium, & cerebrum afficere, & vibrationes suas in sublime proventus sensorio impertiri.

Tres

Tres sunt oculorum humores. *Aqueus. CrySTALLINUS.*

Enumerantur
oculorum hu-
mores, & vi-
treus describi-
tur.

Vitreus .: Aqueus colligitur in parte globi anteriori, statim post corneam; quapropter, eâ perforatâ in parte anticâ, effunditur. Aqueo mox succedit crySTALLINUS, quem subsequitur vitreus. Vitreus humor maximam bulbi occupat partem; quippe a retinâ, quam ubique tangit, producitur ferè ad pupillam usque. Dicitur vitreus, quia substantiam, & consistentiam vitri fusi per similem habet. Mollis est, & limpidus: ubique nempe pellucidus. Ejus figura a parte posticâ, cui adhaesissimè aptatur retina, globosa est: A parte anticâ, versùs pupillam, deprehenditur cava; suâque capacitate crystallinum excipit. Propriâ obducitur tunica, tenuissimâ, pellucidâ, quæ *vitreæ* nominatur.

CrySTALLINUS, vel ipse licet pellucidus, densior tamen est, quàm vitreus; quocirca crystallinus appellatur. Ejus figura lenticularis est, antè nonnihil depressa. CrySTALLINUS quoque propriâ vestitur tunica perquam exili, æquè ac pellucidâ, quæ dicitur *crystallina*, sive *arachnoides*. A circumferentiâ humoris crystallini fibrulæ proficiuntur nonnullæ, quæ per faciem exteriorem tunicæ vitreæ, aliis consociatæ, ligamenta ciliaria compingunt; quæ extrinsecùs in tunicâ vitreâ, veluti radii plures deprehenduntur; qui a circumferentiâ humoris crystallini tendunt ad confinia nervi optici, in parte posteriori humoris vitrei, proximè sub retinâ.

Describitur cry-
STALLINUS, uni-
cum ligamentis
ciliaribus.

CrySTALLINO antè circumfunditur aqueus, qui colligitur, uti monuimus, in sectione bulbi anteriori: in eâ videlicet capacitate, quæ intercipitur inter corneam, & humorem crystallinum. Exudat fortasse ex glandulis minimis, ubique dispersis per tunicas oculorum interiores; sive per ductus quosdam aquosos,

Quid sit propriâ
humor aqueus,
& unde proveniat.

a cla-

8 LIBER III. SECT. I. CAP. I.

a clarissimo Nuck non ita pridem detectos, Sectore inclyto Agienſi, teſte Blancardo. Egrediuntur ductus præfati ab arteriis carotidibus, calvarię incluſis. Pluribus exinde ramuſculis ſeſe effundentes, in bulbos anteriores dehifcunt non procul a pupillâ. Enim verò, ſi per vulnus inſlictum blandè exudat humor aqueus, brevì reproducitur.

Deſcribuntur
muſculi oculo-
rum recti.

Oculorum globus quatrifariam rectâ movetur. Biſariam obliquè. Rectâ attollitur, deprimitur, adducitur, atque abducitur. Obliquè vergit ſuſum ad angulum interiorem, & declinat ad angulum exteriorem. Hinc muſculos quatuor habet rectos. Binos obliquos. Recti, perexiles ſunt. Egrediuntur principio communi ex orbitâ interiori ad foramen nervi optici. Exinde abinvicem recedunt, rectâ ſinguli tendentes ad quatuor veluti cardines oculorum adverſos. Verùm in facie bulbi anticâ ruſus conveniunt, tendinibuſque ſuis decuſſatim oppoſitis ſub tunicâ adnatâ, in ſuperficie tunicæ corneæ, membranam tendinoſam, ſatis validam conficiunt. Muſculus ſuperior dicitur *elevator* a munere, necnon etiam *ſuperbus*. Inferior dicitur *depreſſor*, ſive *humilis*. Qui producit per angulum oculorum interiorem, eoque quodd oculorum globum rectâ adducat verſus angulum interiorem, *adductor*, a nonnullis *potator* quoque nuncupatur. Alter contra, qui oculorum globum adducendo ad angulum oculorum exteriorem, eum abducit ab angulo interiori, muſculus nuncupatur *abductor*, ſive *indignationis*. Muſculi recti, ſi uno eodemque tempore inſimul contranitentes æquè agant, fieri minimè poteſt, quominus globum complanent, eumque adducant verſus orbitam interiorem.

Deſcribuntur
obliqui.

Ex obliquis alter ſuperior eſt, alter inferior. Superior tenuis, oblongus, originem ducit ex eodem or-

orbis loco, unde recti proficiscuntur. Mox oblique ad angulum ascendit oculorum interiorem versus radicem nasi. Ad nasi radicem, cartilagineam quandam offendit perviam, quæ dicitur *trochlea*. Hanc subitendine quodam perquam exili, longissimoque; qui per faciem bulbi anticam sese reflectens, in iridis confiniis definit. Inferior brevis, crassior, latus, confurgit ab osse subiecto, ab angulo oculorum exteriori non procul. Exinde oblique producit per faciem bulbi anteriorem ad finem usque superioris, ubi vaneſcens omnino deletur.

Inter musculos hosce glandula inseruntur minima, quæ uliginem quandam pinguem, oculis emolliendis, lubricandisque, insudant.

Unde proveniat oculorum uligo pinguis.

Musculi, & tunica præfata arterias habent a carotidibus. Venas a jugularibus, ac præsertim interioribus. Nervos, præter opticum, a conjugatione tertiæ medullæ oblongatæ intra calvariam.

Vasorum bulbi origo.

Per oculos visio fit. Quandoquidem ab objectis conspicuis, lucis radios pupillâ excipimus. Exceptos humoribus infringimus; qui in conos propterea extenuati, coactique, retinam apicibus attingunt. Objectorum imagines in eâ delineant, sive potius expingunt, inversas tamen; quibus opticoꝝ concitant substantiam ad sensorium usque commune; quod præfatas excipit imagines, easque menti, eâ, quâ fieri potest lege, postmodum exhibet.

Oculorum usus.

CAPUT II.

De Ophthalmiâ.

Definitio, &
Diagnosis.

Affectiones, quæ oculos invadere solent, utpotè quæ innumeræ prope sint, & ad Chirurgiam propriè spectantes, hic singillatim recensere haud inclinatur animus. Nihilofecius, quum earum nonnullæ, quæ frequentius occurrunt, quæque interiora non minus, quàm exteriora requirunt auxilia, paucis saltem describere oporteat, eas, ut ordine prosequamur, in suas classes peculiare distribuendas ducimus; aliæ quippe tunicas oculorum lædunt, humores aliæ, aliæ nervos, musculos item et glandulas aliæ. Ex iis, quæ lædunt tunicas, aliæ inident *adnatæ*, aliæ *corneæ*, aliæ *utæ*. Si ad sint quæ retinam afficiunt, optidorum vitio eas adscribendas existimamus. Tunica adnatæ vitia sunt *ophthalmia*, *pterygium*, *pannus*, & *unguis*, *hypophagma*, *sugillatio* &c. De ophthalmiâ in capite præfenti fusè tantum nobis agere placuit, reliqua perfunctoriè animadvertendo brevissimè expolituris. Nihil aliud esse videtur ophthalmia, quàm *oculorum inflammatio, quæ tunicam afficit adnatam, quæque propterea dolorem infert, ac ruborem facit partis affectæ, lacrymarum eliciens profluvium, & hemisphæricam, item et cephalalgiam ex consortio quum sapissimè inducens*; siquidem, uti diximus, ex pericrani adnata proicitur. Ex quibus signa diagnostica educes.

Causæ:

Talis inflammatio, non secus ac reliquæ, ab humoribus provenit, qui moram aut in tubulis partis affectæ, aut in proximo neſtendo, eos infarciunt, efficiuntque, ut sanguis, motu locali retardato, in minimis sanguiferis, quæ per adnatam dirimuntur, stagnet,

gnet, æstuet, & concreſcat. Hinc arteriolas, & venulas extendens, fibrasque diſtrahens, eandem adnatam in tumorem attollit, ruborem, dolorem, & permoleſtum prope combuſtionis ſenſum per oculos ubique molitur.

Ophthalmia, nullum quamvis ut plurimum vitæ inferat diſcrimen, attamen ſi pervicax fuerit, ſi perſæpè recurrerit, ſi humor peccans acerrimus ſit, & ut vulgò dicitur, *ferinus*, minimè negligenda; eo quippe in caſu aut ſuppurat, aut bulbi tabem, aut ſuffuſionem, aut alias, quæ videndi facultatem planè adimunt, affectiones parit.

Oculorum inflammatio in corporibus præcipuè ſanis, modò lenis ſit, leni tantum viſtu facilè diſcutitur. Quum contumax, & perquam moleſta concitet ſymptomata, tum alvo aut clyſteribus, aut purgationibus lenioribus blandè priùs ſolutâ, ſanguis minuendus, iterum, iterumque ſi adhuc reſtiterit. Cæterum reliqua omnia, ratione tum diætæ, tum pharmacix, quæ viſceribus inflammatis proſunt, & ophthalmix curandæ apprimè conducunt. Ratione localium, ophthalmix evincendæ nil magis idoneum unquam adhibuimus, quàm aquam tepentem palpebris quæſæpiſſimè immiſſam. Si pro aquâ communi aquam ſlorum ſambuci, roſarum albarum, fœniculi, hiſque ſimilia ſubſtitueris; & ſpiritum vini, aut tutiam ſi addideris, vim in collyriis acues reſolvendi. Ad hæc, ſi nihilominus inflammatio adhuc reſtiterit, in pejuſ ceſſura, tum pediluvia, ſinapiſmata, & veſicantia partibus priùs infernis, mox etiam ſupernis admoveo; quibus humores concretos, niſi prorſus extenuaveris, aliorſum ſaltem avocabis. Si quis plura deſideret, obſervationes adeat chirurgicas Jo: Muys, qui (a)

ophthalmiam , ac ei medendi methodum pereleganter exposuit .

ANIMADVERSIONES AD THERAPEUTICEN, ET PRÆSERTIM AD CHIRURG. SPECTANTES .

Comprobatur
Veterum deri-
vationis , & re-
vulsionis usus .

N Il satiùs , quàm sanguinis missio ad ophthalmiam resolvendam per vices facta , in venis secandis , revellendi , derivandique , tanquam optimum , nobis adhuc probavit Priscorum usum ; evidentissimè quippe penè semper oculorum inflammationem exasperatam vidimus , sanguine supernè priùs , quàm infernè educito . Nos igitur aliorum erroribus cautiore facti , nec cervici , nec scapulis cucurbitulas scarificantes ad ophthalmiam extenuandam adhibuimus unquam , nec venas quidem in brachio secuimus , alvo nisi extersâ priùs , & sanguine aut ex pudendis , aut ex saphenâ largè imminuto . Id reperto sanguinis motu circulari , quicquid unquam in eo protulerit Inclytus Bellinus , difficilè quamvis explicare possimus , diutinè tamen experientiæ pervicaciter adversaremur , si rem tam certam , tamque exploratam cum Praxis medicæ prorsus imperitis , in ophthalmiâ præcipuè curandâ , negligentes non fateremur .

ANIMADVERSIONES AD PATHOLOGIAM, ET THERAPEUTICEN SPECTANTES .

Quid sit ptery-
gium, hyposphag-
ma , pannus ,
& quomodo di-
scutiantur .

P Ræter ophthalmiam , *pterygio* , *ungue* , *panno* , *hyposphagmate* , vel *suggillatione* adnata , uti diximus , afficitur . Pterygium affectio quædam est , quæ membranæ adinstar præter naturam adnatæ ex-
trine

trinfecùs accrefcens , videndi facultatem vel prorfus adimit , vel faltem infirmit . Si talis membrana craffior evadat , inæqualis , ac rubore , tametsi leviter , tingatur , dicitur *pannus* . Contra fi levis , ubique æqualis , tanquam in albam superficiem coextendatur , tum *unguis* propriè nuncupatur . Ideo concrefcit , quia humores , five in tubulis ad superficiem adnatæ ftagnantes , five extra infudantes fluorem amittunt , atque in folidiorem , quæ vel panni , vel unguis speciem referunt , fubftantiam congesti fiftuntur . Extenuatur pannus fotibus , fuffitibusque refolventibus . Saccharo abfumitur , offibus *sepiz* , oculis cancrorum , cryftallo montanâ , aliisque fimilibus in pollinem redactis , ac in palpebras intus per fiftulam , aut alio quovis pacto immiffis . Evenit non rarò , ut in adnatæ fubftantiâ , tubulis fanguiferis interioribus aut ruptis , aut exefis , fanguis exudans ita congeratur , ut maculam rubicundam , necnon etiam livefcentem in oculorum albo compingat . Id verè hypofphagma , five fuggillatio vocatur ; quod quum recens fit , nifi fpon te fuâ , aquâ tepente pluries admotâ facilè refolvitur . Non ita tamen , quum diu perftiterit , & potiffimùm ubi livefcit .

ANIMADVERSIONES PATHOLOGICÆ.

Affectiones præcipuæ , quibus præter naturam obnoxia videtur Sclerotis , quæ , ut anatome docuit , duræ meningis soboles eft , funt *crassities* , *nebula* , *albugo* , *pustula* , atque *hypopyon* . Crassities dicitur tum , quum cornea , hoc eft anterior fclerotis facies pellucida ad pupillam appofita , perquam tenui veluti caligine inficitur . Ex quo fit , ut qui tali affectione tentantur , objecta tanquam per caliginem intueantur .

Quid fint *crassities* , *nebula* , *albugo* , *pustula* , atque *hypopyon* , & quomodo curentur .

tueantur. At si concrefcens adeo inſpiffetur caligo, ut faciliùs extrinſecùs deprehendatur, tum *nebulam* compingit. Verùm ubi magis adhuc concreſcat, ut luculentiùs eam intuentibus apparens in maculam albeſcentem ante pupillam ſeſe coextendat, tum *albuginem*, aut *leucoma* progenerat. Puſtulæ ſunt miniſimi quidam tumores, qui ex corneâ inſurgunt ob læſionem externam ut plurimùm productæ. Hypopyon, quod et *pyoſis*, & *lunella* quoque dicitur, nihil aliud eſt, quàm pus quoddam vel ſub corneâ, vel inter corneam, & uveam collectum, quod ophthalmiam malè curatam non rarò inſequitur. Ut præfatæ affectiones eximantur, eadem propemodum, quæ ad ſuperiores extenuandas propoſuimus, exigunt auxilia.

Quid ſint pro-
cidentia pupil-
læ, dilatatio,
angultia, & quo
pactò iis medea-
tur.

Procidentia, *pupillæ dilatatio*, nec non etiam *angultia*, *ſuffuſio*, ſive *cataraçtu* inter morbos quamvis uveæ vulgò recenſeantur, propriè tamen ad iridem, quinimmo et ad humores quandoque potiùs, quàm ad membranas oculorum ſpectare videntur. Procidentia dicitur tum, quum, corneæ unitate, aut vulnere, aut ulcere, ſolutâ, uveæ ſubſtantia procidit, & quodammodo extuberat; quod dignoſcitur ex prolapſu uveæ ipſius, quæ prolapſa, aut nigricat, aut cærulea deprehenditur, extra ſitum quaſi diuulſa, exciſa, atque extuberans. Huiusmodi affectio curatu perquam difficilis, in ſenibus inprimis, tum præcipuè, quum aut vulnus, aut ulcus corneam plurimùm læſerit. Ut præfatæ affectioni medeamur, ea omnia conveniunt, quæ extergunt, blandè adſtringunt, & roborant. Huiusmodi ſunt album ovorum cum aquâ roſarum, ac ſuccino præparato ſolutum, quibus addunt nonnulli modicum aluminis uſti, tutiæ præparatæ &c. Alii vino rubro tepenti, alii aquâ chalybeatâ partem affectam ſovent. Prolatatur pupilla tum,
quum

quum ejus circumferentia versùs iridem undequaque explicatur. Contra contrahitur. In utroque casu a convulsione provenit. In primo quippe ligamenta convelluntur ciliaria. In altero convellitur iris: ideoque, quæ convulsionibus discutiendis conducunt, et hîc conferre videntur. Suffusio, sive cataracta nihil aliud est, quàm visus læsio, ob opacitatem quandam, quæ oculorum humoribus supervenit, quæque ad pupillam potissimum percipitur. Hæc si tanta fuerit, ut veluti membranula, sive albescens, sive livescens, sive alterius cujusque evaserit coloris, propriè dicitur cataracta, ex eo quòd non aliter, quàm cataractæ species quædam pupillæ opponatur, radiorumque luminis ab oculorum interioribus arceat immissionem. Ratione affectionis istius, quod ad partem attinet affectam, plures olim insurrexerunt opiniones. Sunt enim qui aqueum, qui crystallinum, qui vitreum in suffusione culpæ solent humores. Sententiarum varietas orta exinde videtur, quòd non æque omnibus eodem loco suffusio insederit. Attamen cum Jacobo Rohaultio in Tractatu physico, aliisque Recentioribus, cataractam crystallino frequentius inhaerere, & crystallinum aut deprimi, aut superficiem tenus saltem corradì a chirurgo, qui eam acie subducere conetur, autumabimus. At eâ de re plura si quis desideret, eruditorum adeat ephemerides, ex quibus tum pro Theoriâ suffusionis exponendâ, tum pro Praxi in curatione exercendâ, per multa sanè, non penitus spernenda, haurire poterit.

ALIÆ ANIMADVERSIONES
PATHOLOGICÆ.

Quid sit gutta
serena.

EX hætenus dictis, quid sit, & undè procedere possit tum cœcitas, tum videndi imbecillitas, tum caligo, aliæque oculorum affectiones, quæ videndi facultatem aut lædunt, aut adimunt, educes. Inter has tamen solemniss est, & plerumque insolubilis ea, quæ *gutta* passim *serena* Latinis, *amaurosis* Græcis nuncupatur, cœcitatis species; quâ qui laborant, oculis quamvis adaperitis, & nullam licet læsionis extrinsecus præbeant indicium, videndi nihilominus facultatem opticorum planè amiserunt vitio; qui aut infarcti, aut compressi obiectorum species ex humoribus oculorum, tametsi defectissimis, ad sensorium non ampliùs immittunt. Gutta serena, quæ altas egerit radices, quæque a læsione opticorum provenit intrinsecâ, longè perniciosa, & curationem omnem ut plurimum respuit. In senibus eam penè semper deplorabis. Cæterum, quicquid ad paralyin subducendam jam ante præscripsimus, & hic præscribendum censemus.

ALIÆ ANIMADVERSIONES
PATHOLOGICÆ.

Nonnullæ affec-
tiones peculi-
res, quæ oculo-
rum angulos af-
ficiunt.

Ratione potissimum caruncula lacrymalis angulo oculorum exteriori in hærentis, oculi extrinsecus quodammodo frequenter affici quoque solent. Hinc *rhyas*, *encanthis*, *egylops*, & *fistula*, quæ dicitur *lacrymalis*. *Rhyas* dicitur, & *rhæas*, quum caruncula lacrymalis ob exuberantem, atque continuum præter voluntatem lacrymarum effluxum præter na-

naturam imminuitur. Lacrymæ eo in casu humoribus ut plurimum eliciuntur acribus, nervorum stamina, aut in parte affectâ, aut in viciniis irritantibus. Encanthis vocatur, quum eadem caruncula plurimum intumescit obstructa; atque ita obstructa, si morbus ulterius procedat, hoc est si inflammetur, suppuretque, egylopem procreat, sive *anchylopem*, quæ nihil aliud est, quàm in eâ parte abscessus. Verum pus, quod ibi conficitur, aut foraminis parietes osseos, quibus insedit caruncula, quandoque corrumpit, aut aliorsum inter membranas influit, & fistulam lacrymalem inducit: inducit nempe ulcus profundum, inveteratum, callo intus, sive folliculo obductum. Per pauca hæc de ægritudinibus hujusmodi, ad Chirurgos propriè licèt spectantibus, Tyronum in gratiam, perfunctoriè tantum hic innuere placuit.

C A P U T I I I.

De Auribus.

Aures, unum quamvis, & idem sint organum, quod audiendo præsertim inservit, distinguuntur in interiores, atque exteriores. Auris exterior, quæ *auricula* nuncupatur, dividitur in partem supernam, quæ dicitur *ala*, sive *pinna*; atque infernam, quæ dicitur *auricula*, sive *lobus*.

Quid sint aures,
earumque divi-
sio.

Non est auris exterior, nisi cartilago sinuosa, ad tempora utrinque explicata, cuticulâ obducta, cuti, membranâ carneâ, item et nervosâ, perquam tenui; quæ cartilagini arctissimè adhærescit, ac peristei vices ibi gerit. At in lobo plurima intercedit pinguedo, cujus interventu nonnihil extuberat auricula. Duos habet sinus præcipuos auricula; quo-

Describuntur
partes interio-
res auris exte-
rioris.

rum interior, qui in aurem interiorem statim ducit, nuncupatur *alvearium*. Huic exterior proximus, dicitur *concha*. Auricula processibus quatuor, qui dicuntur *belix*, *anthelix*, *tragus*, *antitragus*, intus extuberat. Auricula in homine plerumque immobilis; quæ proinde, aut musculis planè caret, aut nonnisi musculorum quibusdam lineamentis munitur.

Auris exterioris
usus.

Auricula voces excipit, exceptas, ne citò nimis præterlabantur, sistit, easque in aures immittit interiores.

Enumerantur
partes auris in-
terioris, & de-
scribitur meatus
auditorius.

Auris interior, ea auris appellatur pars, quæ ab aure exteriori producit in calvariae cavum: in os videlicet, quod ad temporum confinia, ob ingentem durtiem, *petrosus* nuncupatur. In aure interiori considerare debemus *meatus auditorium*, *tympanum*, *ossicula quatuor auditus*, *foramina*, sive *fenestras*, *labyrinthum*, *cochleam*, *aquæ ductum* Falloppii, atque Eustachii *tubam*. Meatus auditorius antrum illud appellatur, quod ductu obliquo ab aure exteriori, idest ab alveario tendit sursum per substantiam ossis petrosi ad tempora, desinitque in tympani cavum. Perquam tenui intus obducitur cuticulâ, periosteo, sive pericranio. In alvearium præcipuè insudat recrementum illud glutinosum, flavum, amaricans, quod ibi concresecens, cerumen procreat; quodque fortasse provenit a glandulis quibusdam minimis, quarum excretoria in meatibus inhiant.

Describitur
tympanum.

Meatus auditorius ad specum statim ducit in penetralibus ejusdem ossis petrosi excusam; cui, sub finem meatus auditorii, membrana tenuissima, ossiculo orbitali cavo, anuli adinstar coextensa, statim apponitur. Per membranam hanc mediani nervulus intenditur perexilis, qui chordam æmulari solet tympani militaris. Quocirca specus *tympanum* vocitatur.

Sub

Enumerantur
ossicula qua-
tuor audicus.
Describitur mal-
leolus, ejusque
musculus.

Sub hac membranâ, in eodem tympani recessu, reliqua omnia auditus præcipua includuntur instrumenta; cui tamen proximè adstant ossicula quatuor: *malleolus* nimirum: *incus*: *stapes*: *os orbiculare*. Malleolus ex capitulo quodam, quo donatur globoso, sty- lum emittit oblongum in formam caudæ. Stylus in duos finditur processus. Superior brevis alligatur membranulæ tympani, tendine muscoli perquam tenuis exterioris intercedente; qui a parte supernâ meatus auditorii, per tuberculum osseum, canaliculi ad- instar perforatim, producit in cavum tympani, adhærens malleoli processui superiori. Processus inferior longior ossi infigitur subjecto in eodem tympani cavo, ibique firmatur per tendinem perquam exilem alterius muscoli interioris, qui emergit ex facie tympani infernâ non procul a membranâ. Exinde vergit versùs processum inferiorem oblongum ejusdem malleoli, cui inseritur. Musculi præfati dicuntur *perigraphias*. Dimovent fortasse, atque exagitant malleolum, ut voces modulentur.

Sub malleolo inest incus: alterum nempe ossiculum, latiusculum superiùs, atque nonnihil excavatum; quocirca sinum efficit, quo malleoli capitulum excipit. Binos inferiùs emittit processus inæquales, veluti dentis cujusdam molaris duplisem radicem. Longior ossibus infigitur subjectis. Brevior vinculo valde tenui, capitulo stapedis laxè injungitur.

Describitur in-
cus.

Stapes ex latâ basi in arcum flectitur. Ex arcu summo capitulum prominet, quo stapedem equestrem æmulari solet. Huic e latere *os orbiculare* adnascitur: ossiculum videlicet, anuli adinstar rotundum.

Stapes, & os
orbiculare.

Amotâ stapedis basi ab ossibus subjectis, detegitur illico foramen ovale, & paulò inferiùs aliud detegitur foramen rotundum. Foramen ovale ducit in

Describuntur
foramen ovale,
rotundum, laby-
rinthus, & co-
chlea.

* aliud non est,
quod via in os-
se insculpta,
perquam duri-
or nervi portio
& calvaria ad
musclos exter-
nos maxilla-
rum, & laryn-
gis decurrat.
Schelhammerus
de Aud. P. 3.
cap. 5.
Quid sit Eusta-
chii tuba.

specum, quæ a semicirculis ossibus per idem in circuitus redeuntibus, dicitur *labyrinthus*. Foramen rotundum perhibet introitum in alteram specum, quæ, squamulâ ossis intercedente, in duplicem sinum finditur. Alter mox tendit in cavum labyrinthi. Alter in cavum cum labyrintho communicans; quod, quia in spiras intorquetur veluti cochlea, *cochlea* nuncupatur. Aquæductus est meatus quidam in osse petroso insculptus, qui inter binos processus, stiloidem, & mammillarem occurrit. Exinde in aurem interiorem immittitur nervos excipit, eosque a cerebro oblongato ad internas aurium membranas inducit. De hoc meatu mentionem fecit primum Falloppius; qui proinde Falloppii dicitur. Id nominis autem ei falsò imposuit Auctor. *

Eustachii tuba, sive meatus ab auribus in fauces, est ductus partim cartilagineus, partim membranaceus, qui ex cavo tympani ad palatum obliquè descendit versùs fauces, in quibus aperitur hiatu amplo, propè uvulam, ut aer auris interior cum exteriori fortasse communicet.

Describuntur
vasa auris inte-
rioris.

Meatus, & sinus aurium præfati tunicâ obducuntur intus pertenui, sensu ærissimo præditâ; per quam dirimuntur minimæ arteriæ a carotidibus exterioribus, quæ in regione temporum utrinque micant; venulæ a jugularibus exterioribus; quamplurimæ nervorum stamina a conjugatione septimæ medullæ oblongatæ intra calvariam, quæ dicitur *nervorum auditus*. Aer in cochleâ contentus ab Anatomicis *aer insitus*, *aer inclusus*, *aer innatus* vocatur.

Aurium usus.

Auribus voces excipit corpus humanum vivens, ut cuique notum est, easque in sensorium immittit; aer quippe concitatus, ac fluctuans, sive potius exagitatus, atque excussus ob tremores, & vibrationes

cor-

corporis resonantis, membranam concutit tympani, eamque exagitat; quæ proinde concussa, exagitataque, concutit, atque exagitat in recessibus aurium aerem insitum; qui ob motum, ni fallor, ossiculorum variè commotus, variè nervos stimulat, ac per nervos variè afficit cerebrum; hinc is suscitatur sensus, qui auditus nuncupatur. De auribus si quis plura cupiat, Valsalvam, aliosque adeat Recentiores; qui acriori indagine in partes eas inquirentes, in organis hisce describendis, longè prolixiores, quàm nos, qui, & brevitati, & rebus, in Tyronum gratiam, clarè exponendis, semper studuimus, fuerunt.

ANIMADVERSIONES PATHOLOGICÆ.

QUoniam auditus organum, ut ex adhuc enarratis patet, cujuslibet generis vasculis conflatur, membranis pluribus vestitur, ossibus variis, æquè ac glandulis instruitur, in capacitates variè aptatur, hinc est, ut modò obstruatur, modò inflammetur, modò suppuret, ulceribus modò exedatur &c. Quinimmo et non semel evenisse accepimus, & oculis hisce nostris percepimus, ut ex semine quodam pravo intus aut immisso, aut ingenito, varii generis insurrexerint vermes, qui membranas interiores mordicando, cruciatus excitaverint acerrimos, aliæque auribus non modò, verùm etiam et reliquo capiti, aliisque partibus, quæ nervis intercedentibus arctissimam cum auribus habent affinitatem, pessima intulerint symptomata. Affectiones hujusmodi periculi prorsus expertes minimè censerì debent; hisque curandis eadem propemodum, quæ obstructionibus recludendis, inflammationibus resolvendis, ul-

Variz aurium
enumerantur af-
fectiones.

ulceribusque interioribus extergendis jam ante proposuimus, apprimè conducunt. Aurium vermes enecant infusiones amaricantes in aquâ graminis, scorzonæ, carduibenedicti &c, cum melle, ac saccharo, nec non etiam cum mercurio paratæ, ac in aures interiores blandè per syringam inditæ. In quo tamen animadvertant Tyrones, ne res oleosas, pingues, glutinosasque intus in aures unquam immittant, quæ meatus infarciunt, & surditatem quam sæpissimè deploratam moliantur.

C A P U T I V.

De Naso.

Describitur nasus.

Nasus est pars organica non ubique sibi similis, cava, oblonga, ex facie media prominens, olfactus organum. Integumentis vestitur foris, quibus insunt ossa, & cartilagine. Ossa occurrunt ad nasi radicem, ubi consurgunt ad frontis confinia ex ossibus subjectis maxillæ superioris. Ossa intus deprehenduntur spongiosa, atque adeo dicuntur *spongiosa*, necnon etiam *cribriformia*, a minimis, quibus pervia sunt, foraminibus; quæ carne quadam stipantur fungosâ, ne quid incongruum unâ cum aere inspirato ad cerebrum sursum attrahatur.

Describuntur partes narium.

Tres sunt cartilagine. Binæ explicantur ad latera nasi. Per medium tertia excurrit, tanquam sepimentum; diciturque, eoquod nasi capacitatem in nares bipartiat, diaphragma narium, vel medianum. Cartilagine laterales abeunt infernè in membranas cartilagineas; quæ constituunt nares extremas propatulas, mobiles, quæ *ala* nuncupantur, sive narium *pinna*. Cartilago media aliquantulum superne

pernè extuberat, ac *dorsum nasi*, sive *spinam* efficit. Huic ad apicem adnascitur globulus, ex quo ad filtrum rectà descendit, nimirum ad sinum medium exteriorem labii superni, caro quædam ad ligamenti substantiam accedens sub finem mediastini, quæ dicitur *columna*.

Nares intus amiciuntur membranâ nervosâ, quæ perquam acri pòllet sensu, a durâ matre procedens. Amplissimam hæc habet extensionem; in rugas iccirco varias complicatur, quibus rimas omnes, omnes fissuras, omnesque narium recessus ingreditur: idque fortasse, ut maximâ suâ extensione quamplurimas excipere valeat particulas odoribus excitandis idoneas. Enim verò eam amplissimam in canibus venaticis præ cæteris observamus, aliisque animantibus, quæ olfactu pollent perquam acuto.

Membrana narium interior

Sub hac membranâ caro quædam delitescit papillaris, quæ minimis ubique congregatur glandulis; quarum excretoria ad nares immissa, modò serum, sive lympham, quâ scatet substantia narium interior, modò pituitam concretam, & glutinosam, quam autumabant Veteres proximè a cerebro emungi, per nares insudant.

Caro papillaris.

In naribus mediis sinus aperiuntur bini: unus scilicet utrinque, qui per superiora palati ducunt ex utroque latere ad fauces in fissuras oblongas, quæ ad latera occurrunt uvulæ, non procul ab orificiis, quò desinunt meatus ab auribus in fauces. Per sinus hosce, sive meatus, aer vicissim ad respirationem ingreditur, atque egreditur.

Meatus narium in fauces.

Rursus deprehenduntur ubique in naribus interioribus tubuli quidam, quos excretionibus potissimum inservire existimandum ducimus. Tendunt ex naribus internis in puncta oculorum lacrymalia; qua
de

Meatus narium in oculos.

de re flentibus non rarè excidunt lacrymæ ex oculis in nares. De tubulis ejusmodi verba fecit accuratè Sthenonius, item et postremò Dionisius Gallus.

Musculi narium

Alæ narium pro lubitu, atque ex industriâ crispantur, attolluntur, adducuntur, & diducuntur musculorum beneficio, qui numero octo sunt: quatuor scilicet utrinque. A muneribus suis peculiaribus nuncupantur *crispatores*, *elevatores*, *adductores*, & *diductores*. Crispatores, elevatores, atque adductores, membranacei sunt. Figuram habent triangularem; tendinibusque suis acuminatis versùs nasi radicem egrediuntur ab ossibus maxillæ superioribus. Exinde in naribus extremis explicantur, atque absumuntur. Crispatores, atque elevatores ad latera nasi exteriora statim occurrunt sub tegumentis. Adductores occurrunt ad latera narium interiora sub carne narium papillari. Diductores circumducuntur per nares extremas, quoque sub tegumentis, firmiter adhærentes ossibus proximis non procula filtro.

Narium vasa, & præcipue nervi olfactorii.

Vasa, quæ per nares dirimuntur tum interiores, tum exteriores, sunt: arteriæ, quæ proficiscuntur a carotidibus tum internis, tum externis: venæ, quæ a jugularibus: nervi, qui a pari quinto nervorum medullæ oblongatæ intra calvariam. Verùm præter hosce, nervos habent olfactores nares interiores a primâ nervorum conjugatione. Olfactores exoriri videntur a ventriculis cerebri anterioribus ductu valde conspicuo, a quibus utrinque procedunt ad latera cristæ galli versùs os cribriforme. Per substantiam spongiosam cribriformis in tubulos effunduntur, sive in fibrulas nervosas, quæ per foramina cribriformis prosequuntur, & distribuuntur in plicas universas, atque in recessus omnes membranæ narium

rium interiores . Non procul tamen ab osse cribriformi aliquantulum extuberant trunci nervorum singuli olfactores; iccirco vocantur quoque processus, sive apophyses mamillares. Cavi intus sunt, adeo ut si flatus per eorum cavum immittatur, pervadit cerebri substantiam ad ventriculos usque anteriores. In plerisque brutorum id præ cæteris conspicuum est.

Narium usus.

Per nares aerem inspiramus, atque expiramus vicissim; ideoque, & voces modulamur, & odores excipimus a corporibus odoratis: a corporibus nimirum, quæ odorem expirant. Excipimus videlicet particulas nonnullas tenues, mobiles, atque volatiles, quæ unâ cum aere inspirato sursum ad nares attolluntur; in quibus nervos stimulant olfactores, ac per nervos incitant sensorium commune; quod si blandè per particulas eas, ut ita dicam, scalpatur, sensus odoris menti humanæ obversatur suavis, & gratus. Insuavis contra, atque ingratus suscitatur si ruditer. Et, ut id satius succedat, sparsim hinc inde extuberant per nares interiores squamulæ quædam cartilagineæ, quæ membranam nervosam attollunt, eamque in sinum varios aptant; quibus commodiùs excipere, & diutiùs detinere valeamus particulas, odoribus excitandis idoneas.

ANIMADVERSIONES PATHOLOGICÆ.

Narium affectiones peculiare sunt *sarcoma*, *polypus*, *verruca*, *ulcus*, *ozæna*, *coryza*, *inflammatio*; & reliqua, quorum pleraque, quum ad Chirurgos quidem propriè spectent, hinc missa quoque faciendâ ducimus, paucis tantum *sarcoma*, *polypum*, *verruca*, *ozænam*, & *coryza* describentes. Tum *sarcoma*, tum *polypus* sunt caro quædam, quæ

Variæ narium
describuntur af-
fectiones.

præter naturam ex naribus extuberat. Dicitur sarcoma, quum certam haud habet figuram. Nuncupatur polypus, quum in longum, & latum sese extendens pluribus veluti radicibus naribus interioribus inhæret, quibus varia inæqualia polypi piscis crura quasi æmulatur. Verrucas describendo Dolæus *esse dixit excrescentias carnosas ex profluente succo nutritio productas*. Hæ si naribus extrinsecus adnascuntur, nasi figura iis fredata plurimum sordescit. Ozena est ulcus foetidum, ac sordidum, quod nares interiores exedens, atque inveterascens, pus ut plurimum acre, lividumque procreat. Coryza, siue grædo nihil aliud esse videtur, quàm sensus quidam perquam molestus naribus superveniens ob lympham quandam crassam, simul et acrem, quæ ex glandulis supernis ad partes narium defluit infernas, easque acriter vellicat. Sarcoma, & polypus recidendus est. Sunt qui causticis, sed perperam ex nostrâ sententiâ, tales excrescentias consumere student. Verrucæ, ozæna, & coryza ea omnia tum intus, tum foris, ut evincantur, requirunt præsidia, quæ fluidorum acrimoniam eluunt, eaque solvunt, de quibus iterum, atque iterum plura jam ante diximus.

C A P U T V.

De Lingua, ejusque partibus adnexis.

Describitur lingua.

Lingua dicitur a *lingendo*. Est pars carnosæ, organica, non ubique sibi similis, oblonga, in ore sita, atque instructa, quæ a latâ, & crassâ basi in apicem producitur, ut, vocibus articulandis, & saporibus percipiendis, melius inservire queat. Posterius faciei convexæ ossis hyoidis, quod cornibus suis

fuis faciem complectitur laryngis anteriorem. Adhærescit faucibus præterea, æque ac laryngi. Alligatur infernè partibus subjectis maxillæ inferioris per musculos, item et per vinculum membranæceum, quod linguæ nuncupatur *frænulum*. Hoc quandoque adeo producit sub linguæ faciem inferiorem, ut maximo loquentibus, item et sugentibus, nisi manu recidatur chirurgicâ, incommodo sit.

Describuntur
linguæ membra-
æ.

Tribus tunicis vestitur lingua, quarum exterior tenuissima, pellucida est veluti cuticula. Media crassior, magis densa, magisque compacta, & quodammodo glutinosa, cribri adinstar graphice perforata. Faciem superiorem habet albicantem, inferiorem magis obscuram. Tertia linguæ membrana, interior videlicet, tenuissima est, & nervosa; nervulis quippe undique intexitur, quos potissimum a pari quinto, & nono medullæ oblongatæ intra calvariam suscepit. Nervi præfati in plures ubique attolluntur papillulas pyramidales, quæ per foramina tunicæ mediæ non æquè consurgunt omnes. Aliæ enim desinunt in membranam linguæ exteriorem, perque eam in fibrulas dirimuntur. Aliæ in spicula quædam reclinata versùs fauces, tanquam dentes gracilissimi pectinum aculeati, quibus utuntur Carminatores, attolluntur. Spicula hæc, ex nonnullorum sententiâ, salia excipiunt potissimum fusa ab alimentis, ex quibus sapores eliciunt.

Linguæ substan-
tia interior de-
scribitur.

Membranis linguæ detractis exterioribus, nudam sese profert linguæ substantia carnea, sive potius fibrosa, & muscularis; quæ variis implicatur fibrarum ordinibus, *transversis*, *rectis*, atque *obliquis*. Hinc adeo varius, adeo celer, adeo continuus usus variis, variis verbis edendis, formandisque linguæ motus in corpore humano. Fibræ præfatæ ita

conveniunt per linguæ substantiam, ut per mediam illius longitudinem, fissuram quasi oblongam efficiant, quæ a linguæ basi ad apicem usque rectâ producitur. Inter fibras, & maximè ad linguæ basin, quæ nonnihil adiposa esse solet, necnon etiam ad latera, minimæ inferuntur glandulæ salivales, quarum ductus excretorii salivam insudant tum, quum maximè fibris contractis undequaque compressæ, & ipsæ contrahuntur. Inferuntur præterea inter easdem linguæ fibras sanguiferorum propagines uberrimæ, quæ a carotidibus, & jugularibus dirimuntur. A jugularibus præsertim exoriuntur venæ, quæ utrinque sese perhibent aspectui in facie linguæ inferiori ad latera frænuli exteriora, quæ dicuntur *raninæ*, sive *sublinguales*.

Enumerantur,
& describuntur
linguæ musculi.

Fibræ, quæ per linguam excurrunt carneæ, nihil aliud esse videntur, quàm productiones variæ fibrarum musculorum ejusdem linguæ; cujus motus antrorsum, retrorsum, sursum, deorsum, hinc inde, modò in illud, modò in aliud, latus producitur a musculis octo; qui inferuntur in linguæ substantiam a partibus proximis. Bini dicuntur *basioglossi*, qui a parte supernâ ossis hyoidis traducuntur in radicem linguæ, eamque retrorsum versùs fauces adducunt. Bini *ceratoglossi*, qui a cornibus summis ossis hyoidis utrinque tendunt ad latera linguæ; quam propterea simul agendo adducunt quoque retrorsum, unà et explicant. Si tantùm alteruter agat, lingua obliquè tendit ad latus contractionis musculi agentis. Bini *styloglossi*, qui explicantur a processibus styloidibus, & tendunt ad latera linguæ, quam potissimum attollunt, unà et explicant. Bini vocantur *genioglossi*, qui ab inferiori, atque extremo mento interiori egrediuntur, ut exinde inferantur, & producantur per faciem anteriorem, atque inferiorem lin-

linguæ; quam propterea sese contrahentes exerunt. Musculi omnes præfati sunt valdè carnosì, neque videntur in linguâ, nisi sectiones quædam carnez ejusdem linguæ extra linguæ substantiam nonnihil productæ.

Insuper lingua movetur quoque ad motum ossis hyoidis, cui adhærescit. Hinc inter musculos linguæ communes enumerare consueverunt Sectores, musculos quoque hyoidis, quod musculos habet decem, idest paria quinque. *Sternohyodeos*. *Coracohyodeos*. *Styloceratohyoides*. *Geniohyodeos*. *Rectos*: quorum usus ex eorum origine, atque insertione, quam modo exponam, facillè elucescet.

Enumerantur
linguæ musculi
communes.

Sternohyoides confurgunt a sterni summo, & quo utrinque ascendunt per faciem tracheæ anteriorem ad basin ossis hyoidis. Coracohyoides a processibus scapularum coracoidibus, idest ab acromio, in humeri principio, tendunt ex utroque latere ad basin ossis hyoidis. Styloceratohyoides a processibus styloidibus descendunt ad cornua ossis hyoidis. Geniohyoides a mento extremo interiori procedunt ad linguæ basin, cui adhærent; ut et recti, qui sub prioribus delitefcunt.

Describuntur
musculi præfati
communes.

Per linguam deglutimus, voces articulamus, & sapes percipimus; salia quippe alimentorum in ore fusa, ob salivam solventem, papillas subeunt nervosæ, earumque fibrulas scalpunt, & per fibrulas sensorium afficiunt commune. Hinc &c.

Usus linguæ.

His ita positis de organis sensuum præcipuis, inferre sanè debemus, sensus universos, qui suscitantur in corpore animato, nil aliud esse, ratione organi affecti, quàm species tactus varias. Etenim ut corpora, quæ tactum eliciunt, agunt in papillulis cutis nervosis, eas sive tangendo, sive comprimendo, sive nervorum stamina vellicando, ita quoque lu-

Sensus omnes
concitantur in
corpore huma-
no vivente spe-
cie quadam ta-
ctus.

lumen ex. gr. in oculis, idest in retinâ; aer undosus, & fluctuans in auribus; effluvia odoris tenuissima in naribus; & saliva fusa in spiculis linguæ papillaribus agere neutiquam possunt, quin sive tangant, sive comprimant, sive concitent nervorum propagines extremas, uti hætenus exposuimus. Neque aliud inter sensus tactus, & reliquos sensus intercedit discrimen, nisi quod corpora, quæ proximè agunt in organo tactus, utpote mole plerumque majora, reliqua etiam organa ut plurimum movent. Corpora autem, quæ in cæteris organis proximè agunt, eoquod mole minima sint, reliqua sensuum organa nequeunt afficere.

C A P U T V I.

De Glandulis Salivalibus, & de Uvulâ.

Enumerantur
glandulæ sali-
vales præcipuæ.

Glandulæ salivales sunt penè innumera. Effunduntur undequeque non modò per linguam, verum etiam per membranas faucium, æquè ac palati carnosas, per carnem gingivarum fibrosam, nec non etiam per uvulam. Eoquod salivam in oris capacitatem insudent, *salivales* dicuntur: humorem, videlicet insudent tenuem, lymphaticum, subdulcem, qui alimenta in ore solvit, diluitque, ut faciliùs deglutita, faciliùs quoque in stomacho, æquè ac in intestinis digerantur. Hinc non injurià prima alimentorum digestio in ore fieri dicitur. Minima licet sint ut plurimum glandulæ salivales, nihilominus maximas quoque præ cæteris observamus *parotides, tonsillas, sive amygdalas, maxillares, sublinguales.*

Describuntur
parotides.

Parotides statim sub tegumentis conduntur utrinque ad radicem auris exterioris. Pluribus aliis glandulis minoribus conglomerantur, quarum singula excretoria in unum conveniunt maximum commune,

DE GLANDULIS SALIVALIBUS. 31

ne, quod per genas ex utroque laterè obliquè descendit ad labiorum confinia, non procul a dentibus molaribus, ubi salivam eructant.

Tonsillæ, quæ a figurâ suâ exteriori quoque vocantur amygdalæ, binæ sunt, & ipsæ quidem conglomeratæ. Occurrunt in faucibus ad latera uvulæ in regione faucium supernâ, ibique humorem emittunt albicantem, crassiusculum, & glutinosum, qui quandoque stagnat in sinibus quibusdam ovalibus, qui in faucibus aperiuntur.

Describuntur
tonsillæ.

Ex maxillaribus aliæ sunt exteriores, interiores aliæ. Exteriores binæ, longè tamen minores. Extrinsecus utrinque sub tegumentis aptantur maxillis mediis. Interiores majores, quæ quoque binæ sunt, sub musculis deprehenduntur geniohyoideis. Trunci harum communes excretorii non procul a frænulo prope dentes molares interiores salivam expuunt.

Describuntur
maxillares.

Sublinguales, tametsi minores, quàm maxillares internæ, conglomeratæ itidem sunt. Deprehenduntur sub membranis ad latera frænuli. Glandulæ præfatæ ob musculorum contractionem compressæ, non procul a gingivis infernis salivam emittunt.

Describuntur
sublinguales.

Glandulæ omnes salivales fuscipiunt propagines sanguíferas a carotidibus, & jugularibus externis, nervos a paribus quinto, sexto, septimo, necnon etiam octavo, & præsertim parotides. Ita inter musculos oris, æquè ac maxillarum inferuntur, ut musculis agentibus, & sese vicissim contrahentibus, validè comprimentur. Quocirca uberiores eructare solent salivam in oris cavum tum, quum alimentis digerendis eâ magis indigeamus.

Glandularum
salivarium vasæ,
& usus.

Ex fornice palati laxè propendet, glandis adinstar perexiguæ, atque oblongæ, corpus aliud glandosum, quod *uvula* nuncupatur, *columella*, *gurgulio*.

Describitur
uvula.

Tu-

Tunicâ foris obducitur carneâ, quæ provenit a tunicâ proximâ palati. Sub tunicâ, substantia obversatur valde mollis, & spongiosa, quæ minimis ubique coacervatur glandulis, quarum ductus excretorii exteriorem subeunt membranam, atque humorem insudant lymphaticum, salivalem, perquam tenuem, qui fauces humectat, pharyngem, æquè ac laryngem præsertim, ut vox clarior emergat.

Uvulæ usus, & musculi.

Usus columellæ præcipuus videtur vocis formandæ, quatenus aer emissus ab asperâ arteriâ impingit in uvulam ictibus creberrimis, infringitur, ac variè repercutitur. Quamobrem variè commovetur uvula antrorsum, item et retrorsum, musculorum ope, qui vocantur *peristaphylini*. Quatuor sunt perexiles membranacei. Anteriores bini. Bini posteriores. A partibus supernis explicantur per ambitum universum uvulæ exteriorem. Vasa suscipiunt tum musculi, tum uvulæ substantia a partibus proximis sanguifera, æquè ac nervosa.

ANIMADVERSIONES PATHOLOGICÆ.

Quid sit blæsitæ, & aponia.

PLeraque organorum vitia, quæ in oris capacitate continentur, sunt *frenum, ranula, fissura, pustula, verruca, aponia, & blæsitæ*; quæque quum infantibus, puerisque solemniter esse soleant, tum quum de infantum, ac puerorum affectionibus deinceps dicturi exponenda forent, nihil est, quod et hic recensamus. Paucis iccirco quid sint aponia, & blæsitæ impræsentiarum animadvertendum duntaxat ducimus. Nihil aliud est aponia, quam vocis defectus, qui, organis aut voci articulandæ, aut respirationi inservientibus læsis, ægrotantibus supervenire solet. Dicitur quoque *anaphthia*; quæ quoniam multiplex esse potest, in

DE GLANDULIS SALIVALIBUS. 33

in varias distinguitur species: in *hesitantiam* videlicet, vel *blaterisimum*: *blæsitationem*; vel *balbutiem*. *Hæsitare* tum dicitur, quum qui loquitur, nisi linguam prius aliquoties moveat, loquendi initium capere nequit; aut tum quum loqui inceperit, progredi nequaquam valet, nisi vocem inceptam quam sapissimè repetat. Id dicitur quoque titubare, & *blaterare*. Dicitur *blæsitas*, item et *balbuties*, tum quum inter loquendum aut litera, aut syllaba quædam absorbetur, ac propè supprimitur, quod potissimum literam *R*, aut *L* balbutientibus proferre enixis contingit. Affectiones prædictæ, nisi ex pravâ organorum extent structurâ, quo in casu curationem omnem respuunt, aliarum ægritudinum symptomata ut plurimum sunt, quibus in Praxi medicâ directè prospiciendum, de quibus proinde ante jam diximus, & in posterum, tunc Optimo Maximo permittente Numine, fusè dicendum.



LIBRI TERTII

SECTIO SECUNDA.

De Organis internis, & externis in utroque sexu generationi inservientibus; deque iis, quæ ratione eorum tum secundum, tum præter naturam in corpore humano vitam habente exoriri possunt.

C A P U T I.

De Testibus.

Describuntur
testes.



Testes, sive testiculi nuncupantur globuli glandosi, molles, spongiosi, qui scroto inclusi, ad radicem penis, pro seminis generatione laxè propendunt. Figuram habent ovalem: numero ferè semper bini: rarò unus, & maximus: longè rariùs tres. Dexter in corpore

humano major aliquantulum esse solet, quàm sinister. Hinc dexter, calidior a Galenicis olim habebatur; in quo proinde, ad eorum sententiam, maribus concipiendis, idoneum semen conficitur.

Testium structura.

Testes apud nonnullos Recentiores glandulæ sunt conglobatæ vasculares. Tunícis foris vestiuntur, vasculis intus complicantur, villos habent ubique, item et tubulos quosdam, qui vasa videntur testium excretoria.

Du-

Duplici tunica testes singuli amictiuntur. Exterior communis carnea, a nonnullis nuncupatur *vaginalis*, tenuis est, rubicunda, nonnihil pellucida, egreditur a peritonæo. Interior vocatur *propria albuginea, capsularis*, a nonnullis quoque *nervea*, sive *tendinea*, eoquod crassior sit, alba, & validior. Testium substantiam mollem continet, firmat, & perinde accapsula includit.

Tunicæ testium
exteriore.

Præter tunicas hæc exteriores occurrunt ubique per testium substantiam aliæ tunice interiores, quæ, si rectè per medium secantur testes, secundum latitudinem, plures tanquam stellæ radii, qui a centro testium ad circumferentiam pergunt, observantur.

Tunicæ testium
interiores.

Membranis amotis exterioribus, nudam sese profert testium substantia. Hæc primo intuitu pultis adinstar mollis, quasi medulla videtur; attamen vasculis undequaque ita complicatur minimis, ut de facili, non secus ac filorum varîe conglomeratorum glomer explicari possit, dummodo tamen paullatim, & sensim eam explicando leniter exolves. Id nobis in brutis præceteris accuratissimè palam fecit Regnerus de Graaf. Vasa autem, quæ per testium substantiam, uti monuimus, complicantur, diversi sunt generis. Arteriola nimirum, venula, nervuli, ductus lymphatici, vascula seminalia.

Enumerantur
vasa testium..

Arteriæ, & venæ dicuntur *spermatice*. Arteriæ spermaticæ ex communi ferè principio egrediuntur a trunco aortæ descendens, digitos circiter duos transversos infra emulgentes. Exinde pluribus dirimuntur ramusculis per testium substantiam universam, non aliter, ac venæ spermaticæ; quarum dextera, non secus ac arteriæ spermaticæ, statim ut plurimum egreditur a trunco venæ cavæ descendens, paulò suprâ

Arteriæ, & venæ spermaticæ, & corpora pampiniformia

arteriarum exordium. Sinistra tamen ab emulgente, ejusdem lateris, ferè semper emergit. Non procul ab exortu, in utroque latere, arteriæ, & venæ spermaticæ coeunt. Mox tunicam peritonæi interioreni subeunt, atque inter utranque ad testes, unà cum reliquis vasis per processum peritonæi cavos deferuntur. Venæ spermaticæ pluribus-luxuriant propaginibus per ipsam abdominis capacitatem; quibus tamen hinc inde, membranulis quibusdam intercedentibus, rursus conveniunt. Hinc paulò supra testes ea contexunt corpora, quæ dicuntur *pampiniformia*, sive *pyramidalia*.

Testium nervi,
vasa lymphati-
ca, & semina-
lia.

Nervos accipiunt testes a plexibus pelvis, necnon etiam a pari secundo lumborum. Vasa lymphatica penes Stenonium, & Ruyschium a testibus tendunt ad capsulam chyli, id præsertim ex structurâ, ac positione valvularum peculiari redarguentes, quæ in præfatis ductibus lymphaticis aperiuntur duntaxat versùs cisternam Pecqueti. Vasa seminalia, sive ductus seminales, filorum ad instar tenues, atque albicantes, ita in testibus implicantur, ut inexplicabile sit prorsus eorum principium, passim licèt desinant omnes in Epididymes. Existimavit tamen quispiam ab arteriis testium extremis capillaribus statim exoriri.

Describuntur
epididymes.

Epididymes, sive Parastata, ea dicuntur corpora oblonga, duriuscula, albicantia, testibus singulis, veluti appendices, in dorso apposita, cui accrescunt interventu tunicæ albuginæ testibus præsertim extremis. Testibus, dicimus, extremis, in medio enim laxè adeo cohærent, ut et ex facili avellat. Iisdem ferè tubulis seminalibus, eodemque fermè modo complicatis, ut testes, congregari videntur, qui tamen omnes in unum coeunt ductum communem, *Vas seminale*, sive *deferens* dictum.

Te-

Testibus adnascuntur extrinsecus musculi membranacei, singulis unus, dicuntur *Cremasteres*, sive *suspensorii*. Proficiscuntur a ligamentis ossis pubis; inde per faciem vaginalis exteriorem usque infra testes producti, explicatique, partibus supernis testes suspendunt, eosque pro seminis opportuna expressione blandè comprimunt.

Musculi cremasteres.

In testibus a sanguine secedit semen, & per vasa deferentia deducitur in vesiculas seminales. Nil aliud est semen, quàm humor albugineus, concretus, & glutinosus, qui conficitur, sive potius secernitur in testibus, atque a testibus, ut innuimus, deferitur per vasa deferentia in vesiculas seminales, ut per membrum virile ad uterum in coitu, pro opportuna foetus conceptione, immittatur. Semen, sperma a Physiologicis passim appellari consuevit. Sunt qui sperma in brutis varii generis, microscopii beneficio, non ita pridem accuratius perscrutati, variis minimis animalculis congregari tradiderunt; an id autem in omnibus succedat, adhuc ambigimus.

Ufus testium, & quid sit sperma.

Vasa deferentia a testibus per processus peritonæi cavos ascendunt in vesiculas seminales, quò semen provehunt. Vesiculæ seminales deprehenduntur veluti binæ capsulæ membranaceæ, utrinque ad cervicem vesicæ in parte vesicæ posteriori, ubi quum semine turgent, quodammodo intorquentur, minima propterea avium intestinula æmulantes. Cavæ intus sunt, earum capacitas in cellulas plures distinguitur mutuò sibi communicantes. Cellularum parietes minimis irrigantur sanguiferorum propaginibus. Nervos habent præterea, ductusque lymphaticos, qui a cellulis tendunt ad chyli capsulam communem. Per ductus hosce minimos lymphaticos, nisi crebrò per penem semen excernatur, refluit a vesiculis seminales

Describuntur vesiculæ seminales.

bus in cisternam Pecqueti, ut unà cum chylo ad cor in sanguinem redeat; quod nisi certissimum sit, ex pluribus tamen conjecturis, non sine maximâ probabilitate percipimus.

Vesicularum
feminalium u-
sus.

Vesiculæ seminales semen a testibus excipiunt, exceptum servant pro conceptione futurâ. Hæ, quum æstuat libido, contrahuntur, ac semen contentum in urethram immittunt per ductus peculiare, qui per medias prostratas transeunt in urethram, in quam aperiuntur versùs collum vesicæ non procul a grano hordeaceo, quod, uti dicendum erit, tanquam valvula præstat, ne semen per urethram semel effusum in veliculis seminales retrocedere queat.

Quid sint pro-
statæ.

Prostatæ sunt corpus glandosum, molle, spongiosum, figuræ triangularis, magnitudinis nucis prope modum juglandis. Foris situm est in collo vesicæ statim sub vesiculis feminalibus. Membranâ vestitur fibrosâ, quæ provenit a vesicâ. Sub hac membranâ, propria conditur prostatarum substantia, quæ minimis compingitur glandulis. Inter glandulas sparsim hinc inde occurrunt veliculæ, sive hydatides pellucidæ, humore quodam albugineo, & quasi spermatico plenæ, longè tamen tenuiori; qui provenit a glandulis circumpositis, quarum vascula tenuissima excretoria desinunt in hydatides. Si comprimas hydatides, humorem eructant contentum in urethram per tubulos perquam exiles, qui non procul a grano hordeaceo osculis suis minimis aperiuntur.

Quid sit granum
hordeaceum.

Granum hordeaceum est caruncula quædam hordei adinstar acini, ex urethra interiori digito ferè transverso sub collo vesicæ, extuberans, ibique valvulæ prope munere functa, præstat ne semen jugiter perfluat, & ne semen, ipsaque urina, penes nonnullos, semel per urethram effusâ in cavum vesicæ relabatur.

Tu-

Tunica prostaticarum exterior, item et parietes vesicularum seminalium interiores, non videntur, nili musculus membranaceus, cujus fibræ motrices contrahuntur in æstu venereo; ut semen exprimant contentum, unâ, & succum prostaticarum, qui in ejctione seminis verum sperma ferè semper præcedere solet. Id, ni fallor, ut per quos effundi debet semen, meatus opportunè lubricet, ipsumque semen diluat, solvatque, ut, per penem in uteri vaginam faciliùs cici, atque immitti queat.

Prostatum
fuit.

CAPUT II.

De Pene, & Scroto.

Penis idem est, ac membrum virile, pars videlicet organica, non ubique sibi similis, oblonga, ex tereti latiuscula, laxè propendens extrorsum ex imo ventre sub finem pubis; ex quo identidem opportunam nactus tensionem erigitur, ut semen in coitu emissum ad uteri orificium commodè deferat. Organica pars est; siquidem ablato, sive intimè læso impotentes evadunt mares. Non ubique sibi similis; variis quippe constat partibus diversis, quarum aliæ exteriorès sunt, interiores aliæ. Tanquam exteriores tegumenta penis, ex quibus producitur *præputium*, habendæ sunt. *Præputium* ea dicitur membrana exterior duplicata, mobilis ad verticem penis in circumcissione religiosè olim recidenda. Pinguedine caret penis, ne torpidè erigatur, atque ne sensus illius alioqui peracutus retundatur.

Describitur
penis.

Veluti partes interiores penis enumerari solent corpora bina nervosa, *sceptum*, *glans*, *urethra*, *trunci vasorum præcipui*, & *musculi*. Corpora nervosa
dis-

Describuntur
corpora penis
nervosa.

diffitis radicibus veluti capsulæ binæ spongiosæ ab ossibus pubis inferioribus egrediuntur. Exinde cohærent, & mutuò sese contingunt per longitudinem penis universam septo intercedente; adeo ut corpora nervosa universam ferè penis compagem interiorum, mollem, flaccescentemque extra erectionem, compingant. Eorum substantia spongiosa membranâ foris contegitur carneâ, fibris intus intexitur quoque carneis, obscuris tamen, sive fædis potius, aut livescens, uti affirmant nonnulli, eas quamvis sanguine florido suffusas penè semper observavimus. Inter fibras excipit vasorum propagines prope innumeras, sanguiferorum præsertim. Hinc fibris color intensè rubicundus. Corpora nervosa sunt profectò, quæ præ cæteris intumescunt, producuntur, duritiem sibi comparant, atque eriguntur, ut peropportuna ad coitum fiat penis erectio.

Describitur
penis septum.

Septum penis est membrana quædam fibrosa, quæ a radice penis, inter utrumque corpus nervosum, ad apicem producit. A primo ad ultimum sensim extenuatur, quoad penitus evanescat. Quamobrem corpora præfata nervosa in unum quasi, versus penem extremum, coalescere videntur, ubi caput penis, sive glandem constituunt.

Describitur
glans penis.

Pars glandis inferior amplior nuncupatur *corona*, cui laxè injungitur præputium per vinculum carnosum, quod vocatur *frænulum*. Glans foris vestitur membranâ tenuissimâ, nervosâ potius, quàm carneâ, quæ per foramen glandis oblongum provenit, atque explicatur a membranâ urethræ interiori, idest a membranâ vesicæ nervosâ. Quocirca in affectionibus vesicæ interioribus, in ulcere videlicet, lithiasi, cæterisque læsionibus, urinâ præsertim emissâ, acriter prurire solet glans.

Ure-

Describitur
urethra.

Urethra, vel meatus urinaris non videtur, nisi collum vesicæ in fistulam extenuatum, productumque, quod per penem medium, inter utrumque corpus nervosum, subtus tamen, ad glandem tendit, definitque in foramen glandis oblongum. Parietes crassiores habet, quam vesica, spongiosos item, & fibrosos, ut unâ cum corporibus nervosis intumescere, rigidamque fieri valeat in erectione penis. Est musculus, sive tendo productus, et cavus ipsius vesicæ, cujus contractio urinæ excretionem, seminisque emissionem adjuvat. Non rectè producitur a collo vesicæ per longitudinem penis, quinimmo reflectitur veluti Litera S majuscula. Etenim descendit primò infra ossa pubis, mox per eundem penem, quum laxè tamen propendet, incurvatur, atque in glandem descendit.

Describuntur
vasa penis.

Vasa penis sunt binæ arteriæ, binæ venæ, & bini nervi, quæ per partes penis universas, sive per ambitum penis universum, tum intus, tum foris effunduntur: hoc tamen discrimine, quod arteriæ uberrimæ, & ferè solæ distribuuntur per corpora nervosa penis interiora, venæ per partes tantum exteriores. Tum venæ, tum arteriæ originem ducunt ab hypogastricis. Venæ ad unionem corporum nervosorum ipsæ quoque uniuntur. Exinde prosequuntur per dorsum penis uno tantum ductu communi, per penem exteriorem propaginibus variis sese undequaque dirimentes. Nervos habet penis à plexibus pelvis, nec non etiam a conjugatione vertebrarum dorsaliū posteriorum.

Describuntur
musculi penis.

Musculi penis quatuor sunt. Erectores appellantur, quum per ipsos fieri præsertim videatur penis erectio. Bini producuntur a sede inferiori ossium pubis, & non procul ab origine desinunt ad penis radi-

cem, sese inferentes fibrulis pluribus inter vasa penis sanguifera. Bini egrediuntur ab ani sphinctere, & non secus ac priores tendunt in eadem corpora nervosa, non procul ab eorum mutuo contactu, sese tamen fibris pluribus ad latera urethræ ferè ad glandem usque producentes.

Quo pacto in-
tenditur, arque
erigitur penis.

Penis in erectione primò inflatur, atque produ-
citur. Mox rigidus fit. Ac tandem erigitur. Idcirco
inferre possumus, prurientibus libidine organis, con-
trahi fibras musculorum ad radicem penis, ubi vasa
comprimunt sanguifera, & venas fortasse magis, quàm
arterias. Quod fieri minimè potest, quominus san-
guis stagnans, & compressus per substantiam spon-
giosam corporum nervosorum universam inflet,
extendat, & rigidam faciat; quæ postmodum necesse
est ut erigatur, idest ut ab inferioribus vergat ad su-
periora, tendinibus musculorum ad invicem acceden-
tibus per contractionem fibrarum validiorem. Id
pluribus experimentis non ita pridem palam facere
studuimus in cadaveribus variis, quæ in Theatro
anatomico almæ Urbis publicè secumimus.

Describitur
Scrotum.

Ad calcem penis laxè propendet marsupium,
membranaceum, variis ubique rugis refertum, quod
dicitur *Scrotum*. Scrotum lineâ quadam intermediâ,
quæ futura nuncupatur, in partem dexteram, atque
sinistram extrinsecus finditur. Finditur quoque intus
in duplicem sinum lateralem per sepimentum quod-
dam membranaceum, quod assurgens per medium
scrotum a futurâ ad radicem usque penis, cui adhæ-
ret, alterum ab altero testem secludit. Substantia scro-
ti nihil aliud est, quàm integumentorum laxa sobo-
les sine interventu panniculi adiposi. Habet a parti-
bus proximis vasa triplicis generis, venas præcipuè,
quæ in varices per cutem scroti frequentissimè assur-
gunt.

Pan-

Panniculus carnosus fibris in scroto gaudet uberrimis, quarum beneficio muscoli vices quodammodo gerit. *Dartus* vocatur a Veteribus; tamen si *dartus*, penes nonnullos, musculus sit cutaneus membranaceus, quem in scroto a panniculo carnosus distinguere consueverunt. Panniculus carnosus ad futuram scroti duplicatur, suâque duplicitate, septum producit, quod vocatur *mediastinum scroti*, vel *diaphragma*. De hoc *Regnerus de Graaf*, nec non et *Ruyschius*, quantum scio, loquutus est primus.

Quid sit *dartus* in scroto.

Quod ad usum attinet scroti, affirmare possumus testes scrotum fovere, eosque ab incommodis exterioribus tueri. Substinet præterea, intercedente septo, cui fibrulis utrinque carnis suspenduntur, ne laxè nimis propendeant, testes. Sunt qui insuper existimant, ideo *diaphragmate* testes se jungi, ne mutuo lædantur affricu. Ad hæc opinari quoque possumus, scrotum veluti musculum membranaceum identidem contrahi, rugosum fieri, ac testes blandè comprimere, quo semen, aliosque humores per testium tubulos validiùs impellat.

Ufus scroti.

CAPUT III.

De Gonorrhœa.

PLura sunt, quæ aut seminis, aut cæterorum humorum vitio, generationis organa maribus intus lædere valent, & universam quandoque humani corporis viventis œconomiam turbare; semen quippe, vel exuberans, vel deficiens, vel scædatum modò concrevit, modò intempestivè profluit, modò tubulos, quibus continetur, laxat, disrumpit, exedit, & læcerat. Hinc tumores, inflammationes, ulcera, tabes,

Definitio, & Diagnos.

& reliqua, quæ sive feminis, sive aliorum fluidorum culpâ, partes hæc inficiunt, corpus universum extenuant, & febres interdum, quas, postquam, tum chronicas, tum acutas procreaverint, fovant, atque educant. Inter ægitudines hæc ea præ cæteris observatur, quæ passim *gonorrhœa* nuncupatur. Nihil aliud est gonorrhœa, quam *excretio quedam præter naturam intempestiva, ac diutina materis seminalis*; quæ, quoniam modò non immutata profluit, modò autem corrupta, foedataque, efficit, ut bifariam *inveram*, & *norham* gonorrhœam Clinici distinxerint. Tum dicitur vera, quum, quod in gonorrhœa profluit semen, optimè sit constitutum, & nullum pravitatis extrinsecus præferat indicium. Contra dicitur notha, tum quum, aut semen foedatum, aut quivis alter humor pravæ indolis excretus guttatim excidat. De verâ in hoc capite unicè agendum decrevimus, de nothâ, sive benignâ, sive malignâ sit, in sequentibus acturi.

Causa.

Gonorrhœæ veræ indicia ipsa tradidit definitio. Causa ex quadruplici fonte haurienda videtur; etenim in recessibus, si redundet semen, si acre nimis evadat, si extenuatum prætermodum fluat, si capsulis, quibus continetur, laxatis, non opportunè coerceatur, veram id omne facere poterit gonorrhœam. Postremum gonorrhœæ genus incontinentes, & molles, ii videlicet, qui libidini minimè parcunt, quam sæpissimè contrahunt.

Prognosis.

Talis gonorrhœa, ea videlicet, quæ vera dicitur, etiam si faciliùs, quàm reliquæ gonorrhœæ species sistatur, periculo tamen non semper vacabit; si quidem tum quum eam, aut planè neglexeris, aut pervicax operam medicam nequiquam reformidaverit, febrem hecticam, tabem extremam, veramque phthisim

fin faciet. Ab exuberante tamen si extiterit semine, ne statim comprimās, caveto; immaturè quippe compressa testes non semel tumescit, & vel plethoram, vel cacochymiam procreavit.

Ut probè cùretur, causā, undè originem duxit, est Curatio.
eximenda. Quamobrem in plethoricis, aut tenui vītu, aut venam secando, aut utroque præsidio sanguinem imminue. Si nimium effervescent humores, eorum fervorem refrigerantibus cohibe. Si tenuitatem sibi maximam nactum prætermo- dum fluat semen, rebus crassis, ac glutinosis aliquam crassitudinem ei blandè compara. Si spermatis receptacula ob nimiam laxitatem, ne profluat semen non cohibent, adstringentibus ea leniter robora, quod interioribus non minùs, quàm exterioribus præstare curabis; de quibus universis, & in præcedentibus fusè jam dictum, & in sequentibus dicendum.

ANIMADVERSIONES PATHOLOGICÆ.

Qui gonorrhoeā tentantur, vera licèt; ac benigna sit, diu modò perstiterit, emaciati squalent non rarò, contabescunt, excarnes, exsuccique fiunt, & prætermo- dum languent. Iis insuper incavantur, & livescunt oculi, & reliqua superveniunt inconvicta, quæ ex eo fieri autumamus, quòd semine in gonorrhoeā copiosè absumpto, excretoque, sanguini, cæterisque humoribus desit succus ille balsaminus, blandè volatilis, maximè idoneus, ut in alimoniam partium cedat, atque spiritus, succumque nerveum in cerebro extenuatum refocillet. Nil mirum igitur, si eo in casu macrescat corpus, si tabes membra corripit, si splendor oculorum evanescat &c.

Declarantur nonnulla symptomata, quæ in gonorrhoeâ benignâ succedunt.

ALIÆ

ALIÆ ANIMADVERSIONES
PATHOLOGICÆ.

Quid sit sary-
riasis, sive pri-
apismus.

Semen optimè quamvis constitutum, organa mu-
lierum pro conceptione foetus minimè foecundaret,
nisi debite, ac opportunè ex vesiculis seminalibus per
membrum virile in vaginam muliebrem immittere-
tur. Hinc, si vel intempestivè effundatur, vel diu-
tius, quàm par est, intus coercitum, si obnixè resi-
stat ne profundatur, eas parit affectiones, quæ debi-
tam, ac maturam seminis retentionem, atque excre-
tionem respiciunt. Semen itaque citra quandoque
coitum, nullâ causâ extrinsecus agente manifestâ,
spontè, ut ita dicam, suâ, ex partibus interioribus ex-
cisum defluit, quandoque et in ipso coitu citò nimis
profunditur, quandoque, aut tardè, aut nunquam
emittitur. In somniis non rarè, titillatione intus illu-
dente impurâ, semen excluditur; quod, quoniam præ-
ter voluntatem, & noctu præcipuè contingere solet,
pollutio dicitur *involuntaria*, sive *nocturna*, quæ pro-
inde inter ægritudines haud recensetur. Verùm tum,
quum ab omni libidinis fomite procul, ac voluptate,
nullâque præviâ titillatione suis ex receptaculis exci-
dat, & foras per urethram, aut in guttas depluat, aut
alio quovis pacto diu emanet, id propriè gonorrhœa
dicitur, idest seminis genitalis fluxus. Quoniam au-
tem ejusmodi fluor, qui, & præter voluntatem, &
præter naturam contingit, intento quandoque, &
quandoque flaccescente extillat pudendo, *simplex*
iccirò modò dicitur gonorrhœa, modò cum *priapif-
mo*, idest *complicata*. Priapismus, satyriasis, senti-
go, membri virilis nuncupatur erectio, sive inten-
sio quædam convulsiva, vel spasmodica, quæ aut
ner-

nervis , aut nervorum plexibus , sive in pene , sive in proximo laceffit ut plurimum concitatur . Dicitur priapismus a Priapo Liberi, Venerisque filio inter numina ineptè Veteribus habito ; quem , ut hortis præesset stultè olim fecerunt .

*Et Custos furum, atque avium cum falce salignâ,
Hellepontiaci servet tutela Priapi .*

Virgilius .

*Olim truncus eram ficulnus , inutile lignum ,
Quum faber incertus scamnum faceret ne Priapum,
Maluit esse Deum . Deus inde ego furum, aviumque
Maxima formido , nam fures dextra coecercet &c.*

Horatius .

Satyriasis vocatur a Satyris Numinibus agrestibus , utpote qui salaciores in luxuriam proni effingerentur .

C A P U T IV.

*De Gonorrhœâ nothâ tum benignâ,
tum malignâ.*

Gonorrhœa , quæ notha dicitur , item & spuria, quæque nihil aliud est, ut ante innuimus, quam aut seminis præternaturam immutati , depravati , co- inquinati , foedatique proluviæ per urethram profluens , vel extillans , aut puris , vel alterius cujusque humoris profluvium , sive potius stillicidium , in benignam , & malignam , quæ et virulenta nuncupatur iterum distinguitur . Tum notha benigna dicitur , quum humor peccans sub formâ aut liquaminis cujusdam , aut fluoris tenuis aquosi citra pruritum ,

Definitio , &
Diagnosîs.

ac

ac penis tentiginem effluit. Talis gonorrhœa, etiam si nullus præcesserit impuritatis concubitus, quandoque contrahitur, & fluxui mulierum albo, de quo imposterum, quodammodo respondet. Gonorrhœam notham malignam virulentam, & celticam eam contra vocamus, quam ex impuro concubitu celtica labes excepta molitur. In hac, materia, quæ profluit, aut est semen foedatum, aut est sanies, sive ichor acris, & mordicans, quem ulcus intus progenit, qui partes proinde genitales irritando, ac variè lædendo plurimum ægrotanti esse solet infestus.

Causa.

Utriusque gonorrhœæ signa ex hætenus dictis satis elucescunt. Notham benignam triplici ex causâ fieri opinamur: nimirum vel ex semine, quod in capsulis exuberans stagnet, ibique effervescat, immutationem quandam subeat, & colliquecat: vel ex redundantia, ac pravitate alterius cujusque humoris, qui secernitur in glandulis prostatarum ad penis radicem: vel ex eo, quod, laxatâ, aut obstructâ, aut aliâ quavis ratione, præfatarum partium læsâ structurâ, succus ibi collectus depravetur, ac depravatus extillet. In primo, non minus, quam in secundo casu criticè non semel profluxisse gonorrhœam vidimus, quæ proinde immaturè minimè sistenda. Attamen, tametsi periculi expers ut plurimum sit, symptomatica in tertio semper habenda est. Gonorrhœa virulenta, sive maligna, quæ, uti monuimus, ex impuro concubitu quam sæpissimè contracta, humores universos coinquinat, quibus luem proinde veneream confestim impertitur, ex virulento per pudenda quodam afflatu provenit; qui genitalia interiora, & prostratas potissimum in coitu vitiavit, eaque sordidis ulceribus infecit.

Prognosis.

Id gonorrhœæ genus pessimum est, cui nisi ma-
10-

turè occurratur sanguineim foedat, ac celticam infert labem, quæ, ejusmodi præcedente gonorrhœâ, suas ut, plurimùm in humoribus agit radices, ac uberrimè pullulat.

Adeam eximendam antivenerea conveniunt præsidia, de quibus in historiâ sequenti, & ubi de morbo venereo ex profefsò agendum, fusè postmodum dicam. Id interim scias oportet, terebinthinam eâ lege, quam ante præscripsimus, alvo priùs extersâ, ac humoribus ritè præparatis, propinatam, gonorrhœæ subducendæ præsentì fore remedio. Alvum itaque priùs blandè solve, & renès inde, vesicam, theatusque proximos leniter dilue, ut terebinthinam tutiùs postremò præbere possis. Quamobrem, aut cassiam recens extractam, aut mel violatum solvens, insimul et permultam aquæ dulcis copiam hauriendam præscribito. Mox decoctiones emollientes malvarum, violarum cum syrupis ejusdem generis, violato videlicet violacéo, de althea Fernelij, nec non etiam aquas ex iisdem rebus per distillationem elicitas exhibeto, emulsiones ex seminibus melonum præcipuè, & cucurbitarum cum aquâ, aut malvarum, aut violarum, aut portulacæ frequenter haustæ humorum acrimoniam, quæ in gonorrhœâ partes affectas laceffit, mirificè temperant; atque adeo symptomata, quæ intulit, plurimùm lenire valent. Quum id non profecerit, ad aquas bolosas, chalybeatas, salmacidas, quæ partem affectam extergunt, confugiendum. Aqua calcis vivæ, de quâ in capitibus superioribus mentionem fecimus, tum epota, tum per siringam in urethram immissa gonorrhœam virulentam pervicacissimam non semel compressit. De terebinthinâ id præcipuè animadvertito, ejus abusum in gonorrhœâ, quoniam plurimùm calefecit, & fluidorum aestus concitavit, unâ

Tom. III.

G

cum

Curatio.

cum febre ardentissimâ, & mictum cruentum interdum lethale movere potuit.

Historia I.

Quicquid, gonorrhoeæ mendo, præstare consuevimus, historiam declaramus.

E Utychus perquam nobilis adolescens, habitu gracili, calido, siccoque, ac prope igneo temperamento donatus, octavum, & decimum non dum compleverat ætatis annum, quum mense decembri ab impuro biduum circiter concubitu, penem intus, & glande non procul, acriter ex improvise sibi prurire sensit. Pruritus mingendo acrior adhuc evasit; quin immo, & ardor subinde, tametsi lenis, ad penis radicem suscitatur. Non multum post ichor ex urethrâ principio tenuis, mox crassior, ac purulentus extillare cepit; qui temporis processu tantam sibi comparavit acredinem, ut dolor, qui partibus inde genitalibus concitabatur, incendens esset, ac penè inurens. Aderat insuper ea permolesta tentigo, sive spasmodica penis intentio, quâ identidem, & noctu præsertim, excruciabatur æger. Renes, & lumbi incendebantur. Tumidi erant testes, & reliqua adiciebantur, quæ gonorrhoeâ malignâ Eutychem infectum satis superque declarabant. Ob pudorem labem jam ante contractam ad dies ferè quindecim occultavit; quibus elapsis symptomatum atrocitate ductus, nos tandem consultum venit. Omnibus igitur sedulo exploratis, ægro tantem Eutychem tractare aggressi, quæ insequuntur, ad talem gonorrhoeam evincendam, præscripsimus. Optimè erat constitutus, & priusquam ejusmodi lue inficeretur; in omnibus benè valuerat, opiparè vesci solitus, ac mero indulgens. Cassiam itaque recentem atque in bolos, ut legimur in *A*, coactam deglutientem ei confecimus; cui, ut quum primùm alvum blandè

dè concitaverit , aquæ simplicis superbibendæ copiam fecimus ; quinimmo , & ut eandem aquam iterum , iterumque perhiberet curavimus ; quo , & alvum eluimus , & renes , & meatus in proximo sitos exterisimus . Aquam postridie per levem infusionem sarsæ parillæ ad libras quatuor , & ultra cum syrupo de altheâ Fernelii paratam per dies octo quotidie , ita ut legitur in B , hauriendam præscripsimus , quam optimo cum successu in urinam semper excrevit ; siquidem humor peccans , uberior licet eatenus profluxisset , longè mitior tamen factus , nec adeo ut antea partes affectas incendebat , nec tantam intus perniciem , ut ex indiciis facillè haurire quisque potuisset , moliebatur . Post aquæ prædictæ usum , quem , uti monuimus , ad dies octo prosequutus est , intestinorum sordibus , cassiâ & aquâ , ut antea elutis , ad usum devenimus per dies quindecim terebinthinæ hac ratione C digestæ . Victus , quo id temporis vescebatur , tenuis erat , humidus , concoctusque facilis . Infusione ex optimâ sarsâ parillâ ita ut indicat D , pro potu quotidie utebatur ; ac sub vesperam emulsionem E diebus singulis hauriebat . Quibus peractis , rebus in meliùs semper procedentibus , melle hispano cum aquâ calcis vivæ , ita ut legitur in F , soluto , gonorrhoeam omnino sustulimus . Nihil fecius , ut celtica labes per gonorrhoeam intus infusa radicitus evelleretur , Eutycho , vere proximo , per dies quadraginta , & ultra præsidia antivenerea , de quibus suo loco , ubi de lue venereâ , adhibuimus .

A R̄. *Cass. rec. extr. drach. vj. cremor. tart. drach. ij. , semin. cit. mund. drach. j. m. reform. bol. s. a. cap. ut m.*

B R̄. *Sars. paril. opt. s. a. incis. unc. si. , glycyrrhyz. drach. j. , cinnam. opt. scrup. j. , aq. commun. lib. v. M. s. inf. per noctem ciner. calid. s. a. colet. , & adde*
G 2
syrup.

syrup. de althea Fern. unc. ij. cap. ut m.

C R̄. Syr. de terebinth. f. a. parat. unc. j. , aq. malva. lib. ss. M. , & cap. in Aurorâ quotid. , ut mon.

D R̄. Sars. paril. opt. f. a. incis. unc. j. , glycirrh. drach. ij. , cinnam. opt. drach. ss. , aq. commun. lib. iv. M. f. inf. , & macer. f. a. per noctem , leviter bulliat , coletur , pro potu quotidiano ut m.

E R̄. Semin. melon. unc. j. , cucurbitarum unc. ss. , aq. malvarum q. s. M. f. emul. f. a. , & adde syr. viol. viol. unc. j. , cap. ut m.

F R̄. Calcis vivæ ex conchis paratæ unc. j. , aq. comun. chalyb. lib. iv. M. effervesceat , colet. & adde mel. hisp. unc. iv. , quam capiat ad unc. vi. horis medicis quotidie .

ANIMADVERSIONES PATHOLOGICÆ.

Abusus erodentium ad gonorrhoeam sistendam .

IN gonorrhoeâ virulentâ , sive malignâ , prostates præcipuè minimis ulceribus affectas oculis nostris in cadaveribus sectis pluries introspectimus . Quinimmo , et vasorum oscula circumcirca granum hordeaceum iis exesa microscopio admoto non semel lustravimus . Id inter cæteros et Bartholino item innotuit ; qui eandem nobis in Centuriis tradidit rem . Ex quo pessimè sanè gonorrhoeâ laborantibus eos consuluisse patet , qui stillicidium comprimere erodentibus conati , aut granum hordeaceum corraserunt , aut partes proximas contriverunt ; atque adeo gonorrhoeam non modò effecerunt perennem , verùm etiam , ex ulceribus cicatrice obductis , vestigio cicatricis calloso exuberante , deploratam urinæ difficultatem intulerunt ; quam , quum cicatricem causticis postmodum consumpserint , majorem utique in dies effecerunt .

ANI-

ANIMADVERSIONES AD THERAPEUTICEN
SPECTANTES.

Gonorrhoeam cujusvis generis sit, in exordio ne comprimam unquam cayeto; quinimmo et ut abunde profluat finito; quoties enim eam immaturè compresseris, noxam toties plurimam molitus fueris. Hinc sollemnis Empiricorum error, qui adstringentibus gonorrhoeas sistere confestim enixi, huiusmodi universos incautè infectant. Quapropter ventrem blandè solvere priùs expedit, ac diluendo, emolliendoque postmodum partes infectas diluere, atque emolliere, æquè ac succorum acrimoniam temperare, atque infringere; quo solo, etiamsi adstringentia temerè non adhibueris, gonorrhoeam, licèt pervicacissimam, prorsus non rarò subreptam observabis.

In exordio gonorrhoeae nequaquam sistenda.

ALIÆ ANIMADVERSIONES
PATHOLOGICÆ.

Inter cæteras affectiones, quæ ob immaturè compressum in gonorrhoeâ effluxum extare consueverunt, sunt testium tumores, qui, in nodos quandoque fungosos extuberantes, id herniæ genus procreant, quod *sarcocoele*, vel *hernia carnoïsa* a Chirurgis appellatur; quandoque in varices sese intorquentes, herniam inducunt varicosam, quæ *circocoele* dicitur. Insuper quamsæpissime contingit, ut vel minimis fractis lymphaticis, vel sanguiferorum tunicis laxatis, lymphæ, sive serum intus in tunicis testis vel stientibus exudans, & cumulata, eas prætermo-
Describuntur
varie herniæ
species.
 dum extendat, eamque iccirco herniæ speciem progeneret, quæ *hydrocoele*, aut *aguosa* vocatur. At si lymphæ,
serive

ferive loco, ob flatum inclusum tunicæ præfatæ intumescant, hernia, quæ exinde provenit, dicitur *ventosa*, sive *pneumatocèle*. Quoniam autem testibus præter naturam aut extentis, aut extrinsecus adactis, aut intumescantibus, & scrotum item extendatur, augeatur, & intumescat necesse est, hinc fit, ut scrotum taliter affectum, quod *oscheos* Græcis nuncupatur, herniis item laborare dicatur; quæ propterea, in *oscheo sarcocelen*, *oscheo circocelen*, *oscheo hydrocelen*, *oscheo pneumatocelen* distinguuntur. Ulteriùs, quia idem scrotum non rarò omento, aut intestinis prolapsis prætermo- dum extenditur, duobus aliis herniæ generibus obnoxium evadit; quorum alterum *oscheo epiplocele*, alterum *oscheo enterocèle* appellatur. Illud fit ab omento, quod *epiploon* quoque dicitur. Hoc ab intestinis, quæ *enteroa* etiam nuncupantur.

ALIÆ ANIMADVERSIONES PATHOLOGICÆ.

Quid sit in maribus impotentia.

Gonorrhœa, & præsertim maligna, satyriasis creberrimè facit. Cur id succedat ex dictis educere facilè quisque poterit. Interdum tamèn, rariùs licèt, musculorum paralyfin, & vasorum obstructions inducendo, atque organa aliter lædendo, erectionem, debitamque penis intensionem infirmat, quinimmo et prorsus enervat. Hinc ob gonorrhœam impotentes quandoque evadimus; impotens quippe is dicitur, cui quicquid virum decet perficere minimè datum est. Talis autem impotentia pluribus aliis ex causis extare quoque potest. Nam citra ejusmodi labem, aut sanguinis copia, aliorumque fluidorum pravitas, aut etiam organorum præpostera constitutio, nervos penis comprimere, eosque obstrue-

re,

re , musculos lādere , corpora nervosa infarcire , ac impotentiam proinde virilem procreare poterit quam propterea eximes , si peropportunē occurras ea adhibendo , quæ aut sanguinis copiam imminuunt , aut paralyfin solvunt , aut vasa obstructa recludunt , aut partes enerves roborant , de quibus univērsis ante jam diximus .

ALIÆ ANIMADVERSIONES PATHOLOGICÆ .

AD hæc , quæ mox recensuimus , eorum , qui gonorrhœa tentantur , penis aliis quoque pluribus affici solet incommodis ; modò quippe ulceribus foris item laborat , convulsivas distorsiones modò patitur , modò inflammatur &c. Hinc *lipodermus* , *phimosis* , *paraphimosis* , *inflatio* , *verruca* , et reliqua , quæ ad Chirurgiam quoque propriè spectant . Lipodermus est , quum præputium ulcere absumptum , aut omnino deest , vel aliâ quavis ex causâ ita contrahitur , ut glandem ampliùs tegere nequeat , in quo casu paraphimosis appellatur ; sicut contra phimosis dicitur , quum glandi ita inhæreat , ut reduci nequeat . Penis inflatio , quæ , & penis tympanitis nuncupatur , fit tum , quum vapores ab humoribus penis interioris emissi , atque in flatu rarefacti , membranas penis exteriores extendunt . Verruca , sive excrementiæ sunt varii generis tubercula , mollia nimirum , fungosa , quandoque satentia , quæ & in glandis summo , & circa glandis ambitum , & sub ipso præputio extuberant . Tales affectiones , ex gallicâ labe intus immisâ , foris ut plurimum pullulant ; atque adeo ea requirunt præsidia , quæ ad labem præfatam delendam conferunt , de quibus suo loco .

Describuntur
varix penis af-
fectiones exte-
riores .

CAPUT V.

*De organis Mulierum generationi inser-
vientibus. Ac primò De Utero.*

Quid venit in
foeminis, penes
nos, pudendi
nomine.
Describitur cli-
toris.

Semen in coitu per membrum virile, ut vel in utero, vel in partibus utero annexis foetus excitentur rudimenta, in pudendum muliebrem immitti debet. Id nominis *pudendum*, *vulvam* denotat in foeminis, æque ac *vulvæ* partes annexas. Id est *vaginam*, *uterum*, *testes muliebres*, sive *ovaria*, *tubas*, & reliqua. In hypogastrio infra pubem supra perinæum inter inguina aperitur vulva. Vulvæ principium statim infra pubem, eoquod ob adipem plurimum aliquantulum promineat, *monticulus* nuncupatur *Veneris*. Sub monticulo inter labium utrumque, ibi fermè ubi adinvicem conveniunt vulvæ labia, supernè extuberat *clitoris*: corpus scilicet carnosum, oblongum, perexiguum, glandis adinstar minoris nonnihil productum. Clitoris in æstu libidinis, non secus ac maribus penis, erigitur, quem profectò quodammodo mentiri solet; iisdem quippe partibus, urethrâ exceptâ, quasi compingitur. Glans iccirco clitoridis impervia est. Loco foraminis, obscuram tantum habet foveolam, sive parvam rimulam exteriorem. Plurimum in venerem prurit clitoris, quæ proinde sedes potissima libidinis censetur.

Describuntur
nymphæ.

Infra clitoridem sese proferunt *nymphæ*, binæ scilicet productiones carnosæ, quæ pendulæ descendunt a glande clitoridis, cristas æmulatæ, quæ subnascentur in gutture pullis gallinacii. Earum figura est propemodum triangularis. Rubore suffunduntur. Conduplicantur ex tunica labiorum vulvæ interiori.

Adeo

Adeo compactæ confurgunt virginibus, ut urinam, emittant cum sibilo. Non ita iis, quæ virum semel passæ sunt, & foetum præsertimeniæ.

Nympharum usus penes Veteres erat, ut urinam deducerent inter geminos quasi parietes, atque aeri resisterent exteriori, ne vulvam subiret interiore. Atiamen, quia post partum non raro planè delentur, existimandum ducimus, in puerperio eas admodum explicari, ut labiis longè magis propatulis, faciliorem foetui proximè excludendo exitum pandat uteri vagina.

Nympharum
usus.

Ex nymphis mediis, digito circiter infra clitoridem transverso, extuberat urethra muliebris, sive meatus urinaris, qui uti in maribus, ita et in foeminis producit a collo vesicæ. In foeminis tamen unice inservit urinæ emittendæ. Ejus longitudo vix producit ad digitos duos transversos. Latitudo pinnam æquat asferinam; ideoque amplior adhuc quàm in maribus, nec sensu adeo pollet acuto. Hinc fit, ut faciliùs lapillos, sive in renibus, sive in vesicâ concretos, emittant foeminæ; quæ et lithiasi longè minus proinde laborare solent.

Describitur
foeminarum urethra.

Infra meatum urinarium offendimus *uteri vaginam*, quæ a labiis vulvæ inter vesicam urinariam, atque intestinum rectum ad uterum pergit, quod in coitu penem immittit. Substantiam habet mollem, eamque spongiosam vasis pluribus sanguiferis, æquæ ac nervis contextam; quæ omnia tunicarum uteri foliis sunt, ut mox exponam.

Describitur
uteri vagina.

Per substantiam vaginæ interiore quamplurimæ effunduntur glandulæ minimæ, prostata mulierum a nonnullis appellatæ; quarum ductus excretorios in cavum vaginæ osculis aperiuntur minimis, quæ veluti minima spiracula a meatu urinario non procul

Quid sint glandulæ, quæ non procul a vagina lacunas constituunt.

inhiant; ubi præterea corpus illud glandosum occurrit, quod *lacunas* appellare consuevit Regnerus de Graaf. Glandulæ minimæ lacunas componentes in æstu venereo per vascula minima excretoria humorem crassiusculum, oleaceum expuunt inter labia vulvæ, quam oblinire, & lubricam facere valet. Hinc perperam vulgò habetur, humorem præfatum spermæ esse muliebri, quod a testibus mulierum interioribus in uteri capacitatem immittatur. Id humoris autem pollutæ mulieres quandoque emittunt.

Describuntur
plexus retiformes,
& sphincter
vaginæ.

Orificium vaginæ non procul a labiis vulvæ, virginibus præcipuè, non modò sphinctere membranaceo munitur, verum etiam binis gaudet corporibus carneis, quæ dicuntur *plexus retiformes*. Plexus retiformes bina sunt corpora carnosæ, laxa, mollia, atque spongiosa, quæ ab ossibus pubis inferioribus asfurgunt utrinque per labia vulvæ interiora ad latera vaginæ extrema. Foris contextuntur tunicâ carneâ. Fibris intus implicantur quoque carneis. Inter fibras varias excipiunt sanguiferorum, nervorumque propagines. Quocirca nihil aliud habendi sunt plexus retiformes, quàm musculi bini carnosî, qui ob libidinis æstum contracti penem arctissimè comprehendunt; a quo semen propterea emissum exprimunt, & quasi emungunt. In quem finem fortasse item explicatur per faciem plexuum exteriorem, membrana ad instar carneæ, alter musculus sphincter plexibus extrinsecus firmiter accrescens.

Quid sint vulvæ
caruncule
myrtiformes.

Parietes vaginæ interiores in rugas complicantur. Ex rugis consurgunt *caruncule* quædam interiores, quæ *myrtiformes* dicuntur. Carunculis in puerperio foetu transeunte explicatis, mirum in modum expanditur vagina, variis licet ubique fibris validè contrahatur, iis potissimum, quæ virum nondum exceperunt.

De

De clauſtro Veneris, ſive de eâ membranulâ virginittis, quam paſſim in virginibus ſe obſervafſe affirmant Sêctores uteri oriſicio ex vaginâ meatu ſtatim poſt carunculas myrtiformes inſurgentem, explicatamque, plurimûm dubitamus, ne rem morboſam, & præter naturam, pro genuino virginittis indi-
cio comminiſcantur.

Quid creden-
dum ſit de clau-
ſtro veneris.

Vagina penem, & unâ cum pene ſemen emiſſum in uteri oriſiciûm immittit. Idcirco, peni intus immiſſo commodè ut coaptetur, modò explicatur, modò coarctatur, modò producitur ope fibrarum, prout penis immiſſus major, vel minor ſit &c. Vagina inſuper menſium recrementa, fœtum, lochia, ac ſecundinas egerit.

Vagina uſus.

Sub ſinem vaginâ, occurrit *uterus*, cujus oriſiciûm vaginâ aptatur, ſive potiùs continuum eſt. Uterus, organum videlicet fœminis peculiare, eſt pars organica, non ubique ſibi ſimilis, carnoſa, cava, imi ventris, in hypogaſtrio, inter veſicam urinariam, atque inteſtinum rectum poſita; ubi potiſſimûm conceptioni, fœtusque nutritioni inſervit.

Deſcribitur
uterus.

Figuram præſeſert teretem, & quaſi pyriformem; a lato quippe fundo, quod ſuperius eſt, imminuitur in collum, quod infernè ducit in vaginâ capacitatem. Uteri moles in non gravidis, quanvis adultis, longè minor eſſe ſolet, quàm veſica urinaria. Attamen, in gravidis extra modum prolatatur. Collum, ſive cervix uteri, arctiſſimè adnaſcitur collo veſicæ, inteſtino recto, aliisſque partibus proximis. Fundum nullibi alligatur, ut liberè explicari queat. E lateribus ſuſpenditur partibus ſupernis, æquè ac infernis, vinculis varij generis intercedentibus, quæ quatuor ſunt. Bina dicuntur *lata* a figurâ. Bina *teretia*, ſive *oblonga*.

Uteri ſitus, &
connexio.

Describuntur
uteri ligamen-
ta.

Ligamenta uteri lata sunt membranacea, mollia, admodum valida, fibrosa. Egrediuntur utrinque a peritonæo in ossibus iliacis conduplicato. Inde explicantur usque ad uteri fundum, cui firmiter alligantur. Eoquodd alas vespertilionum mentiri quodammodo soleant, *alas* vocantur. Teretia, sive ligamenta uteri *lumbricalia*, sunt ligamenta quædam carnea, quæ ab uteri fundo ex utroque latere, statim infra alas proficiscuntur. Per peritonæum duplicatum ad inguina descendunt. In inguinibus per processus peritonæi cavos perforant tendines muscutorum abdominis. Exinde sub tegumentis ad clitoridem reflectuntur. Priusquam clitoridem attingant in fibrulas effunduntur carneas, quæ in clitoride, partibusque absumuntur supitimis.

Describitur
uteri textura.

Uteri substantia, membranis ita obvolvitur, fibris ita intexitur, & vasis item irrigatur ita, ut muscularis prope videatur. Duplici contegitur membranâ. Exterior carnea producitur a ligamenti uteri latis, hoc est a peritonæo. Per faciem uteri, æque ac vaginæ exteriorem explicatur ad labia usque vulvæ. In labiis extenuata evadit nervosa, sese postmodum extendens per faciem vaginæ, uterique interiorem universam. In uteri fundo levis est. In collo in rugas variè complicatur. Per uteri substantiam interiorem, crassam, æque ac spongiosam, inter vasa, & fibras carnosas, glandulæ plurimæ miliares disseminantur; quarum pleraque vascula excretoria tendunt in rugas cervicis uterinæ interiores; quibus laticem identidem insudant tenuem, atque acrem, qui organa molliter titillat, scalpît, & libidinem incitat. Uterior iccirco in salacioribus deprehenditur.

Describitur
uteri capacitas.

Uteri capacitas utero non gerentibus, adeo obversatur angusta, ut fabam majusculam capere vix queat.

queat. Attamen valdè explicatur gestationis tempore, foetu, ejusque exuviis incrementibus. At falsum prorsus ducimus, observationibus innixi, quicquid et ipsi credebamus olim: nimirum parietes uterinos crassiores fieri tum, quum gestationis tempore in dies capacitas interior amplior evadit. Etenim eos longè tenuiores non semel vidimus tempore gestationis, & a foetu excluso non procul.

Orificium uteri, quod in vaginam aperitur, perquam angustum est. Hinc virginibus, nisi fluant menses, styli apicem admittere vix unquam quit. Gravidis longè amplius, & potissimum non procul a puerperio, mucore licèt quodam planè stipetur. Orificium uteri nonnihil extuberat in cavum vaginæ; siquidem uteri collum quodammodo duplicatur, & ita duplicatum sese profert paullulum intus in vaginam, in quâ veluti apicem, sive finem glandis virilis in versum emulatur. Vasa cujuslibet generis effunduntur, tum per uteri, tum per vaginæ substantiam. Arteriæ scilicet, & venæ ab hypogastricis, spermaticis, atque umbilicalibus. Lymphæ ductus maximâ ex parte dirimuntur per faciem uteri exteriorem; atque a truncis minoribus in majores coeunt, quibus in cisternam Pecqueti tandem desinunt. De arteriis uteri id maximè adnotemus oportet, eas per anastomosin, non modò cum venis, verùm etiam inter se, videlicet cum arteriis injungi, adeo ut, inflato arteriarum ramulo, qui dirimitur per uteri substantiam, inflatis illico aterias omnes, tum uteri, tum vaginæ intuearis. Attamen inflatis venarum truncis intumescit uteri cavum, & flatus immixtus ex osculo uteri, crepitando in vaginam, sensim erumpit: Ex quo opinari rationi consonum est, venas uteri, sanguine nimio turgidas, menses per uterum in vaginam egerere.

Vasa uteri.

Ni-

Uterus uteri .

Nihil aliud esse videtur uterus , quàm musculus cavus , qui et semen suscipit a viro in coitu pro conceptione excitandâ , & foetum conceptum fovet , alit , tutatur; quem subinde musculis abdominis , æquè ac diaphragmate contractis , ipse contractus , & undique pressus , una et lochia , & secundinas excludit . Statis insuper temporibus menses egerit . Concipere dicitur , sive foecundari uterus , quum feminis auram tenuissimam , sive vim særacem a viro intus admiserit . Hanc tamen ritè servare , eamque fovere , ceterisque organis , atque humoribus impertiri debet , ut deinceps exposituri sumus .

C A P U T VI.

De Testibus Mulierum , sive Ovariis .

Quid sint testes
Mulierum , sive
ovaria Recen-
tiorum .

TEstes mulierum bina dicuntur corpora quædam membranacea , mollia , oblonga , semidepressa , quæ utrinque producantur ab uteri fundo proximè supra ligamenta uteri lata , quibus firmiter adhærent . Eorum substantia spongiosa pluribus compingitur membranulis perquàm exilibus , quæ in minimas ubique cellulas coarctantur . Celullis insunt hydatides , & vesiculæ quædam pellucidæ , quæ humorem excipiunt defœcatissimum a glandulis , ni fallor , minimis , hinc , atque illinc sparsim per eandem testium substantiam membraneam circumpositis . Humor vesicularum ex observationibus Grassii , ad ignem admotus veluti albumen ovorum tenuissimum concrescit . Quocirca præfatæ vesiculæ tanquam ovula habentur a Recentioribus , ut et testes muliebres tanquam ovaria . De ovulis hisce saltem in corpore humano loquutus est primus , quantum scio

scio, Johannes van-Horne anno Domini 1668, quæ postmodum observavit quoque Regnerus de Graaf, necnon etiam Nicolaus Steno in pluribus aliis animalibus cujuslibet generis.

Tum testes mulierum, tum hydatides, sive ovula arterias habent, item et venas a spermaticis, quæ et in foeminis, & in maribus producuntur a truncis descenduntibus, necnon et ab emulgentibus. Quinimmo venæ ita implicantur supra testes, ut in foeminis quoque corpora efficiant pyramidalia, sive pampiniformia.

Describuntur
vasa testium,
in foeminis.

Infra testes ab eodem uteri fundo proficiscuntur *tubæ*, quæ dicuntur: *Fallopiane* a Falloppio, qui primus de iis verba fecit: *oviductus* a munere, quod iis adscribi solet. Sunt ductus bini membranacei, qui principio admodum angusto originem ducunt ab uteri cavo, a quo sensim explicantur tubarum ad instar, sese hinc inde inflectentes in arcus, quibus e longinquo, intercedentibus nimirum ligamenti uteri latis, testes complectuntur, ac tandem in fimbrias laceræ ad testes accedunt.

Describuntur
tubæ, sive ovi
ductus.

Tubarum parietes duplici compinguntur membrana. Exterior carnosâ producitur a tunica uteri exteriori. Interior nervosa soboles est tunice uteri interioris. Tubarum usus penes Priscos fuit, ut sperma muliebri in æstu libidinis exciperent a testibus mulierum, eumque in uteri recessus immitterent. Id tamen falsum planè deprehenditur. Testes quippe mulierum non sunt reverâ testes, uti monuimus, sed capsulæ potiùs, sive alvearia, quæ vesiculas excipiunt, non secus ac in pullis gallinaceis ovaria excipere solent ovula. Quapropter sibi suadent Recentiores plerique, ovula fecundata in ovariis, delabi per tubas in uterum,

Tubarum usus.

ut ibi foveantur , alantur , increſcant ; donec foetus ex ovulis , maturitate conſectâ , tandem excludatur.

C A P U T VII.

De Menſum defectu , imminutione , & ſuppreſſione.

Definitio, diagnosis, & causa.

INter animantes , hominum tantum , & ſimiarum foemina , per menſes a pubertate ad ſenium , ſeſe repurgare ſolet ; eo quippe tempore ſtatis temporibus , ac periodicè ſanguinem quendam impurum , ſive potiùs laticem cruentum ex utero ut plurimum egerit ; qui quoniam ſingulis quaſi menſibus excernitur , *menſtrualis* dicitur . Huiusmodi naturalis excretio , quamplurimas tum acutas ; tum chronicas adimit ægritudines ; quæ foeminas utique peſſimè torquerent , niſi humor peccans intus cummulatus peropportunè identidem , ita ut innuimus , expudendis ſubduceretur . Hinc fluxus iſte , ſi præter naturam deficiat , ſi ſupprimatur , vel ſi tantum , etiam imminuatur , œconomiam animaleſi iſſquandoque prorsus evertit , Id duplici ex cauſâ evenire poteſt : fluidorum nimirum , uterique vitio . Num autem humores peccent ſecernendi , num peccet uterus , organum videlicet , per quod fieri debeat ea ſecretio , non ex facili diſcernes . Attamen hiſce in caſibus , antequam iudicium proſeras , id potiſſimum obſervabis , an mulier affecta ſenſus quosdam intus quandoque percipiat , qui ſanguinem quaſi oſtendant impetum facere ad partes infernas , & inde ad ſupernas reſilire , & quaſi retrocedere . Tum enim in-

indiciū tibi propemodum evidens erit, uteri vasa, siue infarcta, siue compressa, siue aliā quavis ex causā nimis angusta, & perexigua, obices necesse, ne humor excernendus per menses erumpat. Quod insuper eò magis conjicies, si ad hæc lumbi doleant, hypogastrium intendatur, tumefiat abdomen, difficilis evadat respiratio, vires torpescant universæ, obmurmurent intestina, rugitus edant hypochondria, & præcipuè si sanguis, tum velex naribus profluat, vel ex ore, vel ex aliis emittatur partibus. Id quippe uteri vitio menses deficere penè semper declarat. Sin autem, tamen si nullum ex enarratis mulier patiatur incommodum, menses adhuc non fluxerint, tum ideo restitisse inferre poteris, quoniam imbecillis est sanguinis facultas; quæ sanè tum infirmatur, quum vel in qualitate, vel in quantitate sanguis deficiat; in utroque enim casu, quum motus sibi per meatus consuetos exercere liberè nequeat, nil mirum, si vasorum obstructions in utero ſiant, & si menses proinde sistantur.

Prognosis.

Ex his mensium tum deficientium, tum etiam suppressorum diagnosin, & causas quum abundè habeas, ad prognosin transeundum; pro quā ad ea, quæ nos olim docuit Senex, animum primò adverte. *Mulier podagrā non laborat, nisi menstrua defecerint (a).* Deficientibus igitur mensibus, & podagra, & aliæ non absimiles affectiones ei accidere possunt. Et subsistentibus morbi eveniunt, nisi tamen aut utero gerat, aut lac habeat in mammis. Quo in casu persæpè contingit ut citra noxam menses deficient. Qua de re inde idem addit Senex. *(b) Si mulieri purgationes non prodeant, neque horrore, neque febre superveniente, sibi que fastidia ei accidunt, prægnan-*

Tom. III.

I

tem

[a] Aph. 29. sect. 6. [b] Aph. 62. sect. 5.

tem esse puta. Mensium defectus, si uteri sit vitio, atque ex vitiatâ præsertim ejusdem uteri structurâ, tales procreabit ægritudines, quales evincere haud poteris. Facilius eas subduces, tum quum menses deficient, aut supprimantur uteri vasis obstructis; & facilius adhuc, si humoribus vitium inhæreat. Cæterum ex mensibus, aut compressis, aut parce fluentibus, gravissimi persæpe incitantur morbi; siquidem ex eo passim cachecticæ, hydropicæ, phthificæ evadunt foeminæ, contabescunt item, apoplecticæ, & epilepticæ fiunt, hystericæ; articulorum doloribus tentantur, ulceribus, scabie, aliisque penè ejusmodi incommodis infestantur.

Curatio,

Ex quacunque causâ menses non prosuant, deobstruentibus eos leniter ciere juvabit, ideoque alvo prius extersâ, ac oleo recens in jure aliquantulum amaro per dies aliquot propinato, rhabbarum, radices, folia, flores, semina, cortices, & id generis reliqua, quæ dicuntur aperientia, commendamus. Mirificè inde prosunt aquæ tum simplices, tum ex rebus prædictis præparatæ, item et salmacidæ, inter quas Villensis, & Tetutiana imprimis, tum potissimum, quum largè adeo ingerantur, ut vel per urinam, vel ex alvo brevi postmodum dejectæ, egerantur. Verùm antequam hiscè prælidiis uteri, aliorumque viscerum, si adsint obstructions, recludere aggrediaris, operæ pretium est, crassos, glutinososque in meatibus stagnantes humores emollire, & quodammodo subigere, ut resolventibus, atque impellentibus minùs inde reluctentur. Quo in casu oleum recens, sive ex amygdalis dulcibus, sive ex seminibus melonum, nec non etiam lini extractum, decoctiones aut malvarum, aut violarum, hisque similia frequenter adhibe. Inter exteriora ad

men-

menes, aut inertes ciendos, aut ad compressos revocandos apprimè conducunt fots, suffitus, pediluvia, balinea, defricationes &c. Plurimùm confert quoque motus, qui fiat per amœna, aere præsertim fudo, aut leniter incedendo, aut equitando, aut navigando &c. Quibus ex ordine præmissis, & nihilo seciùs, si pervicax nondum profluat sanguis, venam iterum, atque iterum, quum urgeant symptomata, secabis.

ANIMADVERSIONES AD THERAPEUTICEN SPECTANTES.

QUoniam tum, quum, aut imminuti, aut compressi, aut aliâ quavis ratione vitiiati, defecerint menses, variè, ut ante jam diximus, exinde insurgunt permolestæ affectiones, de quibus imposterùm dicendum, quæque eandem licet æquè habeant originem, non omnes æquè tamen eadem prorsus exigunt præsidia; iccirco quicquid de auxiliis medicis hic superesse videtur, suo loco deinceps proferre est animus. Interim adnotare oportet, nil ante hac, mensibus quocumque modo aut compressis, aut imminutis, ciendis, revocandisque, magis idoneum nos unquam expertos esse, quàm mel hispanum, de quo fuse in præcedentibus jam loquuti, nihil est, quod ad nauseam impresentiarum eadem recoquamus. Methodus, & formulæ, quibus hisce in casibus mel præscribere consuevimus, sunt, quæ insequuntur.

R. mell. hisp. opt. unc. j, aut j si., aut ij. cap. in Aurorâ, cui statim superbibat jusculi, sive insulsi, sive cum seminibus citri, sive cum foliis pimpinellæ, cichorei, floribus hyperici, nec non etiam quandoque centaurei minoris, & summitatibus absinthii unc. aut viij, aut x.,

Quomodo
propinandum est
mel hispanum
ad menses ciendos.

& ultra. Id per dies quindecim, triginta, quadraginta &c. Loco juris insulsi, optimo cum successu, serum lactis, aut chalybeatum, aut aliter medicatum quandoque præbuimus. Quibus viscera arefacta tabem propemodum moliri videbantur, jusculum præfatum insulsum, aut aquam nucerianam, aut chalybeatam, bis, ter, & quater diebus singulis, horis congruis, præterea propinavimus. Aliis, ut validius adhuc ageret mel, rhabbaro ita, ut sequitur, mellis facultatem acuius.

R̄. Rhabarb. elec. in pollin. redact. scrup. j., sal. tart. scrup. ss., mell. hisp. q. s. M. f. bol. f. a., quem cap. in Aurorâ, cui mel statim superbibat ut supra. Et nihilominus, quum affectio adhuc restitisset, bolus ex rhabbaro paratis crocum martis cum aquâ pluviatili, sive rore majali, uti docet Ettmullerus, elicatum ad grana x., xij., xvij., quandoque adjecimus. Insuper ad tussim siccam ex mensibus suppressis exortam, penitus eximendam mel hispanum cum decoctionibus, aut infusionibus ex corticibus resinosis juniperi felicissimè non rarò præscripsimus.

ANIMADVERSIONES PATHOLOGICÆ.

Quicquid præstandum est ad sistendum fluxum mensium nimium.

E Venit non semel, ut vel exuberans sanguis, vel nimiam sibi nactus acrimoniam, vel prætermodum fervens, vasorum parietes in utero, aut urgeat, aut dirumpat, aut concidat; atque adeo, ut immodicè profluat. Hinc sanguinis fluxus nimius, qui quandoque eò devenit, & maximè in adultis, ut exsanguis decedant. Hujusmodi fluxus præternaturalis, atque immodicus, ut opportunè sistatur, eadem plane requirit, quæ ad sistendam hæmoptysin in præcedentibus fusè jam exposuimus.

Qui-

Quinimmo, & in fluxu mensium, non secus ac diximus in hæmoptysi, ideo humores plerumque peccant, quia in tubulis con crescentes obstructions faciunt, atque adeo sanguini resistunt, ne per venas liberè fluat, qui proinde, retrocedendo, in valvulas impingit, ad latera vasorum impetum facit, membranis continentibus vim infert; quæ tandem laxatæ, & fatiscientes dehiscunt. Hinc aut osculis adaperitis, aut pluribus obversantibus rimis, intempestivè, largè, & enormiter profluit,

ALIÆ ANIMADVERSIONES AD THERAPEUTICEN SPECTANTES.

Inter ubera, & uterum maximum intercessit consortium.

Mulier si velis menstrua cohibere, cucurbitulam quammaximam ad mammas appone; docuit olim Hippocrates(a), & usui nos id non semel respondisse percepimus. Maximum profectò cum mammis consortium uterus habet; quæ, quum lacte turgent, sanguinem ex pudendis profluentem, ut plurimum sistunt. Sicuti e converso sanguis, qui ex pudendis profluit, lac mammis penè semper adimit. Præterea, quæ scirrhus in utero laborant, non abssimili tumore in mammis penè semper tentantur. Ad hæc, quæ virum primùm passa semine suscepto fecundatur, per extuberantes mammarum papillas, aliasque varias istarum partium immutationes, certissima conceptionis quandoque præbet indicia. Quæ omnia maximam sanè cum mammis affinitatem, & nervis, & vasis intercedentibus, in rerum exordio uterum contraxisse designant.

ALIÆ

(a) Aphor. 50. § 4. 5.

ALIÆ ANIMADVERSIONES
PATHOLOGICÆ.

Quid sit fluor
mulierum al-
bus.

PRO sanguine menstruo, ex uteri vaginâ, præternaturam licet, aliquid aliud quandoque fluit, quod a præfato sanguine tum colore, tum consistentiâ, tum cæteris qualitatibus longè distat. Talis excretio, quum sit humoris cuiusdam, qui serum crassiusculum, albi-
cans ut plurimum æmulatur, eam utique foeminis solemnem facit ægritudinem, quæ *fluor mulierum albus* nuncupatur, tametsi colorem album non semper habeat. Quo circa *humoris pituitosi subinde crassioris, albi plerumque, nec non etiam alterius quandoque coloris sine dolore copiosam, ac frequentem excretionem esse, vulgè describitur.* Vocatur item *menstruum mulierum album, & gonorrhœa non virulenta*; valde tamen improprie, quum nec mensibus singulis periodicè recurrere soleat, nec gonorrhœæ quidem naturæ coherere, etiam si gonorrhœa fluxum huiusmodi interdum insequatur. Id generis fluxus, & ante pubertatem, & mensium egestionibus jam exactis, & in senio quam sæpius incitatur. Ratione symptomatum in *benignum, & malignum* distinguitur. Benignus dicitur, qui citra multam noxam, præterquam quod graviora nimirum inferat symptomata, diu vel fluxerit, vel fluere possit. Malignus tum contra vocatur, quum pervicax sit, unâ, & corpus emaciet, vires extenuet, febriculas incitet, aliasque non leves inferat ægritudines. De fluxus præfati origine plura fabulati Majores sunt, qui uterum utpote aliis partibus subjectum, imbecillio rem, quàm reliqua viscera effecerunt, sibi proinde suadentes, a cerebro, ventriculo, hepate, liene, mesenterio &c., recrementa pituitosa recipere, eaque subinde in fluorem

rem album per vaginam egérere. Alii contra frigidam ejusdem uteri in eo morbo culpantes intemperiem, pituitam per id intus in vasis primùm ibi cumulari, ac mox secerni &c. At nos potius autumabimus, ejusmodi pravum fluorem a latice albugineo fieri, qui in glandulis uteri secernitur, quique vulgò tanquam sperma muliebri perperam habetur; talis quippe latex, aut in glandulis, aut extra exuberans, vel aliis ex causis vitiatus, atque ex glandulis in uteri cavum insudans, præfato fluori pariundo non impar videtur. Fluor mulierum albus, periculi ut plurimum licèt expers, tum præcipuè, quum nulla malignitatis præfereat indicia, difficilè tamen evincitur, in vetulis maxime, cachecticis, iisque, quibus diu substituerint menses. Longè difficiliùs restitisse observavimus, ubi ex vitiata in abortu, sive pariundi difficultate, sive in molarum egestione, cæterisque tum foris, tum intus agentibus causis, uteri structurâ provenerit. Quæ pro gonorrhoeâ virili simplici, ac benignâ subripiendâ jam ante proposuimus, quæque ad chlorosin extirpandam imposterum proponenda existimavimus, & hic quoque conveniunt. Quoniam autem fluor ante dictus, experienciâ teste, ex utero obstructo, aliisque insarctis visceribus, frequentissimè oritur, nil utique mirum, si deobstruentibus ex rhabarbaro potissimum, cæterisque rebus amaris confectis passim sistatur. At enim verò, quum fluor iste ex nimio sanguinis sero moveatur, tum serum exundans, aut per sudorem, aut per urinam, aut ex alvo blandè subducere juvabit.

ALIÆ ANIMADVERSIONES AD PATHO-
LOGIAM, ET THERAPEUTICEN
SPECTANTES.

Quid sit, &
quomodo cure-
tur gonorrhœ-
a muliebris.

Fluor mulierum, qui dicitur albus, tantum sibi quandoque comparat labem, ut varia hinc inde minima sparsim in utero procreans ulcera, glandularum oscula ubique depascat, atque in veram gonorrhœam convertatur. Hujusmodi gonorrhœa, *muliebris* vocatur; & ubi ex impuro concubitu contrahatur, vel in fœminis, dicitur *venerea*, quæ profectò item et ex minimis glandulis infudat, quas, aut in utero, aut in vaginâ, aut non procul a meatu urinario, virus celticum ulcere affecit. Gonorrhœa muliebris, æquè ac virilis eadem prorsus requirunt præsidia. Ne adstringentibus tamen immaturè sistas unquam admoneo, ne pro gonorrhœâ, imprudens, uteri scirrhum moliaris.

C A P U T VIII.

De Affectione Hysterica.

Definitio.

Affectio hysterica, ex eo *suffocatio* quoque dicitur *uterina*, quòd uteri vitio excitari passim vulgò credatur. Hinc et *asthma uterinum* ab Helmontio appellata est; quum inter Majores nostros non defuerit, qui eam describendo, *congeriem* esse protulerit *symptomatum*, quæ per periodos oppugnant, & modò naturales, modò animales, & persæpè vitales spiritus afficiunt, sive potiùs facultates ledunt, uteri prurientis vitio. Plu-

Plura, & admodum varia sunt, quæ affectionem hysterica, & anteire, & comitari solent, sympto-
mata. Creberrima tamen sunt, quæ insequuntur. Spirandi labor, faucium angustia, borborygmi, at-
que rugitus per hypochondria evagantes, nausea, non raro vomitus, cardialgia, anxietas, cordis pal-
pitatio &c. Ea sunt profectò, quæ vehementiorem paroxysmum præcedere observamus. At, ubi inva-
lescat ægritudo, ad hæc imminuitur pulsus, & quan-
doque planè quasi deletur. Oris supervenit squalor, unà et frigus per universum corpus effunditur. Con-
velluntur viscera, quæ in glomum prope coacta, ex imo ventre, sursum quasi conscendere deprehendun-
tur. Inde vulgi, inter mulieres præcipuè, futilis vulgata opinio, perperam sibi suadentis, uterum, ex imâ sede, in paroxysmo hysterico, interdum avul-
sum, ad fauces in sublime ferri. Spasmodicè non se-
mel tentantur membra exteriora &c.

Diagnosis.

Vetus opinio fuit, a vaporibus quibusdam ma-
lignis, ac penè veneficis, qui vel a sanguine, vel a semine in utero putrescente, corruptoque, emittun-
tur, affectiones hystericas incitari. Quod prorsus in-
ficiari nequaquam aggredior; quum uterus, ut ex Anatome clarè patet, organum utique sit præcipuum, quod, nervis intercedentibus, cum cæteris organis plurimam habet affinitatem. Hinc ab humoribus pravis lacessitus variam, tum sibi proximè, tum cæteris visceribus, ac partibus noxam ex consortio, remotè, ut ita dicam, moliri valet. Veruntamen, quoniam et mares, uteri quamvis expertes, non absimilibus obno-
xios incommodis frequenter vidimus, inferri posse non videtur abs re, uterum in fœminis affectione hy-
stericâ, proximè saltem, non semper affici; quinimmo, ut et de morbo hypochondriaco in maribus ante

Causæ.

jam diximus, ita et de hysterico in foeminis dicendum ducimus, cerebrum, nervorumque genus esse, quod quamspissimè a spiritibus, succoque nerveo, aliisque humoribus pravè excandescantibus percitum, musculos convellat, viscera torqueat, facultates omnes turbet, ac universam œconomiam animalem evertat. Hinc non injuriâ in affectione hysterica, et mesenterii plexus quandoque culpantur; qui per consensum a succis intestinorum præter naturam effervescentibus, non rarè affecti, ejusmodi turbas mulierum hystericas movent.

Prognosis.

Affectiones hystericae, tametsi periculo ut plurimum vacent, non est tamen, quodd necem interdum non intulerint. Quum sive certis, sive incertis recurrant periodis, tum potissimum difficilè solvuntur. Virginibus, & præsertim post pubertatem, aliisque, quæ otiosè vivunt, solemnes esse solent, magisque pervicaces; nec non etiam iis, quibus menses, aut nondum effluerint, aut defecerint, aut suppressi planè restiterint. Puerperis, uteroque gerentibus noxam plurimam moliri semper consueverunt. In epilepsiam, apoplexiam, maniam, aliasque pessimas ægritudines, eas non semel cessisse vidimus. Rustibus creberrimis, atque sternutationibus erumpentibus, persapè solvitur paroxysmus. *Mulier, quæ uterinis molestatur, aut difficulter parit, superveniens sternutatio bonum.* Hipp. (a)

Curatio.

Quicquid tum hypochondriacis, tum epilepticis affectionibus, & in paroxysmo, & extra paroxysmum curandis, in præcedentibus attulimus, et hystericiis adamussim conferre videtur; quum a contractionibus musculorum, & membranarum spasmodicis æquè omnes procedere arbitremur. Si menses debitè non pro-

fluxe-

(a) Aph. 35. sect. 5.

DE AFFECTIONE HYSTERICA. 75

fluxerint, saphenâ iterum, iterumque solutâ, aut hirudinibus pudendis admotis, sanguinem imminue. Fetus, suffitus, qui *antbysterici* vocantur, pediluvia, balnea, aquæ tum dulces, tum martiales largè epotæ mirum in modum profunt. Oleum recens crebro ingestum, decoctiones emollientes, aquas, quæ vulgò nervinæ appellantur, uti sunt matricariæ, peoniæ, totius citri, cerasorum nigrorum, theriacalia, & reliqua, hisce in casibus, tum, quum maximè invadit accessio, neutiquam spernes. Nec confectioes hyacinthinas, alkermes sine odore, trypheram magnam, mithridatum, camphoram, castoreum, opiata, myrrhata, & reliqua ejusmodi, utpote quæ non improspere celsisse quandoque vidimus, omnino improbabis. Quæ graveolent, naribus subjecta nervos olfactus insuaviter irritando, humorem prævum a partibus in paroxysmo convulsis aliorsum amovent. Cæterum cathartica, nisi leniter admodum egerint, eaque omnia, quæ viscera valde irritant, ex longævo plurius annorum in hunc diem, quantum percepimus, usu, hysterice laborantibus prætermo- dum semper offecerunt.

ANIMADVERSIONES PATHOLOGICÆ.

Affectio hysterica, ut a suffocatione, quæ faucibus ob hystericam convulsionem valde contractis, interdum imminet, *suffocatio* vocatur *uterina*; ita et a vesaniâ quadam, quâ furibundæ ac penè bacchantes virum non rarò expetunt mulieres hysterica, *furor* nuncupatur *uterinus*; quem proinde dici potest, *sensum libidinis acerrimum esse, quo in venerem sexmina perdit accensa, ac vehementer percita, nisi pluvè insanierit, ad insaniam prope redigatur.* Indicia

Quid sit furor
uterinus.

furoris uterini plurimum variant; alia quippe more, ac taciturnitate, veneream prementes cupido- nem, contabescunt; alia procul ab omni ratione, pu- dore, & consilio ineptè garriunt; in iram nonnullæ succenduntur, in risum modò, modò in lacrymas fun- duntur &c. Uterini furoris origo etiamsi penès Galeni- cos extet, aut a copiâ, aut a caliditate, aut ab acore se- minis mulierum, nos tamen delirii speciem furorem, uterinum esse rati, cerebrum, & nervos in eo primum affici quamæpissimè, autumamus; non negantes equidem, id ut plurimum uteri causâ quoque fieri; uterus enim succo proflatarum acriori quandoque, concitatus, & nervos lædere, & cerebrum afficere, & spiritus animales ita commovere poterit, ut ta- lem, ac tantum efferatum libidinis æstum suscitet, fo- veatque. Ejusmodi furor, nisi conjugio opportunè cohibeatur, in maniam deploratam frequentissimè transit.

CAPUT IX.

De Chlorosi.

Definitio.

Chlorosis, color videlicet mulierum a naturali recedens, febris alba, isteritia alba, morbus virgineus, unum, idemque penes Clinicos sunt; vocibus quippe iis eam designant in foeminis ægritu- dinem, in quâ earum facies præter naturam immuta- ta, decolor, squalens, & ad viridem quasi persæpè inclinans, pravam fluidorum ex humoribus præve con- gestis indicat indolem, mensum defectu quamæpissi- mè contrariam.

Diagnos.

Quæ chlorosi laborant præter oris, totiusque corporis colorem foedum, lentè identidem febriunt, ingenti

ingenti cum labore respirant, capitis dolore persæpe anguntur, cibos fastidiunt, evomunt, languent, doloribus per articulos tentantur vagis, moerentes, desides, & anxie sunt. Ad hæc iis palpitat cor, intenduntur hypochondria, obmurmurant, rugiunt, atque instantur intestina &c.

Viscera mensium retentione infarcta, quum in gyrum per ea liberè circumvehi nequeant humores, chlorosin faciunt; quam iceirco, non nisi deobstruentibus, ut postmodum dicendum eradicare unquam poteris.

Causa.

Chlorosis frequens licet sit, & contumax, lethalis esse non solet; hydropem tamen non nunquam facit, hecticam, aliasque chronicas parit ægritudines. Ubi mensibus adaperitis, prave indolis recrementa, quæ humores coinquinaverant, statis temporibus, periodicè, ac debite ex pudendis egeruntur, plerumque solvitur.

Prognosis.

Quocirca, ut talis affectio eximatur, ea omnia adhibere juvat, quæ menses blandè movent, viscerum obstructions recludunt, ac labem ex humoribus pravis intus congestis jam ante contractam eluunt. De iis sermonem pridem fecimus, ac in historia mox facturi sumus.

Curatio.

Historia II.

Philenium, perquam elegans Corcyra virgo, ex oris ægeis, inter barbaros piratas, aliorum transvecta, nescio quodam fato, Venetiis ad Urbem tandem appulit. Ætate tum florebat, & morum probitas, ejusque in arduis abundè spectata honestas, effecit, ut aliis quibusdam associata virginibus, in coetu quodam pio jandiu conviveret, manibus vi-

Quicquid, chlorosi medendo, præstare consuevimus, historiam declaramus.

etum

Atum sibi comparans, & religiosè, ac pudicè Divi-
 nis interim vacans. Fortis erat, procera, lacertosa,
 & ad id temporis optimè valens. At animo ex impro-
 viso vehementer commota, plura exinde passa est
 incommoda. Quinimmo, et menses, qui pridem
 largè semper fluxerant, ad annum, & ultra resiste-
 rant. Hinc macie penè confecta, ac prætermo-
 dum languens, unà et torpens febrile cepit. Febris,
 nec erat continua, nec sibi semper æqualis; quin-
 immo, et procul ab omni certâ periodo, modò mi-
 nor, modò major erraticè recurrebat. Attamen nausea-
 bunda penè semper erat, nisibus vomendi irritis fre-
 quenter obnoxia. De capitis insuper doloribus qui-
 busdam lancinantibus, qui die inclinato præsertim vi-
 gebant, conquererebatur. Pulsus erat imbecillis, urinæ, al-
 bæ, ac tenues. Oedemate affecta, genæ, manus, & pe-
 des non nihil intumuerant. Sitebat, ac viribus pla-
 nè fractis, irrequieta, atque insomnis dies, noctes-
 que plurimas jam traduxerat, sibimetipsi, non mi-
 nùs, quàm adstantibus infesta. Dies erat morbi de-
 cima octava, quàm Philenium ita febrientem invisi-
 mus. Et quoniam primævum ejus colorem omnino
 immutatum vidimus, ex roseo quippe pallens, &
 prope livescens consuetam Philenio venustatem ade-
 merat, eam chlorosi foedatam esse coniecimus; at-
 que adeo, ut chlorosi afflicta, ita ut sequitur, Phi-
 lenium tractare cepimus. Adstricta erat alvus, uri-
 nas uberrimas excernebat, plurimùmque, noctu præ-
 cipuè, cum ingenti spirandi labore insudabat. Quam-
 brem enemate ex aquâ simplici mellitâ priùs indito,
 eoque alternis ad dies quindecim circiter deinceps
 iterum, iterumque immisso, infusionem hanc A-
 antelucanis horis quotidie sumendam ei prescripsi-
 mus. Mensis erat Septembris post æquinoctium,

quum

quum ea nobis sese tractandam tradidit; sero iccirco caprillo, ut in eâdem A exponitur, medicato, ad ejusmodi subripiendam ægriitudinem usi fuimus. Diebus viginti exactis, ad usum martis, ita, ut declaramus in B, propinati devenimus. At enim verò in melius rebus semper procedentibus, & viribus plurimum restauratis, ad aquam subinde, primum villensem, mox tetutianam, quam ita, ut legitur in C, per dies plures hausit, transivimus. Ac postremo, ad libram circiter in varias vices ex pudendis sanguine educto, ac cute universâ crebrò defricatâ, & cucurbitulis quamæpissimè per inferiora apprehensâ, distractâque, de more refluxerunt menses, atque universis viscerum solutis obstructionibus, antequam ad diem quinquagesimam pervenisset, planè morbus evanuit.

A Rx. Rhabarb. elec. scrup. j., sal. tart. scrup. ss., feri cap. lib. j. M. f. levis infus., & mac. S. A., & adde fol. cichor., pimpinel., borrag. ana pug. j. bul. leviter. Coles., & adde crystal. mont. præp. drach. j., mel. hisp. unc. j. cap. quotidie in Auror., ut m. per. dies xx.

B Rx. Croc. mars. cum ror. majali parat. scrup. ss., sal. tart. gr. viij., mel. hisp. q. s. M. refor. bol. deaur. S. A.; & cap. quotidie in Auror., cui superbib. feri capril. per extinctionem ferri candentis S. A. chalyb. lib. j., syr. de cichor. cum rhabarb. unc. j. per. d. ex xv.

C Rx. Syr. flor. persic. unc. iij., aq. villens. q. s. M. f. pot., & cap. in Auror. cui superb. per intervalla ejusdem aq. villens. lib. iv., alternis diebus per vices tres.

Item Rx. Syr. flor. persic. unc. iv., aq. tetut. q. s. M. f. pot., & cap. in Auror., diebus tamen sex ab usu aquæ villens. exactis, cui superb. ejusdem aq. tetut. lib. iv. per intervalla ut supra. At pro unâ vice tantum.

ANI-

ANIMADVERSIONES AD THERAPEUTICEN
SPECTANTES.

Quid præstet
ferrum in usu
medico, & quo-
modo propine-
tur.

MArtis nomine ferrum, penès Chymicos, ideo sonat, quia, vel a truci Martis lumine suos ab alto in terris excipere influxus commenti sunt, vel pleraque in officinis ex ferro bellandi cuduntur instrumenta. Inter præsidia medica, non infimum sanè, vel antiquitùs obtinuit locum. *Sale* quodam congregatur acido, atque austero, quem *vitriolicum* vocant, *sulphure*, & *terrà*; quæ sibi invicem adeo laxè in ferro injunguntur, ut faciliè analysi chymicâ dissolvantur. In usum medicum, tum consistens, tum fusum, sive potiùs solutum præbetur. Ubi ferrum consistens propinare nobis arrisit, *croco*, qui dicitur *martis* passim utebamur. At ubi per modum liquoris, id metalli genus exhibere placuit, tum tincturam, pomorum succo, ex marte elicitam, utpote quæ blandior nobis visâ sit, frequentius, quàm alias martis solutiones, præscripsimus. *Crocus martis*, sive ferrugo, nihil aliud est, quàm portio quædam ipsius ferri, sive chalybis in pollinem tenuissimum per aerem humidum passim extenuata. *Calx ferri*, non impropiè, a nonnullis dicitur, eoquòd non aliud sit porrò, quàm ferrum in calcem, aut naturâ, aut arte subactum. A croceo, quem objicit colorem, crocus ab aliis nuncupatur. Duplicis generis est. Ab effectu alter aperiens, adstringens alter appellatur. De aperiente hìc loquimur. De adstringente postmodum. Aperiens est, qui vel suâ, ut ita dicam, sponte, aere udo, vel datâ operâ, aut aquâ pluviatili, aut sulphure ignito educitur. Ejus dosis nobis consueta, est a granis duodecim, ad decem et octo, & ad

ad scrupulum. Blandè agit, obstructions recludit, viscerum vim enervem roborat, aliosque optimos, citò, ac tutò, non præposterè modò propinetur, præstat effectus. Id equidem idem, non æquè tamen, semper prosperè adeo, ex usu martis pomorum succo soluti, percepimus; qui eadem circiter dosi, idest aguttis quindecim, ad vigintiquinque, & triginta propinari solet. De ferro, chalybe, vel marte, naturam, facultates, officinas, & reliqua, quisquis calere velit, Ettmullerum, Lemery, aliosque complures, qui eà de re fusiùs scripserunt, adeat. Tyrones interim monitos velim, ne corpore non ritè purgato, neque humoribus non antea diu subactis, ac non benè dilutis, martem unquam propinent. Mars enim in visceribus impetum facit, atque adeo in recessibus humani corporis vitam habentis, nisi facile cedat humor peccans, agendo sese intus intrudit, intubulorum parietes ictus ruditer impingit, fibras convellit, membranas impellit, lacerat, infringit, meatus magis magisque quandoque infarcit, abscessus, scirrhus, sanguinis, lymphæque profusiones interiores, inflammationes, cruciatus, tormina, aliasque plurimas perquàm molestas, & persæpè lethales inducit affectiones.

Quid sit, & quo pacto crocus martis aperiens eliciatur.

Crocus, sive ferrugo, quæ dicitur aperiens, tum ex ferro, tum ex chalybe, madidis, sive saltem humidis, non alià elicitur de causâ, nisi quòd spiramenta, sive meatus ejus insensiles, humiditate obstructi, materiâ secundi generis ex æthere amotâ, eam primi generis solam intus excipiunt, ætherem nempe excipiunt tenuissimum, concitatissimum, atque ob maximam, quam solus exercet, celeritatem, validissimum; qui propterea per eas minimas intercapedines sese perniciosissime exagitando, meatus indefinenter

L

ter

ter corradit, ac prope limat, molecularum compagem, quas offendit, ubique comminuit, extenuatque. Hinc ferri, durissima licet substantia, paulatim subacta, ac penè dicam putris, in pollinem solvitur, atque in minutissimam quasi, aut cumulatur, aut decedit, scobem. Hinc ferrugo &c. En quo pacto in rubiginem reliqua omnia metalla item converti credimus. En quo pacto in abditis terræ visceribus in calcem, vel in pumicem, lapides quandoque vertuntur. En quo pacto subterranea suscitantur incendia, aquarum æstus, terremotus, & reliqua, de quibus, si ter Optimus Maximus dederit, suo loco dicendum. Si quis hæc iterum luculentius percipere cupiat, Tractatum nostrum Physico-mathematicum, quem de motu non ita pridem divulgavimus, adeat. At ubi crocum ex ferro elicere quamcitissime velis, scobem, quam aut ex ferro, aut ex chalybe subtiliter limaveris, in disco ad solem ardentissimum æstivum subdio expone, eamque, sive rorem majali, sive aquâ, vel pluviatili, vel communi, identidem, ut quum exiccetur, iterum, iterumque consperge, & scobem in ferruginem ubique friabilem brevi conversam deprehendes. At si talem ferruginem ad solem deinceps adhuc, ut antea, consperges, ea ulterius solvitur; verum, croceo extincto colore, atra demum evadit, odorem sibi vitrioli, sive potius atramenti nacta.

Quid sit crocus
martis adstringens.

Crocus martis adstringens, nihil aliud est, quam ferrugo, ope sulphuris accensu, uti diximus, prius educta, quæ subinde aceto fortiori diu subacta, ac igne vehementiori mox perusta, vim sibi adstringendi comparat. Hæc ad granorum quindecim, viginti, triginta circiter dosin propinata, quosunque sanguinis fluxus sistit immodicos. Veruntamen, vel in hoc cautè admodum incedas oportet, ne sanguinem cohiben-

bendo, inflammationes facias, atque abscessus. Crocus martis, inflammati sulphuris vi, elicited aliquantulum præponderat: evidens indicium, aut a sulphure ignito, aut ab ipso igne sibi aliquid immixtum suscepisse, quod eidem croco inhærens, insimul et gravitet, & agat.

Chalybem ferrum esse arte magis coactum, magisque subactum, expolitumque, lippis, & tonforibus abundè notum est. Chalybs igitur, eoquod longè majorem, quàm ferrum adhuc rude, duritiem habeat, magis resistit, subtilius relinatur, & elegantius levigatur, cui proinde nitor maximus ab Opifice detergendo comparatur. Ex quo utique fit, ut quemadmodum chalybs utensilibus nonnullis exterioribus perficiendis idoneus magis sit, quàm ferrum, ita ferrum, quoniam facilius solvitur, ad labem in visceribus destruendam, vires suas facilius exerat. Eorum, qui, affectionibus destruendis martialibus intus utuntur, fæces egestæ subnigræ quadam inficiuntur uligine; quam ex eo, ut opinor, martialium sale vitriolico, ut ita dicam, nanciscuntur; is quippe cum succis intestinorum acerbis immixtus, speciem ibi quandam elicit atramenti.

Ad usum medicum ferrum magis, quàm chalybs probatur.

ANIMADVERSIONES PATHOLOGICÆ

A Deam, quam in Phylenio Chlorosis nuper statavimus, penitus eximendam, sanguinis copiam ad libram usque ex pudendis imminuimus; quo tandem ægritudinem; in eâ quamvis humores pravi cachexiæ speciem jam fecissent, planè extenuavimus. Id si quispiam improbare velit, ad ea, quæ paucis mox proferre est animus, mentem quasi adhibeat. Scimus et nos, in cachecticis sanguinem largè educere,

In quo casu ad cachexiam subducendam, conveniat sanguinis missio.

rem fore perſæpe, aut irritam, aut periculi plenam. Attamen medicinam facientes, didicimus quoque, uſu potiffimum ducti, in virginibus præſertim, menſum fluxu compreſſo oppletis, didicimus inquam, non modò ſimplicem chloroſin, quinimmo, et hydro- pem penè confirmatam, hirudinibus pudendo admo- tis, & ſanguine uberrimè hauſto, actutum quaſi eva- nuiffe. Nec id quidem mirum alicui eſſe debet, modò advertat, pravam humorum qualitatem, quæ, & ca- chexiam, & hydropem tum facit, non aliunde exti- tiſſe, niſi a quantitate ſanguinis nimia intus præter naturam retenti; qui niſi opportunè ſubreptus eſſet, intus adhuc viguiffet cauſa morbi primaria. Enim ve- rò nobis, qui in clinice exercendâ naturæ inſtituta, & conſuetudines ſcrupuloſè, ut ita dicam, imitari de- bemus, perquam ſæpè obſervaffe datum eſt, affectiones hujusmodi, etiamſi inveteratas, hæmorrhoidibus, vel menſibus diu ante obſtructis, liberè tandem ali- quando redeuntibus, omnino ceſſiſſe.

C A P U T X.

*Quicquid de Fætu obſervamus menſibus
geſtationis poſterioribus.*

Quid ſint mem-
branz forum,
extrinſecus ob-
volvantes.

FOetus in utero, poſterioribus ſaltem geſtationis menſibus, duplici obvolvitur tunica, quæ prope- modum ovi cujuſdam maximi putamen, quum adhuc molle eſt, æmulari ſolet. Exterior dicitur *Chorion*. *Amnion* interior. Exterior utero accreſcit per *placen- tam*, cui quaſi agglutinatur, modò anteriùs, modò poſteriori, modò infernè, nec non etiam quandoque ſupernè.

Quid ſit pla-
centa.

Placenta eſt maſſa quædam carnea, rubicunda, mol-

mollis, quæ figurâ exteriori scutellam æmulari solet planiorem, cujus altera facies paullulum cava sit, altera convexa. Facies placentæ cava chorio foris adamussim aptatur. Gibba utero intus. Ejus longitudo, foetu perfecto, ad sexqui pedem plerûnque extenditur. Crassities ad digitos duos circiter transversos. Substantia contextitur maximâ arteriarum copiâ, æquæ ac venarum, quæ producantur a truncis umbilicalibus.

Binæ sunt arteriæ umbilicales. Originem ducunt utrinque ab aortâ descendente non procul a divisione iliacâ. Exinde per latera vesicæ urinariæ in umbilicum tendunt, ibique conveniunt. Mox funiculorum adinstar mutuo intorquentur extra foetum ad placentam usque, in quam dirimuntur propaginibus penè innumeris, quarum nonnullæ effunduntur quoque per chorion, & æmion. Binis hisce arteriis una tantum respondet vena, quæ tamen amplior est, quàm binæ arteriæ simul sumptæ. Vena umbilicalis ab hepate foetus, per mediam videlicet hepatis fissuram, ad umbilicum foetus excurrit; ubi cum arteriis convenit umbilicalibus, unâque cum iis ad placentam usque intorquetur; per quam non aliter, ac arteriæ umbilicales pluribus propaginibus effunditur.

Describuntur
in fretu vasa
umbilicalia.

Arteriæ, & venæ umbilicales ab umbilico complicatæ, sive intortæ ad placentam usque, vinculum illud efficiunt laxum, & molle, quod dicitur *funiculus*. In quo præterea observamus *urachum*: ligamentum scilicet, quod a fundo vesicæ, per umbilicum foetus funiculum, subit; ac per funiculum, in bobus saltem, hædis, atque ovibus producit ad *allantoidem*. Allantoides altera est membrana, farciminis adinstar cava in quibusdam, in aliis varias habet cellulas, quæ serum continent urinæ non absimile. Interest in brutis.

Quid sint funi-
culus, sive li-
gamentum um-
bilicale, ura-
chus, & allan-
toides.

tis inter chorion, & amnion. In homine nondum fanè id luculenter nobis innotuit. Insuper in quadrupedibus plerisque majoribus cavus est reverà urachus; quem tamen impervium in homine antehæc semper offendimus. Qua de re serum licèt in allantoidem quadrupedum deferatur a vesicâ urinariâ per urachum, id tamen in foetu humano affirmare neutiquam audeamus.

Quid sentien-
dum sit de ner-
vis, ductibusque
chyliferis, ra-
tione funiculi.

De nervis umbilicalibus, universi quamvis si-
leant Sectores, eos tamen adesse affirmare non dubi-
tamus, si sensibus nostris fides habenda est, necnon
et ductus chyliferos; quod Bidloo, itemet Verhe-
jen quoque non ita pridem innotuit.

Placentæ usus,
& quomodo in
utero nutriatur
foetus.

Usus placentæ ad mentem Priscorum erat, ut
foetui utero concluso alimoniam compararet, quæ pe-
nes eos per placentam a venis non mirus, quam ab
arteriis umbilicalibus prægnantis subit venas, atque
arterias umbilicales foetus. Hæc tamen opinio, tem-
poribus nostris reperto motu sanguinis circulari, ne-
glecta planè corruisse videtur. Observamus quippe,
sanguinem per arterias umbilicales effundi a corde
foetus ad placentam, quam quaquaversum irrigat, &
tanterse vel minimùm sanguini communicet materno,
refluit a placentâ foetus per venam umbilicalem in
idem corculum foetus, uti luculentissimè ex pluribus
colligere possumus observationibus ocularibus. Ex
quibus insuper habemus, foetum reverà per osculum
ali, labiis suis identidem exurgentem humorem tenuem
albugineum, qui colligitur in annii capacitate, quo
propterea foetus circumfunditur immersus. Humor
præfatus a glandulis minimis hinc inde dispersis per
substantiam uteri interioriorem, ni fallor, depluit, qua-
rum oscula excretoria aptantur chorii spiraculis; a
quibus per transfudationem, uti opinor, humorem præ-

præfatum in amnii cavum immittunt.

Quia foetus, uti monuimus, quum adhuc vivit in utero latici præfato immerfus, respirare nequit quam potest, iccirco sanguis liberè a dextero cordis ventriculo effundi haud potest per arteriam pneumonicam in substantiam pulmonum, ut inde per venam pneumonicam refluat in auriculam cordis sinistram. Hinc per *foramen*, quod dicitur *ovale*, nec non etiam per *tubum*, qui vocatur *arteriosus*, defluit aliorsum, ut mox dicendum. Tum foramen ovale, tum tubus arteriosus sunt meatus quidam foetui ferè peculiare, donec utero concluditur. Mox autem, quum spiritum extra uterum liberè ducit, planè occluduntur.

Enumerantur
foramina cor-
dis foetui pecu-
liaria.

Foramen ovale occurrit in cavo auriculæ dextera a ventriculo dextero non procul. Figuram habet ovalem, atque ex auriculâ dexterâ per basim cordis ducit in auriculam cordis sinistram non procul a venâ pneumonicâ, in quam aperitur, ut in auriculam cordis sinistram sanguinem evomat; adeo ut pars sanguinis maxima, quæ a reliquis corporis partibus reflueret debet per venam cavam in auriculam cordis dexteram, ab auriculâ cordis dexterâ nequaquam descendit in ventriculum cordis dexterum, ut exinde ad pulmones dirimatur per arteriam pneumonicam; quinimo per foramen ovale deferatur statim ab auriculâ cordis dexterâ in auriculam cordis sinistram, a quâ in ventriculum sinistrum mox descendit.

Quid sit foramen ovale.

Tubus arteriosus est alter ductus, qui non procul a principio arteriæ pneumonicæ, duobus circiter digitis transversis, supra basim cordis, statim producit ab arteriâ ipsâ pneumonicâ ad principium trunci aortæ descendens. Quamobrem pars maxima sanguinis, qui per arteriam pneumonicam irriga-

Quid sit tubus arteriosus.

re deberent pulmones, a trunco arteriæ pneumoni-
cæ defleat per tubum arteriosum ad principium trun-
ci aortæ descendenti, in quam sese exonerat.

Quare ductus
præfati, respi-
rante foetu, oc-
cluduntur.

Ductus præfati, foetu in lucem edito, ut spiri-
tum liberè ducere ceperit, paulatim laxè subsidunt,
concidunt, concrefcunt, & ocluduntur; eoque
sanguis, quum per pulmones faciliùs deinceps tran-
sire possit, a ductibus præfatis, quos magis obliquos
offendit, planè declinet.

C A P U T XI.

*'De Vita Fetus in Utero, ac nutritione,
necnon etiam de Partu.*

Quo pacto vi-
vat fetus in
Utero.

SI quis ea, quæ de foetu utero adhuc concluso in-
nuimus, accuratè perpendat, inferre poterit, foe-
tum ante conceptionem, *virtualiter* saltem in ovariiis
vitam vivere genitricis. Exinde *formaliter* vivere post
conceptionem vitam suam quoque propriam: vitam ta-
men duntaxat animale prioribus gestationis diebus;
quum ex alimentis, ex succo videlicet in amnii cavo
collecto, quem labiis exugit, conficit in stomacho,
æquè ac in intestinulis chylum quendam tenuissimum,
defæcatissimumque; qui postmodum vasa subit lactea,
ac per vasa lactea reliquos tubulos universos &c.
Adeo ut, modò tamen vera sit ovaristarum sententia,
non secus ac pullus in ovo fæcundato propriam sibi
conservet vitam, quam non ita pridem semen in coi-
tu immisum excitavit. Hanc præterea fovet blandus;
ut ita dicam, uteri calor. Vitam dicimus vivere tan-
tùm animale foetum prioribus gestationis diebus,
quum deinceps vivere incipiat vitam quoque sensiti-
vam

vam, & rationalem, ope mentis illius incorporeæ, quæ tanquam forma substantialis corporis humani viventis divino excitatur afflatu, atque, embrione confecto, organis infunditur corporeis. Nihilominus tum dormitat infans in utero, ob denegatam objectorum sensibilibus actionem, quæ liberè in organis agere minimè queunt, tum ob parietes uterinos, tum ob membranas foetum includentes, tum ob humorem, quo undequaque alluitur.

Quò grandior sit foetus in utero, eò magis, ceu Quo pacto foetus excludatur in puerperio. vas continens, in omnem dimensionem extenditur uterus; adeo ut posterioribus gestationis mensibus, maximam molem acquirat; sed quum explicari amplius nequeat increscentem foetum quodammodo coercescit; qui ob varia proinde, quæ patitur incommoda, expergefactus, intorquetur, exagitur, angitur, ac tandem calcitrans membranas discindit, lacerat exuvias, provocat partum; & capite ut plurimum deorsum inverso, per osculum uteri exitum sibi pandit. Hinc caput Infantis plerumque prius egreditur. Membris fractis, ut facilius sit exitus, fit illico aquarum effluxus; quibus accedit puerperæ labor, quæ tum inspirando, & diaphragma deorsum movendo, tum musculos abdominis contrahendo, uterum adeo comprimit, ut foetum tandem excludat. Id in homine contingere solet mense post conceptionem nono exacto, aut sub finem, vel decimo incipiente. Interdum, raro licet, partus fit mense septimo, & præsertim in primiparis. Partus huiusmodi, qui propterea *septimestris* vocatur, quasdam habet persæpè imperfectionis notas in auriculis, in ore, necnon etiam in digitis; quæ partes in foetu omnium novissimè perficiuntur. Non semel contingit quoque, ut prægnans vetula, sive imbecillis, sive ob imbecillitatem foetus,

tus, ultra mensem decimum differat partum. An tamen eo in casu vitalis sit nec ne, perquam difficile est judicare, quum non raro prægnantem fallant conceptionis indicia.

Quo pacto moveatur fœtus, ut pariundi nifum provocet.

Causa, sive stimulus, qui in utero fœtum excitat, atque, ut ita dicam, adigit, ut partum moveat, penes Auctores varius est. Probabilius tamen id operis adscribitur, & spirandi angustia, & fœcibus acrioribus in cavo intestinorum cumulatis. Sanguis enim exuberans, quum per pulmones liberè transire nequeat, in præcordiis stagnando, impetum facit, irritat fœtum, & per fœtum nifum provocat pariundi. Nil itaque mirum, si utprimùm egreditur fœtus, respirare incipiat. Ad hæc fieri quoque potest, ut fœces, ex eo, quo nutritur humore, defœcatissimo licet, sensum intus adauctæ, tantam sibi processu temporis acrimoniam acquirant, ut cruciatus, tormina, & fœcum egerendarum stimulos moveant; quibus Infans expectus, exuvias pandat, atque in lucem prodeat.

Quid Secundinarum nomine vulgò veniat.

Fœtu egresso, subsequuntur membranæ obvolventes, sive fœtus exuviz, item et placenta, quæ per funiculum-umbilicalem fœtui adhuc alligantur. Hæc omnia vulgò dicuntur *Secundina*, *Secunda*, Græcis *Deuteron*, eoquod secundo loco post fœtum quantocius eximantur oporteat, ne uteri contracto orificio earum occludatur egressus; quæ intus proinde putrescentes lethalem humoribus labem inferrent.

Quid sint post partum uteri re-purgamenta, sive lochia.

Interea temporis uteri parietes ab incremente fœtu plurimum jam extenti, eo excluso, fibrarum ope in dies contrahuntur. Hinc tubulos comprimunt, & glandulas; a quibus propterea humores congestos, ibique gestationis tempore coactos validius exprimunt. Ex quo fit, ut post partum uteri profluant re-purgamenta, sive *lochia*. Egredit prius humor cruentus

tus, sive sanguis purus. Mox sanguis longè magis dilutus, loturæ adinstar carnis ob copiam seri maximam sibi immixtam. Postremò insudat, sive potius depluit materia quædam mucosa, alba, quæ nil aliud esse solet, quàm reliquæ succi alibilis, quo vefcebatur in utero foetus. Fluxus hujusmodi, ratione temporis, plurimum variare solet, pro varietate constitutionis puerperæ. In nonnullis quippe profequitur ad dies quindecim. Citius in aliis cessat, nimirum die octavâ elapsâ. In aliis ad mensem quoque, & ultra producitur. Uterus dum ita sese repurgat, subindè contrahitur, &, ut ita dicam, extenuatur, quoad, repurgatione confectâ, ad molem suam naturalem in formam pyri propemodum reducatur.

ANIMADVERSIONES PHYSIOLOGICÆ.

Mulierum partes generationi inservientes, ubi semen ferax opportunè a viro exceperint, exceptum fervent, detineant, condant, foveantque, nec non etiam aliis, prout exegerit natura, partibus immittant, *fecundari* dicuntur. Inde *conceptio*, quam Galenus *motum esse tradidit contractionis uteri, dum semen in seipsum ejaculatum amplectitur veluti manu quadam avidissimè*. Num autem ex solo viri semine, num ex utriusque miscellâ id operis absolvatur vel apud Priscos olim in dubium venerat. Quatuor eâ de re præcipuas hastenus, quantum teneo, accepimus sententias. Binæ vetustatem sapiunt. Binæ recèns excogitatæ, & fortasse commentæ, varias temporibus nostris inter Philosophos altercationes acuerunt. Vetustissima eorum fuit, qui ex solo spermate virili foetum extare rati, veluti agellum feracem, in quo tanquam ex jacto semine, foetus rudimenta germi-

Varie circa generationis opus opiniones.

narent, uterum habuerunt. Alij exinde, inter quos Aristoteles, conceptionem in utero ex immixtione utriusque seminis fieri affirmabant. At non ita pridem oculatæ Recentiorum indagine *Ovaristas* excitarunt; quibus, quum ab ovo omnia exoriri autumaverint, & hominem ipsum ex ovo excludere placuit. Nec inter eos defuit, qui membra humani corporis futuri universa, ruditer quasi elicitæ, atque in puncto, ut ita dicam, minimo coercitæ, ovulo jamdiu inesse, opinabantur; adeo ut per ipsos, præter Animam incorpoream, nil in foetu, post conceptionem, de novo unquam eliciatur. Idcirco conceptio penes eos in afflatu quodam consistit. Spermatis intus ex coitu immissi; cujus ope foetus, qui pridem in ovulo informis erat, & motum, & formam, & vitam, & incrementum subinde nactus, tandem absolvitur. Id obiter his verbis attigisse videtur idem Seneca. *In semine omnis futuri ratio hominis comprehensa est, & legem barbae, & canorum nondum natus Infans habet; totius enim corporis, & sequentis ætatis in parvo, occultoque lineamenta sunt.* At enim verò de foetus conceptione, nemo; quoad rescivimus, adeo hætenus allucinatus fuit, quàm qui acriter in spermate tubis optice pugillaribus inquirendo, plurimum minimorum animalculorum viventium, vel in homine, congeriem esse effinxit; fidenter inde affirmans, unum ex iis, aut uteri cavum, aut unum ex ovulis, in coitu subire, ibique foveri, augeri, atque in embrionem corporis humani postmodum aptari. In re tam arduâ, tamque obscurâ, ac penè dicam prorsus inextricabili, prout sibi libuerit, modò tamen à Sacrosanctis Orthodoxæ Fidei Doctrinis ne minimum quidem philosophando distare audeat, opinari quisque poterit. Nos, interim, utpote quæ inter Sectores vulgata magis videatur, Ovaristarum sen-

Sententiam paucis exponere juvabit.

Ponamus igitur per modum simplicis hypothesi inter vivipara et homines ipsos ex ovo insurrexisse: ex aliquâ nempe inter tot minimas veliculas, pellucidas, sive hydatides, quas sparsim hinc inde excipiunt testium mulierum fibrosa alvearia. Hoc posito, semen in coitu per membrum virile ad uterum propellitur. Pars ejus tenuior per calorem extenuata exaltatur. Per tubas Falloppianas, per meatus uterinos, aut per quosdam alios canaliculos in vaporem evecta, & ad sanguinem, & ad mulierum testes effunditur; in quibus ex ovulis illud tantum fecundat, quod ibi offendit maturitate digestum. Ovulum ita fecundatum magis, magisque digeritur, atque subigitur, quoad, veluti pomum ad supremam maturitatem perductum, ex stipitibus suis in tubas excidat, ac in uterum per tubas devehatur, ut in utero sensim in dies augeatur. Hinc involyentes tunicae quaquaversum explicantur. Majorem sibi molem inducit placenta. Producitur, & pinguescit funiculus. Intus in ovulo cudentur embryonis stamina. Animâ divinitus intimè perfunditur embrio. Corculum jam pulsât. Micant arteriæ, ac per eas sanguis ad membra provehitur, unde per venas ad idem cor reducitur. In cerebro secernuntur spiritus, per nervos radiant, fibras undique tendentes, ac varios in organis motus excitantes, quorum ope, & in utero foetus jam vivit. Vivit utique vivit; siquidem cogitat, variis tentatur doloribus, intorquetur, exagitur, angitur, ac tandem calcitrans membranas frangit; atque ingemiscens in puerperâ provocat partum, quo foras depromitur. Provocat partum, quippe & calcitrando, & sese hinc inde intorquendo uterinos incutit parietes, nervorum plexus afficit, prægnantis mu-

Explicatur conceptio, incrementum, & ortus infantis juxta mentem Oraculorum.

scu-

sculos convellit , tormina , deiciendi , pariundique
 nisus procreat ; quibus compulsus , & undique pres-
 sus tandem egeritur . Egeritur Infans , ratione præ-
 ditum videlicet animal , corpore organico affabrè in-
 structum ; quod organorum beneficio , uti ante jam
 diximus , mirificè agit . Id corporis quædò iterum ,
 iterumque Tyrones perpendite , ne diutiùs *cætera mi-
 remur , cum simus ipsi mirandi* . Mirandi non modò ,
 quòd hoc mortali , fragilique corpore , incorporeum ,
 & iccirco immortalem complectimur animum ; ve-
 rùm etiam , quòd ipsomet defuncturo corpore , Eter-
 ni , Sapientissimique Opificis ubique pandimus indicia ;
 quippe tam appositè concinnati , ut caro nostra , ta-
 metsi naturà exanimis , & iners , intrinsecè tamen
 movetur , vivit , nutritur , augetur , incedit , & pro-
 pagatur : idque duntaxat organorum ope , nullo aliò
 agente sensibili , quo illa moveantur , extrinsecùs
 adjuvante . Accedat huc inspiens , accedat ; & ne in
 corde suo distitet ulteriùs , *non est Deus* , corticem ,
 ut ita dicam , corporis istius recens nati primùm intuea-
 tur , & per corticem intimè conspersa digiti Omnipot-
 entis vestigia abundè deprehendet . Hic quippe te-
 gumenta compegit , eaque fibrulis , nervulis , vascu-
 lis , spiraculis , papillulis ; & glandulis appositè instruxit :
 Pilis ubique conferuit . Ad pilorum radices , & bulbos ,
 & calices , & reliquæ mirum in modum aptavit . Sub
 tegumentis musculos . Inter musculos glandulas .
 Sub musculis , & glandulis ossa compegit . Ossibus
 viscera subjegit . Viscera humoribus irrigavit , quæ o-
 mnia ita eleganter muneribus suis obcundis aptantur ;
 ut exinde potissimùm eluceat , vel mechanices imperi-
 tissimis , quantà industriâ , quantâque elegantia cor-
 poris organa fabrefecit Sapientissimus ille Providus
 Natura Parens Omnipotens . *Nescio qualiter in utero*
 meo

*meo apparuisti. Singulorum membra non ego ipse som-
pégi, sed mundi Creator, natis suis dictabat olim,
ut a Sacris habemus Paginis, divinitus afflata Genitrix,
multò, quàm Philosophus aptius, penes quem Sol, &
Homo generat Hominem.*

ALIÆ ANIMADVERSIONES PHYSIOLOGICÆ.

Locus, quâ utero placenta inhaeret, est utique incertus, nec in omnibus idem. Interdum ei quippe iungitur in latere dextero, interdum in sinistro, quandoque anteriùs, quandoque posterius &c. Quod effecit, ut Regnerus de Graaf planè senserit, certum, & determinatum adhaesionis placenta locum neutiquam assignari posse. Id tamen ex Diemerbroech, aliisque tum Veteribus, tum Recentioribus Anatomicis maxime adnotandum, placenta, prioribus gestationis diebus soluta licet; ac libera deprehendatur, posterioribus sanè utero firmiter adhaerescere, ut fructus videatur quasi stipiti immaturè infixus, sive potius fungus arboris cortici arctissimè inhaerens. At paulatim subinde laxatur, atque ab utero sensim recedens in puerperio, non secus ac fructus jam maturus facile avellitur, & proprio quasi excedit pondere.

Quo pacto placenta posterioribus gestationis mensibus ab utero sensim excidit.

ALIÆ ANIMADVERSIONES PHYSIOLOGICÆ.

Fœtus caput ut plurimum priùs, quàm reliqua membra ab utero, uti innuimus, emittit. Id fit, ni fallor, quoniam caput in foetu, habitâ reliqui corporis ratione, longè majus est, quàm in adultis, & ic-

Quare foetus nascendo caput ut plurimum edat priùs.

& iccirco gravitat nimis : Quamobrem si ab eâ positione , quam in fluido æquilibratus servare solet in utero, vel paululum recedat, præponderat caput deorsum tendens, & reliqua sibi abripit membra superiora : ea nimirum , quæ supra centrum gravitatis posita sunt . Hinc in puerperio quum foetus enititur , declinat caput, tum quum pedes, & reliqua membra inferiora in sublime feruntur . Nil mirum itaque , si caput prius , dum nascitur , in lucem plerumque proferrat . Quocirca perbellè Plinius (a) *ritu naturæ capite hominem gigni mos est , pedibus efferri* .

ALIÆ ANIMADVERSIONES PHYSIOLOGICÆ.

Unde provenit
affinitas inter
foetum, & præ-
gnantem .

DE nervis umbilicalibus ; ut vel ipse Verheyen sector Lovanientis nuper monuit, ad tempora usque nostra omnes ferè siluerunt; eos tamen, ut ante jam innuimus, nonnulli, & nos item, postremò, si oculis nostris credendum sit, vidimus; eosque filorum ad instar tenues, atque albicantes per universam funiculi longitudinem ad placentam usque produci, ibique distribui paulatim, & sensim evanescere, atque occultari observavimus. An autem per nervos hosce, an per humores; an aliquâ aliâ de causâ eveniat, ut ea maxima, quam cum prægnante affinitatem habet foetus, in utero conservetur, id hætenus incertum est. Certum est tamen, prægnantem, & foetum in commotionibus universis, tum animi, tum corporis alternis affici. Hinc persæpè abortus. Hinc monstra. Hinc habitus a nativitate. Hinc affectiones, quæ dicuntur *ab ætate*. Hinc notæ ingenitæ, in ætate vestigia, & reliqua, quibus in utero afficitur foetus, quæque præcæteris scripto-

(a) Libr. 7. cap. 8.

ptor Gallus pereleganter non ita pridem exposuit.

ANIMADVERSIONES PATHOLOGICÆ.

QUum aut uteri, aut proximarum partium, aut humorum, quibus uterus, & prædictæ partes irrigari solent, vitio, tametsi cum viro debite congregiatur mulier, concipere tamen haud nequeat, id propriè *sterilitas* nuncupatur, quæ non injuriâ mulierum morbis annumeratur. Steriles fore foeminas præsertim judicamus ex lumbis adstrictis, ex mensibus, aut omnino suppressis, aut planè deficientibus, aut de more non fluentibus, ex temperaturâ, ut vulgò dicitur, frigidâ, ex defectu pilorum, iisque similibus; quæ tamen omnia quam sæpissimè fallunt. Sterilitas, & maximè avita, difficilè evincitur. Et quoniam sæpè vitium est, quod ab aliis provenit affectionibus, iis primùm in curatione respiciendum est.

Quid sit sterilitas.

CAPUT XII.

De Symptomatibus Prægnantium, et Abortu.

QUum primùm conceperit foemina, variis tentari solet incommodis; quæ tum ab organorum facultatibus, suscepto semine foecundo, intus immutatis, tum a mensibus compressis, subinde suscitantur; organorum etenim facultas, genitalibus foecundatis, mutationem statim subit, & menses ut plurimum omnino sistuntur. Prægnans igitur nauicare primùm incipit, mox evomere, cibos fastidire, picacea evadere, torminibus, alvi profluvio, dentium dolore, vertiginibus, cephalalgia, aliisque pluribus

Abortus definitio.

Tom. III.

N

mo-

molestiis torqueri, quæ ab enarratis causis originem ducunt. Medio gestationis tempore tussi crebrò infestatur, cordis palpitatione, frequenti syncope, spirandique labore, qui subinde a primo ad ultimum magis, magisque viget, ob uteri molem incrementem; quæ longè, latèque sese prolatans, reliqua ad latera comprimit viscera, sublevat diaphragma, ac thoracem constringit. Ex hoc itidem fit, ut posterioribus gestationis diebus cum difficultate mingat prægnans, atque ex alvo ægrè deiiciat. Quinimmo, & ex præpedito sanguinis per venas inferiores refluxu, tumefiunt ei crura, sanguinem expuit, febris succenditur &c.; quæ eò quandoque perveniunt, ut foetum immaturè, idest nondum sanè confectum excludat. Quo in casu *abortire* dicitur; abortire quippe nihil aliud est, præterquam *factum nondum confectum, atque ante tempus, sive vivum, sive mortuum ab utero excludere.*

Diagnosis.

Abortus jam facti ex ipso foetu immaturè egesto petenda sunt indicia: ratione, tum temporis, quippe ut dicatur abortus, egeri debet ante septimum, vel nonum gestationis mensem: tum corporis, cujus membra nonnullas penè semper præbere solent imperfectionis notas. Imminentem autem abortum fore, indicare solent horror, & rigor quidam; qui, nullà extrinsecùs datà occasione, per universum prægnantis corpus perfunditur, quemque calor insequitur quidam tenuis, nausea, lumborum dolores, virium repentina solutio, extremorum perfrigeratio, ac pondus ad imum ventrem quasi descendens. Menses insuper quandoque recurrunt, vel promensibus fluor albus; qui abortu imminente longè uberius fluere solet, ac postremò, fractis membranis, effunditur aqua partus &c.

Præ-

DE SYMPTOMAT. GRAVIDARUM. 99

Præter enarrata symptomata, quæ abortum ^{Causa.}

movere possunt, quæque tanquam causæ interiores respiciendæ sunt, veluti exteriores considerari debent lapsus, cespitationes, corporis defatigationes immodicæ, ictus validiores, equitationes, navigationes, concussiones, tripudia, animi emotiones &c.

Abortus citra prægnantis periculum nequaquam ^{Prognosis:} erumpit; angor siquidem, & labor longè gravior in abortu, quàm in partu maturo esse solet. Id, ni fallor, quia non sponte, ut ita dicam, suâ sed vi, tanquam pomum non maturum, violenter avulsus excidit foetus, & foras elabitur. Enim verò plures, decies se parere malle, quàm semel abortire, testantur. In abortu uterus faciliùs exulceratur; hinc inflammationes, febres acutæ, convulsiones, largæ sanguinis profusiones &c. Primiparæ ex abortu difficiliùs evadunt, tum maximè, quum membra convelluntur; quo in casu mortem neminem unquam effugisse affirmat Harvæus.

Ne sequatur abortus, ea omnia, quæ fluidorum ^{Curatio.} motus intus nimium concitant, quoad possumus, amovenda sunt. Si sanguis exuberat, quod passim contingere solet, is tum diætâ, tum venæ sectione opportunè imminuendus. Motus licèt nimius utero gestantibus noceat, nocet quoque nimia quies, otium nimium, & vita, ut ita dicam, umbratilis, ob recrementorum congestionem; quæ nisi blandâ exercitatione discutiantur, in vasis cumulata, pravas suscitant fermentationes, atque abortum faciliè provocant. At nihilofecius, si abortus succedat, tum obnixè curandum, ne febris succendatur, nè sanguinis fluxus intempestivè compressus viscerum faciat inflammationes, ne exuberans agrotam enervet. Quamobrem victus tenuis esse debet, humectans, refrigerans, con-

coctuque facilis . Nisi lochia debite fluant, blandè impellantur discutientibus , antipleuriticis , de quibus in superioribus fusè jam egimus . Optima sunt oleosa , & emollientia , tum intus , tum foris admota . Si sanguis nimis fluat , blandè cohibendus , non aliter quàm de fluxu mensium immodico ante jam diximus .

ANIMADVERSIONES AD THERAPEUTICEN SPECTANTES .

Nil facilius ad abortum cohibendum adhuc adhibuimus, quàm opportunam, sanguinis missionem .

NE abortus insequatur , atque ut prægnantium symptomata leniantur , nullum unquam ante hac , quod blandiùs , tutiùs , ac citiùs suum præstiterit effectum , adhibuimus præsidium , id licèt hactenus omnes penè improbaverint Majores , quàm venæ sectionem . Venam prægnantibus alii, mense tertio gestationis exacto , ad septimum usque citra periculum solvi posse hodie prædicant , id tum ante , tum post *id* tempus omnino interdicentes . Non procul a nono duntaxat sanguinem alii mittunt . Nos autem usu diutino edocti, tum Romæ, tum Florentiæ, tum Perusiæ quolibet mense , a primo ad nonum , quoties id necessitas exegerit , prægnantibus indiscriminatim optimo semper cum successu sanguinem educere consuevimus ; & nihilominus , si abortum quandoque, quod tamen rarò admodum contigit , sistere nequivimus, abortientem sanè opportunâ sanguinis missione ita adjuvimus , ut feliciter semper , nisi memoria nos fallat , evaserit . Quinimmo , et quæ abortum pati pridem semper consueverant , singulis mensibus venam iis apposuè secando , successisse non semel vidimus , ut ad mensem nonum feliciter partum distulerint . At enim verò ad id præsidii genus hisce in casibus audaciter unquam nemo confugiat , ne abortum , tametsi non

DE SYMPTOMATIBUS GRAVIDARUM. 101
non immineat, sanguinem educendo, moveat. Ubi
conveniat, tum paullatim, ne cum impetu exiliat,
ex partibus supernis potius, quàm ex infernis edu-
cendus. Cæterum quicquid aliud, præter sanguinis
missionem ad abortum cohibendum imminens præ-
stitimus, huc usque in irritum cessisse percipimus.

C A P U T X I I I.

De Conceptu falso, sive Molâ.

Mola, penès Clinicos, non sonat, nisi *massam*
quandam informem, exanimem, compactam
in utero, sine ossibus, & sine visceribus, quæ ex con-
cubitu quandoque concepta, fætum quodammodo men-
tisur. Quocirca dicitur quandoque *conceptus fatuus*,
item et *falsus*. Molas quispiam cum ovis gallinaceis
irritis, & ventosis, quæ propriè *hypoememia* vocan-
tur, comparare solitus fuit; hypoememia quamvis, vel
citra coitum, gallina extra matricem procreat. Molæ
tum numero, tum figurâ, tum mole, tum substan-
tiâ, tum concretionem, tum exclusionis tempore plu-
rimùm variant, plerùmque licèt tertio gestationis
mense excludantur. Plerùmque diximus, quum & ci-
tra id temporis, & ultra, & non rarò per totum vi-
tæ decursum in utero commorentur.

Mola concepta, præsertim in exordio, indicia
plurimùm habet ambigua, quæ profectò ab indi-
ciis veræ conceptionis minimè distant; menses
quippe vel in conceptione molæ supprimuntur, super-
venit ciborum fastidium, nausea, vomitus &c. Dis-
tinguuntur autem subinde molæ a conceptione verâ,
eoquòd in molâ ex mammis, quamvis intumescant,
nihil lactis, ut in verâ conceptione, exprimi queat.
In

Definitio.



Diagnosis.

In molâ præterea motus nullus, aut penè nullus percipitur, qui vitalis sit, sed gravis, & molestus, non aliter ac si lapidis pondus ab uno in alterum latus identidem delaberetur. Ad hæc, molæ id proprium esse solet, ut si manibus comprimatur, de latere in latus extrudi possit, quod foetui verè concepto nequaquam accidit. Insuper molam utero gerenti, motus quidam rei cuiusdam vehementer intus subsultantis, ante mensem tertium frequenter occurrit. Non ita quum verè prægnet, ubi foetus, aut nunquam, aut rarè admodum ante quartum movetur. Uterus postremò molâ extentus ideo ab hydropè distinguitur, quia in molâ, tametsi intumescat alvus, manus tamen, item et pedes, graciliores in dies evadunt. Contra in hydropè observatur.

Causa.

Molam coagmentari Veteres opinabantur vitio seminis, vel maris, vel foeminæ, vel utriusque. Vitium autem in eo situm esse sibi suadebant, quod facultas seminis, ad procreandum idonea, nimis esset imbecillis. Neque id planè improbandum videtur, si pro semine muliebri, etiam hydatides, sive ovula Recentiorum considerentur; quæ, pluribus ex causis vitata, in molas coaptari, atque insurgere possunt. Non omnino tamen negandum ducimus; aut ex sero, aut ex lymphâ depravatis, aliisque humoribus crassis, glutinosisque molas interdum concrefcere. Nullum unquam inter animantes, præter hominum foeminam, molam concepisse, tradidit Aristoteles.

Prognosis.

Mola nequaquam citra periculum concipitur; nihilominus, quum ut inutile pondus, & recrementum opportunè egeratur, salutem infert. Symptomata, quæ molæ egestionem præire solent, lethalia plerumque sunt: pessima quippe penè semper, & adhuc atrociora, quàm quæ partum legitimum; &
abor-

abortum ipsum præcedunt. Hinc necem frequentius moliantur. Adfunt quippe ut plurimum deliquia extrema, sudores frigidi, convulsiones perquam molestæ, & reliquæ; quæ organa præcipua miserè torquent, vires conterunt, atque animum frangunt.

Ubi certum planè sit, quod perquam difficile porro existimamus, molam utero concretam inesse, pro viribus opera danda est, ut sub finem mensis tertii, aut in exordio quarti, leniter, quantum fieri possit, excludatur. In quem finem ea omnia, quæ menses blande movent, et hinc commendamus; oleosa imprimis, & reliqua emollientia, quæ tum intus, tum foris adhibenda sunt. In paroxysmo optimo cum successu ad symptomata vehementiora compescenda sanguinem semper emisimus.

Curatio.

ANIMADVERSIONES PATHOLOGICÆ.

Molæ in utero existentis indicia plurimum fore ambigua, experientiâ nuper edocti, procul ab omni hæsitazione proferre non dubitavimus. In nuptis quibusdam ex nobili, inclytâ, avitâque progenie molas non ita pridem Romæ conceptas vidimus, cum notis omnibus, per tres integros menses, optimæ gestationis; quoad, molarum symptomatibus ex improvviso accedentibus, molæ tandem excisæ, atque emissæ rem manifestè protulerint. Quinimmo una ex iis molas postremò placidissimè ex utero ejecit.

Indicia molæ in utero existentis sunt valde ambigua.

CAPUT XIV.

De Partu difficili, sive cum labore.

Definitio.

Partus difficilis, sive cum labore is dicitur, ubi *cum maximo tum sui, tum foetus periculo, symptomatibus ingravescentibus, aut tum quum diutius, quàm par est, in partu edendo, puerpera laborat.*

Diagnos.

Difficilem autem partum futurum indicant dolores præcipuè, qui aut nulli, aut admodum languentes principio incitantur; quique per longa redierint intervalla, atque ab imâ pudendi sede ad dorsum potius ascendunt, quàm a dorso, sive lumbis ad pudenda descendunt *Quibus alvum tormina vehementer exercent, citissimè pariunt; quæ lumbos dolent, vix pariunt, quæ ventrem imum facilius, & citius.* Id olim docuit etiam Aristoteles. (a) Difficile quoque, aut cum labore censetur, puerperam eniti, tum quum ultra spatium vigintiquatuor horarum partum differat; vel quum aut ante partum, aut in partu, aut etiam post, acriter torqueatur, vel si febris succendatur ardens, vel si vires prætermo- dum solvantur.

Causæ

Difficile, & cum labore enitur puerpera culpâ aut sui, aut foetus, aut obstetricis, aliarumque causarum, quæ extrinsecus agunt. Culpâ fit sui, tum quum aut adeo sit imbecillis, ut nervos validè intendere nequeat pro nisu pariundi, aut tum quum perangusti, valde inepti, & difficiles sint meatus, unde foetus egredi debet. Culpâ fit foetus tum quum vel ejus moles major sit, quàm ut commodè per meatus consuetos egredi queat, vel placenta utero arctè nimis inhæreat, vel tunicæ obvolventes, ne disrum-

pan-

(a) *Arist. hist. animal. 7. cap. 9.*

pantur plurimum resistant, vel ipse admodum languens, ut excludatur, pro viribus agere nequeat. Culpâ sit obstetricis, si vel negligens, vel imperita, vel garrula, omnia pervertat &c., de quibus fusiùs infra.

Mulier, quæ uterinis molestat, aut difficulter parit, superveniens sternutatio, bonum (a). Quæcunque præter naturam crassæ non concipiunt utero; his omentum os uteri comprimit, & priusquam extenuatæ fuerint non concipiunt. Vel si concipiunt, addunt alii, difficilè pariunt (b). Quæcunque utero gerentes a febribus corripuntur, & fortiter calefiunt sine occasione manifestâ, difficulter pariunt, & cum periculo, & abortum facientes periclitantur (c). Si mulieri utero gerenti purgationes eant, impossibile est factum esse sanum (d). Ex labore partus, qui ingens sit, difficiliùs evadunt languentes; tum maximè, quum aliis vehementioribus labore morbis puerpera, & quum aut nondum adoleverit, aut ætate valde processerit. Cæterum partus, qui cum labore magno excluditur, nisi aut puerperam, aut fœtum, aut utrunque extinguat, alias, ob nisum pariundi validiorem, crebrioremque, quam sæpius facit ægritudines, & præsertim uteri, omenti, atque intestinorum prolapsus. Fœtus, qui, antequam egeratur, extinguitur, puerperam facilè extinguit; quippe qui tum, ne vel minimùm quidem nitendo, sui egestionem coadjuvare queat.

Quæ partu laborat puerpera, operam potiùs accuratæ, ac sagacis exigit obstetricis, quàm Medici; cui, ne tamen erret, præsideat Medicus. Victus puerperis laborantibus tenuis sit, quinimmo quandoque perquàm tenuis, & nullus; hisce quippe in

Tom. III.

O

casti-

[a] Hipp. lib. 5. aph. 35. [b] lib. 5. aph. 45. [c] lib. 5. aph. 56. [d] lib. 5. aph. 46.

casibus, si usui credendum, puerperas in labore partus quò magis nutries, eò magis lædes. Nihilominus, ubi vires sint admodum perfractæ, ad eas recreandas optima sunt; juscula blandè aromatica, confectiones cardiaca, elixir proprietatis, & reliqua ejusmodi, modò tamen ne vel minimùm quidem, oleant; odores enim quam sapissimè soli, affectionibus hystericis incitatis, Romæ saltem, puerperas extinxere. Conferunt item balnea, fots, suffitus, & cataplasinata ejusdem generis parata; necnon etiam meatus, quà egredi debet foetus, injectionibus blandis lubricentur. Si ad nîsus pariundi motus viscerum adjiciantur spasmodici, atque epileptica membrorum contractiones, convenit oleum recens aut in jure, aut alio quovis pacto identidem propinatum. Conveniunt item decoctiones emollientes ex foliis malvarum, violarum &c. Si succendatur febris, eaque si ardens sit, atque adeo, si viscera inflammari indicet, vena secetur iterum, iterumque, quum id necessitas requirat. Verùm ubi eveniat, ut Puerpera nondum enixa decedat, foetus, utero secto, adhuc vivens extrahatur. Talis extractio ab eo, qui ex Juliâ progenie non aliter in lucem prodiiisse fertur, *casarea* in Chirurgiâ vocatur. Alii quamvis, quòd ita sectum Parentis abdomen ex Juliâ stirpe aliquem, olim pepererit, id posteris Cæsaris cognomen inditum opinentur.

Historia III.

Quicquid, in partu difficili præstando meritis, hystoriâ declaramus.

PER quàm nobilis ex vetustissimâ Italiæ familiâ, olim Romæ nupta quædam Elmira, modicæ stature, pinguis, ac vegeta, quintum et vigesimum nondum ætatis compleverat annum, quum, postquàm
bis

bis feliciter jam pepererat , denuo conceperit . A primo ad ultimum gestationis se optimè semper gessit . Nec aliud quidem, præter excretionem quandam pauci sanguinis menstrualis, quem, singulo quoque nondum exacto mense, periodicè egerebat, pati consuevit incommodum . At sub finem mensis noni, syrio vehementer eo anno æstuante, ex improvise, die inclinato, talis sanguinis egestio prætermo- dum exuberans profluit . Accedunt subinde, inter pariundinis, deliquia creberrima, sudores frigidi, unà et maxima præcordiorum angustia . Vires insuper omnino solvuntur . Concidit animus . Accurrunt omnes . Accurrimus et nos . Atque in carpo, & ad tempora, pulsus explorantes, arterias vix micare, quinimmo et persèpè planè intermittere percepimus . Algebant membra universa . Cum labore maximo Puerpera respirabat . Sanguis, qui eatenus prætermo- dum profluxerat, omnino restitit . Intumuerat alvus; & quasi consopita, nec mente, nec sensibus, constabat . At nihilominus pariundi nisibus, languentibus licèt, identidem excitata, languore brevè penitus confectam fore, conquerebatur . Quamobrem ex eà sellâ reclinatoriâ, parturientibus vulgò concinnatâ, cui assidebat, ut in lecto commodè recumberet, actutùm effecimus; & ad vires resolutas quodammodo revocandas id conditum A ei, unà et oleum ex seminibus melonum recens expressum, quod cum aquâ cinnamomi nonnihil acuimus, alternis per intervalla propinavimus, interdicientes interim, ne obstetricis, aliorumque operâ, vel quid minimùm præter jusculum aut insulsum, aut cum magisterio margaritarum, aut cum seminibus citri, aut cum modico cinnamomo paratum, puerpera unquam præberetur . Postridie diluculo, pariundi nisibus ut quum maximè vi-

gentibus, foetus molis sanè ingentis, & ob meatus, ratione prædictæ molis, angustiam, & ob sanguinem nimium, qui ad pudenda confluxerat, præfocatus in lucem tandem excluditur. Lochia, & secundinæ non multum post feliciter prodierunt, ac puerpera non nihil resipiscens aliquantulum incaluit, & febrile cepit. Ad eximendam igitur febrem ejusmodi ex improviso succensam, quum prætermo dum adhuc langueret Elmira, nihil aliud præstitimus, nisi quod, ut sensim in dies tenui victu, eoque idoneo refecta vires perfractas paullatim sibi resumeret. Febris ad diem decimamquartam, & ultra, nihilominus sese produxit. Virium languor ad mensem circiter fuit semper extremus. Sanguis post partum ad libras multas effluxit, & nonnisi alvi profluvio post diem vigesimam primam superveniente, planè restitit. Res subinde semper in meliùs processerunt, eò usque dum Ægrotans tandem omnino convaluerit. Victus, quo prioribus morbi diebus utebatur, juscum erat cum ovorum vitello recenti quassato, ac pane in eodem jure elixato, & subinde fortiter expresso; quod ter, aut quater in die horis congruis in refectioem sumebat. Pro potu, quoniam plurimùm sitiens erat, aquam hordeacem cum cinnamomo, ac corticibus citri non insuaviter paratam, tepentem, parcè tamen, ad usum thè identidem forbuit. Die septimâ elapsâ, ut aliquantulum copiosius vasceretur, operam dedimus. Nec vini, nisi post diem quadragesimam, ei potestatem fecimus.

A. B. *Margarit. præpar. drach. ij.; confect. hyac., alkerm. sine odore ana. drach. iij., syrup. de capill. vener. unc. ij., aquar. matric., peonie, ceras. nigr. ana. j. M. f. cond. S. A., & cap. cochlearum identidem, ut m.*

ANI-

ANIMADVERSIONES AD HYGIENEN
SPECTANTES.

NIl profectò partus crebriùs difficiliores facit, quàm imperitæ, ac negotiosæ obstetricis audacia, quæ plurimùm in eâ re aut præstare, aut saltem videri gestiât; quæque insuper superstitiosâ quadam garrulitate, & puerperam deterreat, & adstantibus imponat, & Clinicorum item quandoque rationem pervertat. Obstetrices ejusmodi cane pejus, & angue in puerperio vitandæ; de quibus quicquid de Lesbiâ Terentianâ olim in Andriâ dictum, & hic meritiò dicendum.

Quicquid in
puerperio præ-
stare debet ob-
stetrix.

*Audivi, Archillis, jamdudum. Lesbiam adduci
jubes.*

*Sanè pol illa temulenta est mulier, & temeraria,
Nec satis digna, cui committas primo partu ma-
liorem.*

*Tamen eam adducam. Importunitatem spectate
aniculæ:*

*Quia compotrix ejus est. Dij date facultatem,
obsecro,*

*Huic pariundî, atque illi in aliis potiùs peccandi
locum.*

Nil sanè faciliùs in Re medicâ, quàm obstetricis munere optimè fungi, modò nihil aliud agat, quàm manibus blandè prodeuntem infantem excipere, mox lavare, ac leniter mundare. Enim verò sine obstetrice reliqua pariunt animantia, sine obstetrice felicissimè pepererunt olim in rerum exordio primi nostri Parentes, sine obstetrice quotidie inter Barbaros felicissimè pariunt plerique, & sine obstetrice facilè passim enituntur agrestes; nam ut aliæ corporis huma-
ni

ni viventis excretiones, ita & foetus exclusio, sunt opus naturæ; quod, mechanicâ organorum structurâ ab humoribus opportunè laceffitâ, perficitur.

ANIMADVERSIONES AD THERAPEUTICEN SPECTANTES.

Qualis esse de-
beat puerpera-
rum victus.

Sunt qui & in puerperio, & ante, & etiam post puerperium, ad vires, ut inquiunt, sustinendas, roborandasque, generosiores, uberiores, optimique succi victum præbent, juscula præcipuè valde concreta, meracum optimum, carnes pullo- rum contusas, atque ex iis succos expressos, & id generis alia; quæ copiosè ingesta, organa jam labefacta, magis magisque defatigando, pergravant potius, quàm restaurant. Ipsi contra, ratione, usuque ducti, ut puerperarum victus tenuis esset, concoctuque facilis, optimo cum successu, operam dedimus. Et quoniam longè minùs cum labore abstemias peperisse observavimus, puerperis ideo vinum penè semper interdiximus. Non est tamen, quod ad excitandos spiritus prætermo- dum vanescentes, & vinum, & chocolata sine odore, & juscula modicè aromatica quandoque, parcè licèt, feliciter non propinaverim. Sinimus præterea, atque indulgemus, ut hisce in casibus confectiones consuetæ, margaritæ præparatæ, & reliquæ ejusmodi, quæ, ut & aliàs diximus, nisi multùm profecerint, officere tamen haud poterunt, sinimus inquam æquo animo, ut propinentur; necnon etiam ipsi pluribus ex causis, quas antè jam exposuimus, nonnunquam propinavimus.

ALIÆ

ALIÆ ANIMADVERSIONES AD THERAPEUTICEN SPECTANTES.

IN puerperio membranis obvolventibus, five exuviis, ut ante inuimus, fractis, humorprimùm albugineus, qui cumulatus in amnii cavo stagnabat, effunditur. Mox unà cum humore profuso elabitur infans; non tamen solutus, sed per ligamentum umbilicale placenta inexus, quod, nisi quamprimùm placenta egeratur, de more recidendum est. Placenta, item et membrana perfracta unà cum reliquo funiculo, ne intus corrumpantur, leniter eximende sunt. Ea, uti diximus, eoquodd alterum quasi partum efficiant, *secundina* appellantur. Secundinis egestis, nescio an quia placenta excisa, uteri vasa dehiscant, an quia contractas in puerperio, & undique pressus uterus, humores extubalis validius expresserit, uberrima sit sanguinis effusio, idest *lochorium*. Lochia quibusdam biduo uberrimè fluunt, quibusdam triduo, aliis quattriduo, necnon etiam, ut ante jam diximus, ad dies octo, decem, quindecim, triginta, & quadraginta. Hæc, nisi debite excernantur, febres incitant acutas, item et malignas, viscerum ardores, pleuritidem, peripneumoniam, phrenitidem, sopores lethales, apoplexiam, epilepsiam, colicam, aliasque perquam molestas agitudines moliantur. Contra, si ultra mensuram egerantur, puerperam enervant, extenuant, maciem, extremam, & hydropem inferunt. In primo casu, universo corpore leniter defricato, ac pedibus blandè fosis, saphenam ilicet solvere oportet, item et pudendis, si opus fuerit, hirudines admove. Inde ea omnia, quæ ad pleuritidem discutiendam non ita pri-

Quid prestandum sit, quum lochia post puerperium aut præter modum fluxerint, aut immaturè hæserint.

pridem proposuimus, tum intus, tum foris, poteris adhibere. Fetus tamen, atque inunctiones hypogastrio potius apponito. In secundo casu alia conferunt, quæ mensium fluori nimio sistendo conducere in superioribus affirmavimus.

Quid præstandum sit, ubi placenta maturè non excludatur.

Quia placenta arctè nimis utero non rarè adhærescit, vel quia aut imbecillè nimis est ligamentum umbilicale, atque adeo priùsquàm egerantur exuvia, eo immaturè, ut ita dicam, avulso, aut quia languens nimium puerpera validiùs eniti nequiverit, secundinæ, foetu licèt emissò, nequaquam excluduntur; quæ proinde, si diu intus in utero commorantur, brevè putrescunt, & puerperam quamprimùm eneant. Hinc quò eximantur ociùs, eò meliùs. In quo tamen tum obstetrix, tum chirurgus, cautè admodum semper incedat. Satiùs enim est, eas blandè, ac leniter emolliendo, laxandoque, paullatim, ac sensim educere, quàm mordicus, ut ita dicam, ac per vim extrahere; etenim si uteri substantiam excerpas, convulsiones mortiferas, inflammationes pessimas, & sanguinis profusiones extremas illico excitabis.

ALIÆ ANIMADVERSIONES AD THERAPEUTICEN SPECTANTES.

Quid præstandum sit, si affectionibus mammarum post puerperium.

EX dictis abundè liquet, Puerperas acriter ut plurimum torqueri; omnes quippe dolores patiuntur immanes, omnes ferè torminibus identidem divexantur, omnes affligit rigor lactis, quem febris ut plurimum insequitur. Plerisque in mammis lac ita redundat, ut subinde concreescens in tubulis sistatur, tumores inducens, pruritus acerrimos, erysipelata, abscessus, scirrhus, & carcinomata, quæ mortem non rarò accersunt. Ex his pleraque, lochia debite excre-

ta

ta subducunt . Hinc siquid morbidi , lochiis licet uberrimè egestis , adhuc persistat , minimè negligendum ; nam tametsi lenitatem quandoque præsetulerit , eò nihilominus processu temporis devenit , ut operam exinde medicam neutiquam reformidaverit . Febris , quæ provenit ex lacte nimio in mammis congesto , nihil unquam , nisi perperam tractata , portendere consuevit mali . At enim verò sedulò præcavebis , ne semel ex ipso lacte conceptus febrilis æstus , exasperetur ; neve omnino neglectus , qualitatem sibi longè pejoris induat notæ . Febrem hanc diætâ potissimum extenuabis . Verùm , ne lac turgeat nimis in mammis , ne ibi stagnando concreascit , & corrumpatur , blandè extrahendum . Mammæ , si dolent , decoctionibus fovendæ . Si maximam præferant duritiem , & inunctionibus emolliendæ . Nos autem optimo cum successu , mam nis prius , cum spongiis aquâ tepente madidis , iterum , iterumque foris , id linimentum A stupâ eo intimè imbutâ non semel adhibuimus .

A B. *Mell. bisp. unc. iv. , sperm. cet. drach. ii. , campb. scrup. si. , ol. amygdul. rece. , & sine igne extr. unc. ii. M. pro linimento mammis apponendo .*

ANIMADVERSIONES PATHOLOGICÆ .

TUm puerpera periclitari , multòque magis angitur solet , quum foetus ægrotans in utero , aut admodum languet , aut , antequam inter vivos egrediat , ex vivis jam decesserit . Foetus in utero languere , atque ægrotare indicia potissima sunt : motus infantis admodum imbecillis : sanguis , qui , veluti per menses , ante partum effluerit : secundinæ ante foetum egestæ : & quum mammæ , quæ lacte prius turgabant , ex improvise collapsæ flaccescant prætermo- dum extenuatæ , & maxime si lac uberius , ac valde

Quid præstandum sit , quum foetus mortuum esse in utero dignoscatur .

Tom. III.

P

di,

dilutum fundant. *Mulieri utero gerenti, si lac multum e mammis effluat, fatum imbecillum significat; si vero mammae solidae fuerint fatum significat saniozem.* (a) *Quae corruptura sunt fetus, his mammae extenuantur &c.* (b) At ubi mortuus est, alia ad hanc perplura accedunt. Praegnantibus enim eo in casu, & frigent insuper pudenda, abdomen, & nasus; universa identidem inhorrescunt corporis organa; livefcunt oculi, ac nitorem consuetum amittunt; decolor, ac squalens fit facies &c. Praeterea non amplius in utero vegetus subsultat foetus; at veluti pondus iners de latere in latus levi ex causâ eum delabi praegnanis percipit; quinimmo, tum ut quum maximè gravitans deorsum semper impensius inclinare. Ichor ulterius ex pudendis, aut alius humor, sive uligo quâdam putrida, et foetens ex cadavere intus liquata fluit. Palpitât praegnantis cor, delinquit animus, necnon etiam febris ei, quandoque suscitatur. In his circumstantiis, ne, ex putrescente foetu pridem extincto, labem contrahant praegnantis viscera, ut quamocissimè eximatur, opera danda est; neque aliud in hoc praestare oportet, quàm ea sedulo adhibere, quae pro ejectione molae in utero jam concretæ paulò ante probavimus.

ANIMADVERSIONES PHYSIOLOGICAE.

Describuntur
mammæ, earumque
papilla, &
areola.

UT de mammis, ita et de lacte, frequens quoniam et incidit, & incidet dicendi occasio, quid nanc sit lac, item et mammarum structura, paucis hic absolvere alienum non erit. *Mammae*, quæ & *ubera* passim dicuntur, maribus, æquè ac foeminis communes licet sint, in maribus tamen, quum usus admodum obscuri, incertique semper fuerint, in foeminis

[a] Hipp. lib. 5. aph. 53. [b] lib. 5. aph. 54.

nis præcipuè eas hætenus perſcrutati ſunt Seſtores. Partes igitur ſunt organiæ, non ubique ſibi ſimiles ſub tegumentis ex peſtore ſummo ſexui muliebri non indecore utrinque aſſurgentes, ſive potiùs extuberantes; in quibus lac imprimis pro nutritione prolis conficitur, & aſſervatur; ut poſtmodum in alimoniam ei, papillarum ope, opportunè præbeatur. Ea mammarum pars, quæ in capitulum ex mediis eminet mammis, propriè dicitur *papilla*. Virginibus, ac benè valentibus, hæc rubore ſuffunditur. Lactantibus liveſcit. Nigricat effœtis. Unà cum reliquâ mammarum ſubſtantiâ intumeſcit ad invicem, & detumeſcit: erigitur nempe, ſubſidetque. Ob maximam nervorum, qui in eam coeuntes deſinunt, copiam, ſenſu pollet acri. Pluribus ubique minimis non impervia deprehenditur foraminibus, quibus ductus lactei, de quibus mox dicendum, extremi uberri- mē aptantur, atque inſiant. Ea regio, quæ, ad papillæ baſin in gyrum circumjecta, a reliquâ mamma- rum ſubſtantiâ tum mollitiæ, tum colore, manifeſtò diſtinguitur, appellatur *areola*. Hæc in virginibus pallidam, in prægnantibus, lactantibusque ſubni- gram, & nigram planè in vetulis ſeſe perhibet.

Quatuor ſunt præcipuè, quæ mammarum ſub- ſtantiam interiorem graphicè compingunt, glandulæ nimirum, vaſa, globuli adipoſi, ac fibra. Glandu- læ mole admodum variant; omnes æquè tamē ætate florentibus, quàm nondum macies eas confecerit, candore plurimùm nitent. Senefcentibus contra fla- vedine quadam liveſcunt. A partibus proximis, necnon etiam a remotis, vaſa mammae cujuſlibet ge- neris nactæ, variis ubique alluuntur humoribus, ſan- guine nimirum, ſpiritibus, ſive ſucco nervorum, lim- phâ adipe plurimò; & lacte. Arterias ſecundo, & venas

Enumerantur
mammæ vaſa,
& præcipuè de-
ſcribuntur ſan-
guifera.

habent, nervos, ductus lymphaticos, adiposos, & chylicos, aut lacteos. Arterias, & venas suscipiunt præcipuas a subclaviis, ab intercostalibus, atque thoracis, necnon etiam, ut admodum verisimile videtur, ab hypogastricis. Admodum diximus *verisimile*; id quippe, in cadavere licet humano clarè hæcenus nunquam assequuti, certò affirmare nequeamus, in canibus autem lactantibus, ovibus, capris, ac vaccis recens interfectis, sanguifera ab hypogastricis ad ubera dirimi, non semel abundè perspeximus. Arteriæ, & venæ, quæ a subclaviis ad mammas proficiscuntur, quæque *mammariæ* dictæ sunt, sub osse sterni incedentes ex utroque latere per exteriora potissimum mammarum effunduntur. Vasa hujusmodi, lactantibus ante omnes, plurimo sanguine turgent.

Mammarum
nervi.

Nervos præcipuos suscipiunt mæmæ a pari quinto ex dorsalibus conjugationibus, a plexu nervorum quodam, qui inter claviculas dirimitur, & ut opinor, ab aliis quoque paribus; quibus intercedentibus, maximam cum aliis partibus, & cum pudendis imprimis, affinitatem contraxisse videntur. Ratione nervorum, qui per mammas uberrime effunduntur imprimis est, quòd lac exuberans, consistens, atque acorem quandam in iisdem mammis contrahens, eos post puerperium creberrimos plerumque concitet rigores, qui *lactis* nuncupantur.

Lymphæ ductus.

Minimi lymphæ ductus, qui in uberibus, vaccarum saltem, admodum conspicui obversantur, ex uberibus in ductum thoracicum desinunt. Num id tamen, et in homine contingat, adhuc incertum est.

Ductus adiposi.

Quoniam autem plurima pinguedo in globulos distracta, ubique per mammas, tum intus, tum foris sub tegumentis effunditur, opinari ideo possumus, inter vasa præfata etiam ductus adiposos dirimi.

Du-

Ductus lactei.

Ductus lactei sunt ductus quidam chyliiferis non abfimiles, qui furculis pluribus perquam exilibus à glandulis mammarum profecti, ac in truncos majores inde coeuntes, ad papillas osculis hyantibus utcumque tendunt, earumque compagem maximâ ex parte conficiunt. De iis tamen id maximè adnotandum, non ubique æquales esse; sed in minimas cellulas passim tumefieri, quæ lac tanquam plurima minima continent receptacula; quinimmo et in papillis, ne suâ sponte lac diffuset, nonnihil contrahuntur. Ductus lactei, antequam papillam attingant, frequenti per mammarum substantiam uniuntur anastomosi: idque, ni fallor, ut altero ductu obstructo, aut compresso, alter in papillas lac derivare queat.

Papillarum fibra.

Papillæ mammarum tenuibus foris quibusdam fibrosis vestiuntur involucris; quorum fibræ penè innumeræ sparsim undequaque carnosæ per mammarum substantiam procedunt, tubulos lacteos variè circumligantes, eosque fortasse, prout exigit mammarum munus, alternis modò laxantes, modò contrahentes.

Mammarum usus.

Non defuerunt, qui ex tubulis lacteis, nonnullos saltem, nihil aliud esse sibi suaserint, præterquam ductus chyliiferos, qui & a ductu thoracico, & a receptaculo chyli communi, chylum ad mammas proximè provehunt; atque adeo nihil lac aliud esse, quam chylum ab alimentis ingestis recens in intestinis eductum, & per ductus chyliiferos; antequam cum sanguine immisceatur, ad mammas traductum. Nobis autem eò usque dum res clarior fiat, opinari potius liceat, lac chylum esse perquam tenue, subactum, ac ope triplicis sanguinis motus plurimum defœcatum; qui ab eodem sanguine in glandulis mammarum secernatur, atque a glandulis in ductibus lacteis asser-

affervetur, & per eos ad papillas deferatur. Quamobrem ex dictis concludendum videtur, mammas glandularum esse congeriem, quarum beneficio lac sanguine pro nutritione foetus, qui extra uterum, adolescit, opportunè secedit.

ANIMADVERSIONES PHYSIOLOGICÆ.

Quare lac gestationis tempore, & præsertim sub finem augeatur.

L Ac ad mammas longè uberius confluere, ibique secerni foetu concepto, certum est. Ex quo inferre rationi valde consonum ducimus, mulierem, quum foecundatur, ex semine intus suscepto, aliquid sibi abripi, quod, humoribus immixtum, sanguinem, spiritus, succum nervorum, lympham, item et mammarum structuram ita disponat, ut chylus a sanguine jam subactus, faciliùs in glandulis excidat, ibique in lac cumulatus, ductus lacteos subeat, ut aliorum provehatur. Quod autem gestationis tempore, & præcipuè sub finem, ut quum maximè lac in mammis exuberet, id fit quoque: & ex mensibus diu suppressis, quorum causâ in vasis redundat sanguis: & ex utero, qui ob foetus intus incrementum, ingentem sibi nactus molem, truncos comprimit descendentes, atque ab iis in ascendentes maximam avocât ejusdem sanguinis copiam; qui proinde in mammis turgescent, glandulis longè majorem lactis proveniunt suppeditat, & meatibus impertitur. Nil mirum itaque, si nullum unquam inflammationibus mammarum, antequam; non sine maximo lactantis incommodo, nec procul ab omni periculo, in abscessum convertatur, discutiendis, magis præsentaneum, ac magis antiquum, quàm largè sanguinem ex pudendis hisce in casibus educere, præsidium adinvenimus.

CA-

CAPUT XV.

*Quid sit Meconium , & quo pacto ejus causâ
extra uterum laci possit recens
natus Infans .*

QUO pacto ab ortu ad interitum subinde læ-
damur, fragilem hanc in terris, atque cadu-
cam vitam viventes, graphice non minùs,
quàm fuscè tradidit Senex . (a) In ætatibus autem
talìa contingunt . Parvis, & nuper natis puerulis,
oris ulcera, quæ apthæ vocantur, vomitus, tús-
ses, vigilie, pavores, umbilici inflammationes,
aurium humiditates . (b) In progressu verdè, quum
jam dentire incipiunt, gingivarum pruriginès, fe-
bres, convulsiones, alvi profluvia, et maxime quum
caninos edunt dentes, & iis præsertim pueris, qui
crassissimi sunt, & alvos duras habent . (c) Quum
verdè jam magis adoleverint, tonsillæ, & vertebrae,
quæ in occipitio, ad interiora luxationes, crebri
anbelitus, quos Græci asthmata vocant, calculi, lum-
brici rotundi, ascarides, verrucæ, quas Græci acro-
cordonas vocant, satyriæ, struma, & alia tubercu-
la, sed præcipuè antedicta . (d) Grandioribus autem,
& jam accedentibus ad pubertatem, plurima ex his,
& febres diurnæ magis, & ex naribus proflu-
vium sanguinis . (e) Plurimæ autem passionès pue-
rulis judicantur, nonnullæ quid. in quadraginta
diebus, nonnullæ in septem mensibus, nonnullæ ve-
rò in annis septem, quædam verdè jam ad pubem
accedentibus, quæ verdè permanserint, nec in pu-
bertate

(a) Hipp. sect. 3. Aph. 24. (b) Sect. 3. Aph. 25. (c) Sect. 3. aph. 26.
(d) Sect. 3. aph. 27. (e) Sect. 3. aph. 28.

bertate finierint, puerulis, aut faminis, quum menstrua erumpunt, consensescere consueverunt. (a) Adolescentibus autem sanguinis sputiones, tabes, febres acutæ, morbus comitialis, & alii, sed præcipuè antedicti. [b] Ultra hanc ætatem asthma, idest crebri anhelitus, morbi laterales, pulmonis inflammationes, lethargi, phrenitides, ardores, diuturna profluvia, cholera, difficultates intestinorum, levitates intestinorum, hæmorrhoides. (c) Senibus spirandi difficultates, destillationes cum tussi, urinæ stillicidia urinæ difficultates, articulorum dolores, renum passiones, vertigines, apoplexiæ, mali habitus, pruritus totius corporis, vigilie, alvi, oculorum, & narium humiditates, visus obtusus, glaucedines, auditus graves. Verum enim verò, quia sanguinis, chylique motum in præcedentibus, item et organorum structuram insequuti, ægritudines universas, quibus jam adulti corripimur, singillatim exposuimus, ad eas ut accedamus modò superesse videtur, quibus, ut quum primùm in lucem edimus, vel paulò post, obnoxii evadimus. Ex quadruplici fonte tales affectiones potissimùm exoriri autumavimus, vitio nimirum meconii, lactis, dentium eruptionis, atque organorum. Meconium lædit præcipuè tenella infantis intestinula. Lac stomachum proximè lædit. Dentes erumpendo gingivarum membranas afficiunt. Organa, eoquoddum imbecilliora, & nondum bene compacta sint, universum corporis œconomiam infirmant. Ex meconio exordiri est animus. Nihil aliud est meconium, quàm recrementorum congeries, quæ in intestinulis fœtus ex succo alibili, quo in utero inclusus vescitur, cumulata, fæces quasdam solutas, graveolentes, subnigras, sive potiùs ex viridi nigrescentes

Quomodo meconio læditur infans.

[a] Hip. sect. 3. aph. 29. [b] Sect. 3. aph. 30. [c] Sect. 3. aph. 31.

centes compingit. Hinc meconium describendo Et-
mullerus *crudiore* esse dixit *caseum a reliqua nu-*
tritiva substantia sequestratum, & *quasi præcipi-*
atum. Id meconii nomen, penès Medicos, sibi vin-
dicavit, quoniam colore succum quodammodo men-
titur ex inciso papaveris scapo expressum, inspissat-
umque, quod aut opium, aut etiam meconium,
passim nuncupatur. Meconium igitur, nisi quam-
primùm egeratur, quamplurimas recens natis inci-
tare valet affectiones persæpè funestas; acescens
quippe in intestinis, sive acre factum, eorum tuni-
cas vellicando, tormina procreat, vomitus, inflam-
mationes, ulcera interiora, & non rarò convulsio-
nes ex consortio epilepticas; quinimmo si per chyli
ductus in vasa sanguifera sese immittat, sanguinem,
& unà cum sanguine humores universos inficiens,
& febrem concitat; & veternum, & scabiem, & re-
liqua, de quibus subinde, producit.

Diagnosi.

Prædicta incommoda, num meconii retenti
causâ, num aliunde suscitentur, tum ex iis, quæ
præcesserunt, tum ex iis, quæ insequuntur; tum
ex fœcibus ipsis, aut minimè, aut quantitate non de-
bitâ excretis, conjicere facilè poteris. Felicissimè
ut plurimùm tametli solvantur, & passim critica sint,
non est tamen, quod necem interdum non inferant,
aut diutina non evadant.

Curatio.

Quocirca fordes intestinorum eo in casu, quàm-
primùm id fieri possit, eluendæ sunt, aut sa-
voneâ, quam ex oleo potissimùm ex amygdalis re-
cens expresso, ac saccharo, sive melle hispano con-
ficies; aut oleo sive communi, sive ex iisdem amyg-
dalis, sive ex aliis seminibus expresso, ac plumâ il-
linitâ, ano blandè indideris; aut aquam hordeaceam,
aut saccharatam, aut mellitam, hisque similia, quæ

Tom. III.

Q

alvum

alvum leniter eluunt, atque intestina placidissime laceffunt, cautè submittes. Mammarum papillas oleo alii inungunt, quod unà cum lacte ab infante sugente emunctum, ingestumque ventrem solvit, & meconium deicit. Sunt qui emollientibus, laxantibusque abdomen infantis quoque foveant. At parens provida Natura lacte ipso materno, quod prioribus illis diebus quodammodo infecit, atque adeo acre nonnihil, & solvens effecit, infantis incolumitati appositè prospexit. Lac equidem illud infanti propinatum, veluti perquam lene, idoneum, atque elegans catharticum, & vomitum cit, & alvum commodè solvit, quo meconium opportunè possit extrudi. Id generis lac, *colostrum*, *culuſtrum*, sive *colanſum* propriè dicitur, atque in deliciis a Veteribus habebatur. Unde illud Martialis,

*Surripuit pastor, quæ nondum flantibus hædis,
De primo matrum lacte colostræ damus.*

Noxium igitur injuriâ, & præsertim eo tempore lactantibus censetur; quinimmo et impuritatibus, quas gestationis tempore contraxit, infantis alvum, uti diximus, opportunè laxando, pluribus morbis imminetibus medetur. Perperam itaque proli consulunt Parentes, qui & natos suos aliis lactandos committunt, & lac vetustum ex nutricibus jamdudum effectis iis principio comparant.

ANIMADVERSIONES PHYSIOLOGICÆ.

Quære conge-
ratur in visce-
ribus fœtus me-
conium.

FOetus utero conclusus ore, uti diximus, ne-
tiguam per vasa umbilicalia, nutritur. Sugit
nempe humorem albugineum, quo intus in amnio
circumfunditur; qui profectò, non secus ac alimenta
in adultis, per œsophagum in ventriculum ad intesti-

na descendit. Inde ductus subit chyliferos, ac per eos chyli subit receptacula, ductum thoracicum, ac vasa sanguifera. Talis humor, etiamsi defœcatissimus sit, ulterius tamen defœcetur, conficiatur, atque extenuetur fermentationis ope, tum in ventriculo, tum in intestinis oportet. Hinc tenuiores & crassioribus secedentes particulae, dum illae venas lacteas ingrediuntur, hæ in anfractibus intestinorum sensim in dies coacervatae meconium compingunt. Meconium istud, gestationis tempore, ne foetui alimoniam coinquinet, nunquam egeritur, ut, ne urina quidem egeratur, necesse est. Tum urina, tum meconium fieri potest, ut sub gestationis finem ad tantam pervenerint copiam, & tantum sibi comparaverint acorem, ut visceribus infesta foetum admodum torqueant, & provocent partum. Id perfectoriè jam ante innuimus, & hic luculentiùs exponere placuit,

ANIMADVERSIONES AD HYGIENEN SPECTANTES.

Recens natis umbilicus ex Hippocrate interdum inflammatur. *In ætatibus autem talia contingunt parvis, & nuper natis puerulis, oris ulcera, quæ aphthæ vocantur, vomitus, tussis, vigilia, pavores, umbilici inflammationes &c.* Id item frequenter evenit ex obstetricis incuriâ in vasis umbilicalibus circumligandis, recidendisque. Idcirco foetus in lucem editi umbilicalia, pollicis circiter intervallo ab umbilico distantia, blandè priùs comprimito, ac sanguinem omnem, qui inter digitos comprimentes, & umbilicum infantis intercipitur, versùs interiora ejusdem infantis subinde exprimito. Funiculum mox

Quomodo
vasa umbilicalia, in lucem edito foetu circumliganda, & recidenda sunt.

umbilicale recidito¹, ac filo ad ventrem proximè blandè constringito, ac vino, sive quovis alio idoneo liquore postremò abluito.

C A P U T XVI.

Quo pacto lactis vitio quandoque lædatur infans.

Optimi lactis, optimæque nutricis conditio-
nes.

IN sui alimoniam extra uterum lac sugere recens natam prolem abundè liquet, idque ad annum, & ultra, quoad, crassioribus assueta esculentis, lac ei planè subducatur; quo tempore lactis vitio plurima sanè patitur incommoda. Lac enim ingestum persæpè in visceribus aut corrumpitur, aut concrescit, aut præter naturam fervet, aut acidum fit, aut alio quovis pacto foedatur. Hinc vermes, tormina, nausea, vomitus, dejectiones, obstructions, febres, convulsiones, & reliqua, quæ prolem immaturam, & vel in ipso limine non rarò subripiunt. Ut igitur pernoscamus, an lac proli rectè nutriendæ idoneum sit, nec ne, in ea, quæ insequuntur sedulò inquires: nimirum, num sit coloris candidissimum, saporis dulcissimum, odoris non injucundum, & modicè consistens; obscurum quippe, subviride, livescens, acidum, in grumos concrescens, tenax, vel nimio scatens fero, & graveolens, plerumque officit. Quamobrem, ubi prolem suam lactare Parentibus minimè datum sit, nutrix eligatur habitus optimi, quæ a Genetrice prolis, temperamento, atque ætate non multum distet, quæ colore floreat, mores habeat honestos, nec enormiter vescatur; quæque, quum id fieri possit, aliàs pepererit, aliosque non improbè priùs educaverit. In quibus universis plurimum equidem attentis sint Parentes necesse est; ex insecta quip-

quippe, ac pravâ nutrice, plurima cum lacte morborum non modò, verùm etiam pravæ indolis semina lactantes sibi infusa contraxisse satis superque constat. Hinc profectò & lues ab infantia vene rea, & labes scorbutica, & phthisis, & amentia, & epilepsia, & reliqua; quinimmo et lythiasin in pueros cum lacte translata, & legimus, & vidimus.

Ideoque, si quæ antea sana fuerit, lactando subinde nutrix ægrotare verè ceperit, abigendus est puer, aliæque benè valenti, ut probè lactetur tradendus. Et fortè fortunà, si labem ex lacte pravo priùs ingestò is jam contraxerit, tum lac novæ nutricis ad eam labem delendam medicare, eumque corrigere juvabit; quod, optimâ potissimùm victus constitutâ ratione consequi poteris. Caveto tamen: ne purgationibus nutricis alvum solvas: ne rebus pinguioribus, succique validioris, quæ organa plurimùm defatigant, vescatur: ne carnes nimias, & vinum præcipuè avidè ingurgitet, aut reliqua edulia, quæ optima licèt vulgò censeantur, lac tamen pessimum suppeditant, quod faciliè corrumpitur, & vermes procreat. At enim verò, nil unquam lac nutricis intrinsecus magis inficere, ac labefacere potuit, quàm animi motus validiores, & præ cæteris ira, amor, metus, & mœror. Nutrix, quæ compressa jam conceperit, lac ita sibi foedavit, ut prolem sive suam, sive alienam inde lactando, extremam ei perniciem quamprimùm intulerit.

Quid præstandum est, ubi nutrix ægrotaverit.

ANIMADVERSIONES AD HYGIENEN
SPECTANTES.

Periculum, quod semper imminet infanti, quum de nutrice in nutricem lactandus traducitur.

L Ac proli alendæ præ omnibus matrum idoneum fore, procul ab omni hæsitacione, utpote quod ejusdem prolis naturæ magis accommodatum sit, pronunciandum ducimus; lac enim matrum non multum differre debet ab eâ alimoniâ, quam in utero sugere consueverat fœtus; quum ab uno, eodemque sanguine, a quo succus ille secernebatur, et lac ipsum matrum secernatur, & quoties infantem ab aliâ in aliam nutricem lactandum traduci vidimus, toties plurima ex eâ varietate eum pati percipimus incommoda. Hinc eorum semper improbavimus nimis scrupulosam diligentiam, qui nutricibus, ut quum primùm refluxerint menses, lactantem prolem subripiunt, aliis lactandam eam commissuri. Res infantibus nequidem perquam incommoda semper fuit, lac de utrice in nutricem iis commutâre, & non semel funesta. Ideoque, nisi aut ad aliquot febrerint dies, aut aliter valde ægrotaverint, nutrices, tametsi menses iis supervenerint, sinimus, ut in lacte infantibus præbendo adhuc prosequantur. Neque id hætenus nobis unquam malè cessit, eam, quamvis et inter Proceres, Romæ præsertim, in prole lactandâ, rationem servare ad hunc diem consuevimus.

CAPUT XVII.

De Verminatione.

INfantes, & pueros præ cæteris infestare solent vermes; quinimmo et ne foetui quidem, quum in utero vixit, quandoque pepercerunt. Vermes nobis in foetibus immaturè exclusis, quos exenterare fecimus, variæ molis, variæque figuræ non semel in-
verminatio quid.
 tueri licuit. Vermes, sive lumbrici, a vermium, lumbricorumque terrestrium, quos æmulari solent, figurâ, *animalia quædam* dicuntur, *ut plurimum ob-*
longa viventia, quæ varios occupant corporis humani
recessus, ac stomachum crebrius, atque intestina.
 Triplicis generis frequentiores sunt: *vulgares* nempe, *ascharides*, & *lumbrici quadrati*. Vulgares appellantur, qui teretes sunt, atque in multam longitudinem producti. Ascharides alii, qui teretes quoque sunt, ac perexigui, eorum per similes, qui ex caseo recenti subpingui, vel ex carnibus putrescentibus non rarò consurgunt. Hi recto plerumque intestino, inter plicas delitescentes, infesti plurimum esse solent. Lumbrici quadrati vocantur, qui, longissimi licet, sunt semidepressi, ac lati. Molem quandoque maximam habent, & crassis intestinis, colo præcipuè, quam sæpissimè inhærent.

Vermium organa lædentium indicia sunt tormi-
Diagnos.
 na, nausea, vomitus, borborygmi, flatus per abdomen evagantes, alvi tensiones, dolores lancinantes, dejectiones foetidæ, urinæ pallentes, acris tussicula, terror in somniis, narium pruritus, sternutatio frequens, lacrymarum stillicidium, tremores, spirandi quandoque labor, animi angustia &c. Ad hæc adjiciuntur sæpè facies squalens, & oculi livescentes.

scientes. Os acorem interdum spirat, palpebra inferior inflatur, oculorumque gemma ceruleo anteriùs quasi circumducitur anulo. Emaciatur æger, contabescit, ei palpitat cor, linquit animus, & non raro convellitur. In verminatione præterea frequens est item, principio maximè ægritudinis, ut fames prætermodum augeatur, nec non etiam depravetur. Quamobrem picaceos passim vermibus infectos vidimus, eosque per ea, quæ vermes enecant, quàm-citissimè curavimus.

Causa.

Vermes exoriri Majores opinabantur ex pituità quadam dulci in visceribus putrescente, quæ per calorem sive innatum, sive putridum, sive fermentescentem in lumbricos disponatur, & quodammodo vivificetur, quod cum Recentioribus planè refellendum ducimus; atque ex ovulis, sive ex seminio quodam ejusdem generis, ut et cuncta animantia, ita et vermes, pluribus ex causis mox exponendis, in corpore humano vitam habente, procreari autumamus.

Prognosis.

Verminatio maturè cognita, si opportunè tractetur, facilè ut plurimum evincitur. Verùm si Clinicos non minùs, quàm adstantes eludat, ac proinde neglecta si augeatur in dies, diutina fit, ingravescit subinde, & lethalis evadit: id ni fallor, quoniam vermes in visceribus aut coeundo, aut alio quovis pacto foecundati, adeo propagantur, ut eorum species deleri vix inde queat. Ascharides, ano præsertim tamen per quàm incommodi, longè minùs habent periculi. Rubicundi, & versicolores pessimi sunt vermes. In febribus quibuscunque sive supernè, sive infernè ejecti non bonum omen faciunt. In febribus tamen acutis, ac pravæ indolis criticè interdum, et citra grave incommodum, ut inter alios testa-

testatur Willis, excernuntur, apud quem quispiam, quem febris quidem acuta crebrâ syncope tentaverat, lumbricis vomitu pluribus per modum criscois egestis, omnino evasit. Verminatio intus occulta, quæ vel animi frequens inducat deliquium; & multò magis, quæ epilepsiam moveat, vel apoplexiam fecerit, non multum abest, quin infantem efferat.

Optimâ victus normâ præcipuè incumbendum, est, ut verminatio arceatur; carnes enim, lac, ver- Curatio.
nique fructus, item et æstivi, necnon etiam autumnales, qui faciliè putrescunt, vermes ante omnia ingenerant. Non est tamen, quod proinde vermes ex putri ortum ducere credamus; verùm ali potius, foveri, fœcundari, atque uberius excludi, veluti in solo plurimùm idoneo, atque in pabulo apprimè congruo positum, inter ejusmodi putrescentem materiam, verminosum seminium, proferre non dubitamus. Aquam simplicem, utpote quæ edulia præfata faciliùs, quàm vinum solvat, corrumpatque, eique putredinem maturiùs accerset, vermibus procreandis magis adhuc accomodatam censemus. Uinum nihiloscìus pluribus aliis, de quibus & diximus, & dicendum, ex causis, longè majorem noxam infantibus moliri poterit. Inter ea, quæ vermibus speciatim interimendis apprimè conducunt, primum equidem obtinent locum mercurialia: aqua præ cæteris ex infusione mercurii simpliciter parata, mirum in modum hisce in casibus excellit; quam profectò hauritam, blandè, citò, ac tutò effectum suum mirificè præstitisse semper comperimus. Talis aqua, Romæ potissimùm, temporibus nostris solemnis est, quæque optimo cum successu quotidie nos saltem utimur. Infunditur mercurii crudi quantumlibet, exempli gratiâ, uncia una, duæ, tres &c. in aquâ communi.

hæc cum mercurio, quod infuderis, diu exagitur. Gravitate ductus In fundo subsidet mercurius; & aqua, præterquam quod vel minimum, quod sensus saltem afficiat, ex mercurio sibi contrahat, mercurio limpidissima circumfunditur; quam ita limpidissimam, ut remanet, quovis tempore, quavis dosi, cuique ætati indiscriminatim propinare poteris. Id propemodum idem de mercurii facultate ad vermes enecandos, & Veteres, & Recentiores plerique, qui de vermibus scripserunt, tradidere. Vermes etiam contra vulgi opinionem interfectos persæpè vidimus saccharatis, item et mellitis, modò tamen res amaræ iis adiiciantur, ut ex. gr. aqua florum, & fructuum acerborum aurantiorum, cortices citri, rhabbarbarum, semina cardamomi, radices contrajervæ, scorzonæræ, hisque similia. Vermes destrunt item aquæ graminis, scorzonæræ, cardui benedicti; theriacalia, confectiones hyacinthinæ, alkermes, oleum Matthioli, petroleum, quod *Saxi* vocatur, quæ non modò foris inungendo, verùm et intus ad guttas aliquot, nisi tamen adsit febris, adhiberi possunt. Oleum commune, amygdalarum dulcium, aut seminum melonum cochleatim cum aquâ aurantiorum, & modico saccharo, sive melle propinatum, mirum in modum in verminationibus non rarò profuit. Clysteres cum lacte, aut saccharato, aut mellito lumbricos, crebrò injecti, subducunt. Cæterùm rerum acidarum penè semper improbavimus abusum, & spirituum præcipuè sulphuris, salis, vitrioli, & id generis alia, utpote quæ stomachum contrahant, nervos irritent, febres excitent, obstructions faciant, & humores quandoque fundant, & solvant nimis,

Historia IV.

Quadrismus infans Nicandrus, subpinguis, optime constitutus, mense octobri; ubi cum Parentibus ruri commorabatur, ficubus, & uvâ recenti in refectionem pro jentaculo plurimum indulgit; cui præterea, & lactis copiam caprini Parentum incuria fecerat, & vinum subinde, abstermius licet eatenus fuisset, potare cepit. Quæ res effecit, ut ex improvîso torminibus acriter tentaretur, item et nîsibus irritis vomendi. Mox solvitur alvus, & fœcibus solutis plurimum incoctis, & prætermo- dum graveolentibus deje&is, tormina, item et vomendi nîsus evanuerunt. Attamen nauseabundus, vehementer sitit, somniculosus, tremoribus identidem levibus concutitur. Noctu terrificis crebro excitatur insomniis, nares sibi prurire sentit, modò sternutat, modò, tametsi nihil excernat, validè tussit, decolor fit facies, lividi evadunt oculi, cum labore nonnunquam respirat. Spiritus, quem expirando per os emittit, non benè olet; quinimmo et acidum, veluti triticei panis fermentum nonnihil quandoque redolet. Nihilominus, pulsus tametsi non rarò intermitteret, nec febricitabat, nec alia pessima aderant symptomata, ex quibus aliquid aliud pejoris nothæ præter simplicem verminationem conjectare hic debuissim. Hinc, enemate ex lacte mellito priùs indito, qui alvum blandè concitavit, aquæ prædictæ mercurialis ad sitim explendam potestatem fecimus, ut interim id conditum A cochleatim lamberet operam dantes. Decedente die multò melius Nicandrus se habuit. At enim verò ad fordes viscerum ulterius eluendas, ut inco&natus

Quicquid, verminationi mendo, præstare consuevimus, historiam declaramus.

R 2

recum-

recumberet constituimus ; quò jejunis faucibus noctù oleum amygdalarum dulcium recens, ita ut exponitur in B paratum, per intervalla deglutiret . Id sanè, alvo antelucanis horis commodè solutâ , inter fœces plurimas et vermes multos variæ molis, variæque indolis , tum adhuc viventes , tum extinctos ejecit , atque in pristinam valetudinem actutum ægrotantem optimè restituit .

A. R̃. Syr. de pom: unc: ij., confec. hyac. drach: ij., rad. contrajerv: in pollin. redac., corall. rubr: præpar. ana drach: j., aq. flor. aurant. unc. si. M. f. cond. sumendum ut m.

B. R̃. mel. hisp. unc. j. succin. alb. præp. scrup. j., ol. amygd. dulc. rec., & s. ig. extr. unc. ij. M. sol. & cap. ut m.

Loco mellis hispani, ubi mel infans fastidiat, syrupus de pomis commodè substituatur; qui cum aquâ, aut mercuriali, aut florum aurantium immixtus, & præsertim si coralliorum adjicias magisterium, in verminatione subducendâ plurimum semper profuisse ex usu quotidiano percepimus .

ANIMADVERSIONES PHYSIOLOGICÆ.

Quo pacto exoriri credamus vermes in corpore humano vivente.

Vetus opinio fuit, quæ ad tempora usque nostra, quoad Franciscus Redi Patritius Arctinus Serenissimi Cosmi III. Hætruriæ Ducis olim inclytus Archiater, naturæ perscrutator acerrimus, id falsum esse non minus detexerit, quàm evulgaverit, constanter invaluit: vermes, & alia cuncta insecta ex putri, viliora utpote animantia, procreari; Insignis autem ævi proximè elapsi Scriptor, cætera insecta, quæ extra viscera corporis viventis insurgunt, ex ovulo quamvis nasci luculenter palam fecerit, vermes tamen

tamen ope caloris innati ex putredine in recessibus corporis animati reverà gigni posse, fidenter noluit improbare. At cum venià tanti Præceptoris id nobis profectò improbare adhuc liceat; quum vermes ipsos, qui in visceribus nostris educantur, nonnisi ex ovulis quidem, sive ex semine ejusdem generis originem ducere arbitremur. Intelligere quippe nunquam valuimus, quo pacto eorum quoque corpora, quæ tum intus, tum foris tam eleganter, non temerè, sed speciatim instruxit, & concinnavit Parens provida Natura, sine ovulis, ac sine semine saltem quodam, ex solâ materiâ putrescente, calore aut insito, aut extrinsecus adveniente tepefactâ extare, unquam potuerint. Quapropter probabilius videtur ut et cætera, ita et talia insecta, aut ab ovulis, aut ex seminibus suis; vel inter cibos, vel cum aere inspirato, vel inter effluvia cutis, ingestis, intus excludi. Quicquid in hanc sententiam passim dicitur, ovula præfata, si ventriculi cavo, aut intestinorum abditis inessent, per digestionem alimentorum destructum penitus iri, nullius id planè momenti faciendum ducimus; quum calor viscerum digerendo idoneus, mitis sit, lenis, fermentescens, ac fovens; qui propterea blandè agit, ac proinde prædictam vermium ex ovulis exclusionem adjuvare potius, quàm corrumpere deberet; persimilis est enim caloribus iis exterioribus, quorum beneficio: & ab ovis, quibus incubat gallina febriens, excitantur pulli nascentes: & bombyces in gremio foti ex seminibus tandem emissi adolescunt: & telluri semel commissæ seges, vapore jam tepefacta sæcundo pubescens, ex putri solo luxurians, cum sænore succrescit.

CAPUT XVIII.

De Dentitione difficili.

Definitio.

DEntes, qui erumpere incipiunt, quod a mense octavo non procul evenire ut plurimum solet, gingivarum membranas solvunt, ac nervos proinde irritant. Hinc ex dentibus erumpentibus varia sanè incommoda, ac varia, nec sine maximo periculo, infantibus ægritudines passim extitere. Quo in casu *dentitio* vocata est *difficilis*; adeo ut nihil aliud sit dentitio difficilis, quàm *ægritudo infantibus permolesta, consurgens ex symptomatum pessimâ congerie, obdentes, qui cum difficultate erumpunt, prodeuntium.*

Differentia.

Nonnulli, rarò admodum licèt, cum dentibus nascuntur. Aliis contra, quod frequentius accidit, sub finem mensis octavi, ut ante innuimus, erumpunt: priores nempe canini, atque incisores, quos subinde utrinque alii ex ordine ad molares usque insequuntur, qui postremò penè semper insurgunt. In veram, & notham distinguitur dentitio. Vera dicitur, quæ profectò a dentibus est erumpentibus. Notha, sive spuria fit, quum gingivæ aliunde, aut inflammatione affectæ, aut ulcere exesæ, prætermo- dum intumescences, dentitionem quodammodo mentiuntur.

Diagnos.

Talis ægritudinis indicia desumuntur præcipuè ab eruptionis tempore, quod plurimum quandoque variat. Dentes enim licèt plerique mense octavo emittamus, non est tamen, quod interdum ad annum secundum, tertium, & quartum id non differatur; quo tempore, quum gingivæ prurire incipiunt, inflari, ac inflammari, pluribus veluti veliculis

lis intumescere, caro iis succrescere &c., id breviter dentes erupturos denotat. At si ad hæc terror accedat, febris, insania, vigiliæ, salivatio, nifus vomendi, Convulsiones, alvi proluviæ, & reliqua, id dentitionem difficilem fore declarat.

Causas dentitionis difficilis, breviter non minus, Causa.
quàm eleganter tradidit Hippocrates (a): *quum dentire incipiunt, gingivarum prurigines, febres, convulsiones, alvi profluvium, & maxime, quum caninos edunt dentes, & his præsertim pueris, qui crassissimi sunt, & alvos duras habent. Qui crassissimi inquit sunt, & alvos duras habent*: id ratione epilepsiæ, quæ in dentitione suscitari solet, præcipuè innuit Senex, quæ facilius iis porro suscitatur, in quibus gingivarum crassities magis resistit, ne facilè dentes erumpant; quæ propterea, caninis præsertim sese producentibus, utpote acutioribus, violenter scissæ, ac lacerae, convulsiones pariunt. Et convulsionibus tum adhuc magis læduntur infantes, quum eorum alvus *dura* intestinorum proluviem diu nequaquam egresserit; laceratis enim per dentes ex gingivis prodeunt nervorum staminibus, eò minus cætera ex consortio patiuntur organa, quò alvi fordes minus ea pergravaverint. Cæterum dentium germen, quod in maxillâ interiori delitescit, ibi, lac veluti quoddam mucidum, ac tenue, in cellulis continetur, & stagnat, sensim concrefcit, ac durius in dies evadit, eò usque dum maximam sibi nactum duritiem, paullatim augetur, ac sese mox exerens per alveola membranas undequaque impellit; quæ tandem fatiscences, iis exitum pandunt.

Dentitio, quò difficilior, ac magis molesta, Prognosis
eò pejor. Hinc quò citius erumpunt dentes, eò melius.

[a] Hippoc. lib. 3. aph. 25.

liùs. Qui acriter tussiendo dentire incipiunt, difficiliùs evadunt. Convulsiones, motusque spasmodici ex dentitione concitati, reliqua licèt adsint leniora symptomata, necem quam sæpius inferunt.

Curatio.

In dentitione id imprimis curandum, ne *alvus* compressa epilepsiam concitet. Ventrem iccirco, & oleo recenti cochleatim propinato, & per clysteres immisso, sæpe sæpius laxare oportet. Si gingivarum inflammatio febrem, eamque vehementiorem succenderit, sanguinem, quum id fieri possit, opportunè imminuere, plurimùm semper juvabit. Vinum infanti non minùs, quàm nutrici planè interdicatur. Os decoctionibus emollientibus crebrò abluatur, quò membranarum laxatis, extenuatisque, dentium exitus facilius evadat. Humores, qui in tubulis eo in casu concresecunt, abluitionibus tepentibus ex aquâ florum rhœados, sambuci, rosarum &c, discutiantur; in quem finem sanguinem quoque adhibent nonnulli hircinum, leporinum, atque ex cristâ galli recens recisâ expressum, & reliqua ejusmodi, quibus si aut sperma ceti, aut mel commune, aut grana aliquot caphuræ, quæ vim habent resolvendi, adjeceris, parti affectæ admotis, inflammationem unà et dolores cohibere poteris. Sunt qui et ad opiata, ubi convulsiones supervenerint, tanquam ad sacram anchoram confugiunt. Nos autem, saltem nisi lene admodum sit, quicquid soporem inducit, infantibus, æquè ac pueris, utpote valde noxium, nunquam propinare consuevimus, ne cerebrum lædat, ingenium hebetet, eos inertes faciat, & perennem mentis stuporem eâ ætate moliat. Vesicantia, sinapismata, fonticuli, atque id generis cætera exteriora, nescio quid unquam hisce in casibus proficere valuerint; nec video, quâ ratione, quoque consilio, id auxi-

auxilii genus ad epilepsiam in dentitione eximendam tentetur.

ANIMADVERSIONES PHYSIOLOGICÆ.

Quare dentes
Infantibus re-
noventur, & se-
nescuntibus ex-
cidant.

Dentes ab infantia emissi ad annum usque septimum alveolis infixi firmiter hærent. Mox primores vacillare incipiunt, donec excidant, ut in eorum locum alii postmodum emergant. Paullatim subinde, non aliter excidunt vicissim, atque extuberant propinquiore, ad molares usque posteriores; qui, quum non semel a virilitate non procul emergant, *intellectus*, & *sapientia*, necnon etiam *genuini*, & *posteriores* item nuncupantur. Dentes, qui renascuntur, sub prioribus tanquam vivi radices in formam mucoris, non secus ac priores, latitabant. Num tamen novi planè sint dentes ab aliis diversi, ut Eustachius inter cæteros, & Riolanus autumavit; num sint veluti surculi ab eadem radice pullulantes, ut sibi suasit Diemerbroechius, difficile est dijudicare. Certum est tamen, prioribus dentibus ruditer, immaturè, ac per vim, veluti ad radices usque penitus avulsis, novos deinceps nequiquam assurgere: evidens indicium, ideo non assurgere, quòd unà cum radicibus, et surculi, undè germinare debuissent, exempti, fruticare, ut ita dicam, nequiverint. Senescentibus autem dentes excisi, si non renoventur, id provenit, quia mucor, ex quo dentes succrescunt, arefactus iis olim contabuit, non secus ac arefactæ contabuerunt quoque gingivæ; quæ propterea macrescentes a radicibus recesserunt. Ex quo dentes infirmati processu temporis senibus vacillant, & excidunt.

ANIMADVERSIONES PATHOLOGICÆ.

Quid sit epilep-
sia Infantum,
vulgò *le infan-
tigliole*, & quo-
modo curetur.

TUM meconium, quod nondum abundè egestum fuit; tum lac, quod in visceribus labem contraxerit; tum vermes, qui organa irritant; tum dentes, qui membranas, erumpendo, ruditer lacerant, nervorum genus, æquè ac cerebrum adeo quandoque afficiunt, ut musculos prætermo- dum convellendo, veram infantibus epilepsiam arcerent; quæ propterea, uti paulò ante innuimus, epilepsia infantum, vulgò Romæ *le Infantigliole*, dicitur. Talis affectio eadem propemodum, quæ in capitibus præcedentibus epilepsiæ in genere sistendæ proposuimus, exigit remedia. Nihilofecius quoniam infantibus ut plurimum sympathica esse solet, ex affinitate videlicet, quam, nervorum plexibus intercedentibus, cerebrum habet cum reliquis partibus humani corporis viventis, & potissimum cum visceribus imi ventris, ac gingivarum membranis, iis iccirco directè semper prospiciendum. Non negamus tamen, et infantibus aut cerebri, aut spirituum animalium vitio interdum incitari; quo in casu, si usui credendum, cervicem leviter inurere, ut per fonticulum ichor quidam saniosus excernatur, plurimum aliquando ejusmodi epilepsiæ generi evincendo contulisse, inficias ire nequivimus. Verùm enim verò eorum abusum semper improbavimus, qui tanquam carnifices organa infantum tenella erodentibus torquere aggrediuntur. At, quum nihil sit, quod eâ ætate prædictas convulsiones epilepticas moveat magis, quàm usus vini, victus pinguis, rex multâ nimirum carne confectus, animique perturbationes, ideo ad eas subducendas nihil unquam antiquius, ac præ-
senta-

præsentaneum magis adinvenimus, quàm infantibus, æquè ac nutricibus, & vinum, & edulia carnibus parata planè interdicere, æquè ac hilaritatem pro viribus comparare.

Historia V.

Cyrus infans, qui ætatis mensem tertium, & decimum vix exegerat, lactans, optimè constitutus, alvo compressâ, vomere cepit. Quicquid evomit tum colore, tum odore, tum sapore lactis acidi quid redolet, & sapit. Sistitur vomitus. Inflatur inde abdomen, ac variis flatibus malè olentibus identidem emissis, prætermo dum obmurmurat. Mox organis universis supervenit tremor. Conveluntur, & quatiuntur artus. Cum labore respirat; ac tandem aphonus oculorum aciem in eundem locum quasi intentam dirigit. Stertit insuper, ac ore spumans animo demum delinquit. Ad horæ tamen quadrantem paroxysmus vix producit. At cessans vicissim, & recurrens eadem periodo crebrò deinceps alternatur. Nutrix, quæ lac infanti eatenus præbuerat, ob conjugis repentinum non ita pridem extincti interitum, mœrore prope defecerat. Ex quo lac proinde graviter infectum, talem infanti epilepsiam suscitasse, inferre rationi consonum videbatur. Quamobrem ægrotanti puero lacejusmodi, ut confestim subduceretur, obnixè curavimus; & clystere ex hydrelæo statim submisso, oleum ex amygdalis dulcibus recens expressum cochleatim eò usque Cyro lambendum propinavimus, donec alvus soluta sordes tandem plurimas dimiserit, unâque cum fordibus, quicquid morbum maximâ saltem ex parte fovebat, ejecerit. Enim verò intestinum

Quicquid epilepsie Infantis medendo, præstitimus, historiâ declaramus.

S a

pro-

proluvie egestâ , non adeo frequens ut antea , & multò mitior inde fuit semper accessio ; quam eâ , quæ sequitur , methodo trium dierum circiter intervallo prorsus extenuavimus . Nutrici , quæ priori succederat , vinum primùm interdiximus . Pro vino decoctionem ex radicibus graminis , & chinæ , ita , ut legitur in A , paravimus . Ut carnibus sese omnino abstineret , effecimus . Quapropter fercula , quibus etiam parè vescebatur , hordei cremore , lacte caprino , ac ovorum vitellis recentibus ut instruerentur , operam dedimus . Pro jentaculo autem , ne vires planè deficerent , optimam chocolatam manè diebus singulis forbuit . Sub vesperam emulsionem hanc B quotidie potavit ; idque ne rediret affectio , ad dies quadraginta circiter prosequuta est . Modò interim sitiisset , aquæ aut graminis , aut avenaceæ , aut hordeaceæ , aut Cornu cervi , aut etiam simplicis copiam fecimus . Puero id conditum C lambendum confecimus ; quod & alvum opportunè laxavit , & spiritus consopitos aliquantulum excitavit , & verminationi , quæ fortasse aderat , prospexit .

A. R. *radic. opt. chin. f. a. incis. drach. ij. , glycyrrhiz. drach. j. , cinnam. opt. scrup. j. , aq. comm. lib. iv. M. f. inf. & macer. f. a. cin. calid. , & adde rad. gramin. unc. j. leviter bul. col. pro potu ut m.*

B. R. *hord. mund. & elix. unc. si. , sem. melon. unc. j. , aq. gramin. q. f. M. f. emul. f. a. , quam cap.*

C. R. *Conf. byac. , alkerm. ana. drach. j. , syr. de pomis , mel. hisp. ana. unc. j. , aq. flor. aurant. unc. ij. , M. solv & . cap. lambendo ut m.*

ANIMADVERSIONES PATHOLOGICÆ.

EVenit persæpè, ut lactanti puero lacte subducto, nescio, an quia victus, quo tum vescitur crassior sit, an aliâ ex causâ; evenit, inquam, ut cum hypocondriis, & universum intendatur abdomen, & tussis quædam perquàm molesta, periodicè quasi suscitetur; quæ diebus singulis, plerûnque tum manè, tum vesperi, per horam, & ampliùs quandoque thoracem tanto cum impetù concutiat, ut prope sublatâ spirandi facultate, ac genis rubore impensè suffulsis, puerum suffocari minitetur. Nec ea tussis cessare solet, nisi, vomitu excitato, mucosâ, albicans, indigestaque excernatur materia; quæ aut stomacho, aut intestinis inhærens, per consensum tussim eam spasmodicam, unâ cum reliquis incommodis, ut opinor, movebat. Ejusmodi tussi pueris, infantibusque frequenti, eoquòd ingenti cum immanitate eos invadat, *ferina* nomen recèns inditum est. Periculo non vacat. Solemnis est quoque foeminis hysteris, maximè non nuptis. Oleo aut ex amygdalis dulcibus, aut ex seminibus melonum recèns, & sine igne expresso discutitur; quod tamen eâ quantitate, ac tandiu propinare oportet, quoad, vel alvum, vel vomitum blandè concitaverit. Oleo, ut faciliùs agere queat, addidimus nonnunquam & sperma ceti, & mel hispanum, ita propemodum, ut legitur in A, immixtum. Grandioribus et manna ad drachmas aliquot adjicere item convenit. Si oleum fastidiat infans, oleo syrupus violatus violaceus succedaneus esse poterit. Mel hispanum, de quo aliàs fusè verba fecimus, ad tussim ferinam in foeminis hysteris extenuandam ad unciam circiter diluculo

Quid sit tussis
ferina, ejusque
Curatio.

lo cum ingenti copiâ juris infusâ ingestum, mirificè conducit. Cæterùm clysteres emollientes, fatus, inunctiones exteriores, balinea, & reliqua, quæ cutem extendunt, eamque laxant, optima sunt. Confectiones anodynas, dummodo leniores eligantur, ac alvo prius, & stomacho extensis, nisi tussis spasmodica sistatur, & præsertim theriacales, præscribere quoque poteris. Si sanguis redundet, ne paroxysmo suffocetur infans, opportunè imminuatur. &c.

A. R. ol. sem mel., aut amyg. dulc. rec. & s. ig. extr. unc. ij., sperm. ceti drach. j. mel bisp. unc. si. M., & cop. lambendo at m.

ALIÆ ANIMADVERSIONES PATHOLOGICÆ.

Quid sint
aphte, & qui-
bus auxiliis iis
prospiciendum.

EX iisdem causis, undè sit eptlepsia, & tussis, quam cum Recentioribus serinam dicere placuit, exoriuntur quoque pustulæ quædam livescentes, quæ oris membranas infantibus hinc inde sparsim exedunt, quæque *aphte* nuncupantur. Hæ ut plurimum in acumen fastigiata, crustam, siue excaram proferunt, quæ vicissim excidit, & renascitur. Non omnes ejusdem æquè generis sunt; aliæ quippe albæ deprehenduntur, croceum aliæ perhibent colorem, lividas aliæ sese ostendunt, luridas, & frædas, nonnullæ nigras &c. Insuper modò, ob humorem, quo scatent, molles apparant, modò arescunt, modò adeo firmiter partibus affectis adhærent, ut nonnisi per vim, penè ac altas si egerint radices, auferri possint; modò contra leviter adeo inhærescunt, ut facile avellantur, & sponte, ut ita dicam, suâ, nonnunquam excidant. De iis id potissimum in genere animad-

madvertas oportet, aphthas non tanquam vera ulcera carnem altè subjectam depascere, verùm solam ut plurimum cutem afficere, eamque in superficie tantùm corrumpere. A gingivis ferè semper versàs partes oris interiores procedunt, ad linguam nimirum, palatum, fauces, ac per œsophagum interdum ad stomachum, æquè ac ad intestina sese effundentes. Criticè non rarò erumpunt, & præsertim humidæ, quæ leniores sunt. At aridæ, lividæ, & præcipuè nigrae, necnon etiam quæ, quum plures sint, sub unâ tantùm crustâ coeunt, & delitescunt, pessimæ habeantur; quinimmo et lethales; tum maximè, quum veluti symptomata gravioribus ægitudinibus adjiciantur. Salivatio opportunè superveniens eas nonnunquam adimit. Multa sunt, quæ ad aphthas eximendas Clinice tradidit, ea namque omnia, quæ humores acres eluunt, crassos extenuant, concretos solvunt, ea sanè aphthis curandis perquàm idonea censentur; de quibus ratione tum diætæ, tum pharmaciæ, tum etiam chirurgiæ, jam ante pluribus in locis verba faciendi sese præbuit occasio. Inter localia, ablutiones mirum in modum profunt tepentes, ita ut sequitur paratæ, hisque similia.

Rx. Sars. paril. opt. s. a. incis., glycyrrhiz. ana. unc. j., aq. chalyb. lib. jv. M. f. inf. & macer. s. a. per noctem ciner. calid., & ad. fol. cochlear. nast. aquat., malv. ana. pug. iij., decoq. s. a. colet. pro ablutione tepenti, ut m.

Item Rx. aq. chalyb. lib. jv., mel. com. opt. unc. ij, spirit. vin. rectific. unc. j. M. pro ablutione tepenti, ut m.

Item Rx. aq. bord. lib. jv., succ. limon. unc. iij, mel. comm. unc. j. M. pro ablutione, ut m.

Ablutionibus præfatis sub finem morbi optimo cum
suc

successu addidimus absorbentia , uti sunt terra nucerriana , oculi cancrorum præp. , cornu cervi ustum &c.

Verum enim verò , quoniam os infantibus , intus præsertim , abluere perquam incommodum est , ideo , quum ablutionibus uti nequeamus , cochleariæ succum cochleatim propinare optimum foret ; cui optimo cum successu addidimus etiam cancrorum succum recens expressum , & mellis hispani modicum . Quinimmo et ea per modum linimenti cum ovorum recenti vitello , atque oculis cancrorum præparatis quandoque congregavimus , quæ aphthis mox ita admota , earum acrimoniam mirificè sedare valuerunt ; quin et eo solo remedio , eas brevi penitus evanescere non semel vidimus ; & ut efficacius ageret , guttas aliquot aut spiritus vini rectificati , aut aquæ Regiæ Hungariæ , aut quintæ essentiaë roris marini , aut drachmas aliquot aquæ calcis vivæ , non semel adjecimus .

ALIÆ ANIMADVERSIONES PATHOLOGICÆ .

Quid sit lactumen , & quomodo ingeneretur .

E Arundem rerum vitia passim effecerunt , ut infantibus , aut lactantibus , aut lacte subducto , *lactumen* , *crusta lactea* , *achores* , vernaculo sermone *lattice* , extrinsecus accrescerent ; quæ quandoque ex calvaria exteriori ad tempora , ad frontem , ad genas , & etiam ulterius per membra effunduntur exteriora . Lactumen dicitur *crusta quedam facta , quæ insurgit ex variis subjectis ulceribus , humorem acrem , & densum insudantibus , in crustam extrinsecus con crescentem* . Lactumen , ubi calvariaë partem , undè , crines luxuriant , occupat , *sinea* infantum item vocitatur . Quamvispissimè , ut et ipse animadvertit Doleus ,

læus, id exoriri a puerorum voracitate opinamur; quatenus chylus rudis, nec coctus, nec intimè subactus, sanguinem coinquinet, ac unà cum sanguine ferum, lympham, ac succum alibilem; qui propterea acris factus cutem erodit, ejusque glandulas irritat, tubulos contrahit, aliosque ibi humores sistit; qui proinde nil mirum, si ex ulceribus exudantes concrecant, & morbosam crustam ingenerent. Hinc non perperam salutiferum vulgò censetur, quòd perfectò intempestivè compressum epilepsiam, aliasque lethales ægri tudines, ut non rarò et ipsi vidimus, progeniit. Non est tamen, quòd reliqua quandoque tegumenta erodendo ad osseam usque substantiam pervenerit, eamque carie affecerit. Attamen interioribus potius, quàm exterioribus ei occurrendum hortamur auxiliis, & victus præcipuè normâ; qui sit tenuis, dulcis, humectans, atque insulsus oportet. Vini usus est pessimus.

Quicquid de crustâ lacteâ diximus, et de parotidibus, bubonibus, scabie, intertrigine, & id generis aliis, quibus præsertim obnoxii sunt pueri, planè dicendum existimamus. Intertrigo sunt *ulcera quædam levia, sed lata; sive potius est levis cuticulæ excoꝛiatio cum subjactâ inflammatione, quæ cutem acriter inter femora potissimum incendit*. A causâ ut plurimum exteriori produci tur, ab acrimoniâ imprimis recrementorum, urinæ videlicet, alvi que sordium, quæ partes eas diu madefecerint, & coinquinaverint. In adultis sit etiam sudore, ac mutuâ femorum, incedendo, attritione. Ad intertriginem, eximendam, eam maximè, quæ provenit, ut ita dicam, *ab extrinseco*, ablutiones tepentes, æquè ac fots ex aquâ vel hordei, vel chalybeatâ, vel rosarum, vel florum sambuci apprimè conducunt; cui meliùs

Quid sit intertrigo, ejusque curatio.

adhuc prospicies , si partibus affectis ablutis , fofifque aut terram nucerianam , aut ceruffam , aut fal fa-
turni , aut reliqua id generis abforbentia in pollinem
redacta leviter infperges .

C A P U T XIX.

De Rachitide .

Definitio .

Rachitis vitium eſt quoddam organorum corporis
humani vitam habentis , cujus cauſa , partibus
ſolidis , & præſertim oſibus , ac cartilaginibus alendis
ſucco alibili non æquè diſtributa , efficitur , ut earum
nonnullæ ob defectum extenuatæ macreſcant , nonnul-
læ autem ob copiam plus ſatis nutritæ in molem juſtò
majorem augeantur . Rachitis dicitur a ſpinâ , quæ in
rachitide laborantibus præ cæteris partibus utpluri-
mùm afficitur , quæque *Rachis* item Græcis appel-
latur .

Diagnofis.

In Rachitide duræ partes , quàm molles potiùs
vitiari ſolent ; qua de re mole prætermòdum crebrò
augetur caput , ac variis in locis enormiter cranium
extuberrat . Spina perſæpè , & reliqua incurvantur of-
ſa , in nodos hìc , atque illic , ex articulis præſertim ,
procul ab omni lege attolluntur . Intumeſcit non ra-
rò abdomen . Perangultus fit thorax , & ſpirandi la-
bor accedit . Valde torpeſcunt artus , atque imbe-
cilles adeo demum evadunt ; ut , ſolutis viribus , moli
adauctæ ſubſtinendæ prope impares fiant . Nihilò fe-
ciùs alacres ingenio rachitide affecti plerùnque ſunt ,
& ſupra ætatem prudentes .

Cauſa :

In definitione rachitidis , organorum vitio eam
fieri diximus . Quia autem organa , ut ante expoſui-
mus , partibus ſolidis , & fluidis congregantur , vi-
tium ,

tium, quod rachitidem facit, tum fluidis, tum solidis, tum utrisque insidere potest. At, quum quotidie ab usu excepiamus, rachitidem, quæ recens est, si rectè tractetur, non semper fuisse insolubilem, fluida, quàm solida in eâ frequentius peccare ideo autumavimus; fieri nempe potuit, ut vel sanguis, vel cæteri humores in tubulis non æquè concrecentes varias hinc inde obstructions pepererint; undè inæqualis alimoniam partibus alendis distributio impertita rachitidem fecerit. Et quoniam ex Anatome accepimus, ossium fibras ex fibris tendinum muscutorum produci, inferre non alienum visum nobis est, humores pravy, qui rachitidem educant, muscutorum tendines potissimum inæqualiter infarxisse; qui proinde ita, oppleti ossium fibræ alimoniam non æquè suppeditare queunt.

Rachitis lethalis licèt non habeatur, symptomatibus tamen ingravescentibus morbos quoque lethales efficere valet; quum tabes non rarò, phthisis, hydrops, & maximè pulmonum, rachitide laborantes invaserit. Quò citiùs infantes post nativitatem corripuerit, eò pejus; & si, antequam annum ætatis quintum attigerint, haud evaserint, penè semper deinceps ægrotant. Si febris insequatur, faciliùs solvitur; item et, tum quum reliqua minuantur symptomata, si scabies ei supervenerit. Rarò admodum, adultos rachitis corripuit, eoquòd partes habeant solidiores, ac metam crescendi eorum jam attigerint organa. Quæ sit partium solidarum vitio, difficiliùs cedit, ac præsidia medica penitus eludit.

Si experientiæ credendum est, ea omnia, quæ luem veneream, atque scorbuticam destruere valent, & rachitidem evincunt, modò tamen blandiora adhibeamus, nec sudorem, nec urinam, nec sali-

vationem, nonnisi leviter moveant. Hinc a mercurialibus, & præsertim fortioribus cavendum. De iis ex professo in sequentibus agendum. Decoctiones interrim ex radicibus graminis, fragarum, ex foliis cochleariæ, nasturtii aquatici, hæderæ terrestris, pimpinellæ, ex floribus borraginis, hyperici, primulæ veris, & reliqua plurimum commendamus. Frequentissimè, optimoque cum successu lac ut asinum, ita et caprinum cum succo cochleariæ, ac magisterio margaritarum, sive coralliorum, sive testaceorum concharum, hisce in casibus, Romæ præsertim, propinavimus. Vinum omnino interdiximus. Pro vino tincturam ex sarsâ parillâ, & radice chinæ per levem infusionem in aquâ graminis extractam præscripsimus; quam aut cum optimo cinnamomo, aut cum corticibus citri, sive aurantium, eorum præcipuè, quæ vulgò *di Portogallo* nuncupantur, acuimus. Nisi alvus responderet, decoctionibus præfatis, aut syrupum de cichoreo cum habarbaro, aut manna cum modico mellis hispani adjecimus, sive clysteribus simplicibus eam blandè concitavimus. Nonnunquam in eundem finem mel hispanum cum infusione senæ orientalis, ac ejusdem rhabbarbari cochleatim præbuimus &c. Alvo extersâ, ac humoribus, ita ut innuimus, ante digestis, nisi rachitis solveretur, ad balinea confugimus; quæ aut aquâ chalybeatâ simplici, aut eisdem decoctionibus antiscorbuticis paravimus.

Historia VI.

Lycinius tres ab illinc circiter annos summo genere puer natus, ad id temporis optimè semper valens, subpinguis, & vegetus, serò dentire cepit, ac dentibus erumpentibus vehementer febrire, torqueri, & angi. Ad diem septimam, nullâ manifestâ crisi apparente, sponte quasi recessit febris. Macilentus inde, irrequietus, extenuatus, ac languens ad mensem, & ultra vixit. Spina mox dorsi nonnihil incurva apparuit. Et variis ex locis in nodos plurimum, ut ita dicam, salebratam sese extulit calvaria; atque in utroque carpo, ac genu, necnon etiam ad talos ossa extrema prætermo- dum adaugeta Lycinium rachitide jam affectum fuisse abundè ostendebant. Enim, verò viscera explorantes, abdomen tumidum, & costas valdè inæquales esse quoque cognovimus. Alvus dura erat, ac urinæ perquàm tenues, & perexiguæ. Hinc ad alvum non minùs, quàm urinas concitandas, id conditum *A* Lycinio cochleatim lambendum præscripsimus; quod sanè non modò intestinorum proluviem eluit, verùm etiam, & vomitum civit, & urinas plurimas egressit. Octobris mensis erat 1714 ubi Lycinium tractandum nobis tradiderunt Parentes, ideoque procul ab omni cunctatione lac caprinum, ita, ut legitur in *B*, medicatum ei propinandum ter die proposuimus; & quum sitiisset, aqua ita, ut legitur in *C*, paratæ copiam fecimus. Clysteribus quotidie simplicibus, ut a sordibus interim ulteriùs eximeretur alvus, operam dedimus. Hac curandi metho- do per intervallum dierum quadraginta circiter servatâ, rachitide planè solutâ, Lycinius sensim subinde, & sibi carnem induit, & pinguis ut
antea

Quicquid, rachitide medendo præstare consuevimus, historiam declaramus.

antea evasit, & pristinum robur brevi resumpsit.

A R̄. Rhabarb. elec. in pollin. redact. scrup. semis, mell. hisp. unc. ij., aq. cinnam. unc. j., flor. aurant. unc. si. m. f. cond., & cap. ut m.

B R̄. Sars. paril. opt. s. a. incis., rad. chin. ana drach. j., glicirrhyz. drach. semis, aq. comm. q. s. m. f. inf. et mac. s. a. cin. cal. per noctem, & adde folior. coclear. nast. aquat., hæder. terref. ana pug. j., decoq. S. A. col., & ad. panis opt. tritic. q. s., de more elixetur, & adde magist. perlar. drach. semis, ovor. vitell. recent. num. j., lact. capr. unc. iij., leviter bul. & propinet. diluculo pro jentaculo, circa meridiem pro prandio, & sub vesperam pro cæna, & nihil aliud.

C R̄. Sars. paril. opt. S. A. incis., rad. chin. ana drach. j., cinnam. opt. scrup. semis, aq. comm. lib. ij., m. f. inf. et mac. cin. calid. s. a. per horas xij. circiter, & adde rad. gramin. pug. j., bul. leviter., coletur pro potu, ut m.

ANIMADVERSIONES PATHO- LOGICÆ.

Quare ossa in
rachitide incur-
ventur.

Veram rachitidis causam enucleare, eamque luculenter exponere perquam difficile semper existimavimus; enim verò, ne ad vim eam confugeret occultam, quâ facultates Galenicorum attractrices, & concoctrices non æquè in partibus agunt, sive ad variam organorum intemperiem, inter Recentiores quispiam diversam salium, ac fermentorum naturam culpavit vitiatam. Nonnulli partium solidarum structuram eam producere protulerunt &c. Per obstructions, quæ non æquè tubulos universos infarxerunt, rachitidem nos fieri credimus. Num autem vasa sanguifera, num lymphatica, num chyli-
fera,

fera, num nervorum, meatus insensibiles oppleti sint, id audacter decernere minimè aggredimur. Tanquam probabiliùs, aut saltem tanquam crebriùs, musculorum, sive potiùs tendinum fibras rachitide oppleri tantùm pronuntiavimus. At quod sæpè sæpius in rachitide incurventur ossa, tum id fieri iudicamus, quum ob alimoniam in iis exuberantem in longitudinem ultra mensuram producantur. Etenim, si musculorum, cæterarumque partium solidarum, quæ contrahuntur, eo in casu, renixum offendant, quum ulteriùs procedere nequeant, necesse est, ut aliorum deflectant, & incurventur.

CAPUT XX.

De Variolis, & Morbillis.

Quod Florentiæ dicunt *il vajolo*, Romæ *i mor-* Definition.
vigliani, Perusiæ *i mascalobri*, id *variolarum*
 nomen penes Medicos sibi vindicavit. Quod autem
 vulgò apud nos audit *la rosalia*, *la rosolia*, *il mal*
della porpora, id *morbilorum* nomine Clynici distin-

ixerunt. Variolæ fortasse dicuntur, aut a variando, cutem quippe admodum variant; aut a maculis, sive tuberculis quibusdam, qui *vari* nuncupantur. Variolarum claram, fusamque in Amaltheo medico præ cæteris Bartholomæus Castelli his planè verbis tradidit descriptionem. *Variolæ sunt pustula, vel papula majores, minoresve ab initio sub formâ macularum rubentium in toto corpore, aut plurimis ejus partibus erumpentes, cum febre acutâ epidemicâ, in augmento sese elevantes, & sub flatu materiam viscidam quodammodo purissimam continentem, interdum et aqueam, tandem in declinatione degenerantes in*

in crustam, post exiccationem decidentem, cum variis symptomatibus per diversa totius morbi tempora variantibus, & supervenientibus, genita. &c. Morbillorum nomen, ad denotandam eam, quam modo exposituri sumus affectionem, recens excogitatum, id idem prope sonat, ac *morbus parvus*. Num Veteribus nota olim fuerit talis affectio, necne, id tanti momenti, cum præcitato Authore, haud ducimus, ut quæstionem ejusmodi prolixè velimus hic exagitare. Non secus igitur ac ille morbillos duntaxat describendo, *minimas esse, paucis dicimus, maculas quasdam rubicundas in tumorem ex cute non nihil elevatas, & prurientes, cum febre acutâ, quæ citius tamen, quàm variolæ, & citra suppurationem discutiuntur.*

Diagnosis.

Tum variolas, tum morbillos præire solet calor quidam blandus, febrilis tamen; & nonnihil acris cum pulsu frequentiori, leni prævio per universam cutem horrore; cui accedit membrorum, perquam molesta lassitudo, ac dorsî, lumborumque torpor admodum infestus, narium, oculorumque pruritus, qui creberrimas movet sternutationes, & lacrymas identidem elicit. Die morbi primâ hæc ut plurimum occurrunt. Secundâ, & tertiâ febris augeatur, & validioribus sese profert stipata symptomatibus: dolore videlicet capitis acerrimo, nausæâ, vomitu, tussi, quæ plerumque sicca est &c. His frequenter spirandi labor adjicitur, tremores spasmodici, & non semel epilepsia; quæ die ut plurimum quartâ, antequàm variolæ, & morbilli erumpant, quin et in limine ipso quasi eruptionis, ægrotantem invadere solent. At quum erumpere incipiunt, incenduntur oculi, acrius adhuc pruriunt, uberiores funduntur lacrymæ, æque mordaces, increbescit ster-

sternutatio, quæ non rarò ex naribus superveniente hæmorrhagiâ solvitur. Proximè ante eruptionem humor peccans cutem universam acriter pungit, quam mox asperam facit, eamque madore suffundit, inde sparsim in maculas rubicundas erumpit, mox in minimas hinc, atque illic pustulas attollitur. Intus interim æstuat æger, plurimùm sitit, fauces jam exaustæ irrauescunt, tinniunt aures; quam sæpius oscitat, pandiculatur, anxius sit; quandoque palpitat ei cor &c. Variolis erumpentibus, ad tres serè, aut quatuor dies adstringitur alvus. Primùm in dorso, ventre, ac facie manifestò variolarum indicia occurrunt. Mox per ambitum corporis universum indiscriminatim emergunt. Ex maculis, ut innuimus, in pustulas minimas extuberant. Pustulæ subinde paulatim intumescunt, quoad in totidem parvos abscessus demum conversæ, aut pus, aut ichorem puris non absimilem, aut lympham quandam acrem emittant. Id die undecimâ frequenter evenit. Sensim deinceps exsiccantur, donec in crustulas, sive in squamulas fatiscientes omnino exciderint. Eadem propemodum, sed leniora anteire solent, quum erupturi sint morbilli; qui ut citiùs erumpunt, ita et quoque citius decrescunt, adeo ut die quartâ, sextâ, vel nonâ res omnis absolvatur. Hinc quæ morbillos comitari solent symptomata, nec adeo obnixè resistunt, nec tam immaniter torquent. In morbillis tamen salivatio ferè semper supervenit, quæ plurimùm fatigat, & non semel jugulat, ut inferiùs dicendum.

Causa

Undè variolæ, & morbilli proveniant, res est admodum incerta. Excitari opinabantur Majores a labe quadam intus in utero a foetu ex eo, quo alitur, prægnantis sanguine impuro susceptâ; quod quàm falsò prolatum fuerit ex dictis abundè liquet. Hinc

Tom. III.

V

cre-

credendum potiùs ducimus, exoriri vitio quodam, quod aut utero inclusus ex meconio, aut extra ex lacte, quo vescitur, contraxerit infans. Vitium quippe istud in humoribus latitare, ac clam vigere potuit, eò usque dum aliquid idoneum ab extrinseco accesserit, unà cum illo efferbuerit, atque in spumam, ut ita dicam, evanuerit.

Prognosis.

Quicquid de morbis acutis, & de febribus præcipuè, in prognosi diximus, et hìc dictum volumus. Febris enim, quæ variolas, & morbillos comitatur, est de genere acutarum, & omnes quandoque præsefert malignitatis notas. Hinc quò mitior, eò semper melius, & contra. Pueris, atque adolescentibus, cæteris paribus, variolæ non adeo funestæ utique sunt, quàm infantibus adhuc lactantibus, atque adultis. Verno, æstivoque tempore faciliùs, quàm autumno, & hyeme solvuntur. Graviùs obesos, quàm macilentos affligunt. Prægnantibus persæpè lethales. Quò plures uno, eodemque tempore corripuerint, atque enecaverint, eò magis timendum. Si maculæ livescentes, aut variolas fœdent, aut inter eas obversentur, id sanè pessimum. Confluentes pejores, quàm discretæ; quinimmo et quò magis distent, eò melius. Quò citius erumpunt, tertiâ, vel quartâ plerûnque die, eò feliciùs extenuantur. Symptomatibus ingravescentibus, quum aut non erumpant, aut retrocedant, aut citò, & quasi immaturè marcescant, necem ut plurimum inferunt. Mensium fluxus, & diarrhœa principio superveniens, lethalis. Sub finem non ita. In progressu non semper, si diutinæ experientiæ, ex quâ plura in dies excepiimus, fides habenda est. Hæc eadem, quod ad prognosin attinet, et de morbillis prorsus intelliges; nec aliud inter eos, & variolas interest

rest discrimen, nisi quòd morbilli faciliùs solvuntur, multòque minùs habent periculi. Nihilofeciùs, utpote qui pulmonibus magis infensi, iis inflammationem nonnunquam moliuntur; quæ, nisi brevè discutatur, aut interimit, aut tuberculos facit. Hinc vomicas, empyema, phthisin, asthma, pectoris hydropem, & id generis reliqua passim ex morbillis superesse vidimus.

Num sanguinis mīdio hisce in casibus conveniat, Curatio.
 necne, id adhuc acerrimè inter Clinicos exagitur, eam tanquam perniciosissimam aliis planè improbantibus, aliis veluti necessariam, sed in exordio, ante diem videlicet quartam factam, approbantibus. Ulteriùs verò procedente morbo, & sub finem præcipuè, unanimi ferè consensu in hoc conveniunt omnes, ut fateantur, eam aut mortem accersisse, aut symptomata plurimùm saltem exasperasse. Nos autem tum in Nosocomiis, tum in ædibus privatis, & Romæ, & Florentiæ, & Perusiæ, id fermè observavimus, ubi symptomata ex plethorâ præsertim ingravescant, sanguinem quocunque tempore, ex qualibet parte abundè eductum, tum in variolis, tum in morbillis plurimùm penè semper profuisse; quem tamen, summâ nisi necessitate ducti, nunquam emisimus; ejusmodi quippe ægri tudines, quæ per modum cryseos naturâ moventur, solâ ut plurimùm diætâ felicissimè discussas observavimus. Purgationes sunt pessimæ. Si alvus tamen diu restiterit, clysteribus ex aquâ simplici, aut hordeaceâ, aut avenaceâ, aut ex jure insulso citetur. Ægrotantibus sitientibus bibendi copia fiat. Vinum, quicquid alii opinentur, nos semper interdiximus. Vini loco, aut aquam simplicem, aut hordeaceam, aut avenaceam, aut glycyrrhizæ, aut cornu cervi, aut florum papaveris

rhœados , aut fenchii , scorzonæræ , cardui benedicti , aut jusculum insulsum cum iisdem rebus paratum , hisque similia , quæ per cutis spiracula expirationem blandè adjuvant , propinavimus ; quæque propterea tepentia potiùs , quàm frigida commendavimus . Interdum tamen , ubi prætermodum citra inflammationis metum æger æstuasset , et aquam frigidam ei indulsumus ; quàm profecto cum oblectatione non minùs , quàm cum levamine hausit ; in quo tamen cauti valdè simus oportet ; eoquòd potiones frigidæ , & præsertim in exordio , imminentem variolarum eruptionem compescere , & viscera inflammare possint . De cæteris ea , quæ in superioribus ad febres extinguendas proposuimus , & hic itidem proponimus ; quum febris natura hisce in casibus imprimis respicienda sit . Si viscerum imminet inflammatio , non modò sanguinis missio , quàm tum veluti præsens , antiquum , & aureum præsidium commendamus , verùm et reliqua omnia , quæ dicuntur *antipleuritica* , de quibus jam ante verba fecimus , adhibeantur oportet . Si adsint convulsiones , & oleum convenit , quod tum ex amygdalis dulcibus , & ex seminibus melonum recens , & sine igne exprimes ; eâ tamen lege præscriptum , quin alvum vel minimum solvat . Cæterùm in id potissimum Clinicus incumbat , ut fluidorum labem natura per se ipsam exoneret ; plures enim vidimus aut variolis , aut morbillis laborantes , operâ medicâ potiùs , quàm symptomatum atrocitate , decessisse .

Historia. VII.

Syriscus quintum, & decimum ætatis agens circiter annum, adolescens temperamento calido, & sicco, bilioso nimirum præditus, nonnihil gracilis, sed optimè constitutus, & ad id temporis benè valens, moribus probis, ac literis, pro ætate, satis, superque instructus, mense Augusto, sodalem variolis affectum invisit. Domum reverfus horrore quodam leni, ad horam circiter per cutem universam præeunte, tremore mox vehementer concuti cepit. Tremorem calor insequitur febrilis, admodum acris, qui per totam noctem prætermodum exarsit; ac sensim subinde decrescens, uberrimo tandem profuso sudore, prope meridiem prorsus evanuit. Attamen pulsus frequens erat, oculi, & nares pruriebant. Hinc & lacrymæ præter voluntatem fundebantur, & crebra erumpebat sternutatio. Decedente die, eadem planè recurrunt, & ut antea postridie quidem evanescent. At oculorum, nariumque pruritus augetur. Tussis adijcitur sicca, præcordiorum anxietas, spirandique labor: idque per tres vices omnino renovatur; quoad cutis, infestâ ubique pruriginel laceffitâ, maculis quibusdam rubentibus hinc inde suffunditur. Ex fronte, brachiis, & pectore in minimas pustulas prædictæ maculæ sese attollentes, veras variolas fore, apertè jam indicabant. Ex quo ægrotare cepit Syricus dies erat morbi quarta, & febris ex intermittente continua licèt facta, non ita vehemens tamen, uti priùs æstuabat. Variolæ interim quaquaversum affatim non minùs, quàm feliciter emergebant; nam symptomata, erumpentibus variolis, adeo subinde leniebantur, ut res ad diem usque

Quicquid Variolis medendo præstare conſuevimus historiam declaramus

usque octavam in melius semper cesserint. Verumtamen die octavâ sub vesperam rigor, tametsi mitis, accessit; et calor inde febrilis valde exasperatus Syris cum ad horas viginti quatuor, & ultra prætermodum afflixit. Mox, tum quum variolæ suppurando ad maturitatem accedebant, febris quoque sedabatur. Pluribus in locis variolæ conflue-
rant, atque intumescences faciem potissimum deturpaverant. Quamobrem, ne sanies inclusa subjectam cutim exedendo magis, magisque contereret, vario-
lis acu aureo leniter punctis, ac digitis summis blan-
dè compressis, eam funditus expressimus. Die decimâ
sextâ a febre planè immunis fuit. Exinde non mul-
tùm post omnino convaluit, nec ullas imp sterum, nisi admodum leves, & raras, in facie variolarum
notas præsetulit. A primo ad ultimum nihil aliud in
eâ Syris ægritudine clinicè præstitimus, quàm vi-
ctus rationem dirigere, qui tenuis, humectans, &
refrigerans semper fuit; quinimmo et principio
tenuissimus; atque, vini usu planè interdicto, æquam
ita, ut in A exponitur, medicatam, utut ei libuisset,
tepentem potius, quàm frigidam potandam præ-
scripsimus. Et quoniam ad diem usque quartam al-
vus compressa obnixè resistit, eam enemate ex jure
simplici insulso indito blande incitavimus. Cubi-
culum, in quo ægrotabat Syris, erat amplum;
& nihilofeciùs, ne calore nimio afficeretur, ut iden-
tidem horis congruis perflaretur, operam dedimus.
Ad faucium ardorem leniendum, gelatinam cornu
cervi cochleatim lambendam ei consecimus. Atque
ad intestinorum sordes ex longo tempore cumulas
postremò eluendas, electuarium lenitivum cum rha-
barbaro, ita ut legitur in B, statim ante cœnam su-
mendum, paravimus; quod, die decimâ quartâ ex-
actâ,

actâ, in bolos digestum deglutivit; cui, quum alvum movere cepit, aquam plurimam nucerianam frigidam, ut ei constituimus, superbibit.

A R̄. Rasur. corn. cerv. unc. sem., glycyrrhiz. drach. ij., cinnam. opt. scrup. j., aq. comm. lib. iv. M. f. inf. & mac. f. a., & adde rad. gramin., scorzonera ana pug. j., decoq. f. a. col., & adde ad gratum odorem, & saporem spirit. ex cortic. aurantior., vulgò di Portogallo f. a. expressi. q. f. pro potu, ut m.

B R̄. Rhabarb. elec. in pollin. redact. scrup. j., sal. tart. scrup. sem., elect. lenit. unc. sem. M. ref. bol. f. a., & cap. ut m.

ANIMADVERSIONES PATHOLOGICÆ.

IN variolis, qui perire solent, aut principid erumpentibus, aut in statu marcescentibus penè semper pereunt; febris quippe, quæ post diem morbi quartam, nisi ad hanc decesserint diem, ut plurimum mitigatur, & non semel aut penitus, aut quasi penitus extinguitur. At die accedente nonâ reviviscit, & ita quandoque recrudescit, ut febrientem subripiat. In exordio febris eo in casu nuncupatur *eruptionis*. In progressu dicitur *murationis*, sive *suppurationis*. Hæc plurimum sanè habet periculi; plerosque enim, qui variolis interierunt, vel eo tempore, vel non multum post decelisse ferè semper observavimus.

Tempus Variolis majoris afflictionis, & periculi.

ANIMADVERSIONES AD THERAPEUTICEN
SPECTANTES.

Non semper
alvum, in va-
riolis ciere est
res periculi ple-
na.

Alvum in variolis movere, maximè morbi prin-
cipio, res est profectò periculi plena, eo quòd
alvi profluvium superveniens variolas erumpentes
non rarò compresserit, atque ægrotantem propediem
extulerit. Nihilò seciùs, febre in variolis prætermo-
dum adauctâ, cæterisque atrociter debacchantibus
symptomatibus, nonnisi alvo, quæ diu fuerit sup-
pressa, clystere priùs incitatâ, atque sordium prolu-
viæ abundè egestâ, variolas prodiisse non semel vi-
dimus. Ex quo veluti exploratum satis habuimus,
sordibus in imo ventre congestis, ac fluidorum motu
propterea in visceribus retardato, labem, quæ hu-
mores infecerat, ab iis liberè exolvi, & per cutem
despumari eatenus haud quaquam potuisse.

ALIÆ ANIMADVERSIONES AD THE-
RAPEUTICEN SPECTANTES.

Abusus Clini-
corum, qui &
cubiculum in
quo deget æger
variolis alle-
tus calefaciunt
& cucurbitulis
scarificantibus
variolas foras
extrudere sibi
suadent.

UT faciliùs erumpant variolæ, imperitorum vul-
gus cubiculum, in quo commoratur æger, plu-
rimùm calefacere solet, quo cutis spiraculis laxatis,
ac sudore per vim, ut ita dicam, elicitò variolarum
labem validiùs extrudat. Perperam tamen ex nostrâ
sententiâ, & inconsultò; ex usu quippe didicimus,
aerem, qui circumfunditur ægrotanti, identidem
perflatum, atque interdum opportunè renovatum,
variolarum exclusionem plurimùm adjuvasse, & sym-
ptomatum feritatem admodum cicurasse. Calor
quippe exterior, nisi blandus sit, & aer inclusus, nisi
morbidis, quibus inficitur, expirationibus, quàm-
sæpiissimè defœcetur, quid aliud, quæso, præstare un-
quam poterit, quàm humores magis, magisque la-
befa-

befacere, & organorum facultates lædere, & irritare? Sibi suadent alii, cucurbitulis scarificantibus cuti admotis, variolarum seminium citius aut educere, aut ad corporis peripheriam quasi advocare. In quo quidem cautè admodum incedas oportet; quum, cutem incidendo, glandularum structuram, vitiabis; iccirco nescio an proinde materiam peccantem ab eâ potiùs avertes.

ALIÆ ANIMADVERSIONES AD THERAPEUTICEN SPECTANTES.

EX inclytâ, vetustâque Progenie, recens nupta Mulier, gestationis mense quinto, variolis vehementer affecta, Romæ non ita pridem nobis sese tractandam commisit. Hanc cum aliis Medicinæ Professoribus a morbi exordio ad finem usque, non secus ac nostrum Syrisicum præcedentis historiæ, prope modum tractavimus; eamque felicissimè tandem evasisse, item et foetum optimè constitutum, nono transacto mense, non absimili felicitate mox peperisse, vidimus. Foetus fuit foemina, quæ ad annum, & ultra incolumis planè vixit. Inde affectionibus variis identidem ad annum usque septimum tentata, quibus tandem superatis, impræsentiarum optimè valens adhuc vivit. At enim verò non modò perquam illustrem mulierem hanc, verùm etiam cæteros ferè omne, quot variolis laborantes, & in Nosocomiis, & extra per Urbem ita fermè tractavimus, tot, nisi nos fallat memoria, tum masculos, tum foeminas, tum recens natos, tum adolescentes, tum etiam adultos superstites evasisse vidimus. Quinimmo et in Nosocomio Regiæ Domus S. Jacobi Hispanorum Urbis viros quadraginta, quinquaginta, & ultra annos natos, nescio an ea medendi methodus, an ipsa Natura ex

Variis exemplis comprobatur quicquid de variolis in'medendi methodo jam ante docuimus.

variolis confluentibus , febre pessimâ stipatis , non semel subduxit .

ANIMADVERSIONES PATHOLOGICÆ.

Quare ut plurimum variolis , & morbillis semel in vita tentamur .

OMnes ferè variolis non minùs , quàm morbillis in vitâ semel ægrotamus; rari admodum nempe sunt , qui ad virilitatem pervenerint , & adhuc rariores , qui priùs consenuerint , quàm utranque eam ægritudinem passi sint . *Semel in vitâ* diximus ; rarissimos quippe eos fuisse accepimus , & vidimus , quos bis , ter , & quater corripuerint , & variolæ in specie ; quarum germen , quod intus olim pullulavit , penitus inde vanescit , effectum fit , nec fruticat ampliùs .

ALIÆ ANIMADVERSIONES AD THERAPEUTICEN SPECTANTES .

Variolarum pustulæ nonnisi maturatæ fuerunt , unquam pungendæ &c.

NE variolarum pustulæ cutem altè corroderent , acu aureo eas ; imperitorum vulgo licèt reclamitante , jam maturatas pungendo , perforavimus , ut , sanie summis digitis leniter expressâ , citiùs mundatæ extenuarentur . Certum est enim , saniem , pus , aut ichorem , quò diutiùs intus in pustulis inclusus commoratur , eò magis cutem subinde exedere . Acu autem aureo non aliâ de causâ in eâ punctioe usi fuimus , nisi quòd talis punctio quodammodo splenderet . Cæterum eundem porrò præstitisset effectum , etiamsi alterius cujusque rigidæ , pungentis , ac propterea idoneæ fuisset materiæ . At enim verò , ne variolas , antequam ad maturitatem suam pervenerint audacter pugas , caveto ; nam , quum inopportunè id feceris , eas plurimùm exasperando , crabrones planè irritabis .

ALIÆ

ALIAE ANIMADVERSIONES
PATHOLOGICÆ.

Sternutatio, oscitatio, singultus, pandiculatio, Quomodo ex-
citetur sternuta-
tio. species sunt quædam convulsionis, sive motus spasmodici, quæ tanquam symptomata non modò in variolis, & morbillis, verùm etiam in plerisque aliis ægritudinibus crebrò excitantur. Ideo membranis narium intus laceffit sternutatio excutitur, quia membranæ præfatæ nervorum furculos nonnullos, ut jam ante item innuimus, a truncis excipiunt communibus, qui furculos emittunt quoque ad membranas diaphragmatis. Quo fit, ut naribus intimè irritatis, irritentur et trunci communes, unà et nervorum stamina, quæ ad fibras diaphragmatis dirimuntur. Hinc spiritus animales incitati a cerebro per truncos in ramos, ex ramis in furculos, ex furculis in fibras cum impetu irruunt, tum narium, tum diaphragmatis; quod propterea contrahitur, atque contractum a pulmonibus recedit, & valida fit proinde inspiratio. Comprimat insuper viscera imi ventris, quæ validè compressa, validiùs mox resiliunt, & idem diaphragma sursum repellunt in cavum thoracis; quod cum costis depressis pulmones interceptos alacriter comprimit, & aerem jam ante affluenter inspiratum validiùs exprimit; qui per tracheam cum sonitu foras erumpens, sternutationem excludit; sternutatio enim, nihil aliud est, quàm *aeris validè priùs inspirati fortis, & subita expiratio*. Opinio hæc, nisi prorsus vera sit, tanquam verisimilis, nobis saltem visa, profertur. Ut nares intus laceffit, ita et oculorum tunica interiores nimiâ luce, quæ pupillas ingreditur, incitata, ob affinitatem, quam, nervis intercedenti-

bus, habent cum diaphragmate, sternutationem movent. Enim verò ad solem oculorum aciem directè quisquis intendat, tum quum pleno ictu radiorum vim oculis excipit, lacrymas fundit, & plerùnque sternutat.

Quomodo produ-
cantur osci-
tatio, & pandi-
culatio.

Oscitatio, Græcis *thasme*, vel *chasmos*, quæ non est, nisi *violenta quædam, atque enormis respiratio, originem ducens a motu quodam spasmodico, siue convulsivo ejusdem diaphragmatis, muscutorum thoracis, ac præcipuè maxillæ inferioris*, producitur a motu quodam spirituum in cerebro aut *idopathicè*, aut *sympathicè* concitato: vitio nimirum aut cerebri, aut eorundem spirituum animalium, aut aliarum partium, quibus ex consortio et cerebrum quandoque afficitur. Id, & de sternutatione, & de singultu, deque pandiculatione affirmare non erit alienum; quæ, & *per essentiam*, non secus ac oscitatio, & *ex consensu* elici queunt; singultus enim nihil aliud esse videtur, quàm *inspiratio quædam, ut ita dicam; inter-cisa ob motum spasmodicum ejusdem diaphragmatis, ex consortio ut plurimum œsophagi, aut ventriculi elicita*. Pandiculatio cum oscitatione quasi coincidit, a quâ non aliâ ex causâ distare videtur, nisi quòd in oscitatione diaphragma, & musculi thoracis, ac maxillæ inferioris, in pandiculatione artus convellantur. Tales motus, præternaturam licet plerùnque excitentur, nihilominus cum consilio fiunt; eò quippe intendunt, ut res infestæ a partibus affectis commodè excludantur.

ALIÆ ANIMADVER. PATHOL.

INter affectiones , quibus nondum adulti præ cæteris aliqui tentari solent , habemus quoque *frengulum* , *ranulam* , *oris fissuras* , item et *verrucae* ; de quibus , quoniam & ad Chirurgiam propriè spectant , & ex ante jam dictis satis , superque pro Tyronibus elucescunt , plura hic dicere omisimus , ut morbum , qui dicitur *pedicularis* , utpote qui magis frequens sit , paucis saltem sub finem hujus sectionis , exponamus . *Pediculi* , & *pelliculi* , sive *achari* , foedissima nempe animalcula iis potissimum , qui nondum adoleverint , plurimum infesta , per cutim , extrinsecus , inter crines , nonnunquam oriuntur , & foecundata , adeo multiplicantur , ut cutis substantiam in calvariam primùm , mox in cæteris corporis regionibus , mordicando , pungendo , exedendoque ulcera sordida excavant , eamque in rimas varias proscindunt , & crustas sanie scatentes , putridasque interdum procreent . Nil miram itaque , si corpus ex hoc universum macrescat , & ad maciem usque extremam non raro contabescat . Talis affectio *pedicularis* , vel *pediculatio* nuncupatur , antiqua sanè , & Proceribus etiam , ut Priscorum tradiderunt monumenta , lethalis . Quum pediculatione laborare quispiam ceperit , sensus deprehendunt . Ejus causam genuinam in ovulis repositam esse , satis , superque notum est . Quod autem magis his , quàm illis multiplicetur , id a qualitate provenit tum caloris , qui in pediculatione febrilis ut plurimum præcessit , tum materix cujusdam ovulis fovendis , foecundandisque apprimè idoneæ , quæ vel ex cute transpirat , vel cuti extrinsecus inhæret . Quicquid de pediculis diximus , & de a-

charis ,

Quid sit pediculatio, & quomodo curetur .

charis item, cæterisque, quæ ex corporibus viventibus extant insecta, quæque ex putri fieri jamdiu opinabamur, credendum ducimus. Pediculatione etiam si periculo ferè semper vacet, tedio tamen, atque incommodo iis, qui eâ laborant, plurimum est. Ex contagio ab uno in alterum facilè traducitur. In pueris, quàm in adultis frequentior, & feracior est; quæ res effecit, ut pediculationem puerorum morbis annumeraverim. Nihil est, quod affectionem hanc magis evincat, quàm corporis universi mundities, & optima victus ratio; qui tenuis sit oportet, succique optimi, & refrigerans. Carnium abusus, ficus, legumina, castaneæ, & glandes imprimis avidè ingestæ, ex quibus humor quidam pravus in visceribus elicitur, qui per cutem inde effusus præfatorum insectorum seminia fecundat, et pediculationem, quam progenit, educat. Mercurialia præ cæteris, & sulphurata eam discutunt, quorum usum deinceps, ubi de scabie, fusiùs exponam.



LIBRI TERTII

167

SECTIO TERTIA.

De Plethorâ , Cachochymiâ , Hydrope , Lue
Venereâ &c, Deque iis, quæ tum in maribus,
tum in foeminis , tum in recens natis ,
tum in adultis humores universos
inficere solent.

C A P U T I.

De Hydrope .



Onnullas alias in hac sectione, Definitio, &
Diagnosis. quæ postrema est, humani corporis vitam habentis tum exteriores, tum interiores, tum universales, tum particulares ægritudines exponere decrevimus, utpote quæ ætatibus singulis, & utroque sexui communes sint ; quæquæ per capi-

ta, perque animadversiones, ut de cæteris pridem quoque fecimus, digestæ, atque exploratæ, quicquid de humano corpore vitam habente hætenus inuimus, satiùs adhuc elucidabunt . De Hydrope igitur, de Arthritide, vel de Podagrâ, de Lue venereâ, de Scorbuto, de Scabie, & Leprâ, de Catarrhis, de Rheumatismo, & Cephalalgia, deque tumoribus in genere, scirrho, abscessu, ulceribus, gangrænâ, atque sphacelo, necnon etiam de morborum

borum complicatione, pauca saltem, antequam Tractatui finem imponamus, dicere est animus. Ab hydrope exordiri placet. Hydrops, idest *aquea coluvies*, nihil aliud est, quàm *serum redundans, quo corpus universum humanum vitam habens, præternaturam extrinsecus intumescit*. Hæc humeralis propriè dicitur. Sunt qui *Anasarcam*, sive *Leucophlegmatiam*, eam quoque appellant; eoquebã *aquam inter cutem*, vel *pituitam albam*, quæ ejusmodi hydropem fovet, talibus vocibus unicè designent. Tumor itaque pituitosus est potissimum, qui hujus generis hydropem, humidam nimirum, indicat. Pituitosum autem esse, ex vestigiis, quæ in cute affectâ ad aliquod saltem tempus impressa relinquantur digiti comprimentes, educitur. Ad hæc accedunt in hydrope sitis ut plurimum inexplebilis, spirandi labor, color squalens, virium defectus. Ulteriùs urina in hydrope affectis imminui solet.

Causa.

Oritur ex humoribus indigestis, crassis, & glutinosiis, qui stagnando viscerum obstructions faciunt, atque adeo variis in locis minima lymphatica comprimendo, lymphæ ulteriùs effluxuræ impedimento sunt, ne liberè fluat, neque aliorsum provehatur; quæ propterea subsistens, tubulos continentes extendit, ibique concreta, magis, magisque per universum corporis ambitum eos infarcit, atque extendit; quinimmo et non rarò disrumpit. Hinc cutis, item et viscera intumescunt. Hinc in cavis, sinibus, atque recessibus non semel effunditur, ac varias proinde hydropis species, humidæ tamen, fovet; humorum autem pravitas in hydrope vitio ut plurimum extat digestionis. Quamobrem, viscerum frigidam intemperiem in hydrope culpantes, ea fieri a ventriculi cruditatibus Majores autumabant:

bant; enim verò hydropem, nostris saltē regionibus, eos passim tentare contingit, qui, aut non congruē vescuntur, aut crapulis non pepercerint, aut fuerint incontinentes, aut ob fermentorum imbecillitatem cibos ingestos perquā agrē confecerunt.

Hydrys principio curatu non perdifficilis, tractu temporis insanabilis evadit, ut et ubi scirrhus interiori, aliisque viscerum inveteratis affectionibus supervenerit. Respiratio, quò difficilius in hydrope ducitur, eò pejùs. Pessima itidem indicia sunt sitis ardentissima, quæ expleri neutiquam possit, virium lapsus, urinæ perexiguæ, ac plurimo saturatæ rubore, non secus ac ulcera, quæ partes externas recens exederint. *Aquā inter cutem laborantibus, ulcera in corpore facta, difficile sanantur(a).* Quapropter, nisi hydrys, ulcus tum, quod persæpè gangrænâ partem affectam depascit, ægrum interficit. Ulcus nihilominus hydropem evicisse affirmat Dolaus.

Prognosis.

Nihil est, quod ad hydropem subducendam magis conduxisse observavimus, quàm ea, quæ fermentorum facultatem dejectam leniter acuum, quæque stonachum, & viscera roborant, obstructions reserant, & humores crassos extenuant; hæc quippe coctiones adjuvant, urinas movent, & sudores item eliciunt. Aer imprimis temperatus sit, & ne cutis spiramenta stipet, calidus potius, quàm frigidus. Victus sit tenuis, optimi succi, concoctu facilis. Vinum sit benè dilutum; quinimmo et quandoque, pluribus ex causis infra exponendis, planè interdicitur. Vini loco decoctiones, sive infusiones nonnihil aromaticæ propinentur. Commendamus igitur eas parare aquâ chalybeatâ, ex infusione cinnamomi,

Curatio.

Tom. III.

Y

ligni

[a] Hipp. scd. 6. apb. 2.

ligni saxafras , anisorum , &c. ; quibus addere item poteris aut glycyrrhizam , aut passulas , & præsertim recentes . Alvus laxa potius , quàm adstricta servetur . Opportunè , quum id fieri possit , sese exerceat æger , aut ambulando , aut equitando &c. Venter , si opus sit blandè solventibus concitetur . Optima sunt enemata , aut simplicia , aut etiam terebinthinata . Validiora cathartica omnino damnamus , utpote quæ & irritent nimis , & lympham tenuiorem exprimant , cujus potissimùm eo in statu indiget æger . Caterùm amaricantia , rhabarbarata , viperata , & reliqua ejusmodi , quæ , uti ante monuimus , organorum digestionis facultates in hydrope propemodum consopitas excitant , mirificè conferunt . Syrupus de terebinthinâ , decoctiones , & infusiones juniperinæ , thè , item et caffè , de quibus verba jam fecimus , & alia ejusmodi , quæ urinam blandè ciunt , humores crassos extenuant , expirationes movent , felicissimè hydrope affectis ferè semper præbuimus ; tum , potissimùm , quum grana aliquot nitri depurati adjeceimus . Conferunt etiam acidulæ , item et salmacidæ , nec non etiam martiales aquæ ; quæ cum idoneo vehiculo abundè epotæ , alvum unâ , & urinas concitant . Aquâ solâ nucerianâ tum intus haustâ , tum foris per balneum adhibitâ hydropem inveteratam non semel extenuavimus . Commendamus fortius discutientes , balinea ex thermis præcipuè , lutationes sulphuratas , & reliqua , de quibus , æquè ac de paracentesi , deinceps fusè ,

Historia I.

C Litipho decem, & octo ætatis annos natus, adolescentem Panormitanus, generis vetustate, ac auitâ Majorum gloriâ, suisque tum animi, tum corporis dotibus, unus omnium maximè in cætu quodam Urbis eo tempore florens, mense Octobri febre malignâ ter quasi confectus, tandem evasit. At per-
vicaci postmodum quartanâ ad annum, & ultra correptus, evanescente quartanâ, hydropicus intumuit; ex eo, ni fallor, quodd subtilioribus lymphæ absumtis particulis, crassiores in tubulis concrecentes, lymphæ ductus infarxissent. Hinc tumor corporis universus, qui digitorum comprimentium vestigia, ubique facile excipiens, aliquantulum retinebat, verum oedema præseferbat. Pulsus frequens erat. Urinas incoctas, rubicundas, ac perexiguas emittebat. Cum labore respirans, ac plurimum sitiens de præcordiorum æstu, sub vesperam potissimum plurimum exacerbato, conquerebatur. Nihiloseciùs viribus adhuc constans, intus vigere, tum incedendo, tum equitando, tum varias alias consuetas operationes quotidie exercendo ostendebat. Quocirca, quum alvus diu fuisset compressa, eam enemate ex aquâ hordei plurimum salitâ priùs indito, potione hac **A** solvente, statim concitavimus, ut *alterantibus* æger ex rhabarbaro, ita ut indicat **B**, tutiùs uti exinde, potuisset; quæ, & alvo diebus singulis laxatâ, atque urinis leniter provocatis, effecerunt, ut dièram, quindecim intervall, multò meliùs in omnibus se haberet. Vini interim usum ei omnino interdiximus. Loco vini infusionem hanc **C**, ut pro lubitu potaret, constituimus. Victus perquam tenuis erat; conco-

Quicquid, hydropi medendo, præstare consuevimus, historiam declaramus.

Æque facilis, amaricans, roborans, & cinnamomo nonnihil medicatus. Chocolatæ, thè, nec non etiam caffè, utpote quæ urinam movere soleant, decedente die ei copiam fecimus. At enim verò, ut hydrops planè tandem eximeretur, mense circiter per hanc methodum exacto, aquam tetutianam cum syrupo florum persicorum diebus alternis, quater eâ, quæ in D sequitur, formulâ, optimo cum successu, Clitiphoni propinavimus.

A R̃. Man. elect. unc. iij., sem. melon. unc. j., cinnam. opt. drach. ss., aqu. comm. q. s. M. f. emuls. solv. j. a., & ad. acid. limon. q. s. ad grat. sap., cap. ut m.

B R̃. Rhab. elect., cinna. opt. ana scrup. j., sal. tar. scrup. ss., aqu. chalyb. unc. viij. M. f. inf. cin. cal. per bor. xij., & ad. sol. cicbor., borrag., rad. frag., rusc., gram. ana pug. j., decoqu. j. a., col., & adde mell. hispan. unc. ij., cap. quotid. in Auror. ut m.

C R̃. Sars. parill. opt. j. a. inc. unc. ss., lig. saxaf., glycyrrhiz. ana drach. ij., cinnam. opt. drach. j., aqu. chalyb. lib. iv. M. f. inf., & mac. cin. cal. per bor. xij., levit. bull., col. pro usu ut m.

D R̃. Syr. flor. persic. unc. iij., aq. tetut. q. s. M. f. pot., & cap. in aur. Quum concitaverit alvum, superbib. per varias vices ejusdem aq. tetut. lib. ij.

ANIMADVERSIONES PATHOLOGICÆ.

Quare sitis hydropicorum expleri nequeat.

A Criteri sitiunt hydrope affecti, eorumque sitis, confirmato præcipuè, tametsi biberint, expleri vix unquam potuit. Ideo sitiunt, quia ob feri, limphæque inopiam sanguis jam exhaustus, aut fauces non amplius irrorat, aut salibus suis eas laceffit, ac sitim excitat; quam proinde, plurimam quamvis aquam ingeras, non ex facili restingues; quum humi-

humidum illud paulò priùs ingestum sanguini commisceri neutiquam potuerit. Quinimmo et ut primum ingeritur, ex lymphaticorum tubulis; aut laxatis, aut disruptis, in vasis sanguiferis vel non immoratur, vel sanguini intimè neutiquam infunditur. Idcirco, tum quum hydrope laborantes ejusmodi sitis inexplibilis affligerit, indicium evidens est, hydropem confirmatam esse, eamque fieri lymphæ ductibus non modò aut obstructis, aut compressis, verùm etiam aut laceris, aut prætermodum laxatis.

ANIMADVERSIONES AD THERAP. SPECTANTES.

Sunt qui ad hydropem penitus eximendam, victu arido, eoque salito præscripto, ac potionibus omnino interdictis, aquam redundantem eà methodo prorsus exsiccare, consumere, atque haurire opinantur. Hi plurimùm ex nostrâ sententiâ errare videntur. Tumor œdematosus; serum videlicet, quod aut intus in tubulis, aut extra tubulos effusum hydropem facit, hydrope affectos ideo enecat, quia a sanguine secretum, sanguinem in vasis sanguiferis non ampliùs humectat; qui propterea concretus, ac penè dicam arefactus, sive saltem ex inopiâ uliginis balsaminæ acris factus, & prætermodum salus, vellicat, stagnat, in grumos concrefcit, ac tandem suffocat. Hinc eo in casu sero nimio, ut vulgò creditur, obrutus, quod extrinsecùs reverà agit, nequaquam decedit ager; verùm ideo decedit, quia viscera intus arida, saltem magis intima, muneribus suis ad œconomiam animalem diutiùs conservandam obeundis imparia sunt. Ex quo inferre alienum haud existimamus, eos citiùs interire, qui apo-

Abusus exiccantium pro hydrope eximendâ.

a potulentis in hydropse sese prorsus abstineant.

Quid credamus
de paracentesi
ratione hydro-
pis.

Id fermè de punctione per paracentesin credendum ducimus; quæ, aquam sive inter cutem, sive ex capacitatibus licèt educat, effectum tamen potiùs, quàm causam morbi minuendo, mortem ociùs quam sæpius accersit.

Vini abusus hy-
dropem fre-
quenter fecit.

Aquam inter Clinicos prohibentes nonnulli, ut meracum perbibant hydropicos, hortantur. Nos contra, aquâ nisi plurimùm diluatur, vinum iis neutiquam propinare consuevimus; nullum unquam ex abstemiis hactenus quippe vidimus, nostris saltem regionibus, hydropse tentatum. Oenopotas contra, ut et eos, qui aut spiritu vini, aut *rosoli*, aut id generis fortioribus aliis potionibus usi sunt, hydropse passim extinctos fuisse, abundè constat.

ANIMADVERSIONES PATHOLOGICÆ.

Quid sit ple-
thorâ, cache-
xia, cacochy-
mia &c.

Quoties in corpore humano vivente intus in vasis præternaturam redundant humores, toties plethorâ laborare dicitur; qui, si optimè sint constituti, & in debitâ proportionem, *veram plethoram* faciunt, quæ *sanguinis* propriè dicitur. De hac plethoræ specie, de verâ nimirum plethorâ, & de plethorâ sanguinis loquitur Hippocrates (a) *Habitus exercitatorum, qui ad summum bonitatis attingunt, periculosi, si in extremo constiterint; neque enim possunt in eodem permanere, neque quiescere. Quum verò non quiescant, neque possint proficere in meliùs, reliquum est igitur, ut decidant in deterius. His de causis bonum habitum statim solvere expedit, ut corpus rursus nutriri incipiat. Neque compressiones ad extremum ducenda, periculosum enim. Sed qualis*

naturæ

[a] Lib. 1. apb. 3.

*natura fuerit ejus, qui debet perferre, ad hoc ducere convenit. Sic et evacuationes, quæ ad extremum deducunt, periculosa, & rursus refectiões, quum extrema fuerint, periculosa. At quum vel pravi sint, vel citra debitam proportionem, tum alteram plethoræ procreant speciem, quæ propriè cachexia nuncupatur. Cachexia in hydropem, & ictericiam distinguitur. Dicitur hydrops, quum serum redundet, sive phlegma sanguinis, quod a sanguine secretum ut plurimum, stagnando, oedema progenerat. Nuncupatur icterus, quum cachecticis colore quodam præternaturali suffunditur cutis; qui, quoniam varius esse solet, hinc præter flavum, de quo sermonem jam ante habuimus, variæ icteri extant species: nigra nimirum, quæ ex Hippocrate pessima est, viridis, cærulea, pallens, quæ in fœminis chlorosis nuncupatur &c. At enim verò, quia id cachexiæ genus, in quâ cutis color immutatur, non tam a nimia quantitate, quàm a pravâ fluidorum qualitate provenit, ideo fit, ut passim a Clinicis, *cacochymia* quoque nuncupata fuerit; etenim *cacochymia* nil aliud in foro Medico propriè denotat, præterquàm *colluviem quandam humorum pravam, quæ fluidorum temperiem intus in vasis turbat, evertitque*. *Cacochymiam*, prout aut hic, aut ille peccet humor, ad normam quatuor sanguinis humorum, in *sanguineam, pituissam, bilarem, atrabilem*, sive *melancholicam* distinxerunt Majores. Hydrops, si per universum corpus effundatur, dicitur *universalis*, aut *perfecta*. Si vel hanc, vel illam, tantum detineat regionem, *particularis* appellatur, sive *imperfecta*. Quum caput solum hydrope intumescat, dicitur *hydrocephalus*, quum venter imus, *Ascites* &c.*

ALIAE ANIMADVERSIONES
PATHOLOGICÆ.

Quid sit hy-
drops pectoris,
aut pulmonum.

IN morbis diuturnis, quum magni sint, id frequen-
ter evenit, ut antequam decedat æger, humores
concreti viscera infarciant, ac retardato fluidorum
motu serum ubique fundatur; quod si in pulmones
confluat, ibique stagnet, aut in capacitatem thoracis
effusum adeo cumuletur, ut laborem spirandi faciat,
pulsus perturbet &c., id hydropis genus inducit,
quod *pectoris* vulgò, *pulmonum* ab Hippocrate nun-
cupatur, quodque pessimum est, ac propterea lethale.
Qui tali hydropse tentantur lentè febrile solent,
acriter tussunt; tussiendo nihil plerumque excernunt,
cum labore respirant, crebrò, præsertim dormitando,
suffocari sibi videntur, sitis eos excruciat propemodum
inexplebilis, eorum quandoque manus, item et pedes
tumesunt, minuuntur urinæ, & reliqua perquam molesta
superveniunt symptomata. Febris, spirandi labor, tussis,
& anxietas, noctu præcipuè exacerbatur, quæ omnia graphicè indicavit
Hippocrates (a) *Si Hydrops in pulmone fiat, febris, & tussis tenet, & acervatim respirat, & pedes tument, & ungues contrahuntur omnes, & patitur talia, qualia is, qui suppuratus sit, sed debilius, ac diuturnius. Et si quid infundas, aut fomentum, aut suffitum adhibeas, pus non sequitur; atque ex hoc sanè cognoveris non pus, sed aquam intus esse. Et si multo tempore aure ad latera adhibita audire tentaveris, ebullit intrinsecus velut acetum: & hæc quidem aliquandiu patitur, postea erumpit ad alvum, & statim quidem sanus esse sibi videtur, ac a morbo liberatus.*

[a] Lib. 1. de Morbis num. 59.

ratus. Verùm progressu temporis alvus incenditur, eademque illa patitur, & adhuc ampliùs. Aliqui etiam intumescunt ventre, scrolo, ac facie. Et quidam ab infernâ alvo id esse putant, quum videant ventrem magnum, & pedes tumentes. Intumescunt enim hæc, si sectionis tempus transgrediaris. Hunc siquidem extra intumuerit, inter costas sectum curare oportet. Si verd non intumuerit; multâ calidâ lotum velut suppuratos colloco, & qua parte strepitum perceperis, eâ secato, quàm potes infimo loco; quod effluxio facilis contingat. Postquam secueris, linamento ex lino crudo indito, itaut crassum, & acutum linamentum facias, & sanguinem paucissimum parvè emittas. Et si quidem in linamento pus adhæserit quintâ die plerumque evadit: sin minùs; ubi aquam exhauseris, fitis corripit, & tussis, & moritur. Diutinâ sectione cadaverum instructi, enarrata symptomata fieri passim quoque percepimus ob vesiculas pellucidas, lymphâ plurimâ ex pulmonibus intumescences, quæ *hydatides* nuncupantur. Id generis hydrops insanabilis est, & sub finem alterius cujusque morbi diuturnioris jam deplorati, frequenter, ut ante jam monuimus, sese profert; ideoque pessimum omen facit, tum quum aliis ægritudinibus adijciatur. Verùm, ut quantùm fieri possit symptomata in hydropes pulmonum leniantur, optimâ victus constitutâ ratione, ea, quæ pridem de hydropes in genere proposuimus, et hîc adhibenda conveniunt.

ALIE ANIMADVERSIONES
PATHOLOGICÆ.

Quid sit tympanitis, ejusque descriptio, & curatio.

QUUM intumescit corpus humanum vitam habens ob speciem quandam flatus intus inclusi, qui cutem ita extendit, ut tympani militaris intensam membranam quodammodo æmuletur, tum id genus hydroplis facit, qui aut *fiscus*, aut *flatibus conflat* dicitur. At, si talis hydrops ventrem inflat, propriè *tympanitis* nuncupatur. Unde affectionis ejusmodi descriptionem, & diagnosin habemus. Descriptionem: quum nihil aliud esse dicendum, quàm cutem flatibus interceptis præternaturam intumescentem. Diagnosin: quum ita extentam, atque intumescentem cutem, extrinsecus si perculseris, tympani propemodum sonum edet ad instar; si compresseris, digitorum vel minimùm haud excipiens vestigia, illico resiliet. Quo pacto autem flatus in tubulis, sive in affectis recessibus, ut præfatam hydropem siccam procreet, concitetur, id paucis non ex facili; nec ipse exponere, nec tu excipere poteris. Multi multa, verùm non cohærentia, protulerunt. Id duntaxat observationibus innixi percipimus olim, ut vel nervis punctis, vel diaphragmate vulnerato, aut intestinis vulnere, sive ulcere læsis, tympanitis extiterit. Evidens indicium, eam, nisi proximè, removere saltem, a convulsionibus exoriri. Qua de re, ut morbi radices in tympanitide subducantur, convulsionibus interioribus prospicere peropportunum censemus. Hinc tum intus, tum foris oleosa conveniunt, eaque omnia, de quibus ad convulsionem eximendas fusè in superioribus egimus. Item et blandè narcotica conveniunt, quæ, uti ante monuimus, con-

convulsionem solvunt, sistuntque. Cæterum plurimum semper habet periculi hydrops a flatibus concitatus, & perquam difficile cedit. Non semel a veneno, aut iatus ingento, aut propinato, aut per mortuum venæsum inflicto, aut iudicio, inducitur. Quo in casu fortasse, & facilius discutitur, & longè minus habet periculi. Enim verò id tympanitidis genus balneis ex oleo, quod insinuat et faucibus largè ingessimus, non semel extenuavimus.

ALIÆ ANIMADVERSIONES PATHOLOGICÆ.

UT succus partibus alendis idoneus, qui in tubulis exuberat, plethoram facit, ita et qui deficit, *maciem, tabem, contabescentiam, vel atrophiam* inducit: quæ nomina, eoquodd synonima sint, nonnisi *nutritionis defectum* sonare consueverunt, idest *corporis universi vitam habentis exiccationem, maciem, aut extabescentiam, ob nutritionis defectum, ejus causâ membra prætermo- dum macrescunt*. Triplici ex fonte genuina atrophie causa haurienda est; fieri quippe potest: primò, ut tubulis obstructis, & præsertim mesenterii, chylus ad partes alendas ulterius provehi nequeat: secundò, ut humores acrimoniam sibi nacti, partes solidas, adiposas præsertim, & carnosas erodendo, fundendoque consumant, etque extenuent: tertio, ut nimium sanguinis adau- cta fermentatio, nimium calorem excitet, qui fundat quoque, & liquet. Hinc febres ardentes, quum diuturniores sint, atrophiam brevè procreant. In- veterata perquam difficile evincitur. In paraly- si, item et in hecica, multoque magis in verâ phthisi, pessima. Quum tumoribus, ulceribusque, interio-

Quid sit atro-
phia.

ribus præsertim, supervenerit, vel quum eam sive præcesserint, sive comitentur, sive insequantur urinæ, & sudores, qui *liquantes* dicuntur; lethalis. Ubi a vermibus, pediculis, acharis, crinonibus, sive comedonibus, in infantibus præcipuè, producat, faciliùs discutitur. Atrophia per ea, modò id fieri possit, planè destruitur, quæ hæcticæ feбри, & phthisi destruendæ in præcedentibus proposuimus. At præ cæteris, viscerum obstructionibus, si adsint, antea reclusis, balinea conveniunt, & lac; quo solo ad menses pro victu quotidiano propinato, atrophiam vel in adultis quandoque pervicacissimam extenuavimus.

C A P U T II.

De Podagrâ.

Descriptio.

ARthritis, & podagra, quoniam quasi synonyma sunt, vel ad summum nisi ut genus, & species differunt, unum, idemque passim sonare consueverunt; *dolorem* nimirum significant *articulis*, *partibusque finitimis pertinaciter in hærentem ab humore quodam acri, qui nervorum stamina in articulis præsertim pungit, elicited*. Quum articulos universos corripit, perque eos evagatur, propriè dicitur *arthritis*, *vaga* tamen, & *universalis*. Quum aut hos, aut illos invadit, *fixa*, sive *particularis* nuncupatur, quæ propterea in *chiragram*, *gonagram*, *ischiadem*, & *podagram* propriè dictam iterum distinguitur. Chiragra dicitur, quæ manus corripit; quæ genua, gonagra; quæ articulos, aut coxendicis, aut in proximo afficit, ischiades vocatur; quæ pedes, podagra.

Ar-

Arthritis, quæ actu invadit, num reverà arthritidis sit, & cujus generis sit, tum a qualitate doloris, tum a parte, quæ afficitur, facillè dignoscitur. Eam autem imminere indicat torpor quidam, qui in parte, quæ paulò post arthritide invaditur, præcedere solet. Torpori mox sensus adijcitur articulis infestus, ardor acris, & tumor levis; qui febre nonnunquam accedente ephemerâ, rubore suffunditur. Hæc quippe omnia arthritidis imminenti indicia sunt; quinimmo & præsertim si vere, & autumno fiant, ipsius arthritidis esse solent exordium, juxta illud Hippocratis (a) *Dolores podagrici, vere, & autumno magnâ ex parte moventur.*

Diagnos.

Quicquid de arthritide protulerint alii, eam vitio fieri opinamur ichoris præsertim illius, qui inter articulos ex glandulis ligamentorum minimis exudat, quemque *synoviam* de ossibus agentes appellavimus. Is nempe stagnans, atque acris factus pericræsteum acriter pungit, item et membranas finitimas; quæ proinde laceratæ dolorem excitant perquam molestum, & tubulorum obstructions faciunt. Nil mirum igitur, si pars ut plurimum intumescat affecta, si intus calefiat, & foris crebrè inflammetur.

Causa.

Quod ad prognosin attinet, arthritidis eventus est valde incertus, nec omnes æquè affligit, & invadit. Sanguis, qui ex hæmorrhoidibus sponte profluxit, paroxysmum non rarè discussit. Contumacior esse solet, magisque frequens cachecticis, scorbuticis, ac lue venereâ affectis. Quum partes supernas corripit, thoracem videlicet, cervicem, & caput, neutiquam est spernenda; apoplexiam quippe, ac pectoris inflammationem interdum accersivit. Quum pars affecta intumescit, sive in varices extuberat, paro-

Prognosis.

[a] *Dei. 6. apb. 55.*

paroxysmum id brevè solutum iri declarat, item quum urinæ crassioris, vel aquosæ copia egeratur; quæ paroxysmum ut plurimum extenuat.

Curatio.

Arthritis, & podagra præcipuè leniri facillè potest, subduci perquam difficilè. Optimâ præsertim victus ratione lenitur, qui tenuis esse debet, humectans, concoctuque facilis. Vini, item et carniū abusus plurimum semper nocuit. Enim verò, qui ad annum integrum vino sese prorsus abstinu it, ac lacte solo pro cibo quotidiano, eoque parcè usus fuit, podagram planè, si Scriptoribus credendum, discussit. Corporis diutina exercitatio ad arthritidem solvendam, eamque amovendam, apprimè juvat. Alvus sit libera, nec Veneri indulgeatur. *Puer podagrâ non laborat ante usum venercorum* (a) Plethoricis, iisq ue præcipuè, quibus consueta sanguinis excretiones de more haud fluxerint, opportunè vena solvatur. Hæc tum extra paroxysmum, tum in ipso paroxysmo servantur. In paroxysmo a topicis caveto, ab iis maximè, quibus percutiendi vis adscribitur; ea namque maximam penè semper noxam, quinimmo et necem non semel intulisse vidimus. Purgantia quoque, fortiora imprimis, omnino vitentur, quæ ab articulis affectis humores pravos non rarè subduxerunt; qui proinde intus aut per venas, aut per alios adhuc occultos meatus retrocedentes, pervicacissimum asthma, aut pleuritidem, aut colicam, aut etiam apoplexiam, frequentissimè pepererunt. Idem quoque de sanguinis missione credendum ducimus, qui, nonnisi viscerum inflammatio ex arthritide retrocedente immineat, unquam educatur.

ANI-

[a] Hipp. sect. 6. aph. 30.

ANIMADVERSIONES PATHOLOGICÆ.

DUO præ cæteris in arthritide observamus : articulos nempe arthritide diù affectos in nodos quam sæpiſſimè concreſcere : & lithiaſin ei ut plurimùm conſanguineam fieri . Ex quo concludendum videtur, humores peccantes eoſdem propemodum eſſe, qui et nodos, ſive tophos in articulis, et calculos in renibus conſpungunt . Humor autem, undè in articulis nodi tophacei concreſcunt, ex noſtrâ ſententiâ, nihil aliud eſt, quàm ea uligo; aut ſynovia, quæ, ut antè monuimus, ex minimis inſudans glandulis oſſa extrema, ligamenta, tendines, cartilagineſ, & membranas in proximo irrorat; quæque, quum ſtagnet, nil mirum ſi fermentationis ope efferveſcat, atque tenuioribus, ac volatilioribus abſumptis particulis, in tophos congeratur; quò in caſu *noduſa* dicitur arthritidis, vel *tophacea*, quæ peſſima eſt, deque eâ propriè cecinit Ovidius .

Unde proveniant nodi tophacei in podag. à affectis .

Solvere nodosam neſcit Medicina podagram.

ALIE ANIMADVERSIONES
PATHOLOGICÆ.

QUIBUSCUMQUE in coxendicum dolore moleſtatis diuturno, excidit coxa, ita crus tabeſcit, & claudicant, ſi non urantur (a). Ideo excidit eo in caſu ex acetabulo femoris caput, quia prædicta uligo in acetabuli cavo ſenſim cumulata, adeo concrevit, ut femur demum extruxerit, & luxationem fecerit . Uliginem eam in aphoriſmo præcedenti mucorem, ni fallor, appellare conſuevit idem Hippocrates (b) *Quibuſcumque a longo coxendicum dolore*

Quare caput femoris in podagrâ affectis quandoque luxetur, & quicquid præſtiterit uſu in parte affectâ .

[a] Hipp. lib. 6. apb. 60.

[b] Sect. 6. apb. 58.

*molestat*is cavitare sua excidit coxa, & rursus recidit
illis mucroes superveniunt. Quod autem ex acetabulo
 elapsum, excarne crus evadat, & contabescat, id sanè
 provenit, quoniam, femore luxato, ligamenta, &
 musculi prætermo- dum distrahuntur. Hinc libero,
 ac consueto per tubulos distractos fluidorum motu
 præpedito, necesse est, ut pars luxata, nisi maturè
 reponatur, macrescat; eoque magis, quia crus po-
 tissimum sanguiferorum ramos, item et nervos præ-
 cæteris partibus majores habet, & a corde pluri-
 mum distat. Quid autem tum præstare valeat
 ustio, non ex facili enucleabis. Non est tamen,
 quod ratione ustionis in podagrâ, non velim confi-
 teri quicquid delabentibus hisce posterioribus annis
 in Nosocomio Regiæ domus S. Jacobi Hispanorum
 Urbis successit. Multos ab illinc annos podagrâ
 vehementissimè torquebatur Sacerdos ejusdem Na-
 tionis abundè notus. Ejus ætas quinquaginta circiter
 tum erat annorum. Staturæ non proceræ, habitus
 subpinguis. Is atrocitate doloris jam penè confectus,
 nos obnixè præcabatur, ut ei permitteremus, ut
 inustionem per modum fonticuli in pedibus dolore af-
 fectis, tanquam arcanum ab alio Sacerdote Hispano
 sibi propositum, experiretur. Ejus demum impor-
 tunitate, id cum veniâ optimi illius viri dictum sit:
 ejus, inquam, demum importunitate victi tandem ali-
 quando indulsumus; ac alio propterea leniter prius
 extersâ, ut fonticulus in utroque pede, in dorso vi-
 delicet, inter pollicem, & indicem nimirum, ei
 aperiretur, iniquo potius, quàm æquo sive animo.
 Non multum post saniem, ut moris est, ex-
 cernere cepit, inde optimè convaluit, nec ad hoc
 tempus podagrâ, ea licet bis, ter, & quater pessimè
 in anno conflictari consuevisset, tentatus unquam
 est.

est. Vegetus modò, ac benè valens Romæ adhuc vivit, facile, ac prosperè incedit. Quicquid impossibile futurum sit, videndum erit. Audio autem, et aliis ab eodem Sacerdote podagram non aliter discussam fuisse; num verò id præsidii generis constans, ac tutum habendum sit, nondum decernere datum nobis est. Dicimus tantùm, illud nec fuisse admodum atrox, nec incommodi multum attulisse; quippe, postquam cicatricem induxerit, Sacerdos præfatus liberè, ut antea, uti diximus, & incescit, & adhuc incedit. Quamobrem, etiamsi podagram ut eo præsidio sibi curaret, nemini modò suaderem, nihilominus, si ob podagram, aut temerè compressam, aut ad articulos de more non profluentem, vel capitis, vel thoracis, vel abdominis viscera graviter afficerentur, fonticulis pedibus admotis humores pravos a partibus nobilioribus avertere, observationi confisus, utique studerem. Fonticulus, nonnisi diebus sexaginta circiter exactis haud occludi solet. In doloribus coxendicis, qui vulgò di *Sciatica* dicuntur, partem affectam ad os usque inurere, & aliàs iterum, iterumque vidimus, ac hæctenus semper improspere.

ALIÆ ANIMADVERSIONES PATHOLOGICÆ.

Mulier podagrâ non laborat, nisi menstrua defecerint, ex eodem Hippocrate (a), & alibi: *Articulorum tumores, atque dolores absque ulcere, & podagricos quoque, atque convulsa, horum plurima frigida aqua largè effusa levat, & extenuat, solvitque dolorem; nam modicus torpor dolorem solvit (b).* Quod

Mulier podagrâ laborat, licet menses non defecerint. Improbatur usus aquæ frigidae pro podagrâ eximendâ.

Tom. III.

A a

ad

[a] Sect. 6. aph. 29. [b] Sect. 5. aph. 25.

ad primam Hippocratis attinet sententiam, eam interdum veritati non coherere percepimus; & postremo inclitam tum nobilitate, tum divitiis, tum moribus Mulierem podagrâ extra Urbem extinctam vidimus; quæ arthritide, menses licet optimè semper fluxissent, ab ineunte ætate nihilo secius mirum in modum vexabatur. Quod ad alteram spectat, aquam frigidam et in podagrâ, eoquod levem inferat stuporem, ut optimè docet Hippocrates, doloribus coercendis, sedandis, solvendis, discutiendisque, articulis affectis largè effusam apprimè conducere certum est. At enim verò quot hæcenus vidimus arthritide laborantes eâ methodo tractatos, tot quoque vidimus, aut apoplecticos, aut pleuriticos, aut asthmaticos, aut hydrope pectoris, aut colicâ, vel affectione iliaca correptos, propediem decessisse. Idcirco alieno edocti exemplo, ubi arthritidis, quod Deus avertat, nos unquam tentet, id præsidii genus, nolimus utique experiri.

C A P U T III.

De Lue Venereâ.

Definitio.

Luem Veneream, si rem propriùs perscrutabere, nihil aliud profectò esse conjicies, quàm *variorum symptomatum congeriem, quæ in corpore humano vitam habente, permolestè licet, enormiter tamen, procul videlicet ab omni lege, ac periodo, variis temporibus suscitatur, ob labem quandam ex concubitu impuro intus contractam, quæ universas ferè organorum facultates, modò magis, modò minus ledit*. Dicitur item *gallica*, sive *celtica* a Gallis, quos, ut vel lippis, & tonsoribus ad nauseam jam innotuit, trans Alpes

Alpes in Italiam ad Neapolim oppugnandam profectos, ea labe plurimum infecerat.

Talis affectio sub admodum vario aspectu invadere solet, & personata clanculum non raro suas intus molitur insidias; quinimmo et nulla propemodum, cujus vices celtica lues gerere nequiverit, exstitit ægritudo; tametsi gonorrhœa, bubonibus, ad inguina potissimum, & doloribus per articulos evagantibus, frequentius hætenus corripuerit.

Diagnos.

Labes celtica, ideo, ex nostrâ sententiâ, per impurum concubitum contrahitur, quia virus quoddam in pudendis jam infectis pridem occultum mutuo affricu incalescit, extenuatur, exaltatur, atque, ab uno in alterum effusum, interiora subit, humores coinquinat universos, eosque intimè fœdat, corrumpit, evertit; qui partim concrecentes, sese partim fundentes, & partim effervescentes, stagnant, acriores evadunt, nervos pungunt, membranas mordicant, meatus lacerant &c. Hiuc tumores, abscessus, ulcera, spasmus, dolores, & reliqua prope innumera atrocissima incommoda, quibus ejusmodi labe infecti, diu, noctuque irrequieti, & quam sæpissimè laceßiti variè torquentur.

Causa.

Eventus in hac lue est admodum incertus. In corporibus sanis, nec nondum adultis facilius ea labe curatur, quàm in senibus, & non benè valentibus. Quò altiores egerit radices, eò difficilius avellitur. Si raucedinem, maciem, tussim siccam, spirandique laborem intulerit, si recidiva fuerit, eam non ex facili evinces. Ubi apoplexiam, paraly sin, vel febrem fecerit, aut ex coagulo, aut ex solutione malignam, lethalis.

Prognosis.

Triplicis generis ad labem celticam delendam magis idonea præ cæteris videntur præsidia: mercuria-

Curatio.

rialia nimirum, farsa parilla, & hypocausta, sive vaporaria. Mercurialia tum intus, tum foris adhibentur, ut postmodum dicendum. Ex farsâ parillâ decoctiones, & infusiones variæ parantur. Sunt qui eam in pollinem redactam propinare item consueverunt. Per hypocausta, sive humida, sive sicca sint, sudor ope caloris exterioris elicitur. In quibus omnibus id potissimum caveto, ut victus ratio solertissimè servetur; qui tenuis esse debet, humectans in gracilioribus, adustis, & plethoricis, exiccans potius in cachecticis. Debet insuper esse optimi succi, coctique facilis. Vinum, ut nos docuit experientia, noxam semper intulit. Quum sitiat æger, aquæ copia fiat, & præsertim farsæ parillæ, & glycyrrhizæ, nec non etiam communis quandoque, ad viscerum ætus, plurimo præsertim sudore in vaporariis egesto, compescendos. Num sanguinis missio lue celticâ affectis conveniat, necne, id porro exagitur. Eam plerisque prorsus improbare placuit. Plethoricis, item & iis, quibus viscerum inflammationem imminuentem fore cognovimus, optimo cum successu, & in Nosocomiis, & extra, etiamsi actu flueret gonorrhœa, sanguinem tutò eduximus.

Historia II.

Quicquid in
Lue celticâ cu-
randâ præstiri-
mus, historiâ
declaramus.

Agathocles, vir non ignobili quidam genere natus, divitiis utique non minùs, quàm vitiis affluens, quintum, & vigesimum nondum ætatis exegerat annum, quum nec Cereri, nec Baccho, nec Veneri quidem multo ab illinc tempore unquam pepercerat. Staturâ procerâ, habitu gracili, temperamento calido, & sicco, ac prope igneo præditus erat. Ex impuro concubitu mense Januario gon-

nor-

norrhœam virulentam contraxerat , quam ad menses plures planè neglexerat . Atrocissimis inde doloribus per articulos sub vesperam , usque ad manè diebus singulis correptus febrile cepit . Febris principio vix perepiebatur , ac lentè incedebat; mox unà cum dolore capitis gravissimo plurimùm exacerbata , ardens tandem evasit . Ad dies tres , articulorum doloribus nonnihil sedatis , exarsit . Extinguitur tandem , & tum , ut quummaximè dolores recrudescunt . In calvariâ tumor ex ipsâ quasi cranii substantiâ durissimus , veluti gummis , extuberat . Comprimitur gonorrhœa , & quasi exiccatur . Intumescunt inguina , ac testes inflati acriter pruriunt . Eo instatu nos consulvit Agathocles , quem , ut lue celticâ turpiter scœdatum cognovimus , alvo cassâ recenti , ita ut indicat A , in bolos compactâ blandè extersâ , humores coinquinatos infusione ex sarsâ parillâ , ita , ut legitur in B , extractâ , per dies quindecim , defœcare cepimus . Exinde , quoniam a febre immunis omnino evaserat , ad mercurium dulcem , ita , ut in C paratum , per dies triginta circiter intus sumendum , devenimus . Victus interim tenuis erat . Modico tantùm pane triticeo in jure vitulino elixato vescebatur , cum recenti ovorum vitello , & drachmis aliquot passularum majorum recentium , quas cum modico pane triticeo bis cocto tum ad prandium , tum ad cœnam comedebat . Caro , pro jure conficiendo , in decoctione sarsæ parillæ elixabatur . Avino sese prorsus abstinens , decoctione ex sarsâ parillâ , & glycyrrhizâ , ut legitur in D , paratâ , pro potu quotidie utebatur . Decimâ quaque die , ad alvi sordes eluendas , eisdem , ut antea , ex cassâ bolos deglutire consuevit . Ab usu mercurii diebus octo circiter exactis , noctu inter dormiendum sudare uberrimè cepit ,

cepit, atque urinas inde exuberantes emittere. Prioribus diebus, tum, quum sudor, atque urina erumpebat, articularum, calvariæ, ac testium dolores, ut quum maximè exasperabantur. At sensim subinde decrecentes, antequam quadragesimam diem attigissent, omnino evanuerunt. Evanuit insuper calvariæ, inguinum, ac testium tumor. Planè curata est gonorrhœa; nec aliud deinceps sensit incommodum Agathocles, quàm sitim, quâ vexabatur inexplibili, ac intensissimo viscerum ardore; quibus balineis aquæ dulcis, & aquâ nucerinâ largè epotâ prospeximus. Et quandoquidem, tum ex transactis erroribus, tum ex labe contractâ, tum ex prædiis medicis, opportunè licèt adhibitis, macies corporis universa supererat, hanc sero primùm, mox lacte, quod ita, ut legitur in E, medicatum ad mensē, & ultra ingessit abstemius, prorsus extenuavimus.

A. R̃. Caf. rec. extr. drach. vj, cremor. tart. drach. ij., sem. cit. mund. drach. j. M. f. b., & cap. ut m.

B. R̃. Sars. paril. opt. f. a. incis. drach. ij, cinnam. opt. scrup. ss., aq. comm. q. f. M. f. inf., & mac. f. a. cin. calid. per hor. xij. circiter, & adde fol. malo., violar., rad. altheæ ana pug. j., decoq. f. a. col., & adde syr. de altheâ Fernelii unc. j., cap. quotidie pro syrup. in aur. ut m. Post dies sex loco syrup. de alib. Fernel. substituatur syrup. de terebintbinâ ad usum Malpighii parati.

C. R̃. Mercur. dulc. gr. vij., oculor. cancr. præp. scrup. j., syr. viol. viol. q. S. M. f. b., & cap. quotidie in aur. statim post syrupum præcedentem, ut m.

D. R̃. Sars. paril. opt. f. a. incis. drach. j., glycyrrhiz. contus. drach. ii., cinnam. opt. scrup. j., aq. comm. lib. jv. M. f. inf., & mac. f. a. per hor. xij., leniter bull., col. pro potu quotidiano, ut m. E R̃.

E. R̄. Rad. opt. chin. f. a. incis. drach. j., cin-
nam. opt. scrup. ss., aq. comm. unc. iiij. M. j. inf., &
mac. f. a. cin. cal. per bor. xij., bull. exinde lento igne
carbonum, quoad aquæ uncia duæ absumantur, col.,
f. fort. expres., & adde margar. præp. drach. j.,
lact. capr. recen. lib. ss., cap. quotidie in Aur. ut m.
Lactis dosis sensim in dies augeatur, ad uncias octo,
decem, & ultra.

ANIMADVERSIONES AD THERAPEU- TICEN SPECTANTES.

Sarsa parilla de genere styrpium exoticarum est. Quid sit sarsa
parilla, ejusque
usus. Ex novâ Hispaniâ, ex Provinciâ potissimum
Peruvianâ ad nos advecta, effecit, ut smilax aspera
Peruviana quoque dicatur, ob figuram exteriorem,
quâ smilacem nostram æmulatur. Num tamen aut
jure, aut injuriâ sarsæ parillæ succedanea smilax
aspera censeatur, adhuc sanè ambigimus. Quò re-
centior est, eò melior. Infusione, maceratione, ac
decoctione facultas ejus extrahitur. In pulverem
quoque extenuata per modum sive conditi, si-
ve confectiois, sive in rotulis, sive in bolis,
sive alio quovis pacto in substantiâ commodè propi-
nari potest. Sudorem, urinam, necnon etiam quan-
doque salivationem, dosi præscriptâ idoneâ blandè
moveret; quapropter eam nonnihil calefacere inferre
possumus. Ad luem celticam subducendam mirificè
agit. Cachecticis item optima est, atque hydropicis.
Robres tum chronicas, tum etiam acutas, experien-
tiâ teste, in Nosocomiis non semel extinxit. Pleu-
ritidem quandoque ejus levis tinctura, infusione po-
tissimum florum papaverum rheados medicata, citis-
simè discussit. Erysipelata exteriora, & ulcera inve-
terata,

terata, decoctione sarsæ parillæ tepenti pluries abluta, & fota, brevè cessisse vidimus. Sarsæ parillæ abusus ventriculi facultates enervat, corpus emaciat, sanguinis profusiones uberrimas movet. Quamobrem eam plurimum semper nocuisse observavimus hæmoptoicis, iisque omnibus, qui sanguinis hæmorrhagias nimium pati consueverunt. Quæ res efficit, ut in plethoricis ad usum sarsæ parillæ, nonnisi sanguine prius bis, ter, & quater etiam imminuto, unquam sanè confugiamus. Effectus suos tum sola, tum unâ cum rebus, quæ vocantur *antiscorbuticæ*, tum cum carne viperinâ, tum etiam cum sero, & lacte, ubi hæc item convenèrint, mirificè præstat, ut postmodum dicendum. Decoctionibus prædictæ sarsæ parillæ addere solent nonnulli lignum sanctum, sandalos, saxafras, pumicem, antimonium crudum, & reliqua ejusmodi; quæ tametsi improbare nolimus, eam nihilominus solam mirum in modum, & melius adhuc egisse, ex usu diutino non rarò percipimus.

ALIÆ ANIMADVERSIONES AD THERAPEUTICEN SPECTANTES.

Quid sit mercurius, ejusque usus.

DE Mercurio, vulgò *argento vivo*, hic prolixè historiam exarare, quum et alii fusè id pridem fecerint, inutile prorsus videtur. Inter Recentiores, si de eo fossile quispiam satis non minùs, quàm præcisè instrui velit, Ettmullerum præ cæteris, & Lemery adeat. Particulis planè rotundis, valde compactis, ubique levigatis, optimè tersis, ac proinde admodum mobilibus, ex effectibus, quos in rerum naturâ præstare consuevit, congregari autumatem. Hinc profectò a densitate globulorum, ejus maxima gravitas,

vitas, a levigatâ rotunditate, ejus tanta mobilitas. Nil mirum igitur, si solus nequaquam concresecat, si undequaque celerrimè effundatur, & si per ignem, qui moleculas illius validè impellit, facilè dissipetur. Ignis enim, qui eas iterum, iterumque dividit, infringitque, ac in alios minimos redigit globulos, eam fortasse iis demum comparat molem, tenuitatem, atque naturam, quam, in Tractatu de Motu, materiæ secundi generis propemodum adscripsimus. Mercurius in morbis tum foris, tum intus adhibetur, tum crudus, tum digestus, & arte paratus. Foris ad luem celticam radicitus eximendam per modum inunctionis apprimè conducit, nervos quamvis plurimum lædat. Ptyalismum, ac Diabete interdum pervicacissimam mover. Os, linguam, fauces, atque œsophagum, non sine vitæ discrimine, interdum exulcerat. In volvulo crudus ingeritur; eâ tamen quantitate, ut quancitissimè per alvum egeratur. Secus enim inter plicas ventriculi, aut intestinorum diu delitescens, periculum est, ne sublimetur, & viscera acriter torqueat. Mercurius, qui dicitur dulcis, quum optimè paretur, tutiùs propinari potest. Ejus dosis est a granis sex, ad decem, duodecim, & ultra per dies decem, quindecim, triginta, & quadraginta. Luem celticam funditus destruit, vermes enecat, scabiem sanat &c. At enim verò, mercurio ne quispiam utatur, nisi alvo priùs extersâ, & humoribus ritè præparatis. Ceratum de ranis cum mercurio tophis venereis, qui vulgò *gummata* vocantur, admotum, eos discutit &c. Aurum, & præsertim foleaceum per dies aliquot quotidie deglutitum, ea omnia incommoda, quæ aut usus, aut abusus mercurii adversus œconomiam animalem peperit, adimere, ut in superioribus

ALIÆ ANIMADVERSIONES AD THE-
RAPEUTICEN SPECTANTES.

De usu hypo-
causti, ratione
sudoris elicien-
di, ad luen-
celticam exi-
mendam quid
credamus.

IN Hypocaustis, vaporariis, & tepidariis, ope
caloris sive sicci, sive humidi, &, ut ita dicam,
vaporosi, ex corporibus lue celticâ infectis sudor
elicitur, atque unâ cum sudore morbida proluvies
eximitur. Id præsidii genus validè profectò agit.
Verùm enim verò corporibus adustis, gracilioribus,
in phthisin declinantibus, asthmaticis, iisque om-
nibus, qui aut sanguinis excretionibus sunt frequen-
ter obnoxii, aut pectore laborant, plurimùm sem-
per nocuit. Cavendum est insuper, ne sudor, hu-
moribus nisi prius optimè præparatis, digestis, at-
que subactis, unquam moveatur. Tum sudore im-
minente, tum etiam, quum adhuc profluit, & post
item quàm profluxerit, aquæ vel simplicis, vel hor-
dei, vel passularum, vel farsæ parillæ, vel glycyrr-
hizæ copiam facimus; quo & humores pravos di-
luimus, & sudorem faciliùs provocamus, & viscera
per sudorem emissum exhausta, iterum opportunè
humectare curamus. Quinimmo et diebus aliquot,
postquam ab hypocausto egressus est æger, exactis,
si aut sitis superfit, aut viscerum æstus, aut spiran-
di labor, balinea aquæ duleis optimo cum successu
adhibere consuevimus; necnon etiam aquam dul-
cem, adeo largè, ut per urinam brevè egeratur,
potandam, mox serum lactis, & postremò lac idem
non improspere præscripsimus. Sudor, qui ope ca-
loris sicci in hypocaustis elicitur, vires equidem, ut
non semel observavimus, minùs extenuat, & ægro-
tum minùs defatigat, quàm, qui aut balneis te-
pen.

pentibus, aut vaporibus educitur. Id, ni fallor, quia vapores, qui cutis spiramenta ingrediuntur, aut nervorum fibras laxant, aut spiritus solvunt nimis, & dissipant. Qui luem celticam usu aut sarsæ parillæ, aut mercurii, aut hypocausti sibi subripuit, ad menses saltem aliquot parcè victitent, & a fructibus præcipuè caveat recentibus, qui faciliè fermentescunt, & putrescunt; quorum esus eandem quasi, uti prius, humoribus labem sæpè numero accersivit.

ANIMADVERSIONES PATHOLOGICÆ.

EX lue celticâ pridem contractâ, inveteratâque, præter alios, qui ex mollioribus partibus molliores consurgunt tumores, tophi etiam enascuntur, qui duriores sunt, & veluti ex ligamentis, cartilaginibus, & præsertim ex ossibus frequentius extuberant. Ejusmodi tophi, qui celticæ luis germina sunt, *gummata gallica* vulgò nuncupantur. Ex calvariâ, & costis, non procul a sternò, necnon etiam ex tibiis ut plurimum excrescunt. Nihil aliud sunt, ut opinor, præterquàm mucilago quædam ex minimis ossium fibrillis labe celticâ exesis insudans, quæ sensim ibi coacervatur, concrescit, atque induratur. Tumores istos, etiamsi inveteratos, brevè solutos quam sæpissimè vidimus, per usum non modò aut mercurii, aut hypocausti; verùm etiam simplicis sarsæ parillæ, quam nos per dies quadraginta aut decoctam, aut infusam, victu tenui, humidoque, vino penitus interdicto, hisce in casibus propinavimus. Victum quippe exiccantem, plethoricis præcipuè, gracilioribus, atque adustis, qui *antivenereis* utuntur, perniciem maximam moliri semper hætenus observavimus. Dolorem intensissimum

Quid sint tophi,
qui vulgò gum-
mata gallica
vocantur.

tophi ex lue celticâ congesti, quum funduntur, quandoque inferunt, ossium substantiam exedunt, eamque in cariem vertunt, atque ulcera, quæ *cum carie* dicuntur, procreant; quæque, os infectum nisi planè eximatur, sanari nequeunt.

CAPUT IV.

De Scorbuto.

Definitio.

Affectionem sanè pessimam, atrocissimamque, & contagiosam, quam Recentiores *scorbuticam* appellant, quamque ab exteris Nationibus ad nostras non ita pridem transvectam quispiam credidit, his planè verbis graphicè tradidit olim Hippocrates, penes quem, sub nomine quoque *magni lienis, & ilei hæmatitis* venit. *In hoc*, inquit Senex, (a) morbo contingit, ut ex ore malebleant, a dentibus etiam gingivæ recedant, & a naribus fluat sanguis, aliquando ex cruribus pullulant ulcera; & alia sanescant, & alia emergant, & cutis extenuata nigrescat. Scorbutus dicitur a ditione quadam, quâ oris erosionem indicant Dani: symptoma nempe, quod ejusmodi affectionem aut anteire, aut comitari, aut subsequi solet. Veruntamen, ut eam ægritudinem luculentius describamus, dicendum ducimus, congeriem esse symptomatum, quæ variè torquent organa corporis humani vitam habentis, tum intus, tum foris, sanguinis, aliorumque succorum vitio, qui utpote tenaces, atque erodentes, meatus obstruunt, nervos pungunt, tubulos lacerant &c. Ex quibus patet, affectionem scorbuticam maximam cum lue venereâ affinitatem habere, humorum licèt pravitas adhuc major in scorbuto videatur; in quo aquæ ad instar for-

[a] Hipp. lib. de intern. affect. num. 34.

fortis erodentes, pluribus in locis solidarum partium compagem solvunt, conterunt, macerant, & destruunt.

Affectionis scorbuticæ signa admodum varia sunt; nam, non secus ac lues celtica, ipsa quoque sub specie variâ larvata incedit, atque mentito aspectu non semel imponit. At enim verò ventris superioris membranas, & præcipuè interiores ferè semper torquet. Hinc scorbuticis frequens est capitis dolor, gravedo, vertigo, membrorum vagæ convulsio, paralytis &c. Nigricant iis insuper dentes, intumescunt gingivæ, a radicibus recedunt, exeduntur, conteruntur, sanguinem fundunt, nec non etiam quandoque saniem, ex quibus ulcera graveolentia extant, & saliva non rarò exuberat. Ulteriùs accedunt tussis quandoque crebra, tormina, cardialgia, hypochondriorum tensiones &c. Adeo interdum vires solvuntur, ut præ lassitudine stare vix possit æger. Cutis acriter modò prurit, modò incenditur, modò livescens exulceratur: quæ omnia maximam humoribus pravitatem inesse abundè prædicant.

Diagnosis.

Quamobrem undè scorbutus oriatur, satis superque innotescit, quum prædicta symptomata humores universos coinquinatos, fœdatos, ac planè corruptos esse commonstrent: idque, ni fallor, ob pravam potissimum alimentorum digestionem, ex quibus chylus pravæ indolis educus, hypochondria primum afficit, nervorumque plexus imi ventris, atque ex consortio cerebri quoque membranas: mox sanguinem fœdat, ac reliquos omnes per sanguinem humores, qui partim proinde concrecentes stagnant, immutantur, & effervescunt, partim acriores facti membranas vellicant, nervos pungunt, ac tubercula formant.

Causa.

De

Prognosis.

De chronicorum genere affectio scorbutica habenda est. Principiò curatu facilis. Temporis processu perquam difficilis. In tabem, atrophiam, paralyfin, apoplexiam persæpè cessit. Dysenteriam lethalem non rarò fecit; ac, nisi maturè solvatur, lentâ, ac crudâ morte, interimit.

Curatio.

Mercurialibus, atque hypocaustis exceptis, quæ scorbuticis plurimùm officiant, ea omnia, quæ ad eluendam celticam proluviem, jam ante innuimus, et hic commendamus. Vitentur oleosa, ac pingua, item saccharata, & mellita, quæ digestionis fermenta obruunt, viscerum facultates retundunt, tubulos infarciunt, ac id propterea supeditant, quod affectionem fovet. Vinum nocet. Vini loco decoctiones conveniunt, atque infusiones sarsæ parillæ, radices chinæ, ligni saxafras, aloes cum modico cinnamomo, corticum citri, aurantiorum &c. Decoctio corticum juniperi ad usum thè quotidie epota affectionem hanc sola quandoque discussit; quam tamen effectum suum efficacius præstitisse conjecimus, ubi succi ex foliis cocleariæ recens expressi unciam unam, aut duas in adultis adjecimus. Carnes, & præ cæteris glutinosæ, pingues, fumo exsiccata, salitæque, planè interdicantur. Cæterùm alvo leniter elutâ, aut rhabbarbo sero lactis infuso, aut pulpâ tamarindorum in jure solutâ, aut Diatartaro Petri Castelli, aut electuario lenitivo, hisque similibus, ad ea, quæ vulgò *antischorbutica* præsidia vocitantur, quæque sali quodam acri, blandè volatiliori scatent, confugere oportet. Inter hæc primum obtinent locum folia cocleariæ, nasturtii aquatici, beccabungæ &c. quæ longè melius agunt, si eorum succus recens expressus, aut sero lactis, aut eidem lacti unâ cum cancris fluviatilibus, pul-

pulveribusque absorbentibus adjiciatur . Posterioribus diebus viro cuidam celtico scorbutico annorum quadraginta circiter decoctionem radicis *tragopogoni* recentis , de quâ aliàs diximus , optimo cum successu propinavimus . His ita præmissis , & labe scorbutica si visceribus adhuc inhæreat , tum carne viperinâ recenti in ferculis , & jusculis non improspere usi sumus . Quid autem vipera , & in eo , & in aliis pluribus morbis , emolumenti præstare unquam valeat , & quo pacto eam præscribere consuevimus , id infra tum per historiam , tum per animadversiones aperiam .

Historia . III.

C Roesus quidam non ignobilis vir Romanus ex Italiâ , bellandi studio motus , ab ineunte ætate transalpes in exterarum plagas peregrè profectus , sub variis vexillis militavit , ac variis præliis , variis conflictibus , variisque arcium oppugnationibus , vulneribus variis equidem affectus , interfuit . In Patriam demum reversus , plura tum in castris , tum in itinere jam passus incommoda , vertigine quadam levi tentatur , quæ sub vesperam identidem recurrit . Vertiginis impetu exacto , dolor capitis obtusus , & quasi gravedo accedit , quæ ad horam circiter durat . Mox intumescunt hypochondria , suscitantur tormina , incitatur vomitus , solvitur alvus , ac unâ cum bile plurimâ , variis aliiscrementis tum supra , tum infra egestis , omnia tranquillantur . Ad mensem , & ultra eodem fermè typo id quotidie quasi profecquitur . Inde lentè febricitat ; ac , viribus planè fractis , lassus nec stare , nec incedere potest . Labia interim tumescunt , ac variis finduntur in locis . Ni-

Quicquid, scorbutico medendo, præstare consuevimus, historici declaramus

gri-

gricant dentes, sordescunt, vacillant; ac gingivæ, lingua, palatum, & fauces sordidis ubique exeduntur ulceribus. Spiritus, quem edit ex ore, foetens est. Plurimum salivat. Salivam, quam fundit aco-rem sapit. Emaciatus jam contabescit. Febris planè quandoque cessat; verùm tum, quum cessat, variis maculis livescentibus cutis universa foedatur; quibus evanescentibus, redit iterum febris; quam, quum denuo cessat, vicissim insequuntur maculæ, & sic deinceps quintâ quasi quaque die febris, & maculæ periodicè alternantur. Cæterum nec cibos prætermo- dum fastidit, nec immodicè sitit, nec insomnis noctes transigit, nec quicquam aliud, præter enarrata, patitur incommodi. Quinquagesimum nondum is ætatis attigerat annum. Fortis erat ante, optimè valens, & ad plethoram potiùs inclinans. In eo deplorabili statu mense Aprili, morbum antea quippe militum more strenuè semper neglexerat, sese nobis tractandum commisit. Ejus curationem eâ, quâ sequitur, methodo susceptam, ad finem usque profèquuti sumus. Ut alvus, quæ stricta erat, citra incommodum laxaretur, solvens ex rhabarbaro, senâ orientali, ac sero caprillo, ut legitur in A paratum, antelucanis horis sumendum ei præscripsimus. Alvum ubi primùm incitasset, aliud serum caprinum depuratum ad libras quatuor, & ultra, ut per intervalla superbiberet, effecimus. Et aliud serum postridie *antischorbuticum* per dies quadraginta circiter, & ultra bibendum, itaut indicat B, confecimus. Victus erat tenuis, optimi succi, ac medicatus; fercula enim tum ad prandium, tum ad cœnam lacte, ovorum vitellis recentibus, cancris fluviatilibus, foliis, ac radicibus *antischorbuticis* non insuaviter instruximus. A carnibus, & a vino sese prorsus absti-

absti-

abstinuit. Pro potu quotidiano infusionem hanc C ex sarsâ parillâ, glycyrrhizâ, ac ligno saxafras cum modico cinnamomo hauriebat; ac clysteribus simplicibus, ad intestina eluenda, alternis diebus utebatur. Diebus quindecim elapsis noctu inter dormiendum sudare cepit, & longè meliùs se habere. At enim verò, ut tantæ labis fomes omnino extingueretur, carnem viperæ recentem, ad uncias tres, serò matutinò, cum aliis rebus, decoquendam addidimus: quo scorbutum prorsus in Croeso curavimus.

A Rx. Rhabarb. elec. scrup. j., senæ orient. sine stipitibus drach. ij., cinnam. opt. scrup. ss., serî capr. lib. ss. M. f. levis inf. & mac. S. A. col., & cap. ut m.

B Rx. Cancrum fluviatilem contus., surf. paril. opt. S. A. incis. drach. ij. glycyrrhiz. drach. j., cinnam. opt. scrup. j., ser. capr. lib. j., M. f. inf., & mac. S. A., & adde fol. coctear., nast. aquat., beccabung. ana. pug. j. decoq. S. A. f. fort. expres., & adde succi cocteariæ recens expressi unc. j., ocul. cancr. preparat. drach. j., cap. quotidie in aur. pro syr., ut m.

C Rx. Sars. paril. opt. S. A. incis. unc. ss., glycyrrhiz. drach. ij., lign. saxafras drach. j., cinnam. opt. scrup. j., aq. chalyb. lib. iv. M. f. inf., & mac. cin. cal. per horas xii. circiter, leviter bul. col. pro potu, ut m.

ANIMADVERSIONES AD THERAPEUTICEN SPECTANTES.

DE Viperâ, notissimo inter serpentes animali, plura commenti sunt Veteres, non minùs quàm Recentiores, quæque falsò Posteris tradiderunt. At de ejus naturâ, quæ veritati cohærent, a Fran-

Quomodo uti
debemus, in Cli-
nicæ exercendi,
carnis viperinâ.

cisco Redi rerum inclyto indagatore, de quo aliàs mentionem fecimus, non pauca habuimus. Morfu, quem infligit, vipera venenum immittit. Cæterum nisi mordeat, & sanguinis, tametsi minimùm, aliquid saltem mordendo, nisi eliciat, veneno nequaquam inficit. Quinimmo et humor ille subflavus, non nihil, penes nonnullos, subdulcis, & penes alios potiùs nonnihil amarus, quem ex glandulis gingivarum ea insudat, quique per cutem etiàm si leviter laceram, quoquo pacto in sanguinem inditus venenat, & necem porrò molitur, impunè prorsùs, dummodo ulceribus haud afficiantur fauces, deglutitur. Caro viperina tum recens, tum exiccata, tum in trochiscos, tum in pollinem redacta, varios in Re medicâ semper usus habuit. Ad hæc ex eadem carne viperinâ sal quoddam quoque extrahitur, & spiritus elicitur, quibus diversas item Clinici facultates adscribunt. Certum est utique, viperam balsamo quodam blandè volatili pollere, quod sudorem leniter incitat, urinam placidè movet, vim sanguinis consopitam, effœtam, contractam, &, quasi dicam, senescentem rarefacit, excitat, reficit, ac pristinum robur spiritibus, nervorumque succo impertitur. Nil mirum igitur, si cachecticis, hydropicis, atque scorbuticis plurimùm conferat. Formulæ, quibus eam præscribere consuevimus, sequentes sunt. Sunt qui, ne pars volatilior in auras vanescendo extenuetur, vase, quod circulatorium vocant, viperæ decoctiones parant. Nobis autem, id licèt non improbemus, viperam, ita ut aliæ coquantur carnes, in ollis fictilibus communibus coctam, jusculum & suaviorem, & non minùs medicatum edere, comperitum est. Quæ res effecit, ut valde ancipites simus, cum reverà vas illud circulatorium phlegma potiùs car-

carnis viperinæ inutile, atque effœctum, quàm balsamum volatile in morbis curandis efficax, coerceat, contineatque.

R. Carnis viperin. præpar. unc. iij., aut iv., radic. fenic. pug. ij., aq. comm. q. s. M. bul. leuiter, col. pro jusc. fumendo in aur.

R. Carn. viper. S. A. præp. unc. iij., aut iv., lign. saxafras drach. j., infus. sars. paril. in aq. comm. S. A. parat. q. s. M. bul., & ad. fol. cichor., borragin., co-clear. ana. pug. j. decoq. S. A. col. pro jusc. ut supra.

R. Carn. viper. S. A. præp. unc. iij., rad. fenic. pug. j., cinnam. opt. scrup. j., ser. capr. q. s., ocul. caner. præp. drach. j. M. bul. S. A., & adde flor. borrag., fol. pimpin., cichor. ana. pug. j. decoq. S. A. col. pro jusc. ut supra.

Prædictis decoctionibus Clinicorum plerique carnem adjiciunt aut vitulinam, aut pullorum, aut vervecinam &c. Verùm, solam ipsi viperam efficacius agere rati, eam sine additione aliarum carniùm frequentius præscribere consuevimus.

Nonnullis viperæ carnem cum esculentis in usum cibi quotidiani, aut elixatam, aut nonnihi torrefactam ad dies plures immiscuimus, quod sani cachexiæ diutiniæ corrigendæ apprimè idoneum comperimus. Attamen, quoniam calefacit, & salium facultates humoribus acuit, ejus abusus valde nocet, ætus febriles exasperat, hæmoptysin, aliasque sanguinis profusiones movet, corpus extenuat, pollutiones incitat nocturnas, salacitatem pellicit, somnum quandoque adimit, cæterosque pessimos præstare valet effectus. Quocirca neque plethoricis, neque biliosis, neque iis, quos in phthisin pronos fore conjicias, carnem viperinam unquam præbebis. Nec eam principio, corpore nec benè purgato, nec

humoribus ritè priùs digestis, atque subactis unquam propinabis.

ANIMADVERSIONES PATHOLOGICÆ.

Quid sit scabies,
ejusque species,
& quo pacto cu-
rari debet.

Scabies inveterata, & lepra sunt affectiones quædam, quæ cutim lædunt, quæque intemperiem ut plurimum scorbuticam indicant. Scabies nihil aliud est, præterquam *minimarum pustularum, sive ulcusculorum proventus, quæ cutem fœdant*; quibus si cutis ingens asperitas, & perquam infesta adjiciatur acritudo, sive pruritus, *psora* nuncupatur. Si hæc ulteriùs procedunt, & cutem intimè magis adhuc lædunt, *lepram* faciunt. Adeo ut scabies, psora, et lepra gradibus distare solùm videantur. Lepra rursus distinguitur in *siccam*, vel *squamosam*, vel *furfuraceam*, quam *Græcorum* Veteres appellabant, atque in saniosam magis fœdam, magisque malignam, quam *Arabum*, sive *elephantiasin* dixerunt. Squamulas, quæ frequenter excidunt, procreat prior. Tuberculis altera variis, ulceribusque sordidioribus scatet. Utraque pessima est. Cutem utraque intimè torquet, laceffit, lacerat, & acriter quasi depascit. Ex quo patet, causam, quæ affectiones hæc inducit, sitam esse in vitio quodam humoris pravi, atque erodentis, qui in tubulis cutis stagnat, ejusque minimis glandulis inhæret. Is quippe, tubulos exedendo, & in pustulas attollitur, & ulcera progenerat; in quibus ea minima ferè semper foecundantur infecta, educantur, & propagantur, quæ latinè *achari*, vulgò barbarè *pelliculi*, penes Thufcos *pellicelli* dicuntur. *Pellicello è un piccolissimo bacolino, il quale si genera à rognosi, in pelle in pelle, e rodendo cagiona un acutissimo pizzicore* [a]. Scabies

[a] Vocab. Crusi.

bies faciliùs, quàm pſora curatur. Pſora, quàm lepra. Græcorum, quàm Arabum. Quæ contagio contrahitur, quum recens ſit, non eſt adeo pervicax. Quidlibet ſcabiei ſit genus, tum interioribus, tum etiam exterioribus ægros ab eâ mundare curabis. Interiora cauſas, quibus producitur, reſpicere ſemper debent. Interdum enim, in plethoricis præſertim, ex redundantia ſit ſanguinis, qui non modò ſolutis venis, verùm etiam diætâ opportunè imminuenduseſt. Interdum a lue provenit celticâ; quo in caſu eam labem, ut antè jam docuimus, extenuare expedit. Soboles eſt non rarò ſcorbuticæ affectionis, quam præſidiis *antiſcorbuticis* ſubripere, tum ſtudebis. Exteriora & acharos interimant, eoſque penitus extirpent, & ſalium acrimoniam eluant, & tubulos obſtruçtos recludant, oportet. Ad acharos delendos ſulphurata, & mercurialia præ cæteris conducunt. Optimo cum ſucceſſu linimento, ita, ut legitur in A, parato, frequenter utimur; quo ſolo, alvo priùs extersâ, humoribus benè præparatis, ac ſanguine imminuto, ſcabiem diutinam, ac permoleſtam per familias ex longo tempore profuſam, atque educatam, manus tantùm alternis diebus per vices tres inungendo, planè ſubduximus. Balinea aquæ dulcis, emollientia, necnon etiam amaricantia ſalium compagem ſolvunt, eorumque temperant acorem, abluuntque. Humores inſuper in meatibus, glanduliſque concretos blandè diſcutiunt, eoſque aut per ſudorem, aut per urinam, aut aliter per cutis ſpiracula emittunt.

A R̃i. *Flor. ſulphur. drach. ij., mercur. rubr. præcipit. ſcrup. j., unguen. roſar. unc. ſi. M. pro linimento, ut m.*

Loco unguenti præfati addere poteris, aut oleum amygd. dulc., aut butyrum, aut ſevum. &c. ANI-

ANIMADVERSIONES AD THERAPEUTICEN SPECTANTES.

Improbatur eorum praxis, qui auxiliis exterioribus tantum scabiem subducere curant.

EX vulgo imperitorum quispiam scabiem ab acharis duntaxat fieri ratus, eam mundare confestim aggreditur per id, quod cuti extrinsecus admotum, acharos interficit. Iccirco sulphureis, aut mercurialibus inunctionibus scabiem brevi, tutò, ac blandè, etiamsi humores antea minimè correxerit, curare sibi suadet. Tales inunctiones profectò, nulum aliud quamvis chirurgiæ, aut pharmaciæ preceserit auxilium, scabiem omnino, & præsertim simplicem, plerumque subducunt. An tamen tutò id præstent, valde dubito; quum ex usu diutino percepimus, scabiem eà methodo, nescio an mundatam, an potius compressam, maximas, contumacissimas, & quam sapissimè lethales ægri tudines peperisse. Damus utique, scabiem non aliunde quandoque, quàm talium animalculorum, quæ cutem pungunt, mordicant, & circumrodunt, culpâ exoriri. At nihilominus, cute vitiatâ, quamocissimè ob labem ex cute contractam, universi viciantur humores; qui proinde, nisi tanquam per minima, ut ita dicam, cauteria in eadem cute hiantia, quotidie quodammodo repurgentur, magis, magisque subinde coinquinantur, ac partes nobiliores inficiunt. Hinc eorum praxin nunquam improbavimus, qui, antequam aut sulphurea, aut mercurialia, aut alia ejusmodi ad scabiem penitus eximendam cuti admoveant, eam cucurbitulis opportunè scarificare solent; quibus & sanguinem in cute stagnantem, & alios ex glandulis, tubulisque affectis, impuros extrahunt humores.

ANI-

ANIMADVERSIONES PATHOLOGICÆ.

N Il frequentius, neque injuriâ, tanquam morborum causas, quàm obstructions in Medicinâ criminamur. Enim verò, tubulis obstructis, solidæ tumescunt partes, præcipuè molles, inflammantur, suppurant, atque eroduntur. Hinc *tumores, inflammationes, erysipelata, abscessus, gangræna, sphaceli, ulcera, scirrhi, canceri*, & reliqua, quæ febres tum acutas, tum chronicas, necnon etiam alias, de quibus antehac verba fecimus, fovent ægitudines. *Obstructio*, sive *oppilatio* dicitur, quum fluidorum motus per meatus sive compressos, sive infarctos præpeditur; quæ, si stagnando adeo cumulentur, ut tubulos, in quibus stagnant, extendant, *tumores* faciunt. Insuper, si effervescendo partem affectam incendunt, eique unâ cum intenso calore ruborem impertiantur, inflammationem procreant; quæ, si prætermodum intumescat, calefiat, & rubore suffundatur, *erysipelata* dicitur. Præterea, si res in tumore ulterius procedant, & humores ibi stagnantes adeo immutentur, ut corrumpantur, & quodammodo putrescant, exoritur, aut *abscessus*, sive *apostema*; aut *gangræna*, sive *sphacelus*. Abscessus vocatur, ubi sanies, vel pus, vel ichor, vel altera, quævis materia a statu naturali plurimum recedens, quæ in parte affectâ colligitur, tubulis fractis, sinum sibi intus excavat, ibique cumulat. Hæc folliculo quandoque includitur, & pro diversitate materiæ inclusæ, diversas facit abscessus species: *atheroma* nempe, *meliceridem*, & *steatema*. Atheroma dicitur, quum materia in folliculo contenta speciem pultis referat; quum mellis, dicitur meliceris; quum

Exponamus
quid sit obstructio,
& quicquid ex iis
extare valeat in
corpore humano
vivente. Necnon etiam
improbarur eorum
opinio, qui febres omnes
vicio partium
solidarum peculiariter
exoriri credunt.

sevi, steatoma. Gangræna nuncupatur, ubi humorum pravitas eò devenerit, ut partem inflammatam omnino corruerit, quæ propterea ex nutritionis defectu emori cepit. Verum quum penitus emoriatur, tum propriè sphacelus vocatur. Ubi pus, aut sanies, aut ichor ibi confectus partes finitimas circumrodat, ulcus prognerat. Ulcera ratione tum puris, tum aliarum circumstantiarum, quæ ea comitari solent, distinguuntur in simplicia, saniosa, sordescencia, verminosa, cum ossium carie, cum carne luxuriante, ac fistulosa; de quibus universis chirurgiæ Scriptores consulito. Eresypela, aut *simplex* est, aut *complicatum*. Complicatum, quod dicitur *herpes*, vel *miliare* est, vel *exedens*, sive *serpigo*. Miliare nuncupatur, quod ob pustulas minimas in superficie dispersas exasperatur. Exedens appellatur, ubi pustulis ruptis, cutis altè exulceratur, & quum ulcera altiùs hæreant, & cutem quasi serpendo exedant, serpigo vocatur. Scirrhus dicitur tumor, quum durus est, renitens, atque indolens; qui proinde tum fit, quum humores in tubulis stagnantes, tenuioribus aut dissipatis, aut absumptis, aut alio quovis pacto dispersis particulis, ita concrescunt, ut substantiam duram efficiant; quæ quandoque salis ad instar caustici fusa, meatus continentes exedit, lacerat, dolorem infert acerrimum, & cancrum producit; qui profectò nihil aliud esse videtur, *quàm scirrhus cum dolore in parte affecta, ob materiam salsam, sive causticam, quæ in ichorem funditur erodentem, lacerantem*; quæ, tandem exulcerata, ulcus dat cancerosum. Si præterea os subjectum corrumpat, ulcus gignit cum carie; etenim ulcus cum carie nihil aliud est, præterquam ulcus partis duræ, unà et mollis, quum caries reverà ulcus partis duræ, hoc est

est ossium , dici possit . Affectionibus ejusmodi partes tum interiores, tum etiam exteriores, & viscera ipsa nobilia obnoxia sunt . Quin et pleraque incommoda, quibus ratione valetudinis vexamur in terris, per eas nobis parantur . Iccirco in morbis universis, sedulò, solerterque inquiramus, oportet , num ex prædictis partium solidarum vitiis extiterint . Non est tamen , quod singulas affectiones , & febres præsertim, omnes ex præfatis organorum læsionibus exoriri cum Diocle credamus (a) . *Non meno e' si scorge il modo del filosofare in conghietturando di Diocle da ciò, che egli dice appò Plutarco: cioè,, le cose, le,, quali a noi manifestamente si fan vedere, additano le nascose, poichè si vede la febbre colle febbre, rite colle infiammazioni, eco i gavaccioli accom-* *pagnarsi,, . Dal che certamente egli vuol cavare Diocle, che in quelle febbri, nelle quali nulla appare di fuori delle menzionate cose, sieno entro al corpo elleno, o altro simile, che colla febbre si accompagni.* Certum licèt sit, aut inflammatis, aut suppurantibus, aut exulceratis humani corporis partibus viventibus, febres passim æstare, ex eo tamen, ex nostrâ saltē sententiâ, febres universas, quæ in nobis fuscitantur, per id unicè excitari, falsò creditur . Plura, in Nosocomiis præsertim, ad explorandas febrium, quibus obierunt, causas, cadavera inscruimus, & frequentissimè vidimus, in acutis præcipuè, eorum partes solidas, usque ad minima, quantum sensibus assequi potuimus, perscrutati: eas, inquam, vidimus optimè constitutas, nullo vel minimo, aut inflammationis, aut abscessus, aut ulceris, aut tumoris vel minimi apparente indicio . Quamobrem, quum non implicet, vitio fluidorum,

Tom.III.

D d

par-

[2] Leonardo da Coqua ragionam. 5. pag. 124.

partibus solidis planè intactis, febres quandoque exoriri, & ex aliâ parte, quum sensibus minimè liqueat, eas solidorum læsione semper fieri, non video, cur id nihilominus audacter proferre debeamus.

ANIMADVERSIONES AD CHIRURGIAM SPECTANTES.

No-molla ad
Chirurgiam spe-
ctantia in gene-
re brevibus ex-
ponuntur.

Solidarum partium læsiones, aut vitia, quæ com-
pendio nuper contraximus, quum exteriora sint,
operam exigunt chirurgicam. Quum verò organa
intus infecerint, tum ad Medicum, qui interiora
ministrat, propriè spectare videntur. Quod ad chi-
rurgiam attinet, ne in partibus exterioribus obstru-
ctiones fiant, id maximè curandum. At quum factæ
fuerint, quantociùs eximendæ. Tumores, nisi cri-
ticè supervenerint, aut ad suppurationem inclina-
verint, maturè resolvantur. Inflammationes, eryspe-
lata, ut quum primùm id fieri possit, discutiantur.
In gangrænâ, sphaceloque, quicquid emortuum,
atque infectum est, a non infecto, confestim subdu-
cere expedit. Abscessus digerantur, maturentur,
opportunè aperiuntur, & mundificentur. Ulcera
detergantur. Scirrhus, nisi penitus extirpare po-
teris, quæso ne tangas, ne eos, medendo, irrites,
atque exulceres; scirrhus quippe canceris occultis
annumeramus, de quibus optimè Senex (a): *canceros
occultos habentes, melius est non curare. Curati enim
citò pereunt, non curati verò longius tempus perdu-
rant.* Atheromata, melicerides, steatomata, non-
nisi folliculum omnino subripias, unquam sanabis.
Id fermè de ulceribus tum cariosis, tum etiam fistu-
losis quotidie contigisse observavimus; quæ rectè
mi-

[a] Hipp. lib. 6. apb. 38.

minimè curantur, nisi ab iis priùs dilatatis, aut os infectum, aut callus, qui fistulam fovet, aut sanies in sinibus delitescens, penitus eximatur. Quapropter id præ cæteris adnotandum, aquam modicè tepentem, aut per fots, aut per balnea partibus affectis principiò admotam, brevì, blandè, ac tutò, experièntiâ teste, obstructions, tumores, inflammationes, ac erysipelata quam sapissimè discussisse. Si aquæ simplici aquam aut rosarum, aut florum sambuci, aut spiritum vini, aut modicum acetum, aut succum limonum, hisque similia per modum quasi poscæ quandoque adjicias, ejus vim discutientem non perperam acues. In contusionibus autem recentibus, ne vascula in cute laxata humorum affluxum excipiant, atque in tumorem attollantur, partem recens contusam vel in aquam frigidam illico infundito, vel eandem aquam frigidam ei statim inspergito; quæ tubulorum parietes, quos pridem ictus enervaverit, mox contrahit, qui, sese iccirco contrahendo, valvulis adjuvantibus, humores confluentes ulteriùs propellunt; efficiuntque, ne ibi diu stagnando, obstructionem, tumorem, atque inflammationem foveant. Adnotabis insuper, ulcera ut omnino sanentur, satis fore, modò tamen nullam pravitatem contraxerint humores, ut in meatibus affectis eorum motus jam præpeditus in pristinum restituatur; quòd, tubulos infarctos nisi planè recludas, minimè consequi poteris. Hinc ulcus identidem abluerè, ejusque cavum sedulò mundare, ac ab eo linimenta, unguenta, ac emplastra, quæ magis, magisque infarciunt, amovere, ad ulceris sanationem apprimè conducit. Enim verò vulnus recens inflictum, modò non sit complicatum, cicatricem brevì inducit, si, postquam sanguis debitè effluxerit, ejus labia cir-

cumligando, adamussim componas. Ea, ratione chirurgiæ, hic perfunctoriè duntaxat innuere placuit; quo pacto autem affectionibus hisce, & præcipuè quum interiores sint, præsidiiis medicis interioribus occurrere debeamus, id ex hæctenus dictis in capitibus præcedentibus abundè liquet.

ANIMADVERSIONES PATHOLOGICÆ.

Quid sint propriè sanies, pus, ac ichor.

Sanies, pus, ichor vulgò licèt confundantur, atque ad unum, idemque denotandum passim, usurpentur, inter se nihilominus distare quodammodo videntur. Sanguis enim, & frequentius succus alibilis, qui in parte vitiatâ corrumpitur, primum in saniem cedit, inde in pus, ac postremò, si ulterius depravetur, in ichorem funditur. Hinc sanies dici propriè deberet, ubi præternaturam, & sanguis, & succus alibilis fermentescentes corrumpi incipiunt. Ubi autem planè corrupti, atque omnino immutati, concretionem, odorem, & colorem non pravè suscipiunt, idest, ubi probè digeruntur, tunc pus constituunt, *optimæ* quod dicitur *indolis*. *Pravæ* indolis contra nuncupatur, quum ulterius indigesti, corrupti, & depravati, materiam procreant effœram, livescentem, ac luridam, necnon etiam quandoque cruentam, quæ malè olet; quæque, si adhuc magis corrumpatur, extenuetur, atque fundatur, serum acre, siue lympham non congruam, producit, quæ ichor propriè appellari poterit: *ichor tenuis, subalbidus ex malo ulcere exis* (a). Ichor saniosus, ac purulentus tamen, nec a sanguine, nec a succo alibili semper elicitur; verùm ab ipso sero, vel ab ipsâ lymphâ in ulcere corruptâ, vitiatâque,

inter-

[a] Celsus lib. v. cap. xxvj. sim. xx.

interdum progignitur. Id, ut quæ in præcedentibus animadverſionibus inuimus, luculentiùs intelligantur, breuiter hic protuliſſe iuvabit.

CAPUT V.

De Rheumatismo.

IN eâ agitudine, quæ temporibus noſtris *rheumatismus* paſſim vocatur, humani corporis membra viventia torpere ſolent univerſa, languere, doloribus modò vagis, modò permanentibus intimè quoque, ad oſſium veluti uſque ſubſtantiam, affici; qui quandoque et acerrimè ſuſcitantur, noctu præſertim inſeſti ut plurimùm, ſine tumore, & ſine inflammatione partis affectæ. His non rarò febris adijcitur, modò lenta, modò vehemens, quæ tamen procul ab omni certâ periodo plerùmque recurrit. Quocirca in eo morbigenere muſculos, glandulas, membranas per ambitum corporis, ac perioſteum, potiſſimùm affici non injuriâ rati, rheumatismum deſcribendo dicere poſſumus, *Affectionem eſſe, in quâ partes ſerè omnes exteriores, uſque ad oſſa, viſceribus ut plurimùm illæſis, humore quodam pravo inſiciuntur, qui nervos præcipuè lædit, dolorem proinde, languorem, torporem, necnon etiam febrem aut continuam, aut erraticam nonnunquam inducens.* De rheumatismo Riverius, Bonetus, Sydenham, alique Recentiores fuſè egerunt.

Deſcriptio.

Quicquid hætenus inuimus indicia, ex quibus an rheumatismo quiſpiam labore, deſumere debemus, abundè ſuppeditat. Id tamen advertito, ne aut arthritidem, aut luem celticam, aut quandoque incipientem ſcorbutum, pro ſimplici uſurpes rheu-

Diagnosis.

rheumatismo; quum singulæ prædictæ affectiones, sub specie levissimi quandoque rheumatismi, invadere consueverint.

Causa.

Quoniam, aut sudore intempestivè compresso, aut cute aliter stipatâ, dolores rheumatici artus crebrò corripuerunt, eos ut plurimum fieri autumabimus sero, sive limphâ quadam acri, ob expirationes præpeditas, intus in sanguine cumulatâ, ac per vasa ad partes exteriores effusâ, in quibus stagnans, fibras vellicet, eas contrahat, dolores excitet &c.

Prognosis.

Etiamsi rarò admodum vitæ inferat periculum, attamen ad menses, & annos non sine ingenti molestiâ perducitur, tum maximè, quum aut sine febre invaserit, aut febris temporis processu nequaquam succendatur, aut ex partibus affectis aliqua saltem non intumuerit. Si præposterè tractetur, aut exasperatur, aut humor peccans, a partibus extimis ad intima recedens, viscera lædit, eaque non rarò inflammat. Quapropter ex rheumatismo perperam curato, & apoplexiam interdum, & peripneumoniam, & phrenitidem, & asthma, & hydropem, & colicam, & nephritidem non semel extitisse et ipsi vidimus, atque ex aliis accepimus. Sudore, atque urinâ uberrimè profusis passim extenuatur; modò tamen, digestis, coctisque humoribus, sub morbi finem profluxerint; secùs enim potiùs invalescit.

Curatio.

Ut quamprimùm ea discutiatur ægritudo, vitæ, principiò saltem, perquam tenuis sit, oportet, humectans, concoctu facilis, succique optimi. Aer calidus potiùs, quàm frigidus confert. Laxa servetur alvus, eaque clysteribus modò emollientibus, modò abluentibus, rarò irritantibus, quam sæpius concitetur. Cutis blandè foveatur, atque oleo
sive

sive communi, sive amygdalarum dulcium, cui et spiritum vini, & modicum caphuræ addere poteris, manibus inunctis, leniter bis saltem in die defricetur. Oleum siquidem, ita præsertim medicatum, ac tenuissimè cuti superinductum ejus minimos meatus nequaquam infarcit, quinimmo et laxat, atque expirationes promovet. Diebus aliquot exactis, magis adhuc alvum solvere expedit; quam, quicquid alii unquam fecerint, & de fortioribus purgantibus scripserint, hisce in casibus aut oleo simplici, aut electuariis lenientibus, aut diatartaro Petri Castelli, aut syrupo rosato aureo, aut sero caprino medicato, hisque similibus, optimo cum successu laxare semper consuevimus. Oleum imprimis mirificè agit, quod & alvum unâ, & urinas, necnon etiam sudorem blandè interdum civit. Alvo ablutâ, ea, quæ & humores concretos discutunt, & sudorem, aut urinam leniter movent, propinari debent. In quem finem optima sunt sperma ceti, cæteraque omnia, quæ vulgò *antipleuristica* dicuntur, & de quibus plura jam ante diximus. Aqua tepens frigoribus, frigida æstivis caloribus, abundè epota, dolores pervicacissimos rheumaticos non semel evicit. Idem sero etiam caprilli, loco aquæ ad libras aliquot hausto, felicissimè præstitimus. Optimæ sunt decoctiones emollientes, necnon etiam antiscorbuticæ, item et antivenereæ, leniores tamen, simplici videlicet sarsâ parillâ, ligno saxafras, foliis cocleariæ, nasturtii aquatici, beccabungæ, florum hyperici paratæ; quæ humores crassos solvunt, diluuntque, eorum acorem cicurant, ac per sudorem, sive per urinam eos egerunt. Balinea, quum diu restiterit affectio, & præcipuè emollientia, non incassum adhibuimus. Hypocausta, vaporaria, eaque omnia, quæ

quæ sudorem per vim eliciunt , si semel unquam profuerint , centies porro noxam plurimam intulisse constat . Num venam solvere expediat , necne , id mox in animadversionibus discutiendum ducimus .

Historia IV.

Quicquid rheumatismo medendo præstare consuevimus , historiâ declaramus .

Irene Virgo quædam ingenua , annorum triginta circiter , non ex humili genere nata , Pedemontana , staturæ proceræ , gracilis potius , quàm pinguis , temperamenti sanguinei ad biliosum nonnihil inclinantis , mense Junio , tum quum Zagaroli , quod non procul ab Urbe sub jurisdictione hodie celebre oppidum Ducum inclytæ familiæ ROSPIGIOSI , rusticabatur , sudore , item et fluxibus consuetis intempestivè repressis , doloribus unâ cum febre rheumaticis ex improvîso tentata , medicamentum solvens ingessit ; quod , alvo solutâ , materiam plurimam ad dies aliquot egressit . Ex quo factum est , ut , doloribus exterioribus evanescentibus , humor peccans ex exterioribus ad interiora recedens , intus per organa effunderetur . Quamobrem eam primùm gravis spirandi labor , cui mox virium languor extremus accessit , opprimere cepit . Ter , & quater in die uberri-
mè sudabat , ac urinx ingentem non coctæ copiam , noctu præsertim , quam sæpius fundebat . Evidens indicium , labem maximam , quâ ipsi colliquecebant , humoribus jam subiisse . Febris in dies magis , magisque augebatur . Acriter sitiebat . Dies , noctesque , pervigil angebatur ; atque reliqua omnia symptomata adeo jam invaluerant , ut Irene brevi decessuram fore , unanimiter cuncti arbitrantur . Dies erat morbi septima , & adeo languebat Virgo , ut Medicinæ Professor , qui ex Urbe Zagarolum , ut
eam

eam inviseret, morbiq; naturam meliùs exploraret, unà et agrotanti medicis præfidiis opportuniùs prospiceret, se transtulit, nil aliud tum præstare potuerit, quàm virium, quod in eo tam deplorabili statu, modicum, supererat, victu tenui, eoq; idoneo sustinere. * Et quoniam Romam reverti obnixè agrotans efflagitabat, ut in suis adibus animam efflaret, vehiculo camerato, commodè, quantum fieri potuit, vecta, semianimis quasi, in proprium cubiculum sese tandem recepit. Hanc nos statim invisimus, & arterias explorantes, eas in carpo, temporibusq; micare vix percepimus. Iccirco, ad vires jam planè fractas excitandas, vini optimi haustus aliquot sorbillandos ei præbuimus. Exinde id conditi A cochleatim sumendum confecimus. Et, ut eodem victu, ut ante, tenui, ac congruo vesceretur, operam dedimus; qui nihil aliud erat, nisi jusculum ex carne pullorum, ac vitulinâ cum pane triticeo, ac ovorum vitello recenti confectum, digestum, expressumq; quo quater in die, horis congruis, parcè vescebatur. Interim, ut alvi profluvium, quod unà cum reliquis symptomatibus adhuc prosequeretur, quodammodo sisteretur, margaritas præparatas ad drachmas aliquot, & gelatinam cornu cervi cochleatim deglutiendam præscripsimus. At, omnia incassum cessisse observantes, die morbi duodecimâ circiter optimam cocholatam unà cum margaritis præparatis semel in die ei propinare cepimus; quâ utique resecta, sensim subinde meliùs se habere cognovimus. Enim verò non multum, postquàm chocolatam forbuerat, sopore ad horam,

Tom. III.

E e

& ul-

* Is fuit Kaymundus Trozzi Romanus Archiatro, unum in Urbe Collega noster, Chirurgus, atq; Anatomes in Archigymnasio Romano Professor eximius, ex Alumnis nostris, moribus, ingenio, & eruditione nemini equidem secundus.

& ultra placide tenebatur, atque expectata vires sibi nonnihil restaurari sentiebat, facilius respirabat, nec adeo, ut prius, prædictis infestabatur incommodis. Febris, quæ quotidie ad octavam, & decimam diem usque cum rigore sub vesperam redierat, omnino tandem evanuit. Restitit alvus, sudores licet, atque urinæ, ut antea profluerent; quod demum quoque compressimus usu primùm, quoniam plurimum sitiebat, aquæ nucerinæ abundè epotæ, mox lactis asinini; quod per dies triginta cum margaritis præparatis, ad uncias octo circiter, diluculo sorbuit. Hystoriam hanc sub finem capitis hujus exarare placuit, ut Medicinæ Tyrones, in talibus ægritudinibus, maximè in exordio, humores catharticus intus movere, quàm anceps sit, pernoscant.

A Rx. Consec. byac., & alkermes sine odore ana. drach. ij., ag. cinnum., flor. aurantior. ana. unc. j. M. f. cond. cochleatim sumendum ut m.

ANIMADVERSIONES PATHOLOGICÆ.

Discrimen, quod
interest inter ar-
thritidem, &
rheumatismum.

Discrimen, quod inter arthritidem, & rheumatismum interest, in eo potissimum consistere credimus, quod in arthritide periosseum imprimis afficiatur; cujus fibræ, quæ sensu pollent acerrimo, humore acri, qui ex minimis in articulis existentibus, uti diximus, insudat glandulis, acriter irritantur, quique interdum concresecens, aut abscessus, aut nodos tophaceos ingenerat. In rheumatismo muscoli potius, ac tendines, item et glandulæ, præsertim exteriores, morbosam sive feri, sive lymphæ, sive alterius cujusque pravi humoris colluviem excipiunt; quæ minimis, ut plurimum, meatibus excretoriis in cute stipatis, atque excretionibus con-

sue-

suetis immaturè compressis , in sanguine cumulatür . Humor peccans in doloribus rheumaticis : utpote crassior , minùs , quàm in arthritide , plerùnque affligit : utpote exterior , faciliùs item discutitur .

ANIMADVERSIONES AD THER. SPECT.

Sunt qui ad dolores rheumaticos protinus extenuandos , documentis præcticis Riverii , Willisii , Boneti , aliorumque , qui de iis non ita pridem scripserunt , confisi , aut alvum , aut vomitum , aut sudorem , vel in ipso morbi principio vehementer cingere aggrediuntur . Venamalii iterum , iterumque secando , in eundem finem , multam sanguinis copiam ad animi usque deliquium audacter educunt . Quicquid hisce in casibus cathartica fortiora agere unquam potuerint , historia præcedens satis , superque declarat . Ut intestinorum non minùs , quàm stomachi , si adsint , sordes , talibus doloribus laborantibus , citra noxam eluantur , aut oleum , ut jam innuimus , aut aliquod aliud lene solvens , incipiente morbo , propinavimus ; quo , & viscera præfata blandè exterlimus , & motum , quem organorum facultas versùs partes externas intentaverat , minimè perturbavimus . Sudorem autem , nisi humoribus benè coctis , subactisque spontè profluxerit , in rheumatismo plurimùm semper nocuisse observavimus ; quinimmo inter symptomata , quæ dolores ejusmodi primùm comitari solent , sudores uberri- mos , eosque quasi liquantes , fuisse percepimus ; quibus fufis , dolores ut plurimùm exasperantur . Dolores rheumaticos sudore compresso plerùnque fieri haud dubitavimus . Verùm recrementa , quæ per cutim sudore concreto obstructam , non ampliùs

Quid de cathartici , de sanguinis missione , necnon etiam de sudore per vim elicto in rheumatismo adhuc observamus .

egeruntur , ac proinde in sanguinem remeant , eundem sanguinem jam infecerunt; qui, & in musculos , & in tendines , & in glandulas nonnullas sese postmodum exonerat , & dolores prædictos incitat. Quo fit , ut sudor , qui subinde intempestivè , & per vim elicitur , & qui fortasse per meatus cutis non infarctos uberrimè tantùm depluit , lympham balsaminam tenuiorem ab eodem sanguine semper subripiat ; qui proinde adhuc ærior factus , acrius quoque partes vellicat affectas. Sanguinem ad animi usque deliquium imminuere , non modò in hoc , verùm etiam et in aliis univèrsis ægritudinibus rempericuli plenam semper existimavimus , quam proinde semper improbavimus . At quum sanguinis copiam exuberasse in rheumaticis cognovimus , eam , alvo leniter priùs ablutâ , moderatè subtrahere nunquam dubitavimus . Nihilo fecius et in eo cautè admodum incedendum ; siquidem cuidam non planè ignoto , quem dolores rheumatici , non ita pridem Romæ tentaverant , ut quum sanguinem imperitus quispiam eduxerit , articulorum doloribus planè deleris , pulmones illico adeo infecit , ut lethali æstuantepectoris inflammatione , propediem decedens , se missione sanguinis extinctum iri clamitando , conquereretur . At enim verò , ut quicquid in eo morbi genere , quem in publicis Nosocomiis non minùs , quàm in ædibus aliorum privatis , crebrò præ manibus habuimus , ad hoc temporis observavimus , ingenuè , ut nostri moris est , fateamur , proferre non dedignabimur : eos , quibus aut nihil prorsùs , aut nihil propemodum in rheumatismo fecimus , feliciùs ut plurimùm evasisse , quàm alii , quos validioribus Artis præsidiiis subjecimus . Quæ res porrò effecit , ut posterioribus annis ejusmodi ægrotantes tractando,

do, præter victum tenuem, & congruum, ac uberimas potiones ex aquâ vel simplici, vel per levem infusionem sarfæ parillæ, glycyrrhizæ, florum papaveris rhœados, hisque similium medicatas, nihil aliud præbere consueverimus; quo solo, temporis processu, sudores planè criticos optimo cum successu excitavimus.

ALIÆ ANIMADVERSIONES PATHOLOGICÆ.

Chylus, qui ab alimentis ingestis, concoctisque in cavo intestinorum educitur, per ductus lacteos, uti fusè ante diximus, in sanguinem sese immittit, ac per venam cavam in sinus cordis dexterus; unde per arteriam pneumonicam ad pulmones dirimitur; a quibus per venam pneumonicam in sinus ejusdem cordis sinistros reducitur; ut per aortam quaquaversum distribuatur. Chylus igitur in vasa, sanguifera recens infusus, fieri minimè poterit, quin sanguinem quodammodo tum oneret, eique impuritates quasdam impertiatur; qui propterea, nisi eas per glandulas sive pulmonum, sive cutis, sive renum, aliorumque viscerum opportunè dimittat, cerebrum primò, aliaque mox cerebro subjecta inficit organa, eam ægritudinis speciem inducens, quæ passim *catarrhus* vocitatur. Hinc in partibus supernis colligi catarrhum, ut exinde ad infernas deflueret, sibi suadebant Veteres; quem propterea describentes, *humorem effatum* esse protulerunt, *ob læsam cerebri coctionem genitum, ex capite ad partes subjectas defluentem, ob intemperiem, sive repletionem nimiam, facultatem expultricem irritantem*. Enim verò idem sonat catarrhus, ac *defluxus*, sive *distillatio*;

Quid sit catarrhus.

sto; provenit quippe a verbo græco, quod apud latinos *defluere* significat. Quamobrem tot species catarrhi diversas effecere, quot sunt loci, in quos humor peccans defluere potuit. Præcipuas tamen tres tantum iis constituere placuit, juxta vulgatos versiculos.

Si fluit ad pectus, dicatur Rheuma catarrhus.

Si ad fauces, Bronchus. Ad nares esto Coryza.

quibus et quartam adjicere potuissent, si rheumatismum aut nossent, aut saltem non neglexissent.

Verum ut rem luculentius exponamus, nihil aliud catarrhum esse dicendum existimamus, quam *lympham, sive serum quoddam, quod in partibus stagnet, concre scat, acris fiat, aut quolibet alio pacto depravetur*. Nil mirum itaque, quum cerebrum afficiat, ejusque membranas, si cephalalgiam, stuporem, & reliqua inducat. Quum nares, oculorumque globos, si gravedinem, crebram sternutationem, lacrymarum stillicidium, & cætera faciat. Quum fauces, bronchia, pectoris membranas, ac musculos, si raucedinem, tussim, spirandique laborem, ingeneret. Quum articulos, ac musculos universos &c., si rheumatismum procreet &c. Catarrhus levis tamen affectio sit, & plerumque citra periculum, in senibus tamen, ac male affectis, tum maxime, quum sæpè recurat, minimè spernendus; in quibus in apoplexiam, epilepsiam, paraly sin, asthma, pleuritidem, aliasque lethales affectiones cessisse sæpè vidimus. Febre superveniente non raro solvitur. Contra, & præsertim nullâ datâ occasione, si febre supervenerit catarrhus, pervicacior fit, neque omnino sine periculo. Catarrhus, qui non altas egerit radices solâ victus ratione sæpè solvitur, interdum etiam crapulâ, iis de causis, quas
ante

ante jam exposuimus. Verùm quum aut pervicax, aut perquàm molestus sit, tum cutim blandè defricando, eamque balneis modicè tepentibus fovendo discutitur. Si febris ardens cum imminentis viscerum inflammationis metu excitetur, tum sanguinis copiam imminuere expedit. Ubi non ritè respondeat alvus, eam clysteribus simplicibus, aut oleo ex amygdalis dulcibus recens, ac sine igne expresso, aut melle hispano cum aquà tepenti jejunis faucibus ingesto leniter incitabis. Cave tamen, & maxime principio, a purgantibus validioribus; quæ, ut et aliàs diximus, lympham tenuiorem, balsaminam educendo, catarrhum magis constipant, & fluxiones longè diuturniores faciunt. Cæterùm potiones vel ex aquà simplici tepentes, vel cum melle hispano immixtâ, vel per infusionem florum papaveris rhœados, glycyrrhizæ &c. medicatâ, optimæ sunt.

ALIÆ ANIMADVERSIONES PATHOLOGICÆ.

Quilibet capitis dolor interior, producatur is a catarrho, sive ab aliis tum interioribus, tum exterioribus causis foveatur, *cephalalgia* passim nuncupatur; quam nihilominus in *cephalalgiam propriè dictam, cephalæam, hemicraniam, & clavum* quadrifariam distinguere consueverunt. Cephalalgia propriè, saltem a quibusdâ, dolor dicitur capitis, qui nec diutinus sit, nec magnam capiti imbecillitatem moliatur, nec capitis partes valde afficiat. Non absimilem cephalalgiam inferre solent crapula, vehemens insolatio, febris ardens, ingens corporis defatigatio, lucubrationes diutinæ, & reliqua. Vocatur cephalæa, ubi capitis dolor diuturnior sit, &

Quid sit, & quomodo solvatur cephalalgia.

ca-

capitis organa vehementer adeo defatiget, ut qui eo laborat, nec voces, nec sonos, quinimmo et lucem ipsam tolerare vix queat. Hemicrania tum appellatur, quum dolor alterutram capitis partem vel dexteram, vel sinistram, vel anticam, vel posticam tantum affligat. Clavus dicitur, quum dolor aliquam capitis partem, quod præsertim in temporibus contingere solet, perquam acutus, & veluti infixus excruciat. Singulæ cephalalgia species, & *per essentiam*, & *per consensum* extare possunt. Modò ob membranarum irritationem, modò ob validam vasorum extensionem suscitantur. Per essentiam fiunt tum, quum humor peccans agit in eadem parte affectâ. Quum verò capitis membranæ, irritatis nervorum staminibus in visceribus capitis subjectis, afficiuntur, tum per consensum inducitur. Si humor peccans vel proximè, vel remotè præfatas capitis membranas laceffit, dolor, qui exoritur, esse solet acutus. Contra quum humor in tubulis aut stagnans, aut effervescens, aut redundans eos prætermo- dum extendit, dolor, qui tum elicitur, obtusus fit, & *gravedo* propriè nuncupatur. De cephalalgia, ratione præsertim prognosis, hæc tradidit Senex. Si verò æstas sicca fuerit, & Aquilonia, Autumnus verò pluviosus, & Australis, dolores capitis ad hyemem fiunt, & tusses, raucedines, atque gravedines, quibusdam autem, & tabes (a). Caput dolenti, & circumdolenti, pus, vel aqua, vel sanguis affluens per nares, aut os, aut aures, morbum solvit (b). Quicumque sani dolore capitis repente capiuntur, & statim muti fiunt, & stertunt, in septem diebus pereunt, nisi febris apprehenderit (c). Quibus urina perturbata, quales sunt jumentorum, his dolor capitis vel adest

[a] Hipp. sect. 3. aph. 13. [b] Sect. 6. aph. 10. [c] Sect. 6. aph. 5.

adeſt vel aderit [a]. Ad hæc adnotandum eſt quoque, cephalæam inveteratam, quæ quotidie immaniter excruciat, & ſomnum adimit, periculo nequaquam vacare. Si vertigines, aliasque ſenſuum commites habeat perturbationes, ſurditatem minuitur, cæcitatem, apoplexiam, epilepſiam, paralyſin, & ut ſpasmus. Simpatherica, ea maximè, quam ventriculi, ſive inteſtinorum ſordes procreant, vomitu, alvique profluviò brevè ut plurimum ſedatur. Si ex nimia fiat ſanguinis copiâ, ſanguis, qui aut ex naribus, aut ex hæmorrhoidibus, & in ſceminis a pubertate ad ſenium ex pudendis, ſponte profluit, interdum ſubducit. Cephalalgia, quum alias affectiones, tanquam ſymptoma, penè ſemper vel anteire, vel comitari, vel inſequi ſoleat, iis præcipuè occurrendum videtur. Veruntamen, ſi plethora eam faciat, vena iterum, iterumque, ſi opus fuerit, ſolvatur. Si per inædiam, quod non rarò accidit; torqueat, tum edendo, tum chocolatam, tum aliquid aliud in reſectionem ſorbendo, conſeſſim extenuatur. Si ob crapulam, aut vomitus, aut alvus, aut utrumque, blandè tamen, citatum eam adimit. Si ob humores craſſos in partibus ſupernis concretos, ſotibus, & balneis ſolvantur; quinimmo, et ubi ex eadem cauſâ pervicax adhuc reſiſtetur cephalalgia, ſinapiſmata, & veſicantia, partibus primò infernis, mox cervici appoſita, eam diſcutiunt. At quum dolor capitis perquam acutus ægrotantem adeo infeſtet, ut quieſcere nequeat, blandè ſoporifera opportunè propinare nequaquam omittas.

ALIÆ ANIMADVERSIONES PATHOLOGICÆ.

Quid sit mor-
borum complica-
tio.

SÆpè numero contingit, ut quum ægritudo cor-
pus humanum vivens affligit, & altera ei ægri-
tudo, & etiam plures quandoque adjiciantur. Quo
in casu eas procreant affectiones, quæ *complicata*, a
Clynicis nuncupantur. Ubi ægritudines, quæ in-
uno, eodemque subiecto congregantur ejusdem sint
naturæ, atque eadem exigant præsidia, complica-
tio morborum dicitur *uniformis*, sive *ejusdem gene-
ris*. Contra *diversi generis*, & ex morbis *contra in-
dicantibus* consurgens vocitatur. Ejusmodi ægri-
tudo & perquam molestæ, & longè majus semper
habere solent periculi, nec non etiam difficilius,
quàm simplices curantur. Et quò complicatio ma-
jor est, eò peiores sunt. Pessimæ autem, quæ *con-
traindicantibus* complicantur; in quibus utique ad
id, quod magis urget, curando, mentem profectò Cli-
nicus primùm intendere debet.

Historia V.

Stragoniæ brevis
historia, quæ si-
ne gravi incom-
modo diu per-
vicax fuit.

DUm volumina hæc nostra Typis publicæ utili-
tati excuduntur, id equidem insolens, sub
finem impressionis, contigit, quod morborum, qui
urinæ consuetam lædunt excretionem, historiis an-
numerari mœretur. Cræso viro cuidam perquam
illustri, atque, ob spectatam præcipuè probitatem,
plurimum in Urbe noto, sexagenario, flantibus Au-
stris, ac aere, ob ingentem; & quasi perennem im-
brium copiam, ferè semper udo, urina, postquam
cutis levi refrixerat, sub finem Mensis Decembris,
ex

ex improvifo penitus fupprimitur . Ea fuppreffio ad diem decimam feftam pervicax planè extiterat , nifi quodd ad guttas aliquot prioribus diebus , aut bis , aut ter in die ; & die nonâ fub vefperam , necnon etiam per noctem variis vicibus ; ad libras plures urinam egeffiffet . Vefica , quæ , quantum ex indiciiis omnibus deprehendebatur , optimè fe habebat , fufpicionem fecit , ftranguriam in Cræfo vitio renum , produci ; eoque magis , quia in latere dextero , leniter licèt , identidem tamen gravari conquerebatur . Ceterùm , nec febriebat , nec difficile refpirabat , nec fitiebat , nec cibos naufeabundus faftidiebat ; quinimmo in reliquis optimè fe habens , non aliunde , nifi quodd non mingeret , fe ægrotare ostendebat . In eo ftatu Januario Jannello Collegæ noftro , ac Praxis Medicæ cultori celeberrimo Cræfus tractandum fefe commiffit ; cui & nos , & perquam Illuftris Joannes Baptifta Nucherini unus ex Archiatris pontificiis in confultationibus quotidie accessimus . Cræfus erat fortis , mediocris ftaturæ , benè valens , vegetus , habitus melancholici , neque aliam caufam talis affectionis adducebât , nifi frigus quoddam , quod cutem extrinfecus ante ftipaverat , & cœparum , quas tamen non immodicè ingefferat , vim diureticam , fundentemque . Arterias in carpò , morbi principio vehementer aliquantulum ei micare percepimus , quod exuberantis fanguinis indicium nobis fecit . Hinc alvo leniter extersâ , vena priùs in pede , mox in brachio , ac tandem in ano , eoquodd hæmorrhoides intumuerant , alternis diebus foluta fuit . Quæ res effecit , ut pulfus , fanguine imminuto , fefe ftatim explicuiffet , unâ et mollior evafiffet . Nihilo fecius urinæ interceptio contumax adhuc profequebatur ; quamobrem , & oleum amygdalarum dulcium recens

cum sale tartari, & emulsiões ex seminibus violarum in aquis diureticis, & varia enemata, & juscula emollientia, & decoctiones ex baccis juniperinis paratas, & succum ex parietariâ recens expressum, cum tincturâ violarum, & millepedes in pollinem redactos, & fatus, & balinea, & reliqua ejusmodi propinavimus, indidimus, & adhibuimus. At planè ad diem usque nonam incassum omnia cefferunt. Sub finem autem diei nonæ, vomitu prævio, urinæ prope modum naturalis copiam ad libras plures, per varias vices, excrevit. Inde autem adeo restitit, ut ne guttulam quidem per alios dies septem integros unquam emisserit. Qua de re, ut serum urinosum in vasis intus redundans per intestina quodammodo subduceretur, syrupum florum persicorum ad uncias quatuor cum aquâ tetutianâ ad libras quatuor per vires mox sumendâ, præscripsimus. Syrupus alvum pluries antea concitavit, vomitum subinde movit. At nihilominus nondum mingebat Cræsus. Quapropter sub vesperam ejusdem diei, quæ fuit morbi decima septima, ex communi consilio terebinthinæ cypriæ drachmas aliquot cum sale quodam, quod Romæ *ulmi* dicitur, ac pulvere millepedum in bolos redactas ingessit, cui superbibit emulsiõnem ex seminibus melonum in aquâ communi expressam. Non multum post liberè mingere cepit. Urina, quam excrevit, nihil ferè præter naturam, paucis quibusdam arenulis exceptis, prætulit; tametsi postmodum plures calculos parvæ quidem molis, qui nullam unquam gravem ei molestiam intulerant, placidissimè exclusit.

Sal præfatum, ideo *ulmi* nuncupatur, quia nihil aliud est, quàm sal marinum in ligno, aut in cortice ulmi viride combustum, sive crematum, &

ut

ut cum Chymicis loquar, potiùs *decrepitatum*; cui vim maximam diureticam nonnulli, quamvis fortasse iniquè, adscribunt,

F I N I S.



IN.

INDEX RERUM. ET VERBORUM.

A

A Bortus quid, ejusque descriptio. pag. 97. Quomodo differat a vero partu. 98. Imminens quomodo dignoscatur. *ibid*. Ejus causa. 99. Quid præstandum in curatione.

100.

Abortientes quomodo, & quando periclitari possunt. 99.

Abortum nil satius prohibet, quam opportuna sanguinis missio. 100.

Abscessus quid. 207.

Adnata, sive conjunctiva oculorum tunica quid. 5. Ejus morbi:

Ophthalmia 10. Pterygium.

13. Pannus. *ibid*.

Affinitas inter fætum, & prægnantem unde proveniat. 96.

Allantoïdes quid. 85.

Amaurosis. Vide Gutta serena.

Amnion quid. 84.

Anasarca quid. 168.

Apbonia quid. 32.

Apþhe quid, earumque curatione. 142.

Aposþema quid, ejusque variae species 207.

Aquaductus Fallopii in Auribus quid, ejusque usus. 20.

Arteria spermatica quid. 35.

Arthritis quid, & quomodo differat a rheumatismo. 18.

Ascites quid. 175.

Atrophia quid. 179. Ejus curatione. 180.

Aures quid propriè, earumque partes exteriores. 17. Interiores. 18. Eorum vasa, & usus. 20. Enumerantur eorum variae affectiones. 21.

Auricula quid propriè. 17. Earumque partes. 18. Earum usus. *ibid*.

B

B Lastas quid. 32.

Bulbus, sive Gemma oculorum quid, ejusque partes. 5. Vide Oculus.

C

C Achexia quid. 174.

Cachexiam quomodo aliquando subducatur sanguinis missio. 83. Ca-

Cacoehymia quid . [174.](#)
Calx ferri quid . [80.](#)
Cancer quid . [208.](#)
Cantbi oculorum quibus affectio-
 nibus sint obnoxij . [16.](#)
Caruncula myrtiformes quid ,
 earumque descriptio . [58.](#)
Cataracta , sive suffusio quid .
 15.
Catarrhus quid , ejusque definitio .
 221. *Varia* ejus species , & de-
 nominationes . 222.
Cephalalgia quid , & quomodo
 solvatur . [223.](#) Ejus varia
 species . [224.](#)
Chiragra quid . [180.](#)
Chirurgica animadversiones , ra-
 tione tumorum , abscessuum ,
 externarumque inflammatio-
 num . 210.
Chlorosis quid , ejusque definitio ,
 & varia denominationes . [76.](#)
 Ejus diagnosi . *ibid.* [Causa](#) . [77.](#)
 Prognosis , & Curatio . *ibid.*
Chorion quid . [84.](#)
Circocoele quid , ejusque descri-
 ptio . 53.
Claustum veneris an reperiatur
 in foeminis . [59.](#)
Clitoris quid . [56.](#)
Colostrum quid , variaeque ejus de-
 nominationes . 122.
Conceptio quid propriè . [91.](#) Ve-
 terum sententiae circa conceptio-
 nis modum . *ibid.* Recentiorum ,

92.
Ovaristarum . [93.](#) *Quomodo* pe-
 nes Ovaristas contingat incre-
 mentum , & ortum infantis .
[94.](#)
Contusiones aqua frigida insper-
 gendae . [211.](#)
Cornea , sive sclerotis quid . 5.
 Ejus morbi : crassities , nebula ,
 albugo , pustula , & hypopion
 quid . [13.](#)
Corpora pampiniformia , sive py-
 ramidalia quid . [36.](#)
Cremafteres musculi quid . 37.
Crocus martis aperiens quid , &
 quomodo eliciatur . [81.](#)
Crocus martis adstringens quid ,
 & quo pacto paretur . [82.](#) Ejus
 dosis , & usus [83.](#)

D

D *Artus in scroto* quid . [43.](#)
Dentes quare infantibus
 semel excisi iterum renascan-
 tur . [137.](#) Senescentibus quare
 excidant . *ibid.*
Dentitio difficilis quid propriè ,
 ejusque definitio . [134.](#) Ejus
 differentia , & diagnosi . *ibid.*
 Causa , & prognosis . [135.](#) Cu-
 ratio . [136.](#)

Etc

E

- E** *Lepanthiasis* quid . [204.](#)
Ejus curatio . [205.](#)
Epilidides quid . [36.](#)
Epilepsia infantum quid , & quomodo curetur . [138.](#)
Erysipela quid . [207.](#) *Ejus variae species* . [208.](#)

F

- F** *Ebris alba mulierum* quid . [76.](#)
Fobres , *ceterasque affectiones* , *solidarum partium vitio semper exoriri* , *falsum* . [209.](#)
Ferrum quid *praestet in usu medico* , & *quomodo propinetur* . [82.](#)
Magis idoneum est in usu medico , *quam chalybs* , & *quare* . [83.](#)
Fistula lacrymalis quid . [16.](#)
Fluor mulierum albus quid *proprie* , *eiusque descriptio* . [70.](#) *distinguitur in benignum* , & *malignum* . *ibid.* *Ejus causa* , *prognosis* , & *curatio* . [71.](#)
Fœtus , *eiusque partium anatomies* . [84.](#) *Quomodo nutriatur in utero* . [86.](#) *Quomodo in utero vivat* . [88.](#) *Foramina peculiaria ejus corculi* . [87.](#) *Hi* , *respirante fœtu* , *occluduntur* , & *quare* .

[88.](#) *Ejus sanguinis circulatio* . [87.](#)

Fœtus quomodo excludatur in puerperio . [89.](#) *Quo pacto pariundi nifus provocet* . [90.](#) *Quare nascendo caput edat prius* . [95.](#)

Fœtus in utero mortuus qualia præbeat indicia . [113.](#) *Quomodo in hoc casu ei occurrendum* . [114.](#)

Foramen ovale fœtus quid . [87.](#)

Funiculus , *sive ligamentum umbilicale fœtus* quid . [85.](#) *Nervos utrum habeat* . [86.](#)

Furor uterinus , *quid* , *eiusque descriptio* , & *curatio* . [75.](#)

G

- G** *Angræna* quid . [208.](#)
Generatio . Vide *Conceptio* .
Glandula lacrymales quid , *earumque vascula excretoria* . [4.](#)
Glandula salivales quid , *earumque situs* . [30.](#) *Earum usus* . [31.](#)
Glandula maxillares quid . [31.](#)
Earum structura , *situs* , & *usus* . *ibid.*
Glandula sublinguales quid , *earumque descriptio* , & *usus* . [31.](#)
Glandula vaginae uteri quid , *earumque descriptio* . [57.](#)

Go-

Gonagra quid. 180.
Gonorrho ea quid, ejusque definitio, & diagnosi. 43. dividitur in veram, & notham. 44. Vera causa, & prognos. ibid. Curatio. 45.
Gonorrhœ benigne symptomata quid. 45.
Gonorrhœ notha, sive spuria quid, ejusque definitio, & diagnosi. 47. Causa. 48. Prognosis. 49. Curatio. ibid.
Gonorrhœ eam erodentibus medicamentis curare, pessimum. 52. In exordio nunquam sistenda, & quare. 53.
Gonorrhœ muliebri quid propriè, ejusque descriptio. 72. Quomodo curetur. ibid.
Granum hordeaceum quid, ejusque descriptio. 38.
Gutta serena quid. 16.
Gummata gallica quid, & quomodo curari debent. 195.

H

H *Ernia* quid, ejusque varia species. 54.
Herpes miliare, & serpigo quid. 207.
Hydrocele quid, ejusque descriptio. 53.
Hydrocephalus quid. 175.
Hydrops quid, ejusque definitio.

167. Causa. 168. Prognosis. 169. Curatio. ibid.
Hydropicorum sitis expleri nequit, & quare. 172.
Hydropicis medicamentis exiccantibus occurrere reprobat. 173. Paracentesis utrum conferat. 174.
Hydropem vini abusus excitat. 174.
Hydrops pectoris, aut pulmonum quid. 176.
Hypenemia quid. 101.
Hysterica passio quid, ejusque descriptio, & varia denominationes. 72. Ejus diagnosi. 73. Prognosis, & Curatio. 74.

I

I *Chor* quid propriè. 212.
Icterus quid. 175.
Impotentia virilis quid, ejusque causa. 54.
Inflammati quid propriè. 207.
Intertrigo quid, ejusque curatio. 145.
Isebiades quid. 180.
Ischiade affectis luxatur quandoque caput femoris, & quare. 183. Partem affectam inurere quid præset. 184.

Gg

Lae

L

L Acquare sub finem gestationis augeatur in mammis.

118. Quomodo dignoscatur, an proli optimè nutrienda sit id oncum. 124. Quales exigit conditiones. ibid.

Lactumen quid, & quomodo infantibus accidas. 144.

Lacuna quid. 57.

Lepra quid, ejusque species. 204. Ejus curatio. 205.

Lingua quid propriè, ejusque descriptio. 26. Ejus frenulum, & membrana præcipua. 27.

Ejus substantia interior. ibid.

Ejus muscoli peculiare. 28. Eorum nomina propria, & munus. 29. Ejus usus. ibid.

Linguae affectiones variae: frænum, ranula, fissura, aphonia, blafitas. 32.

Lipodermus quid. 45.

Lochia quid propriè. 90. Eorum excretionis modus, & tempus in puerperio. 91. Excretionis necessitas unde. ibid. Prætermodum fluentia quomodo sistenda. 111. Si immaturè sistantur, quomodo revocanda. 112.

Lues venerea quid, ejusque definitio, & variae denominationes. 186. Ejus diagnosi, &

causa. 187. Prognosis. ibid. Curatio. 188. De hypochondriasis, quæ sudorem eliciunt quid credendum. 194.

M

M Amma quid propriè, earumque descriptio. 114.

Earum papilla, & areola quid.

115. Earum vasa sanguifera.

ibid. Nervi, ductus lymphatici, & adiposi. 116. Ductus lactei. 117. Earum usus. ibid.

Mammarum affectionibus in puerperio quomodo occurrendum. 112.

Mars quid propriè, & quid præstet in usu medico. 80. Ejus crocus, & varia præparationes. ibid. Aperiens quid. 81. Ejus dos. ibid.

Meatus auditorius quid, ejusque situs. 18.

Meconium quid, ejusque descriptio. 120. Quomodo Infantes ladere possit. ibid.

Meconij retenti in Infantibus signa. 121. Quid respiciendum in curatione. ibid.

Meconium quare congregatur in visceribus fatus. 122.

Mensum defectus, imminutio, & suppressio quid. 64. Ejus diagnosi, & causa. ibid. Prognosis.

INDEX RERUM.

235

fis. 65. Curatio . 66. Plurimum confert mel hispanum, & quomodo propinandum . ibid.
Mensum fluxus immodicus quid, & quomodo sistendus . 68.
Mercurius quid, ejusque usus . 192. Quid praevenendum antequam propinetur . 193.
Mula quid proprie, ejusque descriptio . 101. Diagnofis. ibid. Quomodo differat a vera conceptione . 102. Causa, & prognofis . ibid. Curatio . 103. Dum adhuc in utero exiftis difficile dignofcitur . ibid.
Morbi quomodo differant inter fe, eorumque complicatio . 226.
Morbilli quid, eorumque definitio . 151. Diagnofis . 152. Causa . 153. Prognofis . 154. Curatio . 155.
Morbillis quare femel in vita ut plurimum corripiuntur homines . 162.

N

Narium affectiones praecipuae: *sarcoma, polypus, verruca, zena, coriza . 25. & feque.*
Nasus quid proprie, ejusque descriptio . 22. Ejus partes exteriores. ibid. Ejus membrana interior . 23. Ejus caro papillaris .

ibid. Ejus meatus in fauces . ibid. In oculus . ibid. Ejus musculi . 24. Ejus vasa, & nervi olfactores . ibid. Ejus usus . 25.
Nutricem commutare, ut melius lactetur infans, res est plena periculi . 126.
Nutrix, ut infantem probe lactare queat quid requiritur . 124. Si lactando agrotare incipiat quid praestandum . 125.
Nympha pudendi muliebris quid . 56. Earum usus . 57.

O

Obftructiones quid . 207.
Oculi quid, eorumque partes exteriores . 2.
Oculorum palpebrae, & cantbi quid . 3. cilium . 4. Puncta, & glandula lacrymales . ibid. Globas, five gemmae . 5. Ejus vasa . 9. Ejus membranae . 5. A nervo optico explicantur . 6. Eorum humores . 7. Eorum musculi sex, & nomina propria . 8. Eorum uligo pinguis unde proveniat . 9. Eorum usus ibid. Eorum affectiones . 10.
Ophthalmia quid, ejusque definitio, & diagnofis . 10. causa ibid. Prognofis, & Curatio . 11. Sanguis in ophthalmia ex

quid

Gg 2

quâ parte educendus . 12.
Oscitatio quid , & quomodo pro-
ducatur in corpore humano .

164.

Officula auditus quid , eorum-
que numerus , nomina , situs ,
& usus . 19.

Quaria Mulierum . Vide Testes.

P

P *Alpebræ quid , earumque mu-*
sculus elevatur . 3. *Orbicu-*
laris . 4. *Earum puncta lacry-*
malia ibid. Earum vasa . ibid.
Vfus . 5.

Pandiculatio quid , & quomodo
excitetur in corpore humano .

164.

Paraphimosis quid . 55.

Parastata . Vide Epididymes.

Parotides quid . 30. *Earum stru-*
ctura , situs , & usus . ibid.

Partus quid , ejusque causa . 69.
Septimestris habet ut plurimum
imperfectionis notas , & quare .
ibid.

Partus difficilis quid , ejusque defi-
nitio . 104. *Difficilem futurum*
qualia indicent . ibid. Causa
ibid. Prognosis , & curatio .
105.

Pediculatio quid , & quomodo cu-
retur . 165.

Penis quid . 39. *Ejus corpora ner-*

vosâ ibid. Ejus septum , & glans
quid . 40.

Penis vasa . 41. *Ejus musculi . ibid.*
Quo pacto intenditur , atque
erigitur . 42.

Penis affectiones exteriores quid ,
earumque varia species . 55.

Penis inflatio morboſa quid . 55.
Ejus verrucæ . ibid.

Phimosis quid . 55.

Placenta quid , ejusque descri-
ptio . 84. 86. *Quomodo paula-*
tim ab utero excidat sub finem
gestationis . 95.

Plethora quid . 174.

Plexus retiformis uteri quid , eo-
rumque descriptio . 58.

Podagra quid , ejusque descriptio .
180. *Ejus varia species . ibid.*

Diagnosis . 181. *Causa , & pro-*
gnosis . ibid. Curatio . 182.

Podagræ obnoxia eſt mulier , licet
non deficiant menses . 185.

Improbatur usus aquæ frigida
pro podagrâ eximendâ . 186.

Pollutio nocturna quid . 46.

Preputium quid . 39.

Proſtata quid . 38. *Earum usus .*
39.

Priapismus quid . 46.

Pſora quid , ejusque curatio .
204.

Pudendum muliebri quid , ejusque
partes . 56.

Puerpera quomodo tractandæ ab
obſte-

obstetrice in puerperio . 109.
Puerperarum victus qualis esse
debet . 110.

Pupilla quid . 5. Ejus affectiones:
procidentia , dilatatio , angu-
stia , & suffusio quid . 14.

Pus quid propriè . 212.

R

Rachitis quid , ejusque defi-
nitio . 146. Ejus diagnosi,
& causa . *ibid.* Prognosis , &
curatio . 147. Quare ossa in
rachitide incurvantur . 150.

Rheumatismus quid , ejusque des-
criptio . 213. Ejus diagnosi . *ibid.*
Causa , & prognosis . 214. Cu-
ratio . 215. Quomodo differat
ab artbritide . 218.

Rheumatismo an conferant ca-
thartica , sanguinis missio , &
diuretica . 219.

S

Sanies quid propriè . 212.

Sarcocoele quid , ejusque des-
criptio . 53.

Satyrasis quid . 46.

Sarsa parilla quid , ejusque usus .
191.

Scabies quid , ejusque varie spe-
cies . 204. quomodo curari de-
bet . 205. Vngentum peculiare

proscabie evincendâ . *ibid.*

Scabiem praesidiis tantum exterio-
ribus curare , improbat .
206.

Scorbutus quid , ejusque definitio .
196. Quomodo ab Hippocrate
vocitetur . *ibid.* Ejus diagnosi,
& causa . 197. Prognosis , &
Curatio . 198.

Scirrhus quid . 208.

Scrotum quid propriè . 43. Ejus
datus quid . 43. Ejus usus .
ibid.

Secundina quid propriè . 90. Qua-
re id nominis habeant . *ibid.*

Sensus omnes specie quadam ta-
ctus excitantur . 29.

Sperma quid . 37.

Sphacelus quid . 208.

Sterilitas quid , & unde prove-
niat . 97.

Sternutatio quid , & quomodo ex-
citetur in corpore humano . 163.

Suffocatio uterina quid , ejusque
descriptio . 75.

T

Testes quid propriè , eorum-
que descriptio . 34. Eorum
structura . *ibid.* Eorum tunica
interiores , & exteriores . 35.
Vasa . *ibid.* Nervi , & ductus
seminales . 36. Usus . 37.

Testes mulierum quid propriè , eo-
rum.

rumque descriptio. [62.](#) *Eorum vasa, sive corpora pampiniformia.* [63.](#) *Tuba Falloppiana, sive oviductus.* *ibid.*
Tophi articularum in podagrâ unde proveniant. [183.](#)
Tonsillæ, sive amygdalæ quid. [31.](#) *Earum structura, situs, & usus* *ibid.*
Tuba Eustachii in auribus quid, ejusque situs. [20.](#)
Tubus arteriosus fœtus quid. [87.](#)
Tussis ferina quid, ejusque curatio. [141.](#)
Tympanites quid, ejusque descriptio, & curatio. [178.](#)
Tympanus auditorius quid, ejusque membrana, & situs. [18.](#)

V

V *Ariolæ quid, earumque definitio.* [151.](#) *Diagnos.* [152.](#) *Causa* [153.](#) *Prognosis.* [154.](#) *Curatio.* [155.](#) *Quo tempore periculosa, & majoris afflictionis sunt.* [159.](#) *Alvum ciere non semper improbat.* [160.](#)
Cutis scarificatio falsum est, quod eas foras extrudat. *ibid.*
Cubiculus nimis calidus eis potius efficit. *ibid.*
Variolarum pustulæ acui pungentes, & in quo casu. [162.](#)
Variolis quare semel ut plurimum

tensamur. [162.](#)
Vas deferens quid. [36.](#)
Vasa umbilicalia fœtus quid. [85.](#)
Quomodo recidenda, & liganda in fœtu in lucem edito. [123.](#)
Vena ranina. quid. [28.](#)
Vermes in corpore humano quomodo exoriantur. [132.](#)
Quid de hac re crediderint Veteres. [133.](#)
Verminatio quid, ejusque definitio. [127.](#) *Diagnos.* *ibid.* *Causa, & prognos.* [128.](#) *Curatio.* [129.](#)
Verrucæ penis quid. [55.](#)
Vesiculæ seminales quid propriè, earumque descriptio. [37.](#) *Eorum usus* [39.](#)
Vipera ejusque caro quomodo adhibenda in usu medico. [201.](#) *Quomodo mordendo venenum immittat.* [202.](#) *Formula, quibus præscribitur in Clinice.* [203.](#)
Ejus abusus valdè nocet, & quare. *ibid.*

U

U *Bera maximum habent consortium cum utero.* [69.](#)
Earum morbi. [112.](#)
Ulcus quid, propriè. [208.](#)
Ulcus cum carie quid. [208.](#)
Urachus quid. [85.](#)
Urethra quid propriè, ejusque de-

descriptio . [41.](#)
*Urethra faminarum quid, ejusque
 situs* . [57.](#)
*Uterus quid propriè, ejusque des-
 criptio* . [59.](#) *Ejus usus, & si-
 tus* *ibid.* *Ejus ligamenta qua-
 tuor* . [60.](#) *Eorum nomina propria,
 & situs* . [61.](#)
Uteri substantia, & textura . [60.](#)
Ejus capacitas . *ibid.* *Ejus vasa*

peculiaria . [61.](#) *Ejus usus practi-
 cuum* . [62.](#)
*Uteri vagina quid, ejusque des-
 criptio* . [57.](#) *Ejus sphincter* . *ibid.*
Glandula . *ibid.* *Usus* . [59.](#)
*Uvula quid, ejusque varia deno-
 minationes* . [31.](#) *Ejus substan-
 tia, situs, & usus* . [32.](#) *Ejus
 musculi peristaphylini quid* . [32.](#)
Eorum usus . *ibid.*

FINIS LIBRI TERTII.



—



